

5.17.Pl.6.



- ARA 2526










**V E R I T A S**  
**RELIGIONIS CHRISTIANÆ.**



# VERITAS RELIGIONIS CHRISTIANÆ

CONTRA

*Atheos Polytheos Idololatrias Mahometanos  
& Judæos*

**Ex Devictis Hæresibus directè ejus Veritatem  
impugnantibus**

DEMONSTRATA

PER

**FR. VINCENTIUM LUDOVICUM GOTTI**

ORDINIS PRÆDICATORUM

In Bononiensi Universitate Controversiarum Fidei Professore

**NUNC**

S. R. E. CARDINALEM.

**TOMUS VII.**

PARS V. ET ULTIMA.

**De Hæresibus præsentis temporis.**



**ROMÆ, Typis Bernabò, & Lazzarini, MDCCCLX.**

**SUPERIORUM PERMISSU.**

THE  
JOURNAL OF THE  
ROYAL ANTHROPOLOGICAL INSTITUTE  
VOLUME 10  
PART 1  
1980

CONTENTS

1. *Human evolution and the fossil record*  
2. *The evolution of man*  
3. *Human evolution and the fossil record*  
4. *The evolution of man*

5. *Human evolution and the fossil record*  
6. *The evolution of man*  
7. *Human evolution and the fossil record*  
8. *The evolution of man*

9. *Human evolution and the fossil record*  
10. *The evolution of man*  
11. *Human evolution and the fossil record*  
12. *The evolution of man*

13. *Human evolution and the fossil record*  
14. *The evolution of man*  
15. *Human evolution and the fossil record*  
16. *The evolution of man*

17. *Human evolution and the fossil record*  
18. *The evolution of man*  
19. *Human evolution and the fossil record*  
20. *The evolution of man*

21. *Human evolution and the fossil record*  
22. *The evolution of man*  
23. *Human evolution and the fossil record*  
24. *The evolution of man*

# E L E N C H U S

Hæresum, quæ in hujus septimi Tomi  
Parte V. referuntur & confutantur.

## CAPUT CVIII.

### De Lutherana hæresi.

s. I. <i>Ad hæreses præsentis Præfatio.</i>	pag. 1
s. II. <i>Lutheri ortus, conditio, ingenium.</i>	5
s. III. <i>Initium &amp; occasio hæresis Lutheri.</i>	8
s. IV. <i>Lutheri errores.</i>	14
s. V. <i>Reliqua Lutheri ad mortem usque.</i>	28

## CAPUT CIX.

De Lutheri Discipulis, eorumque à Magistro  
necnon inter se discordia.

s. I. <i>De Carlostadio.</i>	33
s. II. <i>De Zuinglio, &amp; Œcolampadio.</i>	35
s. III. <i>De Melancthone.</i>	42
s. IV. <i>De Bucero.</i>	48
s. V. <i>De Scwcnckfeldio, Agricola, &amp; Autinomis.</i>	51
s. VI. <i>De Osiandro, &amp; Brentio.</i>	54
s. VII. <i>De Flacio Illyrico, Chemnicio, &amp; Stancaro.</i>	59

## CAPUT CX.

### De Anabaptistis.

s. I. <i>Hæresis origo, Authores, &amp; primi Propagatores.</i>	64
s. II. <i>Anabaptistarum Promotores alii, &amp; Sæcularum diversitas.</i>	69
s. III. <i>Anabaptistarum errores.</i>	76

## CAPUT CXI.

### De Calviniana hæresi.

s. I. <i>Calvini ortus, studia, hæresis initia, &amp; indolet.</i>	81
s. II. <i>Calvini hæresis diffeminatio, &amp; eventus.</i>	86
	s. lxx.

<i>s. III. Servati damnatio : &amp; alia usque ad Calvini exitum .</i>	94
<i>s. IV. De Theodoro Beza , Maroto , &amp; Hugonotis .</i>	99
<i>s. V. Calvini errores de Deo , Christo , Homine , &amp; Justificatione .</i>	107
<i>s. VI. Errores de Operibus , Confessione , Indulgentiis , Purgatorio .</i>	114
<i>s. VII. Errores de Sanctorum &amp; Angelorum invocatione , &amp; cultu &amp; usu Imaginum .</i>	120
<i>s. VIII. Errores de Romano Pontifice , de Ecclesie Legibus , &amp; Conciliis .</i>	127
<i>s. IX. Errores circa Sacramenta generatim .</i>	137
<i>s. X. Errores de Baptismo , Eucharistia , Scripturis &amp;c. .</i>	143
<i>s. XI. De Calviniana disciplina &amp; Ritibus .</i>	156

## CAPUT CXII.

### De Calvinistarum Sectis .

<i>s. I. Puritani , Independentes , Quakeri , Presbyteriani , Anglo-Calviniani &amp;c. .</i>	168
<i>s. II. Piscatoriani , Arminiani , &amp; Gomaristæ .</i>	172

## CAPUT CXIII.

### De Anglicano Schismate .

<i>s. I. Antiqua Anglorum Fides , &amp; Henrici VIII. pro ea zelus .</i>	178
<i>s. II. Henrici VIII. lapsus &amp; defectionis origo .</i>	180

## CAPUT CXIV.

### De Fidei statu Regni Angliæ post Henricum .

<i>s. I. De statu sub Eduardo VI. .</i>	196
<i>s. II. De statu sub Maria Regina .</i>	198
<i>s. III. De statu sub Elisabetha Regina .</i>	201

## CAPUT CXV.

### De Anti-Trinitariis & Socinianis .

<i>s. I. De Michaele Serveto .</i>	206
<i>s. II. De Valentino Gentili , Georgio Blandrata , Alciato , Ochino , Francisco Davidis .</i>	211
<i>s. III. De Socinianis .</i>	216
	CA-

## CAPUT CXVI.

De Michaelo Bajo.

<u>s. I.</u>	<u><i>Baji errorum initia &amp; progressus.</i></u>	<u>224</u>
<u>s. II.</u>	<u><i>Baji errorum damnatio.</i></u>	<u>225</u>
<u>s. III.</u>	<u><i>Ea quæ post damnationem secuta sunt.</i></u>	<u>226</u>

## CAPUT CXVII.

De Postello & Spinosa.

<u>s. I.</u>	<u><i>Postelli errores.</i></u>	<u>226</u>
<u>s. II.</u>	<u><i>Spinosa errores.</i></u>	<u>227</u>

## CAPUT CXVIII.

De Jansenistis.

<u>s. I.</u>	<u><i>Jansenii Persona.</i></u>	<u>240</u>
<u>s. II.</u>	<u><i>De Jansenii Scriptis Judicia, &amp; Damnatio errorum.</i></u>	<u>242</u>
<u>s. III.</u>	<u><i>Innocentii X. sententia.</i></u>	<u>246</u>
<u>s. IV.</u>	<u><i>Error de Duplici Ecclesia Capite.</i></u>	<u>255</u>

## CAPUT CXIX.

De Quesnelli erroribus.

<u>s. I.</u>	<u><i>Quesnelli Persona &amp; gesta.</i></u>	<u>257</u>
<u>s. II.</u>	<u><i>Constitutio Unigenitus adversus Quesnelli errores.</i></u>	<u>261</u>
<u>s. III.</u>	<u><i>De Concilio Ebreduwenfi &amp; aliis.</i></u>	<u>267</u>

## CAPUT CXX.

De Quietistis, & Michaelo Molinos.

<u>s. I.</u>	<u><i>Quietista Veteres.</i></u>	<u>278</u>
<u>s. II.</u>	<u><i>Moderni Quietista, &amp; eorum Auctor.</i></u>	<u>279</u>
<u>s. III.</u>	<u><i>Molinos Propositiones damnata.</i></u>	<u>282</u>
<u>s. IV.</u>	<u><i>De Archiepiscopo Cameracensi.</i></u>	<u>289</u>

IMPRIMATUR,

Si videbitur Reverendissimo Patri Sacri Apostolici  
Palatii Magistro.

*Phi. Archiepiscopus Theodosie Vicesgerens .*

---

IMPRIMATUR.

Fr. Aloysius Nicolaus Ridolfi Ordinis Prædicato-  
rum Sacri Palatii Apostolici Magister .

TRA-





quotquot unquam exitere, vel in totum vel in partem colluviem effuderunt. Nec mirum: earum enim professores, omnia secula ante ipsos cecutisse, & Evangelium usque ad sua tempora fuisse opertum, ac se solos Evangelicos jactantes, Concilia, Patres, Ecclesiam errasse contendunt: & cuique ex ipsis datum esse privatum spiritum intelligendi Scripturas, & Evangelia spargentes, quæ sibi placent credunt, quæ non placent non credunt, adeo ut alicubi tot sint Religiones quot capita.

II. Super hæc Ecclesiæ ac Religionis perturbatione lacrymas quas alibi & præcipuè in *Vera Ecclesia*, effudi, hic repetere, nisi provide misericordiæ Dei confisus certò sperarem, quando sibi visum fuerit, de hisce sicut de cæteris antea actis, Catholicam veritatem fore triumphaturam. Quovis tempore in exercitum bonorum Deus permittit mala consuevit; prioribus seculis ad tolerantiam Martyrum permisit tyrannorum persecutiones, & succellivis temporibus, ut credentium fides magis eluceret, & ut adversus eas præliari edocerentur, hæreses permittit consuevit. *Oportet* (inquit Paulus 1. Cor. 11. v. 19.) *& hæreses esse, ut & qui probati sint, manifesti fiant in vobis.* Circa populum suum Israel reliquit Gentes, ut morem bellandi adversus eas addicerent. Sic Judic. 3. v. 1. dicitur: *Hæ sunt gentes, quas Dominus dereliquit, ut erudiret in eis Israel, & omnes qui non noverant bella Chanaanæorum: Ut omnes discerent filii eorum certare cum hostibus, & habere consuetudinem præliandi;* Quæ ad præsentem causam trahens S. Augustinus Lib. 16. de Civit. Dei cap. 2. ait: *Multa quippè ad fidem Catholicam pertinentia, dum hæreticorum collidâ inquietudine exagitantur, ut adversus eos defendi possint, & considerantur diligentius, & intelligantur clariùs, & instantius prædicantur, & ab adversario mota quæstio, discendi existit occasio.* Hoc est bonum, quod ex malo hæresum elicit Deus: *Neque enim* (loquens de hæresi Manichæorum tunc grassante idem S. Doctor in Enchiridio cap. 10.) *Deus Omnipotens, quod etiam infideles fatentur, rerum cui summa potestas, cum summè bonus sit, ullo modo fuisset malè aliquid esse in operibus suis, nisi usque adeo esset omnipotens & bonus, ut bonè faceret & de malo.* Ut enim dicit Lib. 7. Confess. cap. 19. *Improbatio Hæreticorum facit eminere, quid Ecclesia sentiat, & quid habeat sana doctrina.*

III. Ex his apparet, unam ex præcipuis causis, cur Deus permiserit hæreses identidem contra Ecclesiam præliari, iussisse, ut Catholicorum segnitiam in studio Scripturarum, & Fidei veritatibus evolvendis à torpore excitaret. Confirmat hoc S. Augustinus L. 1. de Genesi contra Manichæos cap. 1. dicens: *Sed ideo Divina pro-*  
viden-

videntia multos diversi erroris hæreticos esse permittit , ut cum insultant nobis , & interrogant nos ea quæ nescimus , vel sic excutiamus pigritiam , & Divinas Scripturas nosse cupiamus . Propterea & Apostolus dicit „ Oportet hæreses esse , ut probati manifesti fiant inter vos „ : Illi enim Deo probati sunt , qui bene possunt docere , sed manifesti hominibus esse non possunt , nisi cum docent : docere autem nolumus nisi eos qui doceri quarunt . Sed multi ad quærendum pigri sunt , nisi per molestias & insultationes hæreticorum quasi de somno excitentur , & de imperitia sua erubescant sibi , & de illa imperitia sua periclitari se sentiant . An hæc una ex causis fuerit , cur Deus modernis hæresibus Ecclesiam suam jactari permiserit , & adhuc permittat , Ipse novit . Initio disputationum feruntur Catholicis Doctoribus hæretici , & præcipue Lutherus , insultasse , quod ad Scripturas provocati Metaphysicis subtilitatibus ac sophisticis ratiunculis responderent . At in decursu excitatâ ( si in aliquibus fortè erat ) segnitie , tot eximie doctrinæ Viri cumulatis Scripturæ textibus in eos insilierunt , ut nescientes quid opponerent , ad hanc audacem temeritatem delapsi sint , ut veram intelligentiam Scripturarum sibi solis suoque spiritui privato reservatam dicant ; Cæteros omnes , Concilia , Patres in ea exponenda errasse , ac desipuissè .

IV. Hoc asserere non erubuit recentium hæresum præformator Lutherus , qui Lib. contra Regem Angliæ , & ad Cap. 1. ad Galatas ait : *Divina Majestas mecum facit , ut nihil curem ; si mille Augustini , mille Cypriani contra me starent . Augustinus & Cyprianus , sicut omnes electi errare potuerunt , & erraverunt . At ego certus sum dogmata mea habere me de Cælo . Dogmata mea stabunt , & Papa cadet inquit omnibus portis inferi , & potestatibus aeris , terræ & maris &c.* Rursus Lib. ad Civit. Germaniæ : *Quisquis , inquit , obedierit mihi , is procul dubio non mihi , sed Christo obedit , & qui mihi non obedierit , is non me , sed Christum contemnit . Ego enim scio , & utique certus sum , quid , & quorsum ego loquor & doceo .* Præterea concione ad populum Dominica donec venerit , ait : *Fui primus , quem Deus in hunc campum misit . Is quoque fui , cui Deus hoc primum revelavit ad prædicandum vobis .* Et post pauca : *Tam copiose à vobis prædicatum est Evangelium , ut nec Apostolorum quidem tempore tam clarum unquam fuerit . Spiritus Sanctus unxit me , & misit ad evangelizandum .* Ita quasi alter Isaias loquitur de se Lutherus . At quo spiritu ad suum pseudo-Evangelium abreptus fuerit , in Vera Ecclesia passim ostendi , & ex infra dicendis apparebit .

V. A doctrina Ecclesiæ Catholicæ Romanæ tanquam apostati-

ca traducenda, Lutherus, & quotquot ipsum sequuti sunt, convertuntur ad ejusdem Ecclesiæ disciplinam & mores in quocumque illius statu falsis calumniis deturpandum: quod præter dicta in Vera Ecclesia Tomo 1. cap. 14. §. 4. & alibi, ea, quæ vel unus Danæus in præfenti Opere effutit, apertè demonstrant. His tamen respondebit Hieronymus Epist. 87. (aliàs 78.) ad Pammachium & Marcellam: *Quid maledictorum pannos hinc inde confutis, & eorum carpitis vitam, quorum fidei resistere non valetis? Num idcirco non estis vos hæretici, si nos quidam assertionem vestrâ crediderint peccatores; & os impietate sædum non habebitis, si cicatricem potueritis in nostrâ aure monstrare? Quid juvat vestram perfidiam, vel prodest pellis Ethiopica & pavidi varietas, si in nostro corpore nœvus apparuerit?* Et Epist. 58. (aliàs 68.) ad Theophilum: *Scito, inquit, nobis nihil esse antiquius, quàm Christi jura servare, nec Patrum transferre terminos, semperque meminisse Romanam fidem Apostolico ore laudatam. Iisdem Ruffinum Lib. 3. perstringit: Scito, Romanam fidem, Apostolicâ voce laudatam, istiusmodi præstigias non recipere, etiamsi Angelus aliter annuntiet, quàm semel prædicatum est, Pauli auctoritate munitam non posse mutari.*

VI. Superest, ut Catholicum meum Lectorem admoneam, ne terreatur, dum videt recentes hæreses à duobus & ultra seculis jam exortas, nedum non esse extinctas, sed in dies magis extendi, ac novis erroribus augeri, adeò ut in aliqua regione apud non paucos vix fides de Deo locum obtineat. Ne terreatur, inquam, sed in Christo Jesu confidat, qui licet dormire videatur, & Petri navim fluctibus jactari permittat, super eam tamen vigilat, nec mergi sinet. Nam & Discipulis cum eo in navi existentibus Matth. 8. v. 24. *Motus magnus factus est in mari, ita ut navicula operiretur fluctibus.* Cum autem eum dormientem viderent suscitaverunt eum dicentes: *Domine salva nos, perimus... Tunc surgens imperavit ventis & mari, & facta est tranquillitas magna.* Prius tamen illos increpavit dicens: *Quid timidi estis modica fidei?* Sed quare? quia cum ipse esset cum eis, etiam dormiret, timuerunt; dormientem non posse, quod poterat vigilans, putabant. *O veraces discipuli!* (exclamat Origenes apud S. Th. in Catena Aurea super Cap. 8. Matth. x.) *Salvatorem vobiscum habetis, & periculum timetis? Vita vobiscum est, & de morte solliciti estis?* Irruentes igitur hæresum fluctus ac Petri naviculam mergere minitantes non timeamus. Christus nobiscum est: *Ecce ego vobiscum sum omnibus diebus usque ad consummationem sæculi:* promittit ipse dum ascenderit in Cælum apud Matthæum cap. 28. v. 20. *Quod promittit retroactis seculis implevit. Quasi dormiens per tria secula, Gentilium persecutio-*

cutiones passim irruere permisit ; at uno verbo compescuit . Succedentibus seculis Arianos aliosque furere toleravit ; at suo imperio tandem extinxit . Permisit persecutiones tyrannorum , ut eluceret constantia Martyrum : permisit & permittit hæreses , ut qui probati sunt & electi , manifesti fiant . Alacres ergo pro veritate stemus , nec timeamus . Christus qui modò dormire aliquibus videtur , evigilabit , imperabitque ventis & mari , & fiet tranquillitas magna .

VII. Hactenus dicta S. Augustinus confirmet , qui Enarrat. in Psal. 57. ut Catholicos sui temporis à metu furentium circumcellionum Donatistarum averteret : *Non vos terreant* , inquit , *Frates , quidam fluvii , qui dicuntur torrentes . Hyemalibus aquis implentur : Nolite timere , post paululum transiit , & decurrit aqua , ad tempus perstrepat , mox cessabit : diù stare non possunt . Multæ hæreses jam emortuæ sunt . Cucurrerunt in rivis suis , quantum potuerunt decurrerunt , siccati sunt rivus , vix eorum memoria reperitur , vel quia fuerint „ Sprenentur tanquam aqua decurrens „ . Sed non solum ipsi : totum hoc seculum ad tempus perstrepat , & quærit quem trahat . Omnes impii , omnes superbi sonantes ad saxa superbiæ suæ , quasi aquis irruentibus & confluentibus , non vos terreant , hyemales aquæ sunt , semper manare non possunt : necesse est , decurrant in locum suum , in finem suum &c. His ad solatium & certam fiduciam Catholicorum præactis , videamus , quis primus hunc torrentem excitaverit , & per eum aquam decurrere fecerit .*

## §. II.

### *Lutheri ortus , conditio , ingenium .*

I. **P**rimus , qui Ecclesiam hoc schismatis & hæresum torrente invasit , fuit Martinus Lutherus , Islebii in Saxonia sub Mansfeldensi Comitatu natus anno 1483. die 22. Octobris , die verè dignâ , ut nedum ex Catholico Calendario , sed ex omni hominum memoria , si fieri posset , deleteretur , quæ tale monstrum intulit mundo ; nisi Divina providentia ex opposito diem spectabilem & faustum effecisset . Ut enim olim eodem anno & die , quo acerrimus Divinæ gratiæ hostis Pelagius , ejusdem acerrimus vindex S. Augustinus , hic quidem in Africa , ille verò in Europa natus esse fertur : ita eodem anno mense & die , quo in plaga Septentrionali infans lucem aspexit , qui postea confirmatâ ætate Ecclesiæ magnam partem erat vastaturus , in plaga Australi alius in Mundum produit ( Ferdinandus Cortelius ) qui Ecclesiæ fines longè lateque

tèque ad populos incognitos esset expansurus. Ita Consalvus de Ilescas: *Lutherus*, inquit, in *Mundum natus est*, ut totam *Mundum* perturbaret, & infinitos *Christianos* sub *Diaboli* signa cogeret. Eodem tempore *Ferdinandus Cortesius Vallis Marchio Medelini in Hispania natus fuit*, ut infinitam barbararum nationum multitudinem tot seculis in miserrima *Satanæ* servitute detentam sub *Jesu Christi* signa colligeret. Et quemadmodum ab *Aquilone*, ut *Divinum testatur Verbum*, malum se se expansurum erat, ita ejusdem remedium ab *Austro* venire decuit. In *Saxonia Monachus ad Ecclesiæ ruinam*, & eodem tempore in *Hispania ad ejusdem defensionem Christianus Eques natus fuit*. Imò eodem anno natus fuit *S. Ignatius Lojola*, qui in fundata à se *Societate*, *Jesu Christi* strenuus miles, futurus erat *Ecclesiæ* vindex, & *Lutheri* ejusque hæresis debellator.

II. *Luthero* nato *Martini* nomen inditum fuit. *Loster*, seu, ut alii volunt *Lauter*, cognomen gentis suæ ab familiæ origine illi erat. Quia verò utrumque ei displicuit: Primum quidem, quòd *Germanicâ* linguâ *Scurram* significet: secundum verò quòd *Martin Lauter* numerum 666. in *Antichristo* ab *Apocalypsi* designatum literis includeret, propterea se *Martinum Lutherum*, seu *Luther*, quòd eadem linguâ *Purum* sonat, appellari voluit: In hoc imitatus *Manichæos*, qui ut ex *Augustino* Lib. de *Hæres.* cap. 42. suo loco dixi, non à *Mane* suo duce *Manichæi*, ne *Mania*, idest infania, nomen eis dedisse videretur, sed *Manichæi* appellari voluerunt, quasi *Manna* fundentes, ac si doctrina eorum sicut *cibus ille Cœlestis* esset, ac lapsa de *Cœlo*. At sicut mutarunt quidem nomen, sed retinuerunt infaniam: Ita *Lutherus* mutato cognomine impius *Scurra*, & *Antichristi* verus præcurzor permanfit.

III. *Parentes* ejus vilis conditionis fuere, *Pater Joannes*, *Mater* nomine *Margarita*, quam nonnulli ajunt, fricandis in publicis balneis hominibus operam locare consuevisse. De hac muliere etiam commemoratur, quòd *Dæmon* mangonis habitu à marito hospitio susceptus, cum ea congressus sit, è quo partum hunc conceperit. Quod inter alios in quadam epistola, obscuris tamen verbis, innuere videtur *Erasinus*; sed lubens omitto, ut & illud, quod in humeris ejus vidit *Maximilianus Imperator*, tum *Corvos* circa funus ejus crocitanes, & *dæmoniacos* eâ die, quâ mortuus est, à *Demonibus* animam ejus in *Infernum* comitantibus liberatos modò ut incerta prætereo. Hoc certum est, *Luthero* frequentem fuisse cum *Diabolo* familiaritatem, quod ex ipsius confessione ostendi in *Vera Ecclesiâ* Tom. 1. cap. 10. §. 2. num. 28.

IV. *Exactis* primis adolescentiæ annis, & positis in *Magdeburgensi* & *Lenacensi Collegiis* humaniorum literarum fundamentis, Er-

Erforidit anno 1501. Philosophiam studio aggressus, anno 1503. ad Jurisprudentiam se applicuit, quod ad solvendos difficiles legum nodos aptus sibi videretur, & facundiâ & dicendi facilitate præditus in forensibus causis propugnandi laudem speraret. Sed hoc propositum non multò post reliquit. Vix enim à limine salutatis Juris principiis, cum studiorum socio levandi animi causâ in campum progreßus, repentinâ superveniente tempestate, socium ante pedes suos fulminis ictu extinctum vidit: fumo ipse afflatus, cæteroquin illesus & sanus, B. Annæ, ut incolumis cœlesti gratia evaderet, in tantis angustiis votum nuncupavit: sed iteratâ tempestate & iterum præsentî periculo consternatus, de asylo, in quo tutus esset cogitare cœpit.

V. Terrore igitur magis, quàm piâ animi devotione motus, Eremitarum S. Augustini Ordini nomen dedit, Cœnobium Erfordienſe anno 1504. quum jam ætatis annum vigesimum secundum attigisset, ingressus. Historiam hanc ipse narrat in Præfat. ad Lib. de Votis Monasticis, quem parenti suo, licet illiterato, nuncupavit; ubi patrem suum sic alloquitur: *Annus sermè agitur decimus sextus monachatus mei, quem te & invito & ignorante subivi. Metuebas tu paterno affectu imbecillitati meæ, cum essem jam adolescens secundum & viceſimum annum ingressus... Destinabas me vincere beneſto & opulento conjugio... Tandem cessisti, & voluntatem Deo submitſisti, sed nequaquam posito mei timore. Memini enim nimis præſente memoriâ, cum jam placatus mecum loquereris, & ego de Cælo terroribus me vocatum affererem: neque enim libens & cupiens fiebam Monachus, multò minùs verd ventris gratiâ, sed terrore & agone mortis subita circumvallatus voti coactum & necessarium votum. Utinam, ajebas, non sit illuſio, vel præſtigium?* His Lutherus ipse ingenuè exponit, quo animo Monasterium ingressus sit, & quo in statu Monachali continuaret.

VI. Tam subitam Lutheri mutationem amici & familiares ejus, qui nullam in ejus inveniri pectore pietatis aut religionis scintillam agnoverant, vehementer admirati sunt. Sed nec ipse, quali animo esset, diu celare potuit. Post indutum habitum humili mendicationis applicatus officio, renuit, & Universitatem velut Magister Artium interpellans, eo & aliis vilibus officiis se se exemit. Vix exacto probationis sue anno, licet aliquam exhiberet pietatis speciem, doctrinæ tamen opinione elatus in talia identidem erumpebat; ut vel ex morbo comitiali, vel ex occulto Dæmonis afflatu loqui Fratribus videretur. Quam suspicionem auxit factum sequens. Cum enim quâdam die in Missâ legeretur Evangelium de Dæmonio à surdo & muto per Jesum Christum ejecto, Lu-

Lutherus qui aderat, repente concidens exclamavit, *Non sum, non sum*. De hoc cum Dæmone fœdere & commercio ipse in scriptis suis, ut supra tetigi, sæpius gloriatus est. Unde in quodam sermone ad populum, se Diabolo familiarem esse ait, seque cum ipso plus quam unum modium falis comedisse. Sacerdotio anno 1507. in Quadragesima initiatus, cum tanquam fera & indomita bestia omnibus exosus videretur, è Cœnobio Erfordiensis, in quo quatuor annis moratus fuerat, ad Wittembergensem translatus fuit anno 1508. ibi post actus Academicos Lauream Doctoralem obtinuit, ac Theologiæ Professor creatus est. Quâ occasione ingenii sui acrimoniam, in disputationibus æstum, omnium cæterorum contemptum, ac præludia eorum quæ postea secuta sunt, corripit ostendere.

## §. III.

*Initium & occasio hæresis Lutheri.*

1. **M**ala hæreseos semina, etiam antequam ea in Ecclesiæ campum spargeret, animo & corde concepisse Lutherum, satis ostendunt declamationes populares, quas habuit Wittembergæ super præcepta Decalogi anno 1516. ut Tomo 1. ejus Operum videre est. In eis enim (præter cætera) de Sanctis, & modo colendi illos temerariè loquitur. Animo igitur ad incendium parato faces addiderunt quæ sequuntur. Leo X. Pontifex Maximus novas Indulgentias per Orbem Christianum predicari jussit, occasione fabricæ Templi Romæ, quam Julius II. in honorem S. Petri inchoaverat. Alberto Archiepiscopo Moguntino, & Magdeburgensi Brandeburgico Electori S. R. E. Cardinali has Indulgentias in Germania promulgari faciendi provincia demandata est. Is Delegatus munus id commisit Joanni Tetzelio Ordinis Fr. Prædicatorum Professore doctissimo, Quæsitore Fidei, fervido Concionatori, qui paulò ante similem delegationem pro Teutonicis Equitibus exercuerat.

II. Displicuit hoc Augustinianis, ut qui longo jam tempore in Germania id muneris obire consuevissent. Eis tunc in Germania Vicarii Generalis nomine Staupitius præerat, apud Saxoniam Ducem Fridericum perquam gratosus, qui hoc non ad sui tantum, sed ad sui Ordinis contentum factum interpretatus (ei quoque favente Duce Saxonie Friderico ob privatam in Moguntinum Archiepiscopum invidiam, eò quòd Moguntino in Archiepiscopatus Magdeburgici petitione fuisset posthabitus, tum etiam quòd

Ec-



Ecclesiasticorum magnitudini & opibus invideret ) turbas inter Fratres suos, eosque ad vindictam excitare cœpit Staupitius .

Igitur ingenio & moribus ad hæc paratum conspiciens Lutherum, illum elegit, eique mandavit, ut contra Indulgentiarum excessum prædicaret, eorumque, quibus eas publicandi munus demandatum erat, vitia & abusus populo ostenderet . Munus hoc, utpote suo acri ingenio arridens, lubenter suscepit Lutherus . Anno itaque 1517. contra modum, quo populis audierat prædicari Indulgentias, declamare cœpit . Ita liquet ex Epistola, quam ad Albertum Moguntinum Archiepiscopum eodem anno scripsit . In ea enim se concionantes, quos non audierat, minimè reprehendere ait, sed dolere, per vulgus spargi ac serpere audacem fiduciam, *quâ credunt infelices animæ, si literas indulgentiarum redemerint, se securas esse de salute sua . Item quoddam animæ de Purgatorio statim evolent, ubi contributionem in cistam conjecerint . Deinde tantas esse has gratias, ut nullum sit adeo magnum peccatum, etiam ( ut ajunt ) si per impossibile quis Matrem Dei violasset, quin possit solvi . Item quoddam homo per istas indulgentias liber sit ab omni culpa & pœna .*

III. Subindè exclamat, quòd impium est ponere securitatem salutis in manu Episcopi per Indulgentias, cum nemo nec per gratiam habitualement Dei sit securus ; imo nos in timore & tremore, semper operari salutem nostram doceat Apostolus Philipp. 2. v. 12. Et justus, inquit Petrus Ep. 1. cap. 4. v. 18. vix salvabitur, & apud Amos & Zachariam æquiparentur salvandi torribus de incendio ereptis . Deindè arguit Episcopos, quòd unice Indulgentiis prædicandis intenti, opera pietatis & caritatis in infinitum meliora populo annuntiare desistant . *Cum Indulgentiæ prorsus nihil boni conferant animabus ad salutem aut sanctitatem, sed tantummodo pœnam externam, olim canonicè imponi solitam, auferant .* Insuper Archiepiscopi indicat, circumferri libellum sub ejus nomine, quo asseritur : *Unam principalium gratiarum esse donum Dei inestimabile, quo reconcilietur homo Deo, & omnes pœna deleantur Purgatorii . Item quòd non sit necessaria contritio his, qui animas vel confessionalia redimunt ;* idest qui Indulgentiâ muniti ad Confessionem accedunt, Archiepiscopum rogans, ut libellum supprimat, & aliam prædicandi formam imponat . Hisce imposturis & mendaciis in hac Epistola verus minister Satana apostaticam suam prædicationem inchoat : nec his contentus, ad calcem Epistolæ adjecit 95. Conclusiones, quas legere est Tom. 1. Oper. ipsius edit. Wittemb. anno 1558. pag. 51., quibus quàm dubia res sit Indulgentiarum opinio, conatur ostendere .

IV. Non expectato Archiepiscopi responso, eadem die, nempe pervigilio SS. an. 1517., præfatas Conclusiones proposuit in Templo magnifico Deo sub omnium Sanctorum invocatione Wittembergæ à Saxoniæ Duce dicato, typisque mandatas per totam Germaniam dispergendas curavit. Utque non solum apud eruditos, verum etiam apud plebem Indulgentiarum religionem elevaret, solemnem super eodem argumento concionem in eodem Templo habuit, ac typis mandavit. Hanc puto fuisse illam, quæ Tomo 1. illius operum pag. 58. initio negotii de Indulgentiis facta primo loco ponitur.

V. Nascenti huic malo, ac vel in ipsis initiis furenti occurrere volens Tetzelius Francofurti, ubi Quasitorem Fidei agebat, alias Theses opposuit, quas eodem Tomo 1. pag. 93. & pag. 96. videre est, quibus Novatoris fallacias & mendacia, & Romanum Pontificem, ac Indulgentiarum promulgatores à calumniis vindicavit. Verum cum hæc objicerentur ab amulo, pertinaciam Lutheri magis in sententia obfirmarunt. Imò ut refert Melancthon in Vita Lutheri, cum Lutheri theses tanquam hæreticas Tetzelius igni tradidisset, parem contumeliam Wittembergæ ostingentis exemplaribus Thesium Tetzeli inferendam procuravit Lutherus. Quod etsi publicè in foro peractum fuerit, Duce tamen, Magistratu, ac se infcio, imò agrè ferente, patratum fuisse scribit Epist. 42. & 47. Hæc turbulenti schismatis exordia, quod anno sequenti 1518. in apertum flagravat incendium.

VI. Excitatio hujus turbæ Staupitium non semel poenituisse fertur; sed serò: quid enim ageret? jacta erat alea, telum ex arcu excussum revocare non licebat. Simile accidit Erasmo, qui cum scribens adversus Monachos, & ab istis parum honorificè tractatus, videns postea Lutheri furorem, ad Albertum Carporum Principem scripsit, si quæ secuta sunt tempora prævidisset, numquam se facturum fuisse, ut ejusmodi turbarum primus auctor extitisse videretur. Sed viri sapientis non est dicere *Non putaram*. Certè multorum opinio est, portam hanc ab Erasmo primò apertam, quam Lutherus postea totam effregit. Unde de utroque Germani hoc in ore habebant: *Erasmus innuit, Lutherus irruit. Erasmus parit ova, Lutherus excludit pullos; Erasmus dubitat, Lutherus asseverat*; ut in proloquium verteretur, *Aut Erasmus Lutherizat, aut Lutherus Erasmitat*. Erasimum Lutheranæ Sectæ adversum fuisse, tradunt non pauci.

VII. Verum quis non a loreset Divinæ Providentiæ consilia? Eodem tempore, quo permittit Diabolo operâ Lutheri in Germania Ecclesiæ partem à veritate seducere; disponit, ut ad partes

Or-

Orbis remotissimas, quibus antea prorsus erat ignota, Religio Christiana & Catholica delata propagetur. Anno 1517. Lutherus Christianam fidem inter Christianos evertere aggressus est. Eodem ferè anno, aperto à Christophoro Columbo, & Americo Vesputio aditu, variis præviis prodigiis, Mexicano & aliis Indorum Regnis Christiana fides primùm innotescere cœpit; sic ut pro exigua terræ particula, integri velut Mundi ad Christi Ecclesiam sint adjuncti, in eisque Christi fides longè latèque sit expansa. Ut enim torrens obstructo alveo limites suos egressus aliò erumpit, multòque liberiores viam & canalem sibi facit: ita Ecclesia alicubi oppressa & quasi dejecta, alibi pulchrior & validior surrexit, ut fidem è nostro Orbe fugientem alter ille Orbis latis ulnis excepisse videretur. Cœptum opus Hispaniæ & Lusitanæ Reges magnis sumptibus urgebant. Confluebant eò undique Christiani, ac viri Evangelici. Mox videre ibi fuit, everfis Idolis, Crucis signa vel in cellulimis montium jugis passim erecta, incruentum Mille sacrificium, dum interim Tempia erigebantur, sub arborum umbris passim celebratum, Summique Pontificis auctoritate Missionarios illuc in dies destinatos. Sic ut dum inter Christianos Crucis signum ab Altaribus ejici, Sacrosanctum Sacrificium aboleri, Romani Pontificis auctoritatem extinguere contendebatur, ac generalis Ecclesiæ perniciēs parabatur, omnia apud Idololatrias & Barbaros puriora renascerentur. Ita jacuram, quam Lutherus & qui eum sequuti sunt & sequuntur Ecclesiæ machinati sunt & machinantur, copiosiori proventu compensavit Dens, & adhuc compensat.

VIII. Lutherus interim quamvis in sua pertinacia persistens, ac verè lupus gregem Christi dispergere in animo habens, ovinam speciem induens, conqueri cœpit, quòd pro veritate pugnans immeritò ab æmulis veluti Novator traduceretur. De hoc adest Epistola ad Staupitium, simulatâ humilitate & obedientiâ recta. Scripsit etiam ad Leonem X. dolensque quòd ut hæreticus igne cremandus ab aliquibus accusaretur, ita epistolam claudit: *Quare, Beatissime Pater, prostratum me pedibus tuæ B. offero cum omnibus quæ sum & habeo. Vivifica, occide, voca, revoca, approba, reproba ut placuerit, vocem tuam vocem Christi in te præsentis agnoscam. Si mortem merui, mori non recusabo: Domini enim est terra & plenitudo ejus, qui est benedictus in secula, Amen, qui & te servet in æternum, Amen, die S. Trinitatis Anno 1518.* Illusoriam tamen, cæcam hanc obedientiam fuisse, ipse statim comprobavit, dum suas assertiones ad Leonem X. transmisit, præmissâ protestatione, se nihil in eis dicere & tenere, nisi quod Sacra Scriptura docet & Ecclesia tenet, solumque se Scholasticorum placitis contradicere,

ideoque cuilibet assertioni suam declarationem & probationem inferuit, ut Tomo 1. ejusdem videre est, quibus adjunxit suam de Virtute Indulgentiarum erroneam sententiam. Uno verbo: se solum sapere existimans, Ecchium ac Sylvestrum Priorem Palatii Apostolici Magistrum, qui contra ejus errores scripserant, & præcipuè de Indulgentiis, merito, & Potestate Papæ, superbe contempsit potius, quam refutavit.

IX. Romam ad dicendam causam à Leone X. revocatus, ut se excusaret, facultatis Wittembergensis supplicatorias literas, tum ad Nuncium, tum ad ipsum Leonem X. interposuit, quibus præmissâ corporis valetudine, & itineris periculo, quæ non patiuntur eum facere quod deberet ac vellet, ac insuper de ejus in doctrina fidei integritate testimonio, addunt, si Lutherus à via veritatis aberrare deprehendatur, se primos fore, qui eum ejicerent, eique anathema dicerent. Qui tamen promissis non steterunt. Nam Wittembergæ Missa primò abrogata, alique Lutheri errores successivè adoptati fuere.

X. Ut gliscenti malo Leo X. occurreret, Thomam de Vio Cardinalem Cajetanum Ord. Præd. Legatum misit; Ei in mandatis dans, ut invocato brachio seculari Martinum Lutherum apertè hæreticum citet ad personaliter coram se comparandum, eumque in potestate sua redactum sub fidei custodia retineat. Quòd si spontè ad petendam de suis erroribus veniam accesserit, & vera signa poenitentiae dederit, ad unitatem Ecclesiæ facultate Apostolica recipiat. Si verò in pertinacia sua perseverans, in potestatem ejus non venerit, ipsum cum suis sequacibus excommunicatum pronuntiet. Extant hæ literæ Tomo 1. Oper. Lutheri pag. 205. datæ 23. Augusti anno 1518. Indè subsequuntur Acta habita Augustæ eodem anno à Cardinali Legato cum Martino Luthero, ex quibus colligitur, Lutheri pertinaciâ rem infectam mansisse. Cum enim Legatus urgeret, ut quæ scripserat & prædicarat sincero corde ejuraret, Lutherus se id non facturum reponebat, nisi prius habitâ super eis disputatione, quam cum Legatus admittere nolleret, sed pro abjuratone, & obedientia Pontifici & Ecclesiæ insisteret, Lutherus autem repeteret, se colere & sequi Ecclesiam Romanam in omnibus suis dictis & factis, sed non posse ad revocationem compelli non auditum neque convictum, sed super illis audiendum esse judicium & sententiam celebriorum Universitatum Basileensis, Friburgensis, Lovaniensis, aut etiam Parisiensis. Cumque nec ab hoc quâcumque lenitate ejus superba pertinacia flecti polleret, res imperfecta remanuit.

XI. Acta hæc à Luthero ipso scripta exhibentur Tom. 1. illius Oper.

Oper. pag. 208. ubi quanta fuerit temeritatis, & impudentiæ in Præfatione ad Lectorem ipse prodit: *Nonne, mi Lector, inquit, quod ago tale est? Video Libellos edi, & rumores varios spargi de actibus meis Augustensibus. Quamquam verè nihil ibi egerim, quàm quòd & tempus & sumtus perdidi, nisi id satis abundè fuerit operis, quòd novam audivi linguam latinam, scilicet, quòd veritatem docere, idem sit quòd Ecclesiam perturbare, adulari verò & Christum negare, id est Ecclesiam Christi pacificare & exaltare. Quis talem loquendi impudentiam audivit unquam?* Indè Legati objectiones, & sua responsa enarrat; & tandem concludit, quòd cùm Legatus vocato Staupitio ageret multis, *ut ad revocationem induceret spontaneam.... Consulentibus amicis, cùm antea jactasset se se habere mandatum, ut & me & Vicarium incarceraret, disposita appellatione affigendâ, recessi, sat periculosam obedientiam me præstitisse arbitratus.* Ejus appellationes primò ad Papam, deindè ad Concilium extant Tomo 1. Operum Lutheri pag. 217. & pag. 231.

XII. A Legati potestate elapsus Lutherus, amenti furore, æstuans, tanquam rabidus canis contra omnes etiam Principes, sed præcipuè contra Papam latrare cœpit: *Ubi estis (ajebat) ò Imperator & Principes? An tantam violentiam ferre potestis? Non veremini, ò Romani Antichristi, ne lapides & ligna pro vestrarum blasphemiarum horrore sanguinem sudent? Ego si peream, exitium meum vestrà ruinâ nobilitabo.* Indè omnibus cœlestibus & terrestribus potestatibus ad sui defensionem evocatis contra Papæ, ut appellabat, tyrannidem, quem olim Christi Vicarium, modò Antichristum vocitabat, & cui suâ manu lethale vulnus se inflaturum minabatur: *Mea, inquit, doctrina dominabitur, Papa verò cadet. Pacem recusavit; bellum ergo habeat. Videbimus, uter prior lassus sit futurus, Papa, an Lutherus. Fatum inevitabile Papam ad ruinam trahit, nec quisquam ut Daniel dicit, in auxilium ejus veniet.* Ita falsò palàm vaticinabatur, clam verò angustiiis animi exitum non videntis premebatur, tum insidias Wittembergæ sibi parari sciens, tum metuens, ne in aula Ducis ob lefos sua petulanti lingua nobiles viros gratiâ & patrocinio excideret.

XIII. Interim furente in dies ac suis erroribus multos per Germaniam seducente Luthero, existimavit Leo X. sui muneris debitum esse, huic malo Canonicis remediis occurrere. Si enim Paulus Titum (c. 3. v. 10.) Cretensem Episcopum monet: *Hæreticum hominem post unam & secundam correptionem devota, sciens quia subversus est, qui ejusmodi est, & delinquit, cùm sit proprio judicio condemnatus:* quomodo Pastor universalis Ecclesiæ, cui totum gregem suum pascendum Christus commisit, vitare ac vitandum

de-

decernere non debebat Lutherum, qui paternè pluriès monitus, subversus, nedum non respuit, sed ovile Christi subvertere parabat? Anno igitur Christi 1520. 17. Kal. Julii publicâ Bullâ foribus S. Petri affixâ Lutherum ejusque 41. errores ut hæreticos damnavit, nullis in Germaniam Commissariis, qui eam publicarent. Infrenduit hoc audito Lutherus, quòd à Papa Satanz ipse esset traditus, unde multò acriùs quàm antea cœpit insanire & extrema omnia moliri. Imò cùm intellexisset, libros suos publicè fuisse crematos, vilis Monachus ad hoc inauditum facinus prorupit, ut ipse quoque Decretales & Juris Pontificii & Canonici Libros Wittembergæ suis adstantibus auditoribus publicè combusserit, hanc addens blasphemiam: *Quoniam tu contrabasti Sanctum Domini, idè te conturbet ignis aternus.* Ac subindè impio abreptus furore exclamabat: *Invadamus omnibus quibus possumus armis filium perditionis Pontificem, Cardinales, ac totam hanc sentinam Romanam: lavemus in sanguine ipsorum manus nostras.* Ecce quomodo insanus iste nebulo Satanz magistri sui linguâ & calamo loquebatur.

XIV. Nimius essem, ac pium Lectorem offenderem, si omnia maledicta, quibus iste verè perditionis filius impetebat Pontificem, quem passim vocabat *Antichristum*, & Ecclesiæ doctrinam & sacrosanctas leges blasphemabat, ut verè dici possit, nullum ex hæreticis, quos hætenus recensuimus, in impudentia Luthero parem à Diabolo unquam excitatum fuisse; quod ejus scripta palàm faciunt, petulantia, superbia, impudentia, scurrilitate, irreverentia, animo ad concitandas seditiones parato, impudicitia, blasphemia, mendaciis, contumeliis præcipuè in Romanam Ecclesiam, ubique plena.

## §. IV.

*Lutheri errores.*

I. **C**olluviem errorum, quibus Ecclesiam Christi foedare conatus fuit Lutherus, non statim totam evomuit, sed successione quâdam datâ occasione illos publicandi in disputationibus, concionibus, & scriptis. In eis referendis ordinem servabo, quem tenet Alexandre in Hist. Sec. 15. & 16. cap. 2. art. 10. §. 2. Ab Indulgentiis & Purgatorio errandi initium fecit. De his anno 1517. disputationes 95. Wittembergæ exposuit, inter quas sequentes erant.

1. *Papa non vult, nec potest ullas pœnas remittere, præter eas, quas arbitrio, vel suo, vel Canonum imposuit.*

2. *Pa-*

2. *Papa non potest remittere ullam culpam, nisi declarando & approbando remissam à Deo, aut certè remittendo casus reservatos sibi.*

3. *Imperfecta caritas, seu caritas morituri, necessariò secum fert magnum timorem, qui satis est se solo, ut pœnam Purgatorii faciat, cum sit proximus desperationis errori. Hic error quartus est è damnatis à Leone X.*

4. *Non videtur probatum ullis aut rationibus aut Scripturis, quoddam animæ in Purgatorio sint extra statum meriti, seu augendi caritatis, & quoddam sint de sua beatitudine certæ & securæ, saltè omnes. Est trigesimus secundus ex damnatis à Leone X.*

5. *Thesauri Ecclesiæ non sunt merita Christi & Sanctorum.*

6. *Errant Indulgentiarum Commissarii ii qui dicunt, per Papæ Indulgentias hominem ab omni pœna solvi & salvari.*

7. *Qualem potestatem habet Papa in Purgatorium generaliter, talem habet quilibet Episcopus & Curatus in sua Diœcesi & Parochia specialiter. Alias omitto apud ipsum Tomo 1. pag. mihi 51. &c. videndas.*

II. *Alias Conclusiones anno 1518. exposuit num. 50. in quibus hi extant errores.*

1. *Remissio culpæ non innititur contritioni peccatoris, nec officio, aut potestati Sacerdotis. Innititur potius fidei quæ est in Verbum Christi dicentis, „ Quodcumque solveris &c. „ Verum est enim, quoddam non Sacramentum fidei, sed fides Sacramenti, idest, non quia fit, sed quia creditur, justificat. Est undecimus è damnatis à Leone X.*

2. *Quantumlibet incertus sit, tam Sacerdos, quàm peccator de contritione, rata est absolutio, si credit se absolutum. Certum est ergo remissa esse peccata, si credis remissa, quia certa est Christi Salvatoris promissio. Idem repetit in Concionibus.*

3. *Super contritionem ædificantes remissionem, super arenam, idest super opus hominis, fidem Dei ædificant.*

4. *Injuria est Sacramenti, & desperationis machina, non credere absolutionem, donec certa sit contritio.*

5. *Finge casum per impossibile: Sit absolvendus non contritus, credens tamen se se absolvi, hic est verè absolutus.*

6. *Sacerdos etiam levis ac ludens verè tamen baptizat & absolvit. Uterque pars est Articuli 12. à Leone X. damnati. Utrumque tamen repetit in Concionibus Lutherus dicens: Estò per impossibile quoddam confessus non sit contritus, aut Sacerdos non serid sed joco absolvas: si tamen credas se absolutum, verè est absolutus.*

7. *Sacramenta novæ Legis non sic sunt efficacia gratiæ signa, quoddam*

quod satis sit in percipiendis non ponere obicem. Est primus Articulus ex damnatis à Leone X.

8. *Sicut venialia peccata non pertinent ad confessionem & absolutionem clavium, ita nec omnia mortalia. Si homo teneretur omnia peccata mortalia confiteri, & ab eis absolvi, teneretur simpliciter ad impossibile.* Est Art. 8. ex damnatis. Idem repetit in Sermonibus.

III. Alias Conclusiones proposuit Heidelbergæ eodem anno 1718. mense Maii, ex quibus sequentes inter alias referam.

Prima est: *Opera hominum ut semper speciosa sint bonaque videantur, probabile tamen est ea esse peccata mortalia.* Item: *Iustorum opera essent mortalia, nisi pro Dei timore ab ipsismet iustis ut mortalia timerentur.* Rursus: *Tunc verè sunt peccata apud Deum venialia, quando timentur ab hominibus esse mortalia.* Sunt Articuli 26. & 27. à Leone X. damnati.

Secunda est: *Liberum arbitrium post peccatum res est de solo titulo, & dum facit quod in se est, peccat mortaliter.* Est trigessimus primus à Leone X. damnatus.

3. *Non ille iustus est qui multum operatur, sed qui sine opere multum credit in Christum.*

IV. Concionibus eodem anno habitis Wittembergæ hæc inter alia effutit.

1. *Quod novi Auctores, ut M. Sententiarum, S. Thomas & eorum imitatores tres partes faciunt penitentiae, nempe contritionem, confessionem, & satisfactionem. Quæ distinctio deduci non potest ex Scriptura neque ex antiquis Christianæ Religionis Auctoribus.* Hoc Leo X. num. 5. damnavit.

2. *Quod ex nulla Scriptura colligi queat, Divinam iustitiam sive penam sive satisfactionem exigere de peccatore.* Propterea illius imaginaria pena nomen, quam Indulgentiæ excludunt, nemo explicare potest, neque quisquam novit, quidnam sit.

3. *Frivolum est quod dicunt, numerum penarum & operum quibus satisfaciendum est pro peccatis, esse majorem, quam homo in omnem vitam tum facere tum perferre queat, ob exiguum visæ spatium, eoque necessarias Indulgentias.*

4. *Fædus est error, quod quispiam de peccatis se putet satisfacturum, quæ ex inestimabili clementia Deus & semper & gratis remittit, atque condonat, nihil à nobis invicem requirens, quam ut ipsorum bene vivamus.*

5. *Indulgentiæ admittuntur propter inertes & pigros Christianos, qui volunt animosè neque bona facere, neque mala sustinere. Nam Indulgentiæ nihil promoveant in melius... ideòque neque licitum est ad eas adhortari. Indulgentiæ neque præcepti sunt, neque*

con-



consilii, sed ex illarum rerum numero quæ permittuntur.

6. Quod anima per Indulgentias ex Purgatorio liberentur, nondum exploratum habeo, neque credo; tametsi Recentiores id assererent, sed probandi facultatem non habent, neque ab Ecclesia sancitum est. Hæc & alia Tomo 1. Concl. 1. de Indulgentiis à pag. 58. profert Lutherus.

Concl. 2. de Pœnitentia pag. 59. tergo sic loquitur. 1. Contritio (sic enim capit vocari vera pœnitentia interior) duplici viâ paratur. Primò per discussionem, collectionem, detestationem peccatorum, quâ quis, ut dicitur, recogitat annos suos in amaritudine animæ suæ, ponderando peccatorum gravitatem, damnum, scditatem, multitudinem. Deindè amissionem aternæ beatitudinis, ac aternæ damnationis acquisitionem, & alia quæ possunt tristitiam & dolorem excitare, spem satisfactionis faciendi per opera bona. Hac autem contritio facit hypocrisim, imò magis peccatorem, quia solum timore præcepti & dolore damni id facit. Hic est Articulus sextus à Leone X. damnatus, & à Conc. Trident. sess. 6. can. 8.

2. (pag. 60. tergo) Verissimum est proverbium, & omni doctrinâ de contritionibus buxusque datâ præstantius: De cætero non facere; Optima pœnitentia, nova vita. Est septimus à Leone X. damnatus.

3. (pag. 61. tergo) Dum volumus omnia purè confiteri, nihil aliud facimus, quàm quod misericordiæ Dei nihil volumus relinquere ignoscendum. Hic est nonus ex damnatis à Leone X.

4. (ibid.) Plus est à confitente requirendum, an credat se se absolvi, quàm an sit verè contritus.

5. De Excommunicatione (pag. 62. tergo) Excommunicatio est dumtaxat externæ privatio communionis, non spiritualium Ecclesiæ bonorum, communiumque orationum. Est Artic. 18. ex damnatis à Leone X.

6. (pag. 64. tergo de præpar. ad Euch.) postquam dixit, quod Pœnitentia potius post, quàm ante Sacramentum dignè peragitur, subdit: Magnus & perniciosus error est, si quis accedat ad Sacramentum, eâ nixus fiducia, quod confessus est, quod non est sibi conscius mortaliter peccati, quod orationes & præparatoria sua præmiserit. Omnes hi iudicium sibi manducant & bibunt, quia his omnibus non fiunt digni neque puri. Imò per eam fiduciam paritatis pejus polluantur: sunt autem puri per fidem, qui certissimè confidunt, se gratiam consecuturos. Art. 12. à Leone X. damnatus.

7. De Baptismo pag. 73. dicit: Quod Baptismus non totum peccatum tollit & abluit. Cæpta tantum Christiana innocentia est, non etiam absoluta.

8. Ab impiis Doctoribus persuasi, sentimus, nos à Baptismo,  
Tom. VII. Par. V. C seu

seu Contritione sine peccatis esse. Item quod bona opera non ad mortificanda peccata, sed ad cumulanda merita, & ad satisfaciendum pro peccatis valeant. Confirmant autem impiam hanc opinionem, qui vitas & opera Sanctorum impudenter prædicant, quasi ea propusita sint exempla, quæ nos imitari conveniat.

9. (pag. 74. tergo) Tum vim suam Baptismus obtinet, & certò mihi remissa sunt peccata, cum credo Deo promittenti; quod nolis mihi imputare, quamvis maxima eorum pars adhuc in carne remaneat.

10. Quodd igitur sic sentis, si à peccatis recedas, & fœderis quodd in Baptismo cum Deo iunxisti, sis memor, tum remissa tibi esse peccata, in eo quidem non falleris; & rectè sentis.

V. De perceptione Eucharistiæ pag. 76. Sapius, inquit, à me dictum est, non posse nec debere Christianos ad Sacramentum Altaris tertio hoc Paschatis tempore cogi, sed liberum esse unicuique, quando & quoties velit hoc Sacramento uti.

Et pag. 78. tergo. Jam olim sic docui, in nostra Ecclesia unam speciem nemini exhibendam, sed ut is, qui Sacramento uti volet, aut integrum Sacramentum, ut à Christo institutum est, recipiat, aut prorsus abstineat.

VI. De Confessione auriculari, quæ fit coràm Sacerdote, (pag. 77.) ait: Eam Deus non præcepit, verùm Papa ad eam coegit homines. Et infra: Quamquam ad eam nemo sit cogendus, non tamen idèd contemnenda est propter absolutionem & Evangelii verbum, quodd à Sacerdote audis (non absolvente, sed absolutionem Dei annuntiante) Non igitur admodum sollicitus sis de eo quodd tu dicis, sed major cura sit de iis, quæ audis ab illo altero, qui remissionem peccatorum Dei nomine tibi annuntiat. Neque multum refert, si vè is sit Sacerdos, aut publicus Ecclesiæ Minister, si vè quilibet Christianus. Nam verbum quodd loquitur, non suum, sed Dei est. Unde à quocumque sibi annuntietur, non minoris illud æstimat, quàm si ipse secum locutus fuisset. Adèd in omnes angulos Divinum suum verbum Deus sparsit. Hoc autem Dei verbum auditum si vè in confessione, si vè in concionibus in hoc solùm differre dicit, quodd in confessione nonnisi ad suam personam refertur. In publicis autem concionibus in vulgus evolat promissio. Et quamvis ad te quoquè pertineat, non tamen ita certus de ea esse potes. Verùm hic id in confessione ad te unum dicitur, ut prorsus nihil de voluntate Dei erga te dubites.

VII. Eodem anno 1518. edidit Resolutiones disputationum de Virtute Indulgentiarum in errorum suorum circa eandem probationem, quæ extant Toino 1. Oper. ejusdem. In eo Libro præter recensitos circa Sacramentum Pœnitentiæ, & Indulgentias, errores, quos expressius firmat, addit sequentes, nempe:

Per

*Per Scripturas probatur, non requiri aliquam satisfactionem pro peccatis.*

*Romana Ecclesia tempore Beati Gregorii non erat super alias Ecclesias ( fol. 118. verso ) Ibidem.*

*Fomes peccati, etiamsi nullum adit actuale peccatum, moratur exeuntem à corpore animam ab ingressu Regni Cælestis. Est tertius à Leone X. damnatus.*

*Fol. 124. Etiam si Papa cum magna parte Ecclesiæ sic vel sic sentiret, nec etiam erraret, adhuc non est peccatum aut hæresis contrarium sentire, præsertim in re non necessaria ad salutem, donec fuerit per Concilium universale alterum reprobatum, alterum approbatum. Est 23. à Leone X. damnatus.*

*Item fol. 132. Nullus Sanctorum in hac vita sufficienter implevit mandata Dei, ergo nihil prorsus fecerunt superabundans. Quare nec ad Indulgentias aliquid distribuendum reliquerunt.*

*Fol. 133. Opus bonum optimè factum est peccatum veniale. Hunc num. 27. Leone X. damnavit.*

VIII. Notet hic Lector insanam Lutheri impudentiam. Libellum hunc tot erroribus scatentem, quibus Indulgentias & Romani Pontificis in eis ferendis auctoritatem, alique Ecclesiæ dogmata injuriosè impetit, ac contemnit, audet Epistolâ datâ ad ipsum Leonem X. Papam dirigere, eique nuncupare, humilis obedientiæ, ut eum captaret, speciem quidem præferens: *Beatissime Pater, prostratum me pedibus tuæ Beatitudinis offero cum omnibus quæ sum & habeo. Vivifica, occide: voca, revoca: approba, reproba, ut placuerit. Vocem tuam vocem Christi in te præsentis & loquentis agnoscam. Si mortem merui, mortem non recusabo.* Indè adjectâ protestatione, se nihil dicere aut tenere velle, nisi quod ex Sacris Literis, Patribus ab Ecclesia Romana receptis & hucusque servatis, & ex Canonibus, ac Decretalibus Pontificiis habetur & haberi potest. Quòd si aliquid dixerit quod probari vel improbari non possit, id se dixisse disputationis gratiâ salvo semper judicio Superiorum suorum.

IX. Verum quali animo esset, sequentibus prodit: *Unum illud addo & mihi vendico jure Christianæ libertatis, quòd opiniones B. Thomæ, Bonaventuræ, aut aliorum Scholasticorum, vel Canonistarum nudas sine textu & probatione positas, volo pro meo arbitrio refutare, vel acceptare secundum consilium Pauli, Omnia probate, quod bonum est tenete, &c. Etsi scio quorundam Thomistarum sententiam volentium, B. Thomam ab Ecclesia esse approbatum in omnibus, constat sanè, quantum B. Thomæ valeat auctoritas: Hæc meâ protestatione credo satis manifestum fieri, quòd errare quidem potero, sed hæresi-*

*ens non ero, quantumlibet fremant & tabescant ii qui aliter sentiant vel cupiunt.* His detegit impudentem suam presumptionem, & quam ficto animo assertiones suas ad Summum Pontificem corrigendas dirigeret.

X. Hoc palam fecit. Cum enim eodem anno Sylvester Pricras Ord. Præd. Apostolici Palatii Mag. erronea ejus sophismata Leoni X. detexisset, indignatus Lutherus, & quasi Scholasticæ & Thomisticæ Theologiæ professorem eum contemnens, se in errore obfirmavit, responso ei dato. Cui cum Sylvester replicasset *Epitomen Responſionis*, abjecto omni pudore & reverentiâ etiam erga Romanam Sedem (Tomo 1. fol. 188. verso) ita blasphematur: *Si Roma sic sentitur & docetur, scientibus Pontifice & Cardinalibus (quod non spero) liberè pronuntio his scriptis, Autichristum illum verum sedere in Templo Dei, & regnare in Babylone illa purpurata Roma, & Curiam Romanam esse Synagogam Satanae.* Et infra: *Itaque lege Letior, & geme, gloriam Romana Ecclesia ed cœcidisse, ut hæc hæretica, blasphemæ, diabolica, tartarea venena, non modò intra se concipiat & alat, sed in Orbem quoque propaget. Eant nunc qui gloriantur, Romanam Ecclesiam nunquam fuisse hæresi contaminatam. Unus hic Sylvester Arium, Manicheum, Pelagium, & omnes alios incomparabiliter superat.*

*Si sic Roma credit, beata Græcia, beata Bobemia, beati omnes, qui se se ab ea separaverunt, & de medio istius Babylonis exierunt. Dammati verò omnes, qui ei communicaverint. Et ego quoque si Pontifex & Cardinales hoc os Satanae non compeſcuerint, & ad palinodiam adegerint, his testibus, confiteor me dissentire Romana Ecclesia: & negare eam cum Papa & Cardinalibus tanquam abominationem stantem in loco sancto. Extincta est in ea jamdudum fides, proscriptum Evangelium, exul Christus, mores plusquam barbarici. Una erat reliqua spes Scripturæ Sanctæ illibata auctoritas, & ejusdem recta salutem opinio, si nulla indulgentia. Jam & banc Satan occupat, arcem Sion, & turrim David, bacienus inexpugnabilem.*

*Nunc vale infelix, perdita & blasphemæ Roma, pervenit ira Dei super te, sicut meruisti in finem. Nec tot orationibus, quæ pro te fiunt, nisi in dies pejor fieri voluisti. Curavimus enim Babylonem & non est sanata, relinquamus ergo eam, ut sit habitatio draconum, lemarum, larvarum, lamiarum, & juxta nomen suum confusio sempiterna lulis avaritiæ perfidis, apostatis, cyuedis, priapis, latronibus, simonibus, & insuinitis aliis monstris ad os plena, & novum quoddam Pantheon impietatis. Hicce maledicis imposturis, ore verè Satanico omnes retrò Hæreticos impudentiâ superans, Ecclesiam Romanam suis erroribus resistentem impie insectatur, ac suæ hæresi viam parat.*

XI. Igitur Romanâ Ecclesiâ sacrilegè abjuratâ, deinceps in omnem blasphemiam & errorem abrupit. Anno 1519. à Fratribus Minoribus de pluribus erroribus apud Episcopum Bambergensem delatus, eos epistolâ contumeliosâ ad ipsos datâ, quæ extat Tomo 1. fol. 238., pertinacius propugnauit. Hi autem erant. 1. *Quod Deus præcepit homini impossibilia.* 2. *Deus exigit à quolibet Christiano summam perfectionem, & totum Evangelium.* 3. *Nulla sunt consilia, sed omnia Evangelii sunt præcepta.* 4. *Laico habenti auctoritatem Scripturæ plus est credendum, quàm Papæ, quàm Concilio, imò quàm Ecclesiæ.* 5. *Petrus non erat Princeps Apostolorum.* 6. *Papa solum jure humano, est Vicarius Christi.*

XII. Alios eodem anno Lipsiæ proposuit disputandos errores cum Ecchio, in quibus ultra præallatos contra Indulgentiarum, & contritionis valorem, & Papæ auctoritatem, addidit istum: *In bono opere peccare hominem, & peccatum veniale non naturâ suâ, sed Dei misericordiâ solum esse tale, aut in puero post Baptismum peccatum remanens negare, hoc est Paulum & Christum semel conculcare.*

In æstu autem disputationis effutiit sequentes. Primò (fol. 251.) *Certum est, inter Articulos Joannis Hus & Bobëmorum multos esse planè Christianissimos & Evangelicos, quos non possit universalis Ecclesia damnare, velut ille: Non est de necessitate salutis credere Romanam Ecclesiam esse aliis superiore (est 25. ex damnatis à Leone X.)* Deindè approbat hanc Joannis Hus propositionem: *Papalis dignitas à Cæsare inolevit.* Unde totâ ferè disputatione sustinet, quòd *Primatus Romani Pontificis non est de jure Divino.* Secundò (fol. 267.) pertinaciter contendit, quòd *S. Petrus Primatum dumtaxat honoris, non verò Primatum potestatis habuit super ceteros Apostolos.* Tertiò (fol. 268.) *Quòd Divina Scriptura tota prorsus nihil habeat de Purgatorio.*

XIII. Scripsit Epistolam contra Hieronymum Emserum, quæ habetur eodem Tomo 1. fol. 345. Insuper Apologiam in sui defensionem contra Ecchium (fol. 356. verso) solitâ impudentiâ, & omnium contemptu suos errores confirmans. Et pag. 364. versâ propugnat, *Confessionem Sacramentalem non esse de jure Divino.* Post Adæ peccatum solum nomen liberi arbitrii superesse: *Sicut, inquit, Civitas vastata, vel collapsa domus habet quidem nomen & titulum, quem prius habuit & posteriùs habebit, non tamen idem potest quod prius: ita liberum arbitrium.* Cum soli fidei finè operibus tribuisset justificationem, tueri se conatur dicens, se non intendisse excludere opera bona, sed opera legis, quæ sunt noxia. Reverâ tamen ita soli fidei justificationem tribuit, ut etiam opera bona à causa justificationis excludat, eaque solum ponat veluti effectus



ctus & fructus. Nam in Comment. super Caput 22. Genesis S. Jacobum cap. 2. suæ Epistolæ Canonice dicentem: *Quoniam ex operibus justificatur homo, & non ex fide tantum*, ore sacrilego ita proscindit: *Abraham fuit iustus fide, ante quam cognoscitur à Deo talis. Igitur male concludit Jacobus, quod nunc demum justificatus sit post illam obedientiam: per opera enim tanquam per fructus cognoscitur fides & iustitia. Non sequitur, ut Jacobus delirat: igitur fructus vivificant: sicut non sequitur: Ego agnosco arborem ex fructu. Igitur arbor ex fructibus sit bona. Facebant itaque è medio Adversarii cum suo Jacobo, quem toties nobis objiciunt: & multa de iustitia operum blaterant, sed nihil intelligunt. Sic ut delirantem Jacobum & Canoniam ejus Epistolam traducit, quia suo errori non consentit. Quis ad tantam blasphemiam non exhorreat?*

XIV. Porro qui adeò blasphemè de Apostolo & Scriptura Divina est locutus, mirum non erit, si de Romano Pontifice ejusque Bulla pari phrasi audiamus loquentem. Damnaverat Léo X. ut supra dixi, die 16. Junii 1520. ex scriptis & dictis Lutheri 41. Articulos, Bullâ ad hoc specialiter datâ. Huic damnationis judicio tantum abfuit, ut humilis se subiceret, quin potius in suis erroribus pertinacior ei opposuit libellum, cui præfixit titulum *Adversus execrabilem Bullam Anticristi*. Tom. 2. fol. 88. verso. Ubi inaudita impudentiâ sic loquitur: *Protestor coràm Deo & Domino nostro Jesu Christo & Sanctis Angelis ejus, & toto Mundo, me dissentire corde damnationi hujus Bullæ, quam & maledico, execror, velut hostem sacrilegam, & blasphemiam Christi Filii Dei & Domini nostri. Amen. Deinde assero & amplector fiduciâ totâ spiritus mei Articulos per eam damnatos, asserendosque pronuntio omnibus Christianis, sub pœna æternæ maledictionis, & Anticristos habendos: quicumque Bullæ consenserint, quos & his scriptis conjuncto mihi omnium spiritu, qui purè Christum cognoscunt & colunt, pro ethnicis habeo & devoto secundum præceptum ejusdem Domini nostri Jesu Christi. Amen. Hac mea revocatio esto, à Bulla, verè bullarum filia.*

XV. Indè Papâ, Cardinalibus, & qui Ecclesiæ Romanæ adhaerent, tanquam indoctis ac insipientibus, & verbo Dei resistentibus contentis, concludit: *Veram eorum temeritati oppono constanter invictum Paulum (1. Cor. 14. v. 30.)*, Si alteri sedenti revelatum fuerit, prior taceat,,. *Hinc clarè babes, Papam & quemvis alium majorem debere tacere, si alteri inferiori in Ecclesia revelatum aliquid fuerit. Hæc ego auctoritate nixus contemptæ Bullæ temeritate, cum fiducia Articulos defendendos suscipio, nullius undam damnationis tanti facturus, etiamsi Papa sit cum tota sua Ecclesia, nisi Scri-*

*Scripturis me erudierit*. Ita infamis iste nebulo sibi revelatum dicitans (à Diabolo non à Deo), Papam, & quemcumque alium contrarium sentientem, tacere jubet, & tanquam dogmata fidei suos errores pronuntiat, quorum primus est:

*Hæretica sententia est, sed usitata, Sacramenta nova Legis gratiam dare illis, qui non ponunt obicem*. II. *In puero post Baptismum negare remanens esse peccatum, est Paulum & Christum simul conculcare*. III. *Fomes peccati, etiamsi nullum adsit actuale peccatum, movatur exeuntem à corpore animam ab ingressu Cæli*. IV. *Imperfecta caritas morituri fert secum necessariò magnum timorem, qui se solo satis est facere pœnam purgatorii, & impedit introitum Regni*. V. *Tres esse partes Pœnitentie Contritionem, Confessionem, Satisfactionem, non est fundatum in Scriptura Sacra, nec in antiquis Sanctis Doctoribus*. VI. *Contritio, quæ paratur per discussionem, collectionem, & detestationem peccatorum, quæ quis recogitat annos suos in amaritudine animæ suæ, ponderando peccatorum gravitatem, multitudinem, seditatem, amissionem æternæ beatitudinis, ac æternæ damnationis acquisitionem; hæc contritio facit hypocritam, imò magis peccatorem*. Hi Articuli sunt sex priores à Leone X. damnati.

XVI. Eâdem insolenti temeritate alium edidit librum fol. 94. Tom. 2. cui titulus: *Affertio omnium Articulorum Martini Lutheri per Bullam Leonis X. novissimam damnatorum*. In eo contumaciter propugnat, non solum sex præfatos, sed reliquos omnes sequentes, à quibus referendis abstinco, cum in ipsa Leonis Bulla legi possint. Neque hic stetit ejus impietas: ad facinus execrandum, & omnibus retro seculis inauditum (ut supra tetigi) processit. Totum nempe Jus Pontificium unâ cum Leonis diplomate decimâ die Decembris anni 1520. publicè combussit. Mox sacrilegum facinus edito Libello qui extat Tom. 2. fol. 119. excusavit, Articulos triginta ex Juris Pontificii Libris velut absurdos & impios traducens, ipsisque gratum sensum per calumniam affingens, quasi omnes eò tendant, *Ut Papa sit & Deo & omnibus hominibus superior, ipsique etiam Deus & Angelus sint subjecli*. Addens, totius Juris Canonici summam nil aliud docere, quàm *Quod Papa est Deus in terris, superior omnibus cælestibus, terrenis, spiritualibus & secularibus: & omnia Papæ sunt propria, cui nemo audeat dicere. Quid facis?* Deinde Romanum Pontificem *Antichristum*, Romanam Ecclesiam *Synagogam Satanae*, *Babylonem*, *Lupanar*, *Sedem Antichristi*, impius Hæresiarcha appellavit. Subindè responsum ad Librum Ambrosii Catharini Ordinis FF. Prædic., postea Episcopi Minoritani, evulgavit plenum blasphemiiis, convitiis, & contumeliis in Romanam Ecclesiam, ejusque doctrinam, & præsertim in Romanum Pontifi-

tificem, in quem transfert visionem Danielis cap. 8. de Antichristo. XVII. Post scriptam ad Leonem X. inverecundam Epistolam, ad cuius calcem hæc verba apposita leguntur Tom. 2. fol. 63. *Ditampamus vincula eorum, & projiciamus à nobis iniquitates ipsorum*: subjecit Librum omnium maximè blasphemum *De Captivitate Babylonica Ecclesie*. Ejus in limine poenitere se profitetur, quòd *Indulgentias non penitus rejiciendas* antea censuerit, sed beneficio Sylvestri, & Fratrum qui strenuè eas tutati sunt, intellexerit; *Eas aliud non esse, quàm meras Romanorum adulatorum imposturas, quibus & fidem Dei & pecunias hominum perderent*.

Displicere etiam sibi moderationem, quâ Papatum, quem Divini Juris esse negaverat, humani saltem juris agnovit. Nunc verò se icire, & certum esse, *Papatum esse Regnum Babylonis, & potentiam Nembroth robusti venatoris*. Propterea Librarios & Lectores orat, ut iis quæ de hac re antea dixerat, exustis, hanc propositionem teneant: *Papatus est robusta venatio Romani Episcopi*.

Dixerat olim conveniens fore, ut de utraque specie Eucharistie laicis porrigenda Concilium Generale statueret, hic errorem ulterius provehit, dicens, utramque speciem ab omnibus; etiam laicis ex Christi præcepto esse sumendam, nec sub una integrum sumi Sacramentum. Unde fol. 66. ait: *Concludo itaque, negare, utramque speciem laicis, esse impium & tyrannicum, nec in manu ullius Angeli, nedum Papæ & Concilii cujuscumque*.

XVIII. Deindè specioso solvendæ captivitatis Romano-Babylonicæ titulo, in atrociores blasphemias erumpens, dicit 1. *Nov esse septem Sacramenta, & tantum tria pro tempore ponenda, Baptismum, Penitentiam, Panem*: & hæc omnia per Romanam Curiam in miserabilem captivitatem ducta... Quamquam si usu Scripturæ loqui velim, nunquid unum Sacramentum habeam, & tria signa sacramentalia.

2. In Altari verum panem, verumque vinum absque heresi credi posse. Transubstantiationem nullâ Scripturâ, nullâ ratione niti: Ecclesiam ultra mille ducentos annos rectè credidisse, nec unquam de ista transubstantiatione (portentoso scilicet vocabulo & somnio) meminisse Sanctos Patres donec cepit Aristotelis simulata Philosophia in Ecclesia grassari, in istis trecentis novissimis temporibus, in quibus & alia multa perperam sunt determinata.

3. Impiissimum esse illum abusum, quo factum est, ut ferè nihil sit bodiè in Ecclesia receptius, ac magis persuasum, quàm Missam esse opus bonum & Sacrificium. Qui abusus inundavit infinitos alios abusus, donec fide Sacramenti penitus extinctâ, meras nundinas, cauponationes, & quæstuarios quosdam contractus è Divino Sacramento fecerint.



cerint &c. Hinc vestes sacras, ornamenta, cantus, preces, organa contemnit: Evangelium non sinere, Missam esse Sacrificium, aut eam pro defunctis ac viventibus offerri. Contra Missam nedum hic, sed editis libris *De Missa privata & Angulari* impie debachatur.

4. *Missam secundum substantiam suam nihil aliud esse quàm verba Christi*, „ Accipite & manducate „ seu Christi promissionem, & ideo ad eam dignè habendam nil aliud requiri, quàm fidem, quæ huic promissioni fideliter innitatur.

5. Periculosum, imò falsum esse, opinari penitentiam esse secundam tabulam post naufragium, & perniciosum errorem esse putare, per peccatum excidisse vim Baptismi, & navem banc esse illisam, cum semper firma maneat in Divina promissione quæ dicit „ Qui crediderit & baptizatus fuerit, salvus erit „ ut prorsus non dubitemus, nos esse salvos postquam sumus baptizati. Nam nisi hæc adsit, aut paretur fides, nihil prodest Baptismus, imò obest, non solum cum suscipitur, sed toto post tempore vitæ. Si fides Baptismi adsit, hæc est vera penitentia, quæ à peccatis purgatur absque ullo penali opere & salvus fit.

6. Impie alleri, quod Sacramenta signa sint efficacia gratiæ, nisi hoc modo efficacia dixeris, quod si adsit fides indubitata, certissimè & efficacissimè gratiam conferant.

7. Numquam irritum fieri Baptismum, donec desperans redire ad salutem noluerit. Baptizatum, etiam volentem, non posse perdere salutem suam quibuscumque peccatis, nisi velit credere.

8. Neque Papam neque Episcopum neque ullum hominem habere jus unius syllabæ constituendæ super Christianum hominem, nisi id fiat ejusdem consensu. Quidquid aliter fit, tyrannico spiritu fieri. Ecclesiæ legibus veram Ecclesiæ libertatem non modò captivari, sed pessumdari penitus. Christianis nihil ullo jure posse imponi legum, sive ab hominibus sive ab Angelis, nisi quantum volunt. Papa super nos constituit leges? Quis dedit ei potestatem captivandæ hujus nostræ libertatis per Baptismum nobis donatæ? At nunc, tacitâ fide, infinitis legibus operum & cæremoniarum, extincta est Ecclesiæ, ablata virtus & scientia Baptismi, impedita fides Christi.

9. Vota prorsus omnia tollenda atque vitanda, sive sint Religiosum, sive peregrinationum, sive quorumcumque: & manendum in libertate religiosissima Baptismi. Christianus enim nulli legi addictus est, nisi Divinæ.

10. Vota privatim & arbitrio facta damnare non audeat: bene tamen vota publica & perpetua, quæ Deus ultor facit ut ea non servant: ideoque Ecclesiæ sunt perniciofa. Votum enim est lex quædam cæremonialis & humana traditio, seu prescriptio, à qua Ecclesiæ per

*Baptismus liberata est. Vota nullum habent in Scripturis testimonium & exemplum, fideique, & Baptismo detrabunt.*

11. *Opera quantumlibet sacra & ardua Religiosorum & Sacerdotum, in oculis Dei prorsus nihil distare ab operibus rustici in agro laborantis, aut mulieris in domo sua curantis. Sed sola fide apud eum mensurari.*

12. *Si votum dispensari potest, quilibet frater cum proximo, & ipse secum, dispensare potest. Sin dispensare proximus non potest, nullo iure Papa potest.*

13. *Matrimonium non dirimitur, si alter altero etiam invito Monasterium ingrediat, nondum consummato matrimonio.*

14. *Neceffe non esse occulta peccata confiteri Prelato, aut Sacerdoti, sed sufficere ut frater fratri confiteatur. Et verba illa: Quodcumque ligaveritis super terram ligatum erit & in Coelis: & quodcumque solveritis super terram, solutum erit & in Coelis, omnibus & singulis Christianis dicta esse.*

15. *Pontificem & Episcopos non habere jus reservandi sibi casus.*

16. *Circumstantias peccatorum cum matribus, filiabus, sororibus, affinis, locorum, temporum, dierum, personarum, esse omnino contemnendas. Apud Christianos enim una est circumstantia, quae est peccasse in fratrem.*

17. *Veram satisfactionem nil aliud esse, quam innovationem vitae.*

18. *Nullam esse rationem, ut Confirmatio inter Sacramenta divinitus instituta numeretur. Satis esse pro ritu quodam Ecclesiastico, seu caeremonia sacramentali eam habere, similem caeremoniis consecrandae aquae &c. Cum enim promissionem Divinam non habeant, Sacramenta fidei dici non possunt.*

19. *Matrimonium novae Legis Sacramentum non esse, cum illi desit Divina promissio, aliquid gratiae Dei accepturus quisquis uxorem duxerit.*

20. *Nullum esse impedimentum matrimonii, quod non est in Scriptura expressum. Contracta contra leges Ecclesiae matrimonia dissolvi non posse. Impedimenta spiritalis affinitatis, disparitatis cultus, criminis, Ordinis, meras esse nugas, & hominum commenta.*

21. *Inter Sacerdotem & uxorem verum esse & inseparabile matrimonium, mandatis Divinis probatum.*

22. *Urgente amore juvenutis, & quovis alia necessitate, propter quam dispensat Papa, dispensare etiam posse quemlibet fratrem cum fratre, aut ipsum cum se ipso, raptâ uxore de manu tyrannicarum legum; utcumque poterit.*

23. *Conjuges sacro divortio ad calibatum non esse cogendos.*

24. Sa-

24. *Sacramentum Ordinis Ecclesiam Christi ignorare, inven-  
tumque esse ab Ecclesia Papæ.*

25. *Characterem indelebilem, qui Ordinatis imprimitur, fig-  
mentum esse.*

26. *Christianos omnes esse equaliter Sacerdotes, hoc est ean-  
dem in verbo & Sacramento quocumque habere potestatem: verum non  
licere quemquam hanc ipsam uti nisi vocetur. Sacramentum Ordinis nihil  
aliud esse, quàm ritum quemdam eligendi Concionatoris in Ecclesia:  
& eum qui non prædicat verbum nequaquam esse Sacerdotem. Quare  
eos, qui tantum ad horas Canonicas legendas, & Missas offerendus or-  
dinantur, esse quidem Papisticos, sed non Christianos Sacerdotes.*

27. *Ordinare tales Sacerdotes, & Ecclesias & Campanas conse-  
crare, pueros confirmare, posse Diaconum, vel quemlibet laicum.*

28. *Unctionem Extremam Sacramentum non esse. Epistolam,  
in qua scriptum est „ Infirmatur quis in vobis, inducat Presby-  
teros &c., „ probabiliter asseri non esse Apostoli Jacobi, nec Aposto-  
lico spiritu dignam.*

29. *In rigore loquendo, duo tantum esse in Ecclesia Sacramenta,  
Baptismum & Panem, cum in his solis à Christo institutum sit signum  
annexam habens promissionem gratiæ.*

30. *Penitentiam Sacramentum, quod antea his duobus accen-  
suit, signo visibili & divinitus institutum carere, & aliud non esse,  
quàm viam ac reditum ad Baptismum.*

XIX. Hæc præcipua sunt, quibus titulo solvendi à captivitate  
Papæ populum Christianum, Diabolo sibi familiari & magistro  
docente, totam Ecclesiæ fidem & disciplinam evertere Lutherus  
parat, amplamque aperit viam ad libertatem carnis & sensus:  
sicut Diabolus hoc argumento *Cur præcepit vobis Deus?* in primis  
parentibus totum genus humanum deceptum ac seduxit; ita Luthe-  
rus fidelis Diaboli minister, hoc simili argumento *Cur præcepit  
vobis Papa?* quasi Papa sub cæcitate captivum populum Christia-  
num teneret, dixit, *Aperientur oculi vestri & eritis sicut Filii scientes  
bonum & malum.* Et hæc arte speciem libertatis præterente,  
non modicam Germaniæ partem decepit, & ab obedientia Eccle-  
siæ ejusque Capiti debitâ subtraxit.

XX. Hinc ut verè diabolicam animi sui superbiam, & Papæ  
contemptum palam faceret, Librum hunc de Captivitate Babylo-  
nica his verbis claudit: *Audite paratas esse denud in me Bullas diras  
Papisticas, quibus ad revocationem urgear, aut hæreticus declarer.  
Quæ si vera sunt, hunc Libellum volo partem esse retractionis meæ  
futuræ, ne suam tyrannidem frustra insultam querantur. Reliquam  
propediem editurus sum talem, Christo propitio, qualem hæcenus non*

*viderit, nec audierit Romana Sedes, obedientiam meam abundè testaturus.* Ita maledicta, quæ adversus Romanam Sedem rebellis Hæresiarcha in hoc libello partim congerit, & quæ partim congerenda sibi reservat, obedientiæ nomine irrisoriè, sed impiè, superinducit, Papamque Herodi similem ad calcem Libri deferibens: quasi, sicut Herodes metu amittendi Regni persequutus fuit Christum: ita Papa metu tyrannici imperii amittendi, in Lutero & sua hæresi Christum & Evangelium persequeretur.

Quæ blasphemus iste comminatus fuit, complevit, maximè in Libro quem postea adversus Ambrosium Catharinum edidit, ac inscripsit de Visione Danielis cap. 8., in quo duodecim tacies in Antichristo à Propheta prædictas, Romano Pontifici affinxit, & concludit hunc quoquè, sicut illum, sinè manu conterendum. Et abutens verbis Apostoli 2. Thessal. 2. v. 8. *Quem interficiet Dominus Jesus spiritu oris sui, & destruet illustratione adventus sui* &c. Ita blasphematur, seu verius insanit: *Non ergo Papam & Regnum ejus ( licet multi id metuant ) laici vastabunt, indigni enim sunt hæc mitissimâ vindictâ, sed Christi adventui reservantur, cujus hostes omnium atrocissimi sunt & fuerunt. Sic enim perire debet, qui adversus omnia consurgit, non manu, sed spiritu Satanae, ut spiritus spiritum occidat, & veritas dolum revelet: revelasse enim mendacium, destruxisse est.* Sed non advertit perditus Satanae minister, filium perditionis spiritu Christi in adventu suo interficiendum, Paulo non fuisse, Christi Ecclesiam, cui tunc Petrus præerat tamquam Caput, & cui Romani Pontifices in regimine succedere, contra quam Christus ipse Matth. 16. v. 18. portas Inferni non prævalituras præmisit: sed illum ipsum potiùs & omnes Hæreticos veri Antichristi præcursores, & veros filios perditionis. Quod etsi dum viveret capere noluit, post mortem tamen expertus fuit, ac in æternum experietur, & in die adventus sui Christus revelabit.

## §. V.

*Reliqua Lutheri ad mortem usque.*

I. **A**udacem temeritatem, quâ primò in Papam, & Ecclesiam Romanam ejusque dogmata & leges intulit, ac omnes qui suis erroribus restiterunt, injuriosè contempsit toto vitæ tempore continuavit. Ab anno 1521. usque ad 1546. quo è vita excessit, libros consarcinavit, quibus omnes serè hæreses extumulavit: Hos recenset inter alios Alexandre in Hist. Seculi 15. & 16. cap. 2. art. 10., ex quibus magis magitque apparet ejus superba petulantique

que audacia ac impudentia, scurrilitas, irreverentia in omnes etiam Principes, animusque paratus ad seditiones in populo adversus ipsos excitandas.

Qualis in hoc Lutheri animus fuerit, ex factis comprobatur Jo. Cochleus Lib. de Actis & Scriptis Mart. Luth. ad ann. 1523. ubi de ejus maledicentia in Principes: *Neque enim*, inquit, *issud Luthero novum est, omnia comminisci ac fingere, quibus in odium Principum scelera concitet, atque exstimulet populum. In quod negotium promovendam, sceleratorum hominum catervam jamdudum contraxit atque adjunxit sibi. Itaque nulla unquam factio fuit ita seditiosa, pestilens, nefaria, quæ sic Religionem omnem tollere, leges omnes obvertere, mores omnes bonos corrumpere, Respublicas omnes evertere, machinata sit, ut nunc ista conjuratio Lutherana, quæ & Sacra omnia profanat, & profana contaminat. Quæ ita Christum prædicat, ut ejus Sacramenta conculcet: ita Dei buccinat gratiam, ut arbitrii libertatem destruat: ita fidem extollit, ut operibus bonis detrahatur, & invehat peccandi licentiam: ita misericordiam sublevari, ut justitiam deprimat, & malorum omnium causam inevitabilem, non in Deum, aliquem malum, quod Manichæi saltem commenti sunt, sed in unicum verè bonum rejiciat. Qui cum ad hunc modum impiè Divina tractarit, velut à Cælo dejectus serpens, virus effundit in terras. In Ecclesia commovet dissensionem, leges omnes abrogat, Magistratus omnes enervat, Laicos in Sacerdotes concitat, utrosque adversus Pontificem, populos adversus Principes. Hæc decantata Reformationis, verè Ecclesiæ desolationis ratio, à Luthero instigante Diabolo inventa.*

II. Et quidem quod Diabolo suadente Missæ Sacrificium sustulerit, testatur ipse in Lib. de Missâ privata, & Unct. Sacerdotum, ubi enarrans disputationem habitam super hoc cum Diabolo, ait: *Contigit me semel sub mediam noctem subito expergefieri: ibi Satan mecum cepit ejusmodi disputationem. Audi, inquit, Lutbere, Doctor perdocte, nosti etiam te quindecim annis celebrasse Missas privatas penè quotidie. Quid si tales Missæ privatæ horrenda esset idololatria? Quid si ibi non adfuisset Corpus & Sanguis Christi, sed tantum panem & vinum adorasses, & aliis adorandum proposuisses? Cui ego respondi: Sum unctus Sacerdos, accepi unctionem & consecrationem ab Episcopo, & hæc omnia feci ex mandato & obedientia Majorum. Quare non consecrarem, cum verba Christi seriò pronuntiarim, & magno seriò Missas celebravim? Hoc nosti. Hoc totum, inquit (Diabolus) est verum; sed Turcæ & Gentiles etiam faciunt in suis Templis omnia ex obedientia & seriò Sacra sua faciunt. Sacerdotes Hieroboam faciebant omnia certo zelo & studio contra veros Sacerdotes in Jerusalem. Quid si tua ordinatio & consecratio etiam falsa esset, sicut Tur-*

*carum & Samaritanorum falsi Sacerdotes, falsus & impius cultus est?*  
 Hæc Diabolus : qui deindè alia subdit , quæ eadem ab ipso edocti,  
 unâ cum Luthero ejus ac Diaboli sequaces contra Missam priva-  
 tam obijciunt .

III. Hisce Satanicis fallaciis se conatum respondere eisdem ra-  
 tionibus , quibus assuetus erat sub Papatu , protestatur Lutherus .  
 Sed Satane fortius & vehementius instanti , tandem se cessisse fa-  
 tetur , & librum illum diabolicâ imbutus doctrinâ exaravit . Ecce  
 ex qua schola prodiit Missæ abrogatio . Hinc ne mireris , Lector ,  
 si Lutherum , qui Prieratem , Catharinum , aliosque & Ecclesiam  
 ipsam , Catholicas veritates ei opposcentes tanta impudentiâ con-  
 tempsit , vanis Diaboli sophismatibus modò victum & captivatum  
 videas . Diaboli discipulus erat & mancipium . Nam ut ait Chri-  
 stus Matth. 10. v. 24. *Non est discipulus super magistrum , nec servus  
 super dominum suum* . Diaboli tamen & sectatorum ejus fallacias  
 detegit Deus , & idèò timendi non sunt : unde subdit v. 25. *Si pa-  
 trem familias Beelzebub vocaverunt ; quantum magis domesticos ejus ?  
 Ne ergo timueritis eos . Nihil enim est opertum quod non revelabitur ;  
 & occultum quod non scietur* . De antiquitate Missæ private agit  
 Card. Bona Lib. 1. Rer. Liturg. cap. 13. à num. 4. & cap. 14. Pro ea  
 stant omnes Catholici Scriptores , ut ostendi Tomo 3. in 3.p. Qu. 3.  
 de Sacrificio Missæ Dub. 3. & aliquæ dixi in Vera Ecclesia Tom. 1.  
 cap. 6. §. 4. num. 34.

IV. Contra Votum castitatis apertum bellum indixit . In pu-  
 blicum emiserat anno 1523. Librum de Votis Monasticis ad Paren-  
 tem suum , in quo estò fateatur , Jus reddendi Votum esse divini-  
 tûs institutum , Vota tamen Monastica , præcipuè perpetuæ casti-  
 tatis , tamquam impia , & verbo Dei contraria impiè blasphemant ,  
 si ab eis resilire non liceat . Unde ait : *Votum castitatis , & totius  
 Monastica , si pium est , debere necessario secum involvere libertatem  
 rursum omittendi , & in hanc ferme sententiam interpretari : Voco  
 tibi obedientiam , castitatem , paupertatem servandam cum tota Re-  
 gula Augustini usque ad mortem , libere , hoc est , ut mutare possim ,  
 quando visum fuerit . Si aliter interpreteris aut intellexeris , cernis ex  
 prædictis peccari adversus libertatem Divinam vobis mandatam , nec  
 posse fieri , ut Deus aliter acceptet , nisi revocet libertatem , idest nisi  
 neget se ipsam* . Dixerat enim Vota Monastica absolutè emissa , eile  
 adversus libertatem Evangelicam & Divinis mandatis prohibita .

V. Placuit hæc doctrina , & indilatè , idest eodem anno 1523.  
 ab ejus Sectariis executioni sacrilegè mandata . Nam ipsis diebus ,  
 quibus Ecclesia anniversariam Dominicæ Passionis memoriam ce-  
 lebrat , novem Virgines genere nobiles Deo sacras , seductas ex  
 Mo-

Monasterio Nimicensi, ipso Luthero probante atque laudante, Wittembergam ad stupra rapuerunt. Imò Leonardum Koppen raptorem incestuosum Panegyricâ Oratione Lutherus celebravit, illud ilagitiū in Deum referens, & auctorem cum Christo animas ex inferorum potestatibus eripiente comparans ( ut refert Cochleus de Actis & Scriptis Lutheri ) cū enim quereretur Koppen, totum Monasterium Nimicense ob talem raptum in se concitari, respondit Lutherus: *Imò verò felicem raptorem, sicut & Christus raptor erat in Mundo, quando per mortem suam Principi Mundi auferbat arma & vasa sua, ipsumque ducebat captivum. Ita & tu has miseras animas ex carcere humanæ tyrannidis eduxisti, & quidem opportunissimo tempore in Pascha, quo Christus suorum quoque captivitatem captivam duxit.*

*Et ne quid ( Cochleus prosequitur ) rationis aut pudoris ferali sceleri reliquum esset, Lutherus in fine illius libelli sui nominatim commemorat novem Moniales illas nomine & cognomine unamquamque proprio, quæ omnes erant genere nobiles, in perpetuum sanè dedecus, & opprobrium tot inclytarum familiarum, quas tam insigni scelere diffamat,*

Deindè scandalum omnium atrocissimum subiungens: *Atque, inquit, ut completior fieret ea iniquitas, septima miserrimarum apostatarum illarum Catharina de Bore, post biennium in seculo vagâ inter Scholares Academicos conversatione Wittembergæ exactum, mox ut diem obierat Dux Federicus Elektor, facta est Luthero ( si Diis placet ) uxor, Monacho Monialis, perfido perfida, flagitioso flagitiosa, scilicet ut esset dignum olla operculum, & par pari facillè conjungeretur, & mentiretur eis Paulus dum ait, „ Habentes damnationem, quia primam fidem irritam fecerunt „. Ita Cochleus. Ex ista infami pellice jam gravida quando eam sibi copulavit, tres Lutherus genuit filios. An unquam tale monstrum à quocumque etiam impiissimo Ecclesia Dei passa est? Et tanquam Ecclesiæ Reformator à multis adhuc suscipitur, & in veneratione ut Beatus habetur.*

VI. Nimiū essem, si omnia quæ Lutherus instigante Diabolo in perniciem Ecclesiæ machinatus est, recensere vellem. Venit tandem dies, quâ Deus Ecclesiæ suæ vindex huius nefarii seductoris morte eam liberare decrevit. Hæc dies fuit decima septima Februarii anni 1546. Contigit autem Islebii, noctū, cū sero præcedente opiparè cœnasset, ac sacetiis de more indulsisset, anno ætatis suæ sexagesimo tertio. Varios de illius obitu libellos emisere præcipui ejus discipuli, Jonas, Philippus Melancthon, & Joannes Pomeranus. Jonas mortū ejus subitanæ & improvise inter-

terfuit, ac funebri pompa<sup>7</sup> texuit historiam. Alii duo funebres habuere conciones; Pomeranus Germanicam ad populum, Latinam ad Scholasticos Melancthon. Ejus cadaver stanneo loculo inclusum Wittembergam delatum est, comitante Catharinâ pellice unâ cum tribus filiis à Luthero susceptis, Joanne, Martino, & Paulo, & magnâ equitum peditumque suæ factionis prosecutione. Illius sepulchro hoc epitapium apponendum proposuit Pomeranus:

*Pessis eram vivens, moriens ero mors tua, Papa.*

## CAPUT CIX.

De Lutheri Discipulis, eorumque, à Magistro,  
necnon inter se discordia.

## §. I.

*De Carlostadio.*

**E**ODEM seculo sexto decimo Ecclesiæ verè insausito, alios, qui Luthero in falsis doctrinis disseminandis adjuutores essent, Diabolus ab Inferis excitavit. Primus fuit *Audreas Carlostadius* seu *Carolstadius*. Is fuit Archidiaconus Wittembergensis, & Luthero adhæsit; sed ambitione elatus ipsum anteire, & supra, imò contra ipsum sapere orsus est. Cùm enim Wittembergâ abisset Lutherus, in sua confecta Pathmo, non Dei, sed Satanz revelationes suscipiens, ea quæ Lutherus verbo docuerat exequi, & alia pejora addere Carlostadius tentavit. Ipse primus, quamvis Sacerdos, sacrilegas nuptias contraxit, & quidem tantâ apud Wittembergenses celebritate, ut de eis Missam propriam cælibatui Sacerdotum injuriosam edere non erubuerint. Hanc refert Cochleus ad ann. 1525. Missam deindè penitus sustulit, Imagines è Templis ejecit, Sacrosanctam Eucharistiam profanis manibus atrectari fecit, aliaque impia aggressus est, ut par Luthero esse videretur.

II. Interea è sua Pathmo reversus Lutherus, videntque ea quæ Carlostadius se absente gesserat, non quòd gesta animo improbareret, sed invidiâ excitatus, quasi primatum sibi eripere vellet, publicâ concione ipsum redarguit, non quòd facta secundum se mala essent, sed quòd fuissent sine auctoritate Principis attentata. Ille cùm esset facundiâ impar Luthero, coram populo consultus iram corde detinuit, nec unquam amplius Luthero tavit. Cùmque eo obstan-



obstante non posset opiniones suas publicè communicare, abiit Orlamundam Oppidum ad Salam fluvium situm, sub ejusdem tamen Principis dominatu. Nactus ibi favore populi scribendi libertatem, apertè reprehendit Lutherum, non modò de Missâ, & Imaginibus, verùm etiam de Eucharistiæ Sacramento. Indè Carlostadius Wittembergam operâ Lutheri revocatus, cùm exequi cunctaretur, tandem effecit Lutherus, ut à cunctis Ducum Saxonie locis ac finibus ei interdiceretur.

III. Itaque Carlostadius proscriptus unâ cum illegitima uxore sua huc illucque vagari coactus, seditiosis rusticis se adjunxit. At istis casis ac dissipatis, eò necessitatis ac miserie redactus est, ut ne videretur seditionis incensor, Lutheri inimici sui opem implorare ad sui tutelam coactus fuerit. Lutherus gloriæ hinc sibi aucupandæ, & verum Evangelicum nectum verbo, sed factò se demonstrandi occasionem nactus, preces ejus & excusationem admisit, eique redditum Wittembergam obtinuit: eâ tamen lege, ut de suis contra Lutherum opinionibus nec verbo nec scripto quidquam assereret. Ille igitur Wittembergam reversus, cùm præ pudore conspectus hominum, apud quos & opibus & famâ celebris fuerat, inglorius ferre non posset, in proximum oppidum & circumjacentes villas secessit. Ibi miseriam adactus ex Theologo, & Archidiacono agricolam agere & arare, ut vitam ageret, cepit, ut risui atque commiserationi vicinis esset: & maxime uxor ejus, ut quæ ex stirpe nobili orta ac nobiliter educata, homini infami proscripto & abjecto nupta, cujus nuptiæ celebratæ adeò fuerant, ne rustico quidem pane satiari posset. Carlostadius tamen hisce, miseriis infractus usque ad mortem Luthero semper insensus in sua impietate perseveravit. Hæc ex Cochleao citato loco excerpta sunt.

IV. Carlostadii errores, præter communes cum iis quos docebat Lutherus, fuere. Primò, quòd Sacra Signa & Imagines è Templis primus ejecit. Secundò, & præcipuè, quòd Christi Corpus & Sanguinem re ipsâ & secundum substantiam in Eucharistia adesse negavit (quod Lutherus absolute non negabat) & sic sepultam olim sacramentarium heresim excitavit. Affirmabat enim, Christum cum dixit: *Hoc est Corpus meum, quod pro vobis traditur*, istud pronomen *Hoc*, non in panem direxisse, sed in se ipsum, ut sit sensus: *Accipite & comedite, nam ego hoc Corpus meum sum vobis traditurus*. Libellis de *Cæna Domini*, quos Orlamundæ, ubi tunc Ministrum agebat, edidit, hunc suum errorem tueri conatus est. De quo fusiùs scribit Zuinglius in Epist. ad Mattheum Albertum Reutlingensium Ministrum, in qua ejus sententiam nec omninò probat, nec penitus improbat. Ipsum quidem laudat, quòd

Tom. VII. Par. V.

E

ten-

senferit, verbis Christi alium oportere subesse sensum, quàm primâ fronte promittant. Verùm, ut illum explicaret, non satis clarè vidisse: illique idem accidisse, quod Tironi, cui animus & arma ad pugnam non desunt, sed armorum peritia.

V. Melancthon in Epistola ad Fridericum Myconium ita eum describit: Carlostadius primus excitavit hunc tumultum, homo serus, sine ingenio, sine doctrina, sine sensu communi, quem nullum unquam humanitatis officium aut intelligere aut facere animadvertimus, tantum abest, ut in eo significatio aliqua Spiritus Sancti animadvertatur, cùm imò extant manifesta signa impietatis. Damnabat omnes Leges ab Ethnicis conditas, contendebat in foro Juxta ex Mose dicendum esse, non intelligens vim & naturam Christianæ libertatis. Totam illam fanaticam Anabaptistarum doctrinam statim initio amplectebatur, cùm cepisset eam in Germania ferere Nicolaus Stork. Controversiam de Cæsa Domini tantùm odio Lutheri, non aliquâ pietatis opinione movit. Bona pars Germania testari posset, me nihil in hac causa fingere. Quamquam, si testibus opus sit, Libelli ipsius adversus antiquam dicunt certissimum testimonium. In his apparet, hominem ne ratione quidem aliquâ in speciem probabili motum esse ad scribendum. Quod suaviter nungatur de demonstratione vocis Tuto (idest Hoc) Quod offert ad causam tantam Ecclesiæ veteris aut illius magni Autoris testimonium? Quæ vox est in tota disputatione, in qua sit aliqua pietatis significatio? Undè illum comparans iis qui semiebrii inter pocula loquantur, concludit: Meo quidem judicio magna est temeritas, dogmata ferere non consultâ Ecclesiâ veteri.

VL His Carlostadium Melancthon perstringit; Sed non advertit, hæc omnia in se ipsum ac suum magistrum Lutherum, retorqueri. Quis enim Lutherus? Quo sine motus ad scribendum, & sectam formandam? Nonne odio Papæ & Ecclesiæ Romanæ? Quæ signa pietatis in ejus scriptis, & non potius scurrilitatis, & omnium Veterum contemptus? Quid offert Lutherus ad causam tantam Ecclesiæ veteris, aut illius magni Autoris testimonium? Quod si affert, vel contra Ecclesiæ veteris Patres interpretatur, vel si sibi non consentiunt, eos errasse dicit. Si ergo tuo judicio, Melancthon, magna est temeritas dogmata asserere, non consultâ Ecclesiâ veteri; nonne major temeritas erit, te sequi Lutherum, qui Ecclesiam veterem non solum non consultat, sed impudenter contemnit?

Exul è Saxonia Carlostadius in Helvetiam venit, & à Tigurinis (qui prius Sacerdos & Archidiaconus fuerat) Diaconus ordinatus est. Post Zuinglii tandem obitum Basilicam profectus, ad Ministerium assumptus est, ibique peste obiit. Plura de Carlostadio addit Florenmundus Remundus in Synopsi Lib. 2. cap. 7.

## §. II.

*De Zuinglio, & Ecolampadio.*

I. **D**um Lutherus & Carlostadius in Saxonia deliria sua contentiosè spargerent, Huldricus Zuinglius novam discordie faciem accendit. Is in pago Boggiorum in Helvetia natus, Claronenfis primùm, postea Eremitanæ Ecclesiæ Pastor, ad Urbis Tigurinæ Parochialem administrandam vocatus, vel ut vult Floremundus Remundus citato Lib. 2. cap. 8., è milite Canonicus Constantiensis factus, in Helvetia somnia sua quoquè cœpit proponere. Et initio quidem ab Indulgentiis orsus est, uti Lutherus; sed mox ad pejora cum Carlostadio prolapsus est; à quo tamen in Sacramentaria re quoad modum explicandi verba Christi *Hoc est Corpus meum* dissentiebat: in eo tamen conveniebat, quòd contra unanimum totius Ecclesiasticæ antiquitatis consensum Realem Corporis Jesu Christi in Coena præsentiam negaret: & ita à Luthero, cui ante adhæserat, discessit, & suam ad Carlostadii opinionem aliquantò accommodavit. Annum hunc, qui fuit 1525., tanquam funestum Lutherani detestantur, ut in quo Sacramentarium Secta ita in apertum prodiit, ut tutum locum & sedem cœperit obtinere, quem in Carlostadio vago non potuerat habere.

II. Varios errores in pseudo-Synodo Tigurina primùm afflavit Zuinglius anno 1519., ex quibus Natalis Alexandre in Hist. Seculi 15. & 16. cap. 2. art. 10. §. 3. num. 2. refert sequentes.

1. *Missæ non est Sacrificium, sed Sacrificii in Cruce semel oblatis commemoratio, & quasi sigillum redemptionis per Christum exhibita.*

2. *Nobis extra hanc vitam intercessore præter Christum nullum opus est.*

3. *Christus est nostra justitia. Hinc consequitur, opera nostra eatenus esse bona, quatenus sunt Christi, quatenus verò nostra, non esse verè bona.*

4. *Christianorum nullus ad ea opera, quæ Christus non præcepit, adstringitur. Quolibet tempore quolibet cibo vesci potest.*

5. *Quidquid Deus non vetat & permittit, justè fit. Ex quo discimus, matrimonium ex aqua omnibus convenire.*

6. *Qui Ecclesiastici vulgò, seu Spirituales vocantur, peccant, dum posteaquam seuserint castitatem sibi à Deo negatam, non uxores ducunt, aut nubunt.*

7. *Qui vocent castitatem, stultâ præsumptione, & puerili arro-*

*gantiâ tenentur, Qui ergo ab eis vota hujusmodi, vel exquirunt, vel oblata recipiunt, injuriam eis faciunt, & tyrannidem in simplices exercent.*

8. *Potestas, quam sibi Papa, & Episcopi, ceterique, quos Spirituales vocant, arrogant, ex Sacris Literis, & doctrina Christi firmamentum non habet.*

9. *Confessio quæ Sacerdoti, aut proximo fit, non pro remissione peccatorum, sed pro consolatione haberi debet.*

10. *Opera satisfactionis à Sacerdote imposta humanæ sunt traditionis.*

11. *Scriptura Sacra Purgatorium post hanc vitam nullum novit. Preces tamen pro defunctis non damnans, Si quis, inquit, pro mortuis sollicitus, apud Deum gratiam eis implorat, aut precatur, non damno.*

12. *De charactere, quem postremis hujus temporibus excogitant Sacrifici, nihil novit Divina Scriptura.*

13. *Scriptura alios Presbyteros aut Sacerdotes non novit, quàm eos qui verbum Dei annuntiant.*

III. Tigurinus Magistratus adhærens Zuinglio omnibus Pastoribus Urbis ac ditionis suæ mandavit, ne posthac aliud Ecclesiis suis proponerent, quàm purum Dei verbum, Prophetarum & Apostolorum Libris comprehensum. Inde alter Conventus habitus fuit, quo sollemnis Eucharistiæ circumgestatio prohibita, & Sanctorum Reliquiæ sublata. Quamvis autem reliquæ Helveticæ Tribus Lucernam convenientes, quicquam in suis ditionibus de Religionis innovari vetuissent, & nullis ad Tigurinos Oratoribus de sacrilega novitate fuissent conquestæ, nulla tam justæ quæræ habita est ratio. Ad Constantiensis Episcopi monita, Librumque pro Catholicæ fidei defensione ab ipso præscriptum, aures clausurunt. Imò die 11. Aprilis anni 1525. Missa & Eucharistiæ adoratio Senatus consulto abrogata sunt, & novus Sacramentariæ Coenæ ritus institutus.

IV. Zuinglius ergo errorem suum palmarem de Eucharistia, diù animo cogitatum, quo nec Realem Corporis & Sanguinis Christi præsentiam per Transubstantiationem fateri cum Catholicis volebat, nec cum Lutheranis Impanationem & Invinationem, seu simultaneam Corporis & Sanguinis Christi cum pane & vino existentiam, exponere volebat; cumque ex dictis nec Carlostadii explanationem probaret; exponebat, dicens, Panem Eucharisticum esse merum signum absentis Corporis, & vinum Sanguinis Christi, nec aliud re verâ distribui in Coena, quàm merum panem & vinum. Hæc tota substantia Zuingliana doctrinæ de Coena; quam in Berengario olim

olim damnatam, & à Zuinglio excitatam non solum Helvetii magno plausu susceperunt, sed alii postea & præcipue Calvinistæ adhuc profitentur. Hâc ergo suppositione suo cerebro, seu, ut dicam Diaboli suggestionem conficiâ, Sacramentum Eucharistiæ Zuinglius definiebat, nil aliud esse, quàm Sanctam & Divinam quandam populi in Ecclesia Dei memoriam & gratiarum actionem pro passionis & morte Jesu Christi. Interrogatus autem, cur Christus tradendo panem & vinum asserere potuerit: *Hoc est Corpus meum, Hic est Sanguis meus* &c. respondebat, *Panem idèd vocari Corpus Domini, quia illum manducando in memoriam reducatur passio ejus*: perinde ac si manducando pisca, & cogitando de ovibus, dicamur manducare pullos gallinarum.

V. Quo verò spiritu excitatus doctrinam hanc suam diu conceptam tandem firmaverit, exponit ipse in libello de subsidio Eucharistiæ. Cum enim diu dubitasset, quâ ratione figuram in verbis Christi Eucharistiam instituentis explicare posset, dicit, quòd teritiadecimâ die Aprilis anni 1525. illucescente, in somnio *Visus est Monitor adesse* (ater fuerit, an albus, nihil memini, somnium enim narro) qui diceret: *Quid, ignave, respondes ei quod Exodi 12. scribitur*, Est enim Phasce, idest Transitus Domini? *Protinus, ut hoc phantasma visum est, simul expergesco, & è lecto exsilio. Locum apud Septuaginta undique primum circumspectio, ac de eo coram tota concione pro virili edissero.* Itaque suo Monitore edoctus coepit Zuinglius evulgare, quòd sicut Pascha, quam Judæi celebrabant, erat mera figura Transitus Domini: ita Eucharistia, quam Christiani sumunt, aliud non erat, quàm figura & memoria Corporis & Sanguinis Christi pro nobis traditi & fusi.

VI. Hanc suam esse fidem, liberè protestatur in Responsione ad Confessionem Lutheri anno 1528. editâ, & Joanni Duci Saxonie & Philippo Lantgravio dicatâ, his verbis: *Credo, quòd in Sacra Eucharistia, hoc est, gratiarum actionis Cæna, verum Christi Corpus adfit fidei contemplatione: hoc est, quòd ii, qui gratias agunt Domino pro beneficio nobis in Filio suo collato, agnoscunt illum veram carnem assumpsisse, verè in illa passum esse, verè nostra peccata sanguine suo abluisse, & sic omnem rem per Christum gestam illis fidei contemplatione velut præsentem fieri. Sed quòd Christi Corpus per essentiam & realiter, hoc est, Corpus ipsum naturale in Cæna aut adfit, aut ore dentibusque nostris mandatur, quemadmodum Papistæ, & quidam qui ad ollas Ægyptiacas respectant, perbibent, id verò non tantum negamus, sed errorem esse, qui verbo Dei adversatur, constanter asseveramus.*

VII. Joachimus Westphalus Sectâ Lutheranus advertens, hanc figur-

figurativam tantum Corporis Christi perceptionem, ipso Zuinglio teste, incertum, an ab Angelo an à Diabolo revelatam, in Apologia contra Calvinum: *Quam bene putas, inquit, fundamento hoc fides nostra nitetur? Animum nostrarum saluti numquid bene prospectum erit, si somnatori credamus, cui Monitor apparuerit, quem ater an albus fuerit ipse nescit? Eja verò fidamus, ei credamus, verbum Est in S. Scriptura accipiendum esse pro Significat, & Corpus pro Symbolo Corporis. Abite cum somniis vestris & nigris monitoribus: nos Dei Filio auscultamus, & credimus, de quo Pater ipse à Cælo clamat, Hunc audite.* Optimè quidem in hoc, Westphale, dicam ego. Sed cur eadem contra tuum magistrum Lutherum non pronuntias? Zuinglius veritatem Corporis Christi in Eucharistia negavit, incertus, an monitor esset Angelus an Diabolus; & ideo eum damnas. Tuus Lutherus negavit Mille Sacrificium, certus, ut supra ex ipso attuli, quòd ille, qui ad illud abrogandum suadebat, erat Satanas. Cur ergo Lutherum non damnas, sed in hoc ipsum sequeris? Numquid animæ tuæ saluti bene prospectum erit, si ei credas, cui Satanam hoc suggessisse certò scis?

VIII. Præter errorem de Eucharistia, alios Zuinglius professus fuit. In responsione enim ad Confessionem Lutheri de Sacramentis profitetur, ea non conferre, sed esse signum & testimonium purum gratiæ collatæ: *Credo, inquit, imò scio, omnia Sacramenta tam abesse, ut gratiam conferant, ut ne offerant quidem aut dispensent... Sacramenta dari in testimonium publicum ejus gratiæ, quæ cuique, privato prius adest. Sic dari Baptismum coram Ecclesia ei, qui priusquam illum recipiat, Religionem Christi aut confessus est, aut promissionis verbum habet, quo scitar illum ad Ecclesiam pertinere. Adultos fidem profiteri, antequam Baptismum recipiant. Pueros promissionem Dei habere quæ ipsos non minùs reputat de Ecclesia, quàm Hebræorum. Cum enim hi offerunt qui de Ecclesia sunt, jam baptizatur infans hæc lege, quòd quandoquidem ex Christianis natus sit, intra Ecclesiæ membra Divinâ promissione reputetur. Baptismo igitur Ecclesiam publicè recipere eum, qui prius receptus est per gratiam. Non ergo Baptismum offerre gratiam, sed Ecclesiam testari gratiam factam esse ei, cui Baptismus datur.*

IX. De peccato originali cenfet: *Ipsam, ut est in filiis Adæ, non propriè peccatum esse, sed morbum & conditionem. Morbum, quia sicut ille ex amore sui lapsus est, ita & nos labimur: Conditionem; quia sicut ille servus factus est, & mortì obnoxius, sic & nos servi & filii iræ nascimur, & mortì obnoxii.* Fatetur tamen, hunc morbum & hanc conditionem juxta Pauli morem appellari peccatum: imò tale esse peccatum, ut quicumque in eo nascuntur, hostes & adver-

*adversarii Dei sint: Huc enim trahere illos natiuitatis conditionem, non sceleris perpetrationem, nisi quantum hoc semel perpetravit Primus Parens. Veram igitur perduellionis & mortis causam esse perpetratum ab Adam crimen & uesas, atque hoc verè esse peccatum. At peccatum istud, quod nobis adhaerescit, & verè morbum & conditionem, inòd necessitatem esse moriendi.*

Hunc suum errorem apèrtius exponit in Declaratione ad Urbanum Rhegium Augustanum Ministrum: Sic ergo, inquit, diximus, originalem contagionem morbum esse, non peccatum, quòd peccatum cum culpa coniunctum est: culpa verò ex commissio vel admissio ejus nascitur, qui fucinus designavit. Exemplum do: Serorum nasci misera conditio est, non culpa ejus qui sic nascitur, neque crimen: qui enim nascitur, nondum quidquam admisit, aut commisit. Si ergo dicat quis: At majores ejus commiserunt, ut in servitutem redigerentur tam ipsi, quàm ex sese prognati: ergo crimen fuit, ex quo culpa, quam deindè servitus seu multicta seu pœna sequuta est. Rectè sanè. Hoc ipsam volo, culpam originalem, non verè, sed metonymicè à primi Parentis admissio, culpam vocari: esse autem nihil aliud, quàm conditionem, miseram quidem illam, ac multò severiorem, quàm crimen meruerat.

X. Ex hoc falso principio deducit: Quòd Baptismi lavacro nullum propriis peccatum tollitur: & durius desuiri, Christianorum liberos, si tincti non sint, damnationi alligari, & quòd nullo Scripturae testimonio nititur, Baptismo tolli peccatum originale, aut gratiam eo conferri, nisi Baptismi signo Christum qui eo signatur, intelligas: & Baptismum Ecclesiae Christi signum esse, non aliter quàm exercitus aliquis signatur, non quòd signum hoc conjugat Ecclesiam, sed qui ei jam conjunctus est, publicam tesseram accipit: sicut nemo in exercitum scribitur, eò quòd signum induit (alioquin & hostes & proditores), qui nonnumquam signa per insidias variant, de exercitu essent) sed is qui in exercitum jam scriptus est, signo publico dignus ducitur, quo omnibus manifestus fiat, nomen dedisse Duci ei, sub quo militaturum promisit. De his inter Lutherum & Zuinglium diù disceptatum; sed numquam conventum est. Unde uterque in suo errore permanens abiecit.

XI. Anno 1526., referente Cochleò, in Baden Helvetiorum Oppido habita fuit celebris disputatio ad sedanda dissidia, quæ apud Helvetios Zuinglius & Ocolampadius ex una parte, & Lutherana heresis ex alia excitaverant. Ex Catholicis præter alios multos Joannes Faber, Joannes Echius, & Thomas Murrenus ad disputandum parati erant: Zuinglius, quamvis invitatus, adesse recusavit. Habita tamen est disputatio, in qua Echius adeò strenue

nuè pro Catholica veritate pugnavit, ut communi Helvetiorum decreto, sequentes Articuli statuti & lege confirmati fuerint, nempe:

1. *Verum Christi Corpus ejusque Sanguis presentia sunt in Sacramento Altaris.*

2. *Quæ & verè offeruntur in Officio Missæ pro vivis & defunctis.*

3. *Virgo Maria aliique Sancti Caliculae invocandi sunt ut intercessores.*

4. *Domini nostri Jesu Christi, ejusque Sanctorum Imagines delenda non sunt.*

5. *Post hanc vitam Purgatorius est ignis.*

6. *Pueri etiam Christianorum in peccato originali nascuntur.*

7. *Baptismus Christi, non Joannis, tollit originale peccatum.*

His Articulis & Lutheri & Zuinglii doctrina proscribitur. Anno tamen 1528. habitâ Bernæ disputatione ex decreto laici Magistratus, Bernates & Constantienses à Catholica Religione ad Zuinglii Sectam defecerunt. Hos deinde secuti sunt Basilienses, Schaffhusiani, Santgallenenses, Mulhusiani, & Bielenenses.

XII. Eodem anno, quo miserè, ut dicam, necatus fuit, Confessionem Fidei suæ scripsit Zuinglius ad Galliæ Regem, mense nimirum Februario anni 1531. In ea septem virtutes tribuit Sacramentis, nullam tamen efficaciam ad gratiam eis concedit, sed meram significationem, excitationem fidei, & quod juramenti vices suppleant. Primò enim dicebat, quòd Sacramenta *Res sanctæ ac venerandæ sunt, utpotè à Summo Sacerdote Christo institutæ, & susceptæ.* Secundò: *Quòd testimonium rei gestæ præbeant.* Tertiò: *Quòd vice rerum sint, quas significant, unde & nomina earum sortiuntur.* Quartò: *Quòd res arduas significant.* Quintò: *Quòd sint Analogia Symbolorum & rei significatæ.* Sextò: *Quòd auxilium opemque offerant fidei.* Septimò: *Quòd vice Jurisjurandi sunt.* De Eucharistiæ verò Sacramento Sacramentarium suum errorem exponens: *Cogimur ergo, inquit, velimus, nolimus, agnoscere hæc verba, „Hoc est Corpus meum, non naturaliter, ac pro verborum proprio sensu esse intelligenda, sed symbolice, sacramentaliter, & denominative, hoc modo, „Hoc est Corpus meum, idest Hoc est Sacramentum Corporis mei, sive Hoc est Corpus meum sacramentale, sive mysticum, idest ejus quod verè assumsi, mortique objeci, Symbolum Sacramentale, & Vicarium.* Ita hanc suam blasphemiam exponebat.

XIII. Hanc tamen diù inultam Deus non permisit. Eodem enim anno 1531. die 11. Octobris, dum in acie adversus Catholicas Helvetiorum Tribus dimicaret, confossus interiit, postquam per



per duodecim annos suo veneno Helvetios, & præcipuè Tigurinos, Bernenses, & Constantienses infecisset, ætatis suæ annum, agens quadragesimum octavum. Factum hoc referens Cochlaeus, enarratâ strage, quam eo in prælio de hæreticis fecerunt Catholicis: *Repertus*, inquit, *fuit in ea strage Zuinglius omnis perfidiæ discordiæque inter Helvetios auctor à duobus Catholicis prout in facie ad huc spirans, quem illi non cognoscentes interrogarunt, an vellet confiteri? At ille tacuit velut mortuus. Superveniens autem alius qui eum cognovit, lethale infixit vulnus, Capitaneisque protinus indicavit, qui iusserunt eum sisti publico iudicio, in quo sanè iudicatus est ut proditor, atque combustus ut hæreticus. Ferunt autem, quosdam Tigurinos asportasse inde cineres, domumque retulisse. Is fuit Zuinglius, ut merebatur, exitus; quem Beza magnum Jesu Christi Apostolum, & Lutherus Satanae discipulum appellat.*

XIV. Qualis fuerit Zuinglii spiritus, tam verè quàm eleganter Tigurinis describit Stanislaus Hosius Cardinalis, in iudicio & Censura de adoranda Trinit. his verbis: *De vestro, Tigurini, Papa Zuinglio quid dicam? qui Lutheri sustum alio majori fastu calcabat, ac minus etiam quàm ille tolerabilis fuisse videbatur, cum nullum illius dictum celebraretur magis, quàm illud, Evangelium sitit sanguinem, Tartaream hanc esse vocem Poeta diceret. Verùm talis Evangelii, quod ex imo Tartaro profectum est, præconem non alia vox magis decebat. Neque verò dictis magis, quàm ipsis etiam factis Evangelium, quod ipse predicabat, sitire sanguinem demonstravit: statim enim ut se Papam ipse vestrum constituit, coepit Aere ciere viros, Martemque accendere cantu, Quem quidem cantum, ille verbum Dei Christianique vocabat Evangelium. Bellonam videres sanguineo flagello armatam. Illo ductore complerunt campos acies; cùmque futurum prædixisset, ut omnes eorum, qui stabant ex adverso, bombardæ atque lanceæ ac alia tormenta bellica in propria ipsorum viscera converterentur, evenit illud quod est apud Poetam, Primique cadit Tolumnius Augur, Cujus Evangelium sanguinem sitiebat alienum, suum ipse sanguinem in acie prior unâ cum vita profudit. Et quàm verum fuit Evangelium quod prædicabat, tam erat illius verba prædictio. Nec obscuro signo Deus tum declaravit, quinam essent illi, qui suum defenderent Evangelium: cùm paucis admodum & eis inopiâ rerum omnium pressis, victoriam concessit de suis & Evangelii sui hostibus, quos & numero militum, & viribus, & armis, & rebus omnibus ad bellum gerendum necessariis multò fuisse constat instructiores, ut non homines, verùm ipse Deus pro suis fidelibus in aliquot illis præliis pugnasse videretur. Hæc Hosius.*

XV. Joannes Œcolampadius linguarum peritiâ clarus, Ordinis  
Tom. VII. Par. V. F nis

nis S. Brigittæ excucullatus Monachus fuit. Hic crudiendis Comitibus Palatini liberis prepositus fuerat, deinde parentibus & amicis vehementer urgentibus, ut Monachus fieret, protestatus est (ut Discipulus ejus Capito scribit) etiamsi sexcenta vota fecerit, se nullum eorum servaturum, nisi bonum sibi videatur. Ita Floremundus Remundus in Synopsi Lib. 2. cap. 8. n. 9. Qui addit „ Ingressum hujus Monachi videmus, quid exitum miramur? Postquam enim annos aliquos in Conventu egisset, abjecto cucullo uxorem duxit, ex qua filium Eusebium, & duas filias Irenem & Alitheatem (nota Apostolicam progeniem) suscepit. Ait idem, se, quum maximè Monasterium relinquere cunctaretur, à Spiritu Sancto maximè incitari atque ut exiret moneri solitum. Deserta Religione ad Zuinglium transiit, & ut ille Tiguri, ita hic Basileæ velut Episcopalem Sedem sibi constituit, ac Veteris Ecclesiæ institutum ac ritus partim abrogavit, partim mutavit. „

XVI. Zuinglio fidus Achates Œcolampadius ejus errorem de Eucharistia profitebatur, licet in modo illum explicandi differret. Ubi enim Zuinglius verbum *Est* pro *significat* accipiebat, iste permittebat, verbum *Est* in sua propria significatione manere: sed metonymiam collocabat in verbo *Corpus*, ut hic sensus redderetur: *Hoc est Corpus meum*, id est, *Hoc est figura Corporis mei*. Sic ubi ille in somniis, hic in conjecturis opinionis suæ fundamenta collocabat. Ita enim ad Zuinglium scribit: *Quantum ex veterum scriptis conjecturâ assequi possit*, verba illa „ *Hoc est Corpus meum* „ per figuram, seu tropum intelligenda, simulque Deum comprehendi jubet, utrique ut oculos aperiat, ne cum tot hominum periculo incidat in errorem. Hæcne ergo est certitudo ejus doctrinæ, quam isti cœlitus acceptam jactant? En tibi Zuinglium ab una, en Œcolampadium ab altera parte, utrumque novi Evangelii præconem, & utrumque doctrinæ suæ incertum, unum hic expressis verbis, alterum supra factum, se nescire spiritus suus Doctor albus an ater fuisset. Rursus cum iste primus Basileensis pseudo-Apostolus doceat Comment. in cap. 23. Isaïæ, *eos qui à Deo missos se dicunt, non recipiendos, nisi missionem suam miraculis probent & confirment*; ubi istorum missionis testimonia? ubi miracula, quibus se à Deo missos confirment?

XVII. Tandem post multas inter bellicosos illos Alpium incolas excitatas seditiones ac cedes, Œcolampadius ex hac vita abiit coram justo Judice eorum quæ docuit ac fecit rationem redditurus. Infelix Zuinglii cedes, cui unico tantum mense superstes fuit, valdè eum afflixisse putatur; quam sæpe deplorabat, eumque feliciori morte dignum fuisse aiebat. Mortuus est Œcolampadius

dus anno 1531. ætatis 49. De qualitate mortis synchroni Scriptores variè loquuntur. Lutherus à Diabolo noctu in lecto eum strangulatum dicit: Beza peste mortuum scribit. Ex ulcere super os sacrum erumpente vult Simon Grynæus in ejus vita. Capito longo & gravi morbo confectum obiisse dicit: cùmque amicum, quemdam ad lectum accedentem vidisset, rogasse: ecquid novi asserret? Illo autem nihil novi se scire asserente, dixisse: *Atqui ego scio. Mox enim in Paradisum ego abibo*. Alii verò dicunt eum exclamasse, *jam jam in Inferno se futurum*. De facto paulò ante mortem dixisse fertur: *Ego tutus incertus in fide & fluctuans ab eo coràm Dei tribunali rationem redditurus, atque experturus, utrum doctrina mea vera, an falsa fuerit*. Heus miser! Non habebas Ecclesiam Columnam & firmamentum veritatis uno ore clamantem, doctrinam tuam Verbo Dei esse contrariam? Cur ergo ipsam non audis pœnitens, sed te judicio illi reservas, in quo nullus erit pœnitentiæ locus?

## §. III.

*De Melancthone.*

I. **P**hilippus Melancthon Brettæ Electoralis Palatinatus Oppido 16. Februarii anno 1497. hora 7. & minutis 6. post meridiem, patre Armamentarii Palatini Custode, matre Barbarâ Reutorâ natus est. Nativitatis ejus Horoscopus (qualiscumque fidei sit) ab Astrologis formatum exhibet Remundus in Synopsi Lib. 2. cap. 9. num. 1. quo hæreticum & fidei adversarium eum fore indicatur. Rejecto Germanico patrioque nomine *Schwartzerd*, Melancthon voluit appellari. Usus diversis magistris, præcipue Joanne Reuchlino, Linguarum studio, deinde Philosophiæ vacavit, eamque anno 1511. absolvit Heidelbergæ: sed cùm eâ juvenili ætate in Magistrum secundùm leges promoveri non posset, offensus, Tubingam projectus lauream Magistralem ibi adeptus est anno 1514. ætatis 16. Theologicis studiis postea se adjungens, ab Electore Saxonie Friderico Wittembergam vocatus fuit anno 1517., quo Lutherus Ecclesiæ Catholicæ triste bellum movere cœpit. Melancthon ibi Lutherum audiens, ac scientiâ inflatus, necnon novitatis amore incensus, ei comitem se adjunxit anno 1519. cùm annum 22. ætatis expleisset, ac pro eo calamus stringere cœpit in Disputatione Lipsiensi. Sequenti anno contraxit nuptias cum Consulis Wittembergici filia, & Libros Lutheri adversus Parisiensem Theologorum censuram tueri (superbè Theologastros eos appellans) aggressus est.

II. Intelligens hoc Lutherus, Melancthonem tam opportunum suis rebus supra S. Thomam, S. Hieronymum, ceterosque Patres extulit: & cum quosdam locos Theologicos, in quibus Theologia Lutheri ad mitiorem stylium redacta continebatur, evulgasset, Lutherus eos adeo commendavit, ut inter Canonicos S. Scripturæ Libros recensendos prædicaret. At quia ipse Melancthon eisdem Libros coquens ac recoquens, eos postea auxit & in parte mutavit, quos prius sanctissimos habuit, ut hæreticos postea Lutherus declaravit. De facto Melancthon homo vaferrimus omnes conciliare satagebat. Quoties cum Catholicis ei sermo erat, nil aliud spectare se, nihil aliud optare aiebat, quam ut emendatis abutibus, & conciliatis opinionibus, Ecclesia in pristinam concordiam & integritatem rediret. Cochleus tamen Philippicâ 7. dicit, eum specie quidem aquam, sed re verâ interim oleum incendio effudisse.

III. Doctrinam Lutheri, quam initio in omnibus secutus fuerat, in multis emollivit. Errorem contra libertatem Arbitrii, quem in locis communibus, necnon in Annot. ad Epist. ad Romanos anno 1520. cum Luthero adoptaverat, postea rejecit, & liberum arbitrium agnovit, & professus est in eisdem Libris anno 1526. Argentorati, 1528. & 1543. Wittembergæ, anno 1546. Lipsiæ, denique 1555. Wittembergæ excussis. Ubi negat, Deum esse auctorem peccati, velle peccatum, & impellere voluntatem ad peccandum, aut approbare peccatum, asseritque, oppositum tenere, esse revocare hæresim Manichæorum. In hoc ergo à Luthero tandem discessit.

IV. Libri Confessionis Augustanæ auctor fuit, quem manu suâ scriptum Carolo V. Imperatori in Comitibus Augustanis exhibuit anno 1530. Hinc illius Sectatores *Confessionistæ* nuncupati sunt, & ob emollita Lutheri duriora quadam dogmata, *Lutherani molles*: ob Ritus plerosque Ecclesiasticos admissos, & Constitutiones legitimas, Conciliorum & Ecclesiæ ita receptas, & approbatas, ut liberum esset cuique illis uti, vel non uti, absque salutis discrimine, dicti sunt *Adiaphoristæ*, seu *Indifferentes*. Non obstante, verò hæc opinionum diversitate, Lutherus Melancthonem omnibus in toto Mundo hominibus præferebat, illud frequenter in ore habens *Contemibilis est anima, quæ contemnit Melancthonem*. Huic uni secreta sua revelabat, hunc à Deo missum dicebat, ut labores suos in propagando Christi Regno adjuvaret: ideoque Libros summâ voluptate legebat, & Libris Sacris coquabat: & hoc quia licet aliqua sibi contraria in eis legeret, taliter tamen proposita videbat, ut suam auctoritatem minuire non putaret. Sed quid dixisset Lutherus, si quæ à Melancthone anno 1530. scripta sunt & edita, pos-  
sica

itea anno 1555. in posterioribus editionibus ab ipso in contrarium mutata legisset? Quæ hæcenus dixi ostendunt, vel ipsis hujus novi pseudo-Evangeliî initiis contigisse, quod olim Babelicæ Turris fabricatoribus evenit, idest quod linguis adeo diversis loquerentur, ut unusquisque linguam proximi sui non intelligeret. Sic primus ædificiî extruendi incensor Lutherus unâ linguâ loquebatur, aliâ Carlostadius, aliâ Æcolampadius, aliâ tandem Melancthon. Quæ linguarum diversitas in subsequenter multiplicata est, & adhuc in dies multiplicatur, ut ostendam.

V. Si quis Melancthonem seriò consideret, è Pyrrhonis schola eum prodissse, cujus discipuli omnia considerando & ambigendo tractantes nihil certi affirmabant, facile existimabit. Sive enim ex animo, sive ex arte, quæ prius dixerat, postea retractabat. Indè ob ejus tergiversationem multi ex Lutheranis ab eo discesserunt, & Confessioni Augustanæ, quam ipse scripserat, nomen dare abnuerunt; aiebant enim, ejus inconstantiam non sine causa Papistis contra Evangelicos argumentum præbere. Quare quotiescumque à disputatione aliqua cum Catholicis habita recessisset, tristis vultu, & quasi animo consternatus abibat, dicere solitus: *Vecordes sibi admodum videri, qui opiniones suas sine ullo antiquæ Ecclesiæ testimonio proponere auderent*: idèoque plures Catholicæ Ecclesiæ Ritus, atque alia retinebat. Sic versatilis homo, velut arundo vento agitata, huc illucque ferebatur.

VI. Melancthonis insanæ vertibilitatis testimonia sigillatim proferam. De Cœna Domini initio cum Luthero, & fortè etiam cum Catholicis, contra Sacramentarios sentire visus est. In Confessionis Augustanæ Art. 10. edit. Wittembergicæ doctrinam Eucharistiæ his verbis exprimit: *De Cœna Domini sic docetur, quodd verum Corpus & Sanguis Christi verè sub specie panis & vini adsint in Cœna Domini, & in ea distribuuntur, & sumantur. Quare & contraria doctrina rejicitur. Quæ verba sensum Catholicum videntur exprimere. Quæ confirmavit in Apologia Confessionis Augustanæ anno 1531. ubi contra scripta Catholicorum eam impugnantia, de Articulo 10. Decimus, inquit, Articulus approbatus est, in quo confitemur, nos sentire, quodd in Cœna Domini verè & substantialiter adsint Corpus & Sanguis Christi, & verè exhibeantur cum illis rebus quæ videntur, pane & vino, his qui Sacramentum accipiunt. Hanc sententiam constanter defenderunt nostri Concinnatores. Et comperimus, non tantum Romanam Ecclesiam affirmare corporalem præsentiam Christi; sed idem & nunc sentire, & olim sensisse Græcam Ecclesiam, ut testatur Canon Missæ apud Græcos. Et hoc testimonio Veterum Scriptorum comprobare nititur in Epistola ad Fridericum*

cum Myconium. Quibus Realem quidem præsentiam, sed de modo præsentiae, an per transubstantiationem panis in Corpus Christi, an per simultaneam coexistentiam substantiae panis cum Corpore Christi, ut voluit Lutherus, non exponit.

VI. Progressu temporis licet realem præsentiam non statim negarit, eam tamen solum in usu & actuali sumptione admisit. Anno enim 1536. in formula Concordiae procurante Bucero approbavit: *Nullam dari localem inclusionem Corporis Christi in pane, aut durabilem aliquam conjunctionem extra usum Sacramenti: tamen Sacramentali unione panem esse Corpus Christi, hoc est, porrecto pane, simul adesse & verè exhiberi Corpus Christi.* Quin & anno 1541. in Confessione Saxonica substantialem Corporis præsentiam tantum in usu agnoscens ait: *Docentur etiam homines, Sacramenta esse actiones divinitus institutas, & extra usum institutum res ipsas non habere rationem Sacramenti, sed in usu instituto in hac communione verè & substantialiter adesse Christum & verè exhiberi sumentibus Corpus & Sanguinem Christi.* Ecce Melancthon realem præsentiam Corporis Christi in Eucharistia solum in usu constitetur.

VII. In hoc tamen errore constans non stetit. Qui enim omnibus suis scriptis editis ante annum 1547. Zuinglii & aliorum Sacramentarium doctrinam detestatus fuerat, ut ex Epist. ad Myconium constat anno 1530. quique anno 1540. gravissimo morbo correptus, in testamento à se condito hæc verba inseruit: *Quantum ad Canam Domini attinet, in eo quod cum Bucero anno 1530. Wittemberge convenit, acquiesco: & in hac confessione mori volo; mortuo Luthero, plerisque sententiam mutasse, & ad Sacramentarios accedere visus est. Certè Melancthon Crispinum librarium Genevensem ad imprimenda Ecolampadii scripta hortatus fuit, ac literis ultrò citròque millis cum Calvino & Bullingero amicitiam coluit. Imò à Caloandro rogatus, ut suam de Coena Domini sententiam aperiret, paratum se ostendens eum defendere contra omnes, qui eum veram Corporis Christi præsentiam in Coena credere negant, indignatus Melancthon, ac schedam in terram projiciens, ait: *Heus tu, Caloander, si verum & naturale Christi Corpus est in pane consecrato Cœnæ Dominicæ, quid prohibet, quò minus sit in hac schedula?* Hæc blasphemiâ cum Sacramentarius sentire se prodens, Caloandrum tristem dimisit. Is est Melancthon apud Lutheranos adeò celebris, qui omnia probans, sed nihil certum tenens, velut navis sine remige, omni vento doctrinæ huc illuc circumferebatur.*

VIII. Quod spectat dogma Justificationis, non minùs in eo fluctuavit Melancthon. Si enim credimus Osiandro scilicet Lutherano,

rano, cum de hoc dogmate viginti circumferrentur opiniones, quatuordecim Melancthonis & Discipulorum ejus enumerat. Illi tamen opinioni non Catholicæ præcipuè insistere videtur Melancthon, quæ homines fide speciali (seu fiduciâ) justificans, asserit, cum credunt, se in gratiam recipi, & sibi peccata remitti propter Christum, nec bona opera ad justificationem concurrere, quamvis fides justificans debeat bonos fructus parere, & bona opera à Deo mandata facere oporteat. Quæ assertio non solum Catholicæ doctrinæ, sed ipsi quoque Luthero resistit, qui dicit solam fidem ita sufficere, ut homo quantiscunque oneretur peccatis, si fidem retineat, justus sit & salvus esse possit.

IX. De Missâ quoque, quam abrogandam Lutherus voluit, mitius, licet non Catholicè, sentit Melancthon in Confessione Augustana, cujus, ut dixi, auctor ipse fuit: *Falsò, inquit, accusantur Ecclesie nostræ, quòd Missam aboleant. Retinetur enim Missa apud nos, & summâ reverentiâ celebratur: servantur & usitata caremonia fere omnes, præterquam quod Latinis cantionibus admiscuntur alicubi Germanica, quæ addita sunt ad docendum populum.* Deindè recensitis quibusdam de Missâ apud Catholicos, quæ ipse hæretico stylo vocat abusus, concludit: *Cum igitur Missæ Ritus apud nos habeat auctoritatem Scripturæ, & exemplum veteris Ecclesiæ, & tantum tolerabiles quidam abusus abjecti sint, speramus, non posse improbari nostrarum Ecclesiarum mores.* Quos ipse putat abusus sunt, quòd Missâ sit Sacrificiùm, quòd offeratur pro vivis & defunctis, cum sit instituta in meram recordationem beneficii mortis Christi. Communionem sub una vel duplici specie rem indifferentem asseribat. Ita omnia fere relinquens incerta, cujusvis genio indulgere satagebat. Libros Lutheri in multis castigavit & mutavit, unde dissidia orta sunt, & licet in summo honore à plerisque haberetur, & vivens penè ut numen adoraretur, ab eisdem tamen mortui vel nomen laceraretur & conculcicaretur.

X. Nec mireris, Lector, si vel ipsis hujus pseudo-Reformationis initiis tantas videas inter ipsos auctores in cogitando discordes varietates: à luce enim abscesserunt. *Et quidem* (inquit Basiliius Lib. 2. contra Eunomium num. 16.) *cui rerum aquo aestimatori illud non probabitur, quòd ut oculus ex locis illuminatis egressus, necessariò ob privationem luminis ab actione cessat, ita quoque & mens si imaginationibus extra id quod est, compellatur, veritate instar cujusdam lucis deficiente, confusa ac stoliditate laborans, intelligere definit?* Ita Melancthoni, & aliis sui similibus accidit. Ab Ecclesiâ, cui lux veritatis indeficienter affulget, oculos mentis avertentes, quasi cæci huc illuc manu palpantes, dum unum errorem vitare student,

in

in alium labuntur, & nullum errandi finem faciunt: ut verè de eis dictum sit: *Miscuit Deus in medio eorum spiritum vertiginis* (Isaïæ 19. v. 14.) *Mittet illis Deus operationem erroris, ut credant mendacio* (2. Thessal. 2. v. 11.) *Evanescent in cogitationibus suis, & obscuratum est insipiens cor eorum. Dicentes enim se esse sapientes, sulti facti sunt* (Rom. 1. v. 21.) Sic fit, ubi suo quisque præfidens ingenio sibi arrogat, ut proprio suo, non communi Ecclesiæ sensu Scripturas interpretetur, & ceteros omnes, etsi pios & doctos viros, talpis fuisse cæciores, se verò solum videre, se solum sapere præsumat. Hæc an modernis Novatoribus jure aptari possint, experientia magis ac magis in dies demonstrat.

XI. Vivendi, & in erroribus fluctuandi finem fecit Melancthon anno 1560. Scribunt nonnulli, ei jam jam animam agenti, matrem grandævam astitisse, ac cum his verbis fuisse allocutam: „ Mi fili, extremum jam me fortasse tu vides, utpotè jam jam, ut videtur, è mundo discessurus, & coram magno illo Judice eorum quæ fecisti rationem redditurus. Tu scis Catholicam me fuisse, meque à te, ut Religionem mutaverim, & diversam ab ea quam majores mei sequuti fuerunt, amplexa sim, inductam. Nunc te ergo per Deum vivum adjuro, ut quenam melior sit, mihi dicas, neque quid hac in re me celes. Tum Melancthonem clara voce, ut ab omnibus intelligi posset, dixisse, Hæc plausibilior, illa securior. Sic Melancthon, ut in omni sua vita, ita & in morte dubitavit: Tutiores tamen esse Religionem Catholicam fateri stimulante conscientia adactus est. De hoc Remundus in Synopsi Lib. 2. cap. 9. num. 9. Fuit homo ingenio vaser & acutus, sophismatum artem callens, qui ut plures ad se traheret, Lutheri phrasim perpolire, & doctrinæ duritiem emollire studuit, quo vivens magnum sibi nomen comparavit; mortuum tamen rigidiores Lutherani dictis & scriptis cum flagellarunt. Sic regnum Satanae in se dividi coepit,

## §. IV.

*De Bucero.*

L. Martinus Bucer natus fuit Argentorati, patre Judæo: quo mortuo Dominicanorum Cœnobio admodum adulescens inclusus, magnos in studiis brevi progressus fecit. Sed ad Sacros Ordines in infidelitate natus contra Ecclesiæ canones promotus, adversus eam dictis & scriptis insurgere coepit. E' Monasterio profugus, & apostata Elisabetham quamdam Sanctimonia-



nialem, quam tredecies puerperam reddidit, sacrilegio connubio sibi copulavit. Prius sub Lutheri signis militans, postea factus amulus, ad Sacramentarium castra declinavit, sic tamen, ut utrique Sectæ se se medium interponeret, unam ex utraque constaturus si posset.

II. Bucer igitur error circa Eucharistiam in eo positus erat, quod diceret, Corpus & Sanguinem Christi substantialiter in ea præsentia non esse *extra usum Sacramenti*: nec in ipso usu ore corporis manducari, sed *contemplatione fidei percipi*. Secundò, Impios, idest qui fidem non habent, *solum panem & vinum, non Christi Corpus & Sanguinem* sumere. Constat hoc ex ipsius Buceri Epistola ad Georgium Pontanum scripta anno 1530., quam relet Hospinianus 2.p. Hist. Sacramentaria pag. 177. Item ex Hist. Concordiæ Wittembergensis circa negotium Eucharistiæ, quæ habetur Tomo Scriptorum Anglicanorum Buceri, ac demùm ex Confessione de Eucharistia Argentorati dictata anno 1544., in qua etiam Lutherum vel repugnantem in suam sententiam trahere conatur his verbis Art. 26. *Si me quis roget, cur igitur dicam, me consentire cum Lutero, qui affirmat, panem ipsum esse Corpus Domini, vel in pane, & id omnibus sumentibus, piis & impiis? Respondeo, Lutero his suis loquendi modis nihil quàm veram exhibitionem Christi in Cæna velle exprimere, Panem & Corpus Domini non idem naturâ, sed Sacramento facere: Corpus Domini non includere pani localiter: non opinari ascensum vel descensum hic Christi fieri. Cum igitur, ut nos, duas res vel in Sacramento agnoscit, Corpus Domini & Sanguinem, & symbola, nec colligat, aut commisceat hæc ullâ ratione bujus Mundi: Denique non credentibus verbis Domini & non vicâ fide credentibus nihil salutare percipi affirmat (quæ omnia ex scriptis & ore ejus cognovi sic habere) cur non consensum cum illo agnoscerem?*

Ex his qui non colligat, Bucerum specie quidem admittere Corporis & Sanguinis Christi in Eucharistia præsentiam, dum in usu sumitur, sed re verâ hanc præsentiam velle non esse realem, sed per solam fidem ejus qui sumitur, idèoque si quis sinè fide sumat, solum panem sumeret quod est ad Sacramentarios accedere? Quid autem egerint Lutherus & sui, ne Bucerus ad partes Zuinglii, Nicolampadii, & aliorum Sacramentarium palam transiret, narrat Remundus in Synopsi Lib. 2. cap. 11. num. 2. At Bucerus summa vafricitie modò se Lutero assentiri, modò se medium inter ipsum & Sacramentarios, semper tamen impium, demonstrabat. Eum tamen in hoc Articulo Sacramentarium magis, quàm Lutherum fuisse, indicant familiares Epistolæ, quas ipse, & Calvinus mutuò sibi scripserunt.

Tom. VII. Par. V.

G

III. Præ-

III. Præter errorem de Eucharistia alios Bucerus docuit.

1. *Baptismum infantibus necessarium esse necessitate ministerii, & jussu Dei, non salutis; servarique posse virtute Christi, etiam qui non baptizantur.*

2. *Quod Canonici Libri docent soli abundè reuatos, quæ sunt salutis necessaria.*

3. *Quod nulla est, in terris Ecclesia quæ non erret, tam in fide, quam in moribus.*

4. *Quod ita gratis justificamur à Deo, ut ante justificationem re verà peccatum sit, iramque Dei in nos provocet, quidquid boni operis facere videamur, justificati autem bona opera facimas ne cessariò.*

5. *Esse quosdam homines sic à Deo factos ad conjugium, ut Dei decreto repugnet, qui illis connubio interdicit ulla de causa. Hoc errore tueri conabatur sacrilegum connubium, quod cum esset Mo-nachus ipse ter (ut aliqui volunt) successivè contraxerat.*

6. *Conjugibus suâ culpâ repudiatis, vel legitimo divortio separatis, aut à consorte relictis, viris item, quòrum uxores in morbos im-medicabiles inciderunt, & è contra, permittendum esse alterum con-jugium. Hunc errorem è Judaismo, in quo natus fuerat, asporta-vit: dicebat enim: Quia Judæis permixtum fuit, factò cum prioribus divortio, alias ducere ob cordis duritiem: idem Christianis licitum esse debere, si pacificè inter se conjuges vivere non possint.*

7. *Quamlibet usuram non esse peccatum, nec adversari præce-pts Dei quovis modo accipere aliquid ultra pecuniæ sortem, quam quis alteri tradiderit utendam. Hoc quoquè ex Judaismo attulerat.*

IV. Porro Bucerus videns Lutherum in Germania, Zuinglium & Bullingerum in Helvetia, & Calvinum à se aliquando Argento-rati nutritum in Francia novo Evangelio promulgando occupa-tum, valdè florere; ac se ob inconstantiam & conatum conciliandi ea quæ conciliari non possunt, desertum, & penè contemptum; n etu etiam, ne ab Imperatore manus sibi injicerentur, in Angliam abiit, anno 1549. comitem secum adjunxit Paulum Fagium eodem metu correptum: qui tamen vix Cantabrigiam appulsus mortuus est; erat Hebraicæ linguae peritus. Bucerus (regnante tunc Eduardo) datâ societatis dexterâ Petro Vermilio Florentino *Martyri* nuncupato Canonicorum Regularium S. Augustini apo-stata; qui biennio ipsum præcellerat, & in Academia Oxoniensi Sacris Literis præfectus erat; apostaticæ Religionis dogmata spar-gere cœpit, & fidei Catholicæ plurima damna intulit.

V. Cantabrigiæ exacto nondum triennio mortuus est Bucerus anno 1551. ætatis anno 61. In extremo constitutus agone acerrimos conscientiæ morsus passus est: At non minus quam in tota vi-ta,

na, de iis, in quibus cardo salutis nostræ vertitur, imò de Adventu Christi dubitare visus est, ut Angli scribunt: & Lindanus ait, paulò ante mortem Sacramentariorum doctrinam, quam vivens cum Lutheranismo conjungere tentaverat, expressè professum fuisse. Cantabrigiæ sepultus fuit. Anno verò 1556. Mariæ Reginæ Catholicæ jussu, ejus & Pauli Fagii ossa exhumata, & igne consumpta sunt: at regnante Elisabethâ in integrum restituti fuere die 22. Julii 1560.

## §. V.

*De Schwenckfeldio, Agricola, & Antinomis.*

I. **D**Um Lutherana hæresis nedum à Catholica fide Germaniam discinderet, sed ipsa etiam in partes dissecaretur, surrexit Gaspar Schwenckfeldius Nobilis Silesius Lutheranae Synagogæ non minus, quam Ecclesiæ Romanæ hostis acerrimus. Locuit Primò: Scripturæ Sacræ non esse attendendum, ut quæ Verbum Dei non esset, sed mortua tantum litera; sed privatis potius contemplationibus & visionibus credendum; Spiritum Sanctum enim è supernis delabi citra omne medium, non per externum auditum, & vocalem prædicationem, seu Scripturarum lectionem. Abutens enim testimoniis Scripturæ aiebat: *Au non apud S. Mattheum ipse Salvator dicit: Nos unum tantum Magistrum in Cælis habere, neque alium esse qui docere nos possit aut debeat? Et apud S. Joannem solus Christus Verbum esse dicitur, & D. Paulus, Litera, inquit, occidit, spiritus autem vivificat &c.* sed ineptè. Si enim juxta te Scriptura attendenda non est, cur eam allegas?

II. Præterea erroribus Manichæorum, & Valentiniænorum adiciens dicebat, quod Jesus Christus non in utero B. Mariæ Virginis Spiritus Sancti operâ fuit conceptus; sed quòd fuit homo specialiter ad nos redimendum à Deo creatus, quem sibi Deus conjunxit: & quòd hic homo post suum ascensum in Cælum Deus tactus sit: Ita ut caro Christi in gloria sic fuerit deificata, ut ejusdem sit cum divinitate virtutis & majestatis, ac Christus etiam secundum hanc Deum sit; imò carnem ejus nulla ex parte esse amplius creaturam. Quo etiam Eutychianis adhaerebat.

Tertiò: Cum Sabellio Personam Filii esse quoque Personam Patris assererebat: nec à Deo Patre è Cælo prolata verba hæc: *Hic est Filius meus dilectus*, sed vocem tantum fuisse è nubibus egredientem.

Quartò: Fidem, dona Spiritus Sancti, caritatem, al'asque virtutes esse puram Dei Essentiam ponebat: unde iniebat, Christi-

stianos omnes naturales esse Dei filios, ex natura & essentia Divina ab ipso procreatos: Christum verò omnium esse sanctissimum, primogenitum & heredem.

Quintò: De Sacramento Eucharistiæ, verba Christi *Hoc est Corpus meum* ad hunc sensum detorquebat, *Corpus meum est hoc*, idest spirituale quiddam, cibum spiritualement & cœlestem designans alentem animas, sicut panis alit corpus. Docebat enim, *stultum esse cogitare Corpus Christi in Sacramento præsens esse. Hominem sinè Sacramentorum mysteriis salvari posse, neque ad salutem esse necessarium, Corpus Christi è Cælo assumptum modo quodam aereo pani circumfundi. Ex quo sequitur, Corpus Christi jam glorificatum omnia replere.* Ecce hæresim Ubiquistarum à Schwenckfeldio prætor-matam.

III. Oh blasphemias horribiles! Rectè ergo dicit Hosius, Sætanæ Evangelium à Luthero initium cœpisse, à Schwenckfeldio fuisse consummatum, & tantâ Discipulorum & Sectariorum frequentiâ, ut multis Germaniæ & Helvetiæ in locis plures Schwenckfeldiani, quàm Lutherani reperti fuerint, quos specioso *Confessorum gloriæ Christi* nomine adornabat. Georgius Hasfeldius Calvinista Schwenckfeldium vitæ & morum probitate Luthero superiorem fuisse testatur. Sed Melancthon longè aliter sentiens dicebat, Schwenckfeldium centum habere manus, & armatas undique circa se copias, quibus nefaria passim scripta spargat, & turbas atque seditiosas excitet. Viginti octo annos, quibus hinc inde vagatus est, quinquaginta libri ab eo scripti feruntur, à Schlussemburgio Lib. 10. Catal. Hæretic. recensiti, quos ille vix natos ad Lutherum mittere solebat, ut eum magis ureret.

IV. Hic vide Lector, quâ ratione Lutherum etiam per suos punierit Deus, ut è puteo abyssi, quem ipse aperuerat, continuò exirent locustæ, quæ sicut scorpiones ipsum, ac suos signum Dei in frontibus non habentes, morderent (Apocal. 9.) Quâdam die, milis per nuncium ad Lutherum Libris suis, urgebat Schwenckfeldius, ut eos censurâ notaret. Indignatus Lutherus, nuncio ejus ita rescripsit: *Mi Nunci, Domino tuo Gasparo Schwenckfeldio nuntiabis, quod à te literas ipsius acceperim & libellus. Atque utinam ille cessaret. Nam ignem accendit in Silesia de Sacramento, qui nondum extinguitur, sed ardebit in ipsum perpetuè. Præterea nunc progreditur Eutybianismus renouatus, & Ecclesiam perturbat, cuius rei mandatum non accepit, nec vocatus est. Insanus morio per Davanuem obsessus nihil intelligit, nec scit quid garriat. Quod si non vult quietare, non est quod me posthac obtundas (omitto ipurulentum verbum) libellis mittendis, quos Diabolus ex ipso evomuit, & per posteriora*

*viora emittit. Atque hoc extremum à me iudicium habeat & responsum: Increpet Dominus in te Satan, sit spiritus tuus, qui te vocavit, & cursus tuus quò curris, & omnes qui participant tibi Sacramentarii & Eutychiani tecum in perditionem, quia scriptum est, currebant, & ego non mittebam. Hæc scripsit Lutherus anno 1545. sub finem vitæ, & quidem benè.*

V. Sed non advertit, arma, quæ in Schwenckfeldium intorquet, in se retorqueri, & se ad internecionem ferire. Ipse cum increpat, quòd cum mandatum non acceperit, nec vocatus sit, ac novis erroribus excitatis Silesiam perturbet; atque inde infert, doctrinam & spiritum ejus à Satana esse, & omnes, qui cum eo participant, quia à Deo non missos currere in perditionem. Petam ergo à Luthero. Tu, qui nedum Silesiam, sed Ecclesiam totam perturbasti, & adhuc perturbas, novum tuum, ut dictitas Evangelium prædicando, à quo hac de re accepisti mandatum, à quo vocatus, à quo missus? Si signa tuæ missionis ostendere volueris, non ab alio quàm à Satana, quem tibi in colloquiis familiarem fuisse asserere non erubescis, te missum demonstrabis; ac proinde ac te & qui te sequuntur currere in perditionem, quia & de te ac tuis dixit Deus: Et Ego non mittebam eos. Sic, infelix, *Vides fesculam in oculo fratris tui: & trabem in oculo tuo non vides?* (Matth. 7. v. 3.)

VI. Contra Schwenckfeldium, cujus Secta post mortem Lutheri præcipuè invaluit, circa annum 1554. Lutherani quamvis diversarum factionum Naumburgi Synodum celebrarunt, cui interfuerunt Amstdorffius, Jonas, Pomeranus, Cruciger, Melancthon, Corvinus, Bucerus, & alii, ac post multam dūceptationem Schwenckfeldianorum Sectam ipsi (aliundè condemnandi) condemnarunt, ac præcipuè errores in duobus libris *De duplici statu Christi, & de vero Evangelii usu* contentos. Remundus Lib. 2. Synoplis cap. 16. num. 8. videri de hoc potest.

VII. Joannes Agricola Islebiensis Rector, & postea Minister Berolienlis, Lutheri primò discipulus fuit, postea cum Jacobo Schenkio, Lutherauo & ipso, asserere cœpit, Legem Moysi in Ecclesia non esse docendam, nec ex ea prædicandam poenitentiam: Legem & Evangelium ex diametro pugnare: Legem ante & post justificationem Christianis hominibus prorsus inutilem esse: Legem operum omnino rejiciendam, nec ad bona opera Divinæ Legis homines Evangelicos obligari. Hanc hæresim anno 1538. spargere cœperunt. Hinc Antinomorum parens Agricola dictus fuit.

VIII. Antinomi ergo, idest *Legis adversarii*, è Secta Lutheri fuerunt. De his, inquit Hosius Lib. 1. de Hæres. nostri temporis, *Extiterunt enim Wittembergæ anno ab hinc propè vigesimo, qui sicut*

antea docti fuerant à Luthero, Legem operum rejiciebant. Contra quos ille multis disputationibus contendit, & eos probroso nomine vocat *Antinomus*. Latilimam omnibus vitiis ac flagitiis viam isti patefaciebant dicentes: *Quamvis scortator sis, latro, fur &c. crede & salveris &c. Quisquis Evangelii promissis crediderit, salvus erit. Quidquid libet, licet, modò in Christum credas*. Hujus erroris semina initio jecit Lutherum, nemo negabit, qui ejus scripta legerit, maxime in cap. 2. ad Galatas. At quia postea, vel errorem tegere voluit, vel suâ doctrinâ nimium abuti eos vidit, plures contra Antinomos disputationes edidit. Quidam dicunt, Agricola à Luthero persuasum errorem suum revocasse, vel ad eum revocandum dispositum se ostendisse: sed Luthero mortuo, ad vomitum eum rediisse, Theologi Islebientes testantur. Addit Floremundus Remundus Lib. 2. cap. 16. num. 3., quòd Antinomi nullum justitiæ, sed misericordiæ tantum locum concedebant, nullos esse Diabolos, nullum esse Deum, ut Athei credebant. Hæc & alia monstra, de quibus infra, pseudo-Evangelium Lutheri peperit.

## §. VI.

*De Osiandro, & Brentio.*

I. **A**NDREAS Osiander è Lutheri schola in Oppido Guntzenhausen Marchionatus Brandenburgensis natus, patre fabro ferrario, nomen familiæ ridiculum *Husen-Endeclæ* (exemplo Lutheri) mutavit in *Osiandri*: relicta propter Cæsareum *Interim* Norimbergâ; in cujus Comitibus Imperator statuerat, ne interim quicquam de Religione novi aliquid, quod pacem turbare posset, moleretur; in Prutiam migrans, ibi sub Alberto Duce, cui gratissimus fuit, schisma in Secta Lutherana fecit. Ejus præcipuus error fuit: „Hominem justificari, non fide (ut Lutherus docebat) sed eadem „essentiâ justitiæ, quâ Deus justus est, quæ est ipse Deus, & hanc „infundi hominibus, ita ut Christianus non sit justus gratiâ, sed „naturâ,,. Hic etiam Lindano teste Dubitantio 2. se esse alterum Enoch jactitabat.

II. Contra Osiandrum ejusque primum errorem Lutherānorum plerique conclamarunt, ac eum gravissimis convitiis dilacerarunt, ut Holius Lib. 1. de Hæres. nostri temporis testatur his verbis: *Cujus criminis non est insinulatus Osiander? Quæ convitia & maledicta in eum jactata non sunt? Vocatus est, ut ipse scribit, Hæreticus, Antichristus, Judæus, niger Diabolus, draco, homo nefarius, confeceratus, hostis Christi. Fuit etiam de eo confictum, quæcumque in-*

*incederet, quòd eum in specie canum duo Diaboli comitarentur, quos tamen non cuiusvis videre liceret: quòdque quo tempore cibum & potum in inferiore cum suis hypocausso sumebat, ubi vacare solitus erat literarum studiis, in superiore sedens in illius loco Diabolus visus sit scripsisse. Et alia id genus pleraque. Tum & illud sparsum de eo fuit, quòd affirmaret, Christi Passionem & Mortem nullum nobis fructum attulisse, cum tamen in scriptis illius diversum reperiat. In summa tantum fuit odium homini constatum, ut non ipse modò tanquam impius haberetur, verum etiam qui sermones ejus audiebant, à communione, caterorum, qui se pios existimabant, arceventur, ac ne sepultura quidem communi digni ducerentur. Missum fuit Wittembergam, ut doctrina ejus judicium fieret, damnata est per Philippum (Melancthonem) Pomeranum, Forsterum & alios. Missum est Wittembergam, approbata est per Brentium, & qui sunt ejusdem sectæ. Hic vides, quanta istorum Synodis adhibenda sit fides, dum quod una improbat, alia probat.*

III. Hoc magis probationis causa confirmat. Nam Osiandri doctrinam Wittembergenses Doctores approbarunt, non quia S. Scripturæ conformem, sed quia prolatis ab Osiandro è Lutheri Libris locis aliquot, inventum est eadem sensisse Lutherum, *nimirum essentialem Dei justitiam habitantem in nobis, & excitantem nos ad benè agendum, esse justificationem nostram.* E' conversò scripto ostendit Osiander, doctrinam suam à Philippo & aliis Wittembergæ fuisse improbatam, quia in Confessione Augustana, quam Philippus ipse ediderat, & in quam ipsi juraverant, non legeretur expressa, quasi Confessio illa esset sola Dei Verbum, imò plus quàm Dei Verbum. Ita enim Osiandrum loquentem Hosius refert: *Philippi verbum plus apud eos ponderis habet, quàm Dei Verbum. Sex & triginta loca Scripturarum produxi, quibus habitare Deum in nobis ostendi; creditum non est. Simul ut Philippus parvam schedam scripsit, quâ testatus est, ita rem se habere, statim creditum est.* Ac paulò post: *Vox audita est, inquit, de Cælo Patris de Christo dicentis, „Hic est Filius meus dilectus, in quo mihi benè complacui, hunc audite, „.* Hunc inquit audite, non Philippum, non alios homines, qui tibi os obturant, & volunt, ut secundum eorum consilium, non autem secundum Scripturas pronuncies.

Sic Osiander (prosequitur Hosius) ferre non potuit, ut homines ad Confessionem Augustanam, quæ Philippi verbum est, alligarentur potius quàm ad Dei Verbum, cum quod ipse, non quod Philippus doceret, id esse Dei Verbum credi vellet: cum se nullà re Philippo inferiore judicaret: nulla ut causa esset, quare non ipsius verbum, ut Philippi verbum, pro Dei Verbo haberetur: cum præsertim Phi-

lippus, quemadmodum aliis plerisque in rebus, ita & in doctrina de Justificatione, nunquam sibi satis confiterit. Ac inde ostendere conatur Osiander de uno dogmate Justificationis Philippum & Confessionistas inter viginti diversas opiniones fluctuare. Sic emulatione & invidia percitus Osiander invehitur in eos, qui verbum Philippi Melancthonis, non suum, ut Verbum Dei existimabant, & ut tale proponebant; cum tamen nec verbum Osiandri, nec Philippi, Verbum Dei sit, sed Satanae, suos in contrarios errores instigantis.

IV. Hinc quam periculosum sit fidere Seculariis tantoperè de rebus maximis inter se dissidentibus, jure idem Hosius Poloniae Regi sequentibus ostendit: *Nunc tu vide, Serenissime Rex, quandoquidem sic ipsi dissident inter se, non de lana caprina, quod dici solet, sed quod ipsimet fateantur, de præcipuo Christianae doctrinae loco, qui summam Evangelii totius in se continet, quam tutum sit, de quocunque tandem Christiana doctrina capite disceptetur, à sensu & consensu totius Ecclesiae desicere, & animam unius alicujus istorum fidei committere, qui nuper exortus non modò cum suae congregationis proceribus, sed ne secum quidem ipse persaspe consentiat, sicut in hoc ipso capite de Justificatione toties est à Philippo variatum. Certum esse dicit argumentum Lutherus: quandoquidem septem aut octo sectas enumeravit Sacramentariorum, doctrinam eorum ab autore Satana profectam esse, quòd in ipso statim exordio sit in tot capita dissecta. Atqui non septem, sed bis aut ter septem Lutheravorum Sectas de novo saltem Justificationis articulo, qui summam Evangelii continet, recensuimus. In universum autem de rebus etiam aliis dissidentes, quater septem unà minus. Collegit civis quidam Hallensis homo laicus Gaspar Quercbamer triginta sex loca Lutheri inter se pugnantia super uno dumtaxat articulo, qui est de Communione, vel utriusque, vel alterius speciei Sacramenti Eucharistiae. Quòd si triginta sex has opiniones ad istas viginti septem quas commemoravimus, addendas aliquis putaverit, erunt sexaginta tres. Quàm multae sunt autem sectae, quae adhuc nos fugiunt? Et erit quisquam qui dubitet, quin & haec Lutheravorum doctrina sit ab autore Satana profecta? His salutariter Hosius monet Poloniae Regem, ut caveat.*

V. Quare de Luthero dici potest, quod de Donato scribit S. Augustinus Lib. de Agone Christiano cap. 29. Sicut enim Christum dividere conatus est, sic ipse à suis quotidianà concisione dividitur. Ad hoc etiam pertinet illud, quod Dominus dicit (Matth. 26. v. 52.) Qui enim gladio percussit, gladio morietur. Gladius enim illo loco, siquidem in malo positus est, discordiosam linguam significat, quā tunc ille infelix Ecclesiam percussit, sed non occidit.

Non



Non enim dixit Dominus: Qui occiderit gladio, morte *moriatur*: sed Qui gladio usus fuerit, *inquit*, gladio morietur. Ergo ille percussit Ecclesiam linguâ litigiosâ, quâ nunc ipse concidetur, ut omnino dispareat atque moriatur. Et tamen illud tunc Apostolus Petrus, non superbiâ suâ, sed quamvis carnali, tamen amore Domini fecerat. Itaque admonitus recondit gladium: iste autem ne victus quidem hoc fecit. Ita evenit Lutherò: & sicut Donatus in Donatistas, Maximianistas, Rogatianos, & Parmenianistas tanquam in frustra confisus fuit: sic Lutherus in tres classes, Lutheranos, Semi-Lutheranos, Anti-Lutheranos primò dissectus fuit, ex quibus aliæ species, de quibus infra, ab ipso & inter se discordes erupunt, ac in dies crumpunt.

VI. Quamvis autem præfata Sectæ in suis privatis opinionibus & erroribus discordes sint, dum tamen contra Ecclesiam Catholicam res agitur, tunc discordes in concordiam cœunt, & junctis viribus unius vel alterius causam tanquam cuique communem suscipientes, eadem symbola profitentur, & sub eisdem signis in aciem contra Ecclesiam Romanam prodeunt. Quemadmodum, sues nullam inter se societatem colunt, sed rostris & morsibus se mutuo impetunt: quamprimum tamen grunnientem aliquem audiunt, surrectis pilis turmatim in auxilium laboranti accurrunt. Et quemadmodum, Plinio teste, quamvis inter corvum & vulpem nulla sit familiaritas, quoties tamen vulpem videt ab accipitre impeti, statim advolat, & pedibus, rostro, alis insidentem hostem percutit, donec prædam dimittat. Ita Sectarii, quamvis inter se, dissideant, & in plures factiones scindantur, in impugnanda tamen Ecclesia omnes fœderati sunt. Unde meritò ait S. Hieronymus Epist. modò 43. ad Ctesiphontem: Hæretici *Nominibus separati, impietate concordēs*.

Ignoscat Lector, si occasione dissidii inter Osiandrum & Philippum, ac Confessionistas, hæc cæteroquin utili digressionem parumper eum detinui. Paroxifino epileptico, vel, ut narrat Palladius, planè mutus ut bestia Osiander extinctus est die 17. Octobris anni 1552.

VII. Joannes Brentius patriâ Svevus ex Canonico Wittembergenfi & Sacerdote factus apostata & uxoratus circa annum 1540. quamvis præ se ferret, à doctrina Lutheri se non esse alienum, minimè tamen in eo voluit acquiescere. Verùm & ipse peculiarem suam Confessionem scripsit (ut ait Hosius Lib. 1. de Hæres. non sub suo, sed sui Principis (Ducis nempe Wittembergenfi) nomine, quam etiam Congregationi Concilii Tridentini proposuit. Hoc autem idèò, quia nec Brentius, nec Urbanus Ragius, nec

Osiander, ut dixi, in Confessionis Augustanæ verba juraverunt. Indignum enim videbatur, ut præscriptam à Philippo fidei formulam sequerentur, cum quisque illorum se in Sacram Literarum peritia Philippo parem, imò superiorem existimaret. Sic isti dum sui quisque nominis illustrandi potius quam investigandæ & propagandæ veritatis studio moventur, nedum à fide Catholica, sed à se ipsis & magistro suo Luthero schisma faciunt.

VIII. Brentii speciales errores fuere, Primò: Evangelium non esse Legem secundum veram & propriam Legis rationem. In Confessione enim Fidei, quam sub nomine Ducis Wittembergensis Brentius & alii ad Concilium Tridentinum detulere tit. de Evangelio sic legebatur: *Evangelium non est aliud, quam bona & leta annunciatio de Filio Dei Domino nostro Jesu Christo, quod ipse solus sit expiator peccatorum nostrorum, & Redemptor & Salvator noster.*

IX. Secundò: De Baptismo dicebat, Christum Baptismi virtutem ad certam verborum formam alligare noluisse, nec quidquam piaculi fore si mutetur sonus, dummodo remaneat sententia verborum Christi. Cum, agebat, Christus non instituerit magiam, quæ ad certam verborum formam, aut certos ritus alligata sit. Insuper Baptismo tolli quidem peccatum originale asserbat, non tamen omne peccatum, cum in homine baptizato remaneat carnis concupiscentia vel rebellio, quam volebat verè esse peccatum, licet non imputetur à Deo: & hoc quia est contra Dei præceptum *Non concupisces*. Hunc errorem, quem plerique ex modernis acatholicis susceperunt, damnat Synodus Tridentina sess. 5. his verbis: *Hanc concupiscentiam, quam aliquando Apostolus peccatum appellat, Sancta Synodus declarat, Ecclesiam Catholicam nunquam intellexisse peccatum appellari, quod verè & propriè in renatis peccatum sit, sed quia ex peccato est, & ad peccatum inclinat. Si quis autem contrarium senserit, anathema sit.*

X. Tertio: Asserbat, Corpus Christi ex vi unionis Personalis esse ubique; adeoque & in pane ante consecrationem: & verba Christi: *Hoc est Corpus meum* esse verba dispensationis significantia distributionem Corporis & Sanguinis Christi jam ante præsentis. Hinc errore factus est Brentius *Ubiquistarum parens*. Prius quidem visus fuit favere Sacramentariis, quia teste Hosio Lib. 3. de auct. Sacre Scripturæ, in Confessione sua & aliis scriptis affirmabat, quod verum Corpus & verus Christi Sanguis in Eucharistia distribuatur, sed quod realiter & substantialiter ibi sit, nunquam expresserat. Ut ergo hanc præsentiam exprimeret, hunc errorem assumisit in colloquio de Coena Domini cum Joanne à Lasco Wittembergæ habito anno 1556. illumque propugnavit in Libro de personali

nali unione duarum naturarum in Christo &c. in Libro de Majestate Domini Jesu Christi, & alibi.

XI. Contra Brentium scripsit Petrus à Soto Ordinis Prædicatorum, vir æque doctus ac pius, qui videns tot Confessiones fidei à Sectaris in dies prodire, & præcipuè observans eam, quam sub nomine Ducis Wittembergæ Brentius evulgaverat, & in ea multa confiteri Catholicæ fidei à majoribus acceptæ contraria, abstinere non potuit, quin & ipse quoque assertionem suam opponeret, in cujus una facie ea quæ Brentius & alii assererebant poneret, ex altera verò Catholicam fidei doctrinam auctoritatibus Scripturæ & testimoniis Patrum confirmatam objiceret. Hanc refert Hosius L. 1. de Hæres. nostri temporis. Cui summa insolentia Brentius respondit. Ubi enim *Petrus à Soto* vel à loco, vel à familia vocabatur, eum appellat *Petrum Afotum*; qui enim Græcè *Afoti* dicuntur Latine Decoctores, homines luxu ganeæque studio perdit, qui bona sua abliguerunt omnia. Ita qui veritate se tueri non valet, convolat ad convitia. Petrum tamen à Soto Hosius pro meritis vindicat.

## §. VII.

*De Flacio Illyrico, Chemnico, & Stancaro.*

I. **M**atthias Flacius (vel Flaccus) Illyricus suo nomine Transcowitz dictus, Illyricus fuit quia natus Albionæ Oppido Istriae in Illyrici finibus circa ann. 1520. 3. Martii. Mortuo Andrea Flacio patre, cum in tenera adhuc esset ætate, factus adolescens, plura studiorum causâ pertransiit loca. Tandem Wittembergam se contulit, ubi extensis brachiis à Melancthone & Luthero exceptus, Theologiæ & linguis Græcæ & Hebraicæ operam dedit. Tractu temporis unus ex præcipuis contra Interimistas, qui *Interim* approbant, & proinde contra Melancthonem, advertariis factus fuit. *Adiaphoristas* etiam, seu indifferentes, qui aliquos ex veteribus Ecclesiæ ritus retinebant, rejiciebat. Quare Wittembergâ relicta Magdeburgi domicilium fixit, ubi unus ex præcipuis fuit, qui Centurias Magdeburgenses compilarunt, dicti propterea *Centuriatores Magdeburgenses*. Cum Saxonie Dux Academiam Jenæ erexisset, ad eam Illyricum vocavit anno 1557. Ibi cum nondum quinquennio stetisset, acerrimam cum Victorino Strigelio de libero arbitrio & peccato originali controversiam habuit. Deinde Ratisbonæ, Antuerpiæ, & Argentorati aliquandiu commoratus, tandem Francofurtum ad Mœnum se recepit, ibique diem obiit extremum anno 1575. ætatis verò 55.

H 2

II. Illy-

II. Illyricus licet Sectâ Lutheranus, in multis tamen ab ejus schola secessit. Nam præterquam quòd, ut dixi, *Interimistas* & *Adiaphoristas* rejecit, Osiandri sententiam de Justificatione impugnavit. Peccatum originale dixit non esse accidens vel maculam naturæ humanæ, sed ipsammet substantiam hominis. Hic fuit cardo acerrimæ disceptationis supradictæ inter ipsum & Strigelium. Ubi enim iste dicebat, *peccatum originale esse aliquod leve accidens instar allei magnetæ illiti, per quod non tota substantia corrupta, sed tantum leviter in accidentibus vulnerata esset* (Spondanus ad ann. 1560. num. 32.) Hinc ejus Discipuli dicti fuerunt *Synergistæ*, idest, *virium humanarum in conversione hominis nondum renati ad Deum Patroni*; quibus in hæresim Pelagianam apertè declinabant. Illyricus verò è converso Manichæorum renovans blasphemiam, Originale peccatum esse ipsam substantiam hominis, quæ peccato primi parentis imagine Dei, intellectu, libero arbitrio, voluntate, omnique motu ad bonum privata, inevitabili necessitate fertur ad malum, à quo sola fides in Jesum Christum eam liberare potest; unde errorem esse, allèrere bona opera ad salutem necessaria esse, & neminem sine bonis operibus salvari posse. Qui hanc hæresim profitentur *Substantialistæ* dicuntur. Hi sunt fructus, quos hæc mala arbor, à Luthero sub ficto Evangelii nomine plantata, in dies produxit.

III. Martinus Chemnitius in Marchionatu Brandeburgensi, patre lanariæ artis professore, ortus fuit anno 1522. Ea in arte, usque ad quartum decimum ætatis annum se exercuit. Verùm ad altiora se vocatum autumans, superatis obstaculis Wittembergam profectus, sub Melancthone studiorum initia dedit, quæ postea Francofurti Georgio Sabineo præceptore consummavit. Præcipuum ejus studium Theologiæ fuit, in qua adeò profecit, ut Melancthon morti proximus pronuntiavit, Chemnitium Theologorum Protestantium Principem fore, quod plures alii Germaniæ Duces confirmarunt. Electus Theologiæ Professor in Academia Brunsviciensi ibi per triginta annos eam docuit. Morti tandem, cessit anno 1586. ætatis 64. Melancthonis spiritu imbutus reconciliationem Lutheranorum cum Sacramentariis in dogmate de Cœna, & etiam cum Catholicis tentavit, irritò tamen conatu: tum quia varius: tum quia quæ conventio lucis ad tenebras? veritatis nempe Catholicæ cum tenebris errorum?

IV. Opus Chemnitii præcipuum est *Examen Concilii Tridentini*, cujus Decreta pro majori parte reprobat, aliqua si probat, in eo sensu quò ipse sibi prætinxit, admittit. Sacræ Scripturæ Libros eos solos Canonicos esse dicit, non quos particularia Concilia tales de-

declararunt, sed quos omnes Ecclesiæ perpetuo consensu ut tales agnoverunt. Pro Textibus Hebraico & Græco pugnat. Versionem Vulgatam non rejicit, sed in iis, in quibus à præfatis Textibus non discordat. De modo interpretandi S. Scripturam à Regula, quam Concilium præferibit, non discedit. Contra Traditiones insurgit. Peccatum originale in eo situm esse dicit, quòd homo amiserit factum fuisse ad imaginem Dei, ac relictus fuerit in tenebris sui spiritus, & aversione voluntatis à Deo. Hoc remitti à Deo baptizatis admittit, remanere tamen in eis concupiscentiam, quæ cum malum sit, Deo placere non potest. Liberum arbitrium videtur admittere, quod scilicet gratiâ aliquod bonum facere possit. Hominem solâ fide, quâ merita Christi applicantur, justificari dicit, ad eam tamen nihil operari bona opera: & licet sint necessaria ad salutem, eam tamen non mereri.

V. Duo tantum Sacramenta propriè talia, Baptismum & Eucharistiam admittit, cætera verò quinque esse quidem pios ritus, sed vera Sacramenta non esse dicit. Quod de singulis fusè conatur ostendere. Efficaciam Sacramentorum unicè refundit in promissionem fide conceptam. De modo, quo Christus sit præsens in Eucharistia, transubstantiationem & impanationem rejicit: qualis sit ista præsentia definire non vult, solum dicens, eam non esse corporalem, physicam, & carnalem. Hanc præsentiam dicit esse solum in usu actuali Sacramenti, & tunc solum adorari debere in eo Christum, secus verò extra usum, dum aservatur in Tabernaculo, vel deferitur in Processionibus. Eucharistiam sub utraque specie ex instituto Christi ab omnibus esse sumendam dicit. Eam appellari posse Sacrificium, generali tamen significatione, quâ omnia opera bona, quæ à societate Fidelium Deo offeruntur.

VI. De Sacramento Pœnitentiæ multa involvit: Ex quibus hoc eruitur, cum non probare omnium peccatorum Confessionem Ministro debere fieri: ab eo tamen absolvi posse admittit, dummodò absolutionis efficacia non pendere credatur à charactere, Ministri, sed à verbis & promisso Christi.

De Purgatorio dicit, illud ex verè Canonicis Scripturis non probari, sicut nec preces pro Defunctis; de quò fusè agit. Sanctorum memoriam honorandam esse concedit, sive quia in illis honoratur Deus, sive quia laus eis debetur, sive ut eorum virtutes nobis proponantur, quas imitemur. Sanctorum intercessionem non negat, dummodò ab eis gratiæ directè non postulentur. Quoad eorum Reliquias, imponit Catholicis, quòd eas adorent, quòd vim aliquam eis inesse putent, quòd incertas, aut suppositas honorent. Sed falsò hæc imponit Ecclesiæ, ut Concilium legenti  
con-

constabit. Quoad Sanctorum Imagines, damnat eos quiearum usum contemnunt. Falsò tamen imponit Conciliò, quòd eas proponat ut adorandas velut Idola. In antiqua Ecclesia non fuisse Imaginum cultum. Uno verbo, ad Iconoclastas accedit. De Indulgentiis sub specie abusus multa falsà miscet. Jejunium laudat, abstinentiam tamen à certis cibis ab Ecclesia præceptam in Scripturis se non reperisse dicit; serotinam collationem usumque vini in diebus jejuniorum, & certos dies pro jejuniis præscriptos reprobabat, volens ut liberum cuique sit, quoties & quando sibi placuerit, jejunare: in jejunio demùm nullum meritum agnoscit. Quoad dies festos, solum diem Dominicum agnoscit, cæteros etsi antiquitus observatos, tanquam vanas superstitiones rejicit.

VII. Hæc compendio sunt, quæ examine, seu verius censurâ Concilii Tridentini Chemnitius observat, & ut errores suæ Sectæ; quos Concilium damnat, tueatur, imponit Concilio & Romanæ Ecclesiæ, quòd patrociniū præbeat abusibus, qui apud aliquos particulares fortè irrepsērunt, & quos Ecclesia ipsa proscribit. Hâc arte omnes Leges in Ecclesia perpetuò servatas tollere, & novas à sua Secta vesano spiritu adinventas, utpotè humanæ libertati magis accommodatas, stabilire astutè conatur. Quare hoc elogio à Protestantibus ornatus fuit, neminem scilicet in scrutanda antiquitate, eaque sincerè proponenda, Chemnitio peritiorē extitisse.

VIII. Franciscus Stancarus patriâ Mantuanus in Academia Regiomontana Prussiæ Hebraicæ linguæ seu (ut aliis placet) Theologiæ Professor, dum se opponere voluit errori Osiandri dicentis, ut supra, *Christum esse justitiam nostram ratione solius Divinitatis*, in oppositum erroris extremum miserè incidit, dicens: *Non ratione Divinitatis, sed humanæ tantum naturæ Christum esse justitiam nostram*. Extrema, inquam, erroris opposita & utraque damnata: unum tanquam Eutychianum, alterum Nestorianum. Putabat Stancarus, suæ opinionis se Patronum habere Petrum Lombardum, S. Thomam, ac reliquos de illius Schola Theologos: Unde celebre illius dictum in Apologia contra Tigurinos: *Plus valet unus Petrus Lombardus, quam centum Lutheri, ducenti Melancthonnes, trecenti Bullingeri, quadringenti Petri Martyres, & quingenti Calvinii, qui omnes si in mortario contunderentur, non exprimeretur una uncia vera Theologia*.

IX. Ex hoc itaque vero principio: *Quòd Deus unus sit: quòd Mediator non sit unius: quòd Filius quoque sit unus ille Deus: quòd Mediator mori debuerit: quòd Christus passus sit secundum carnem*, hoc falsum intulit: *Christum, quâ homo est, non quâ Deus, Mediatorem esse Dei & hominum*. Turpiter tamen fallebatur: Nam ut

ut inter cæteros ait Bellarminus Lib. 5. de Christo Mediatore cap. 1. *Est sententia communis Theologorum, ipsum quidem Mediatorem, sive ( ut Theologi loquuntur ) principium quod operabatur opera Mediatoris, non fuisse Deum solum, vel Hominem solum, sed utrumque simul, hoc est Verbum incarnatum, sive Deum humanatum. Principium tamen, quo illa opera à Mediatore fiebant, fuisse naturam humanam, non Divinam. Tametsi enim Deus incarnatus erat qui orabat, patiebatur, obediebat, satisfaciebat: tamen hac omnia faciebat secundum formam servi, non secundum formam Dei. Atque hac est sententia Magistri in 3. dist. 19. prope finem, Sancti Bonaventura ibidem art. 2. quest. ultima, & cæterorum Theologorum, in eadem distinctione, necnon S. Thoma 3. p. q. 26. art. 2. Hactenus Bellarminus. Despiciebat ergo Stancarus, dum pro suo errore tuendo ad Petrum Lombardum, & S. Thomam confugiebat; distinguere nesciens inter eum qui est Mediator, & id secundum quod est Mediator.*

X. In hoc errore pertinax è Prussia ejectus, in Poloniam transivit Stancarus, ubi unà cum sua, quā multos infecit, viam quoque aliis hæresibus ad vicinas Provincias deferendis patefecit, ut potest factum fuit. Fuerunt aliqui, ut refert Staphilus, qui ut Stancari errorem refutarent, dixerunt, aded Christum juxta utramque, hoc est Divinam & humanam naturam, Justificatorem & Mediatorem fuisse, ut non vererentur contendere, Divinam Christi naturam simul cum humana in cruce passam & mortuam esse. In hanc blasphemiam erupit ( teste Lindano Dubitantii sen Dialogo 2. ) Andreas Musculus Sectâ Lutheranus: in cujus confirmationem libellum edidit nomine Lutheri idem confirmantis.

XL. Nimiùm Lectori meo molestus evaderem, si singulas quæ tunc eruperunt Sectas recensere vellem. Vix Lutherus, abjecto cuncullo, primam irruptionem in Ecclesiam fecerat, suum novum ( non Christi ) Evangelium ubique personans infandâ illâ voce: Maledicti omnes qui aures suas doctrinæ meæ non aperiunt; cum ingens rerum perturbatio per totum Orbem Christianum secuta est. Quia enim clavi suâ doctorali fumo putei Apocalypseos egresum aperuerat, omnes homines Sacræ Paginæ creans Doctores, Interpretes, Sacerdotes, Pastores, Pontifices, nemini sed soli suo spiritui subiectos; plurimi gustatâ hâc Evangelicæ libertatis dulcedine carni gratâ, & ipsi tentare aliquid voluerunt, dicentes, tam sibi, quàm Luthero datum esse spiritum & lumen ad veritatem investigandam, & Scripturæ Sacræ arcana aperienda. Hinc brevi tempore factum est, ut dum unus uno, alius alio modo, & quidem opposito, Evangelium exponeret, præcurrisse videretur, id quod in fine Mundi cavendum Christus præmonuit Matth. 24. v. 23. *Tunc si quis*

*si quis vobis dixerit : Ecce hic est Christus, aut illic, nolite credere : Surgent enim pseudo-Christi & pseudo-Propheetae.*

XII. Merito itaque, ait Floremundus Remundus in Synopsi Lib. 2. cap. 14. num. 2., „ In quovis ferè angulo novam nasci vide-  
 „ mus Ecclesiam, quæ tamen ipsa etiam cum Luna subindè, &  
 „ citò quidem, suam faciem mutat ; ut Georgius Saxonie Dux  
 „ non minùs verè, quàm facètè dixerit ( in Edicto suo ) *Quamvis*  
 „ *sortè Wittembergenfes vicini sui sciant, quid bodie credant ; se*  
 „ *tamen certò scire, nescire illos, quid cras sint credituri.* Et eo-  
 „ rum, qui Lutherani dici & haberi volunt, quique Lutherum do-  
 „ ctrinæ suæ auctorem & patronum faciunt, triginta quatuor Se-  
 „ centis à quibusdam notatæ sunt. Neque hoc à Catholicis solum,  
 „ sed ipsis quoquè novis Evangelicis factum est, qui *plusquam du-*  
 „ *centas unâ serie sæctiones recensent*, ut è Pantaleonis, Funcii, La-  
 „ vateri, Lindani, & aliorum scriptis apparet ( omnes has ad 212.  
 nominatas. ) Vide in Anatomia Ecclesiæ Catholicæ Francofurti  
 1653. edita. Hucusque Remundus ex Calviniano Catholicus, ac  
 proindè optimè conscius.

Quare subdit „ Mihi quidem sentinam hanc, vel potiùs cloa-  
 „ cam Diaboli fœdissimam aggredienti, religio quædam objici-  
 „ tur, tot execrabiles blasphemias, quas tangere me oportet, ex-  
 „ horrescenti : eoque breviter tantùm hæreses cæteris magis no-  
 „ tabiles recensèbo „. Hoc præstat citato Cap. & sequentibus,  
 quem studiosus adire poterit, sicut Lindanum Dubitantii seu Dia-  
 logo 2. & Dupin. Tom. 1. Bibliothecæ Auct. à Communione Ec-  
 clesiæ Romanæ separatorum, ubi eorum scripta & errores sigilla-  
 tim exponit. His ergo omiſſis ad Anabaptistas me convertam.

## C A P U T C X.

### De Anabaptistis.

#### §. I.

*Hæresis origo, Auctores, & primi propagatores.*

I. **A**NABAPTISTARUM Sæctam ( sic dictam, quia puerorum  
 Baptisma rejicit ) à Lutherò conceptam fuisse & præ-  
 formatam, ejusque monstruosam prolem extitisse, ostendit  
 Ulembergius in Vita Lutheri. Fratres enim Walienſes, qui in  
 Moravia & Bohemia degebant, comperto, quòd Wittembergò  
 nova Religio cuderetur, quosdam Discipulorum suorum ablega-  
 verant



verant Wittembergam exploratum, an cum nova Ecclesia in communionem venire possent. Cum his Lutherus de variis rebus egit, & præcipuè de Baptismate infantium. Legati asseverabant Baptisma infantium retineri à suis, quia licet in ea ætate nondum crederent, eam tamen conditione baptizarentur, ut postmodum per ætatem de fide instruerentur. Id reprobavit Lutherus, asserens, satius esse Baptismum omitti, quam infantes sine propria fide baptizari. Hoc planè fuit fundamentum Anabaptismi, quod Lutherus ante annum 1522. infeliciter posuit; & super quod Anabaptistæ præcipuum suæ Sectæ Articulum ædificarunt. Quia enim à Luthero audierant verba Christi Marci 16. v. 16. *Qui crediderit & baptizatus fuerit salvus erit*: & quia absurdum illis videbatur dicere cum Luthero, parvulos habere propriam fidem actu dum baptizantur, satius illis visum est omittere Baptismum in parvulis, & nonnisi credentes baptizare.

II. Primum hujus Sectæ evulgatorem communiùs asseritur fuisse Nicolaum Storkium, etiam Pelargum nuncupatum, natione Silesium. Hic primùm Luthero adhesit, sed ab eo postea deficiens, & insolitas Revelationes jactans, & propterea Wittembergâ pulsus, incertisque sedibus per Thuringiam vagatus, specie sanctitatis, quam egregiè mentiebatur, apud rusticorum vulgus fidem invenit de secretis mysteriis, quæ sibi per Michaelem Archangelum revelata dictitabat. Illis ergo persuasit, ut libertatem Evangelicam profiterentur, & rebus mundanis valere iussis, mentem oculosque ad Deum intenderent, seque rebaptizari sinerent: ac eos omnes qui huic doctrinæ contradicerent, Magistratus simul ac Principes, velut tyrannos igne ac ferro ad internecionem dederent; cum natura omnes liberos ac fratres genuerit, nec gravari ab aliquibus voluerit, sed omnia singulis esse communia: Episcopos & Pastores vel trucidarent, vel finibus suis ejicerent, bonorum diriperent, Monasteria diruerent, abusus omnes pessumdarent. Hanc esse Summi Numinis voluntatem, cui morem gerere tenerentur. Nonnullis Sacræ Scripturæ testimoniis ad arcana sibi divinitus (ut ajebat) revelata detortis, ad insana illa crudeliaque dogmata confirmanda abutebatur.

III. Nicolai Storkii vesani furorem auxit Thomas Muntzerus Concionator Alstetensis in Thuringia doctrinæ non mediocris, ex Sacerdote Catholico Lutheranus factus, qui Enthusiastam agere sciens, ac rigidioris vitæ speciem præferens, Sectam adeò propagavit, ut illius Auctor à multis existimeretur. Quia autem intelligebat, ad stabiliendam doctrinam suam alio fundamento, quam somniis & visionibus opus esse, rerum inter omnes communitatem

ex Sacra Scriptura prædicare cœpit : *Fratres, ajebat, omnes sumus, & filii Adami. Quare æquum non est, ut alii intereant fame, dum alii in summis divitiis ac verum abundantia deliciantur. Apostoli nihil proprium habuerunt, sed omnia erant communia.*

Ad veram Evangelii viam, quam nec Pontifices Romani, nec Lutherus adhuc invenissent, annuntiandam, Apostolum se à Deo missum in Concionibus & scriptis publicabat, nimirum : *Divinitus sibi inspiratum, ut tam Pontificem quam Lutherum oppugnet, quod utriusque doctrina esset vitiosa & impura. Pontificem nimium duris legibus atque vinculis alligasse hominum mentes : Lutherum solvisse quidem ea vincula, sed in contrariam partem peccare, nimisque indulgere. Suam verò doctrinam medium tenere. Non plus tribuendum esse Pontificiis Constitutionibus, quam Lutheri statutis. Interim externam quãdam sanctitatis specie vitia detestabatur, etiam quæ levia videntur, ac docebat, castigandum esse, corpus ac jejuniis macerandum, quæ à Luthero nimiam saginam distenta sint. Doctrina Lutheri (inquit Anabaptistarum Apostolus Menno) carnalis & dissoluta populum carnalem & dissolutum in tantam deduxit impietatem, ut inter Turcas & Tartaros major reperiri non possit.* Hæc ex Remundo Lib. 2. Synopsis cap. 1. num. 4.

IV. Insuper somnia, extases, revelationes, & colloquia cum Deo fingeat, ut ab ipso Luthero propheta per contemptum vocaretur. Precationem verè impiam ipse, ac sui ad Deum fundebant, dum elevatis ad Cælum oculis dicebant : *Pater, infunde animo meo perfectum desiderium justitiæ tuæ. Quod nisi feceris, te tuosque Apostolos ad unum omnes abnegabo.* Nunquid non hæc potius injuriosa in Deum blasphemia, quàm precatio est ? Saxonie Dux, ubi de novo vate Munzero audivit, Lutherum quid faciendum esset consuluit, qui suasit, ut eum toleraret ; sperans hoc modo doctrinam suam plausibilem redditum iri. Sed postquam vidit tantam ad Munzeri partes accessionem fieri, suæque doctrinæ æquè ac Pontificiæ detrahi, calamus in eum strinxit *Diabolus incarnatum appellans*, civibusque, apud quos Munzerus & focii concionabantur, consilium dedit, ut eos ejicerent, nisi doctrinam miraculis confirmarent. Sic enim ad Senatum & Magistratum Mulhusinum scribit : *Sapienter eos facturos, si Munzerum interrogarent, à quo prædicandi acceperis potestatem. Si dicat à Deo, id ei probandum, & vocationem suam miraculo aliquo confirmandam. Id si facere non possit, extrudendum. Illud enim Deo proprium esse, ut voluntatem suam per miracula declaret, quoties usitatum ordinem mutari velit.* Ita Lutherus Tomo 2. Jenæ ad Senatum Mulhusin. pag. 455.

V. Sed infelix non videt, suo se ipsum gladio æquè ac Munzerum

zerum jugulare? Dic ergo mihi Luthere: Si & tu interrogeris, à quo prædicandi acceperis potestatem; & dicas à Deo: id tibi probandum erit, & invocatio tua per miracula confirmanda. Quod si id facere non possis, ut re verâ nunquam potuisti, jure te anathematizavit Ecclesia. Illud enim Deo proprium est, ut voluntatem suam per miracula declaret, quoties usitatum ordinem mutari velit. Tu te à Deo missum ad totum usitatum in Ecclesia ordinem mutandum, ac reformandum, & Evangelium, quod sub scamno diù latuerat, in lucem revocandum asserebas, conclamabas: quibus miraculis missionem tuam à Deo fuisse declarasti? nullis certè. Ergo non à Deo, sed à Satana ad evertendam Ecclesiam missus fuisti. *De ore tuo te judico.* Sic volens nolens coactus es confiteri, miracula esse veræ ac legitimæ & non falsæ & adulterinæ Ecclesiæ notas; & consequenter tuam Ecclesiam, in qua nulla fuerunt unquam, falsam & apostaticam esse. (De hoc egi in Vera Ecclesia Tom. 1. c. 2. §. 3.) Jure igitur exclamat Erasmus: *O miseros Evangelicos, qui precibus suis nec claudicantem ullum equum sanare potuerunt! Miracula ipsorum sunt, ignis, sanguis, cades, & caruificina. Nec ipsorum Deus Deus pacis est, sed dissensionis.* Hanc veritatem historiæ produnt, & de ea inferius aliqua dicam.

VI. Anabaptistæ ut hanc invidiam declinarent, aliqua in sua Secta miracula comminisci conati sunt. Sed qualia? Vel talia, & ab ipsis conficta, vel qualia Magi Pharaonis patrarunt. Inter conficta celebre est illud quod reiert Gastius Lib. edito Basileæ anno 1554. nempe ex Anabaptistis *Rogatos quosdam de vocatione sua & mira. ulis, noctu in lacum quemdam castello vicinam ingentem vim piscium comportari curasse: quum deinde ipsos quâcumque incederent, ad penitentiam vitæque emendationem magno clamore exhortantes, & extremum Judicis adventum annuntiantes, ingens hominum multitudo sequeretur, ac multi ex iis fame premerentur: Unum ipsorum præconum in genua provolutum precari cœpisse, ut Deus populo esuriienti prospicere, ac bona sua largiri vellet. Deinde retia & nassas afferri jussisse, ac cum sociis in lacum ingressum, incredibilem piscium copiam extraxisse, eosque assistentibus distribuisse, magno cum omnium qui hoc adspexerant stupore, quod antebac vix ullus in eo lacu piscis visus fuisset. Miraculum hoc statim undequaque fuit divulgatum, & pisces etiam ad diversa loco missi, multis ad hanc famam undique confluentibus, & ad novos hos Apostolos, quos Divinos homines, & ad perditis mundi salutem cœlestis missus dicebant, se se aggregantibus. Similis miraculi artifex fuit Mahometes, qui urnas multas lacte plenas in vertice cujusdam montis clam defodit; deinde populo supra modum famelico, prostratus Deum invocavit, ut doctrinam*

suam testimonio aliquo roboraret. Precatione completâ, in loco sibi soli noto terram iussit effodi, ibique urnis lacte plenis inventis ac distributis, tanquam cœlesti munere barbaros illos stupore confixos pavit.

Menno etiam Anabaptistarum coryphæus in Libro de libero arbitrio ait, multos Lutheranos, qui doctrinæ ipsius illuserant, subitaneâ morte periisse: & Vincentium quemdam Anabaptismum refutare aggressum, subito loquendi usum amisisse. Sed quæ fides huic impostori qui ut simplices decipiat, talia mentitur, habenda est? Quæ verò Lindanus & alii narrant de quibusdam legendi omnino impetitis, qui facti Anabaptistæ illicò Sacras Scripturas promptè ac expedite legerent & explicarent, redeuntes verò ad Catholicam fidem literarum imperiti, ut ante, prorsus fuerint (si vera sint) Diaboli calliditati tribuenda erunt, qui sicut falsorum prophetarum linguas movit, ut dicerent quæ nescirent: ita & horum infelicium linguas expedit, ut legerent quæ ignorarent: cuius signum est, quòd ab eo recedentibus tota scientiæ apparentia deficiebat.

VII. Vera igitur signa, quæ suæ vocationis Muntzerus & alii Anabaptistæ dederunt, alia non fuerunt, quàm seditiones, quas sub revelationum & libertatis specie inter vulgares homines, & præcipuè rusticos excitant, quas innumere secutæ sunt cædes, strages, calamitates, & miseriæ omnibus in locis, quæ huiusmodi pestis infecit. Quapropter commoti Principes Germaniæ arma contra rusticos contumaces sumserunt, & commisso prælio centum & triginta efferatorum hominum millia cæsa sunt anno 1525. & Muntzerus ipse è prælio in Oppidum Francusium profugus, in lecto morbum insinulans captus est. Factum exponit Sleidanus L. 5. his verbis: *Quum impetus factus esset, miseros homines velut attonitos, ac mente captos, neque se defendisse, neque fugâ salutem quaesivisse: sed carmen populare, quo S. Spiritus petitur auxilium, cantasse: quod plerique Muntzeri pollicitationibus confisi (non minus frustra quàm olim Baaliticæ Sacerdotes) Cœlestem opem expectarent.*

VIII. Captus Muntzerus, & à Georgio Duce Saxonie interrogatus, quid ita miseros homines in fraudem pertranxisset? Ego, inquit, *feci quod Cœlitus mihi fuit injunctum. Huc modo omnes Magistratus, qui doctrinam Evangelii recipere nolunt, coercendi ac trahendi sunt.* Comprehensus quoque cum eo fuit Pfeifferus socius ejus Ordinis Præmonstratensis apostata. Mulhusium ambo ducti capite damnati sunt. Pfeifferus in hæresi obstinatus obiit. De Muntzero controvertitur. Quidam volunt, quòd dum supplicium pararetur, vultu intrepido tanquam Prophetam se ferebat. Quæ-  
stio-

stioni subiectus inter ipsa tormenta, tam ipsam mortem, cuius apparatus videbat, quam ipsos Iudices provocabat. Ad supplicii locum adductus Principes hortatus fuit: *Ut Biblia, præsertim Libros Regum, diligenter legerent, ac Verbum Dei discerent.* Et hæc postrema ejus fuisse verba volunt. Alii verò sentiunt, quòd Muntzerus ante mortem errores revocavit, & Confessione Sacramentali expiatus, & Eucharistiæ Sacramento Catholico ritu suscepto, caput lictori obtulit. Ita inter alios Alexandre in Hist. Sec. 15. & 16. cap. 2. art. 11. Unde Petrus Rebstock Lutheri commenfalis ait, Magistrum suum post mortem Muntzeri pro ipso preces ad Deum fundere solitum.

## §. II.

*Anabaptistarum promotores alii, & Sectarum diversitas.*

I. **M**untzero extincto, Anabaptistarum hæresis nedum extincta non fuit, sed tractu temporis majori furore invaluit. Anno 1534. novæ seditionis incendium in Civitate Monasteriensi Westphaliæ Metropoli excitarunt Anabaptistæ, ducibus Joanne Matthiâ piflore Harlemiensi, & Joanne Bocoldo sartore Leidenfi, qui allesto in partes Bernardo quodam Northmanno Sacerdote, apostatâ, Henrici fabri ferrarii filio, tunc Lutherana superstitio addicto, & promiscuæ plebis ingenti multitudine, falsis revelationibus proximique Judicii terroribus deceptâ, in Magistratus insurrexerunt, ac eò usque seditionem promoverunt, ut quicumque rebaptizari nollent, aut urbe pulsi, aut cæsi fuerint: omnis Dei cultus extinctus, sacræ Virgines violatæ, Senatus pro eorum arbitrio mutatus, bona direpta, politia omnis eversa nutu Joannis Matthiæ, qui se Prophetam Dei Patris asseribat, & pro tali ab omnibus colebatur. Eo tempore Liber prodiit *Resitutionis* titulo, quo asseriebatur, Regnum Christi ejusmodi futurum ante extremum Judicii diem, ut pii dumtaxat & electi regnarent, impiis ubique deletis: Licere populo Magistratum abrogare: Ecclesiæ Ministros debere sibi sumere Jus gladii, novamque Rempubicam constituere: Lutherum, & Romanum Pontificem falsos esse Prophetas, sed Lutherum deteriorem: Matrimonium eorum qui verâ fide illustrati non essent, adulterium potius habendum esse. Porro obfesa urbe ab Episcopo Principe Monasteriensi, Joannes Matthias eorum Propheta in eruptione ab hostibus confusus interiit.

II. Post Joannis Matthiæ necem Joannes sartor Leidenfis alter pseudo-propheta Anabaptistæ Reipublicæ suscepit regimen. Hic rerum potitus, multisque in civili administratione mutatis, cum

(ut

( ut aliqui volunt ) In adulterio fuisset deprehensus , ut invidiam declinaret , legem promulgavit de polygamia , cujus forma erat , *Virum non esse uni devinctum uxori , sed licere quantumvis multas ducere* : Mox ut suo exemplo alios incitaret , ternas duxit uxores , quibus deinde alias undecim superinduxit , non aliter , quàm emissarius equus ex uno jumento in aliud insiliens , quamvis fronte non nisi castitatem præse ferret . Exemplum Prophetæ secuti reliqui , alii tres , alii quatuor , alii plures ducere coeperunt uxores . Ad hoc fuisse motus dicitur scriptis Lutheri , è quibus doctrinæ suæ plures articulos hauserat . In Genesim enim scribens Lutherus , & quæstionem excitans : an Abraham rectè fecerit pluribus uxoribus implicitus , ita concludit : *Ego consuetudinem hanc inducere nolim . Sed nec reprobare ausim , quum Sanctorum Patriarcharum exempla habeamus* . Quod factò comprobavit , dum Philippo Lantgravio Hassiæ Duci , cujus libidini unica uxor sat non erat , re cum suis Theologis discussâ , alteram concessit . De quo egi Tom. 4. in 3. p. De Matrim. q. 4. Dub. 3.

III. Demùm Joannes Leidenfis è Propheta Rex factus , quodam fabro aurario Enthusiastâ à Deo designatum eum proclamante , & ab insana multitudine salutatus , ac susceptus Coronam sumisit . In foro sibi solium panno vestitum aureo fieri curavit : pro Regum consuetudine delegit sibi proceres aulicorumque comitatum , ex ornamentis Ecclesiasticis pretiosè amictum , quæ ex Ecclesiarum spoliis sibi comparaverat . Quoties in publicum prodibat , Catonianam quandam gravitatem vultu præse ferebat . Ante eum equitabant adolescentuli bini , quorum dexter Biblia aureis laminis cooperta , alter evaginatum ensẽ gestabat . Ibi omnes , nisi se satis vixisse arbitrarentur , in genua & ad pedes ejus se prosternerant . Ipse manu aureum orbiculum ferebat his inscriptum literis *Rex Justitia in terra* . Eam urbem *Sion* & *Jerusalem* appellabat , ex qua Imperium in terrarum Orbem universum eliet propagaturus .

Deinde , velut ex mandato Patris Æterni , Apostolos ad novum Evangelium Orbi prædicandum electurus , magnificam Cœnam instruxit , in quâ multitudinem universam ( circa quatuor millia ) discumbere jussit . Mensis sublati , paropliem afferri mandavit panis triticeï fragmentis repletam . Tum singulis ordine frustulum porrexit , formâ Sacramentariorum dicens : *Accipite , comedite , & mortem Domini annuntiate* . Regina verò ejus uxor præcipua poculum vino plenum porrigens dixit : *Bibite , & mortem Domini annuntiate* . Mox interrogatis omnibus , num pro fide mortem oppetere parati essent , illisque communi acclamatione ,  
ani-

animum sibi non deesse significantibus, viginti (vel ut aliis placet viginti octo) elegit, quos in quatuor Orbis plagas emitteret cum potestate signa & prodigia patrandi. Hoc facto sacrilegiis pleno Leidendis Rex, seu verius Diabolus, ad suum pseudo-Evangelium prædicandum expeditionem paravit.

IV. Porro (ut refert Remundus Lib. 2. cap. 2. n. 5.) ille Anabaptistarum Rex inter coenandum surrexit, & quemdam, quem prodicionis tanquam alterum Judam reum insimulavit, suâ manu decollavit, imitatus, non Christum, sed Antichristum præveniens, de quo dicitur: *Et ab initio homicida fuit*. In illa verò actione cœnali coronam eximiam capite, multosque pretiosos annulos digitis gestabat aureo vestimento amictus. Mira sanè puritas Evangelii à Luthero è scamno sub quo latebat in Orbem producti! Rex ille interea, quos secum cœnatos elegerat, emittit, & quò cuique proficiscendum sit demonstrat, dato cuique præter viaticum nummo aureo, quem iis in locis, quæ doctrinam illorum non admitterent, relinquere jubentur.

V. Hi cum egressi ad suum quisque locum venissent, per Oppida passim horribili voce illud: *Pœnitentiam agite*: ingeminabant, & seque à Deo & Propheta ejus novæ Hierosolymæ Rege ad hoc missos dicebant, ut Evangelium hætenus nunquam benè intellectum interpretarentur, eosque rebaptizarent: ut qui aliter Regnum Cœlorum adipisci non possent. Multis jam seculis universum Mundum à Papa fuisse seductum. Sed & Lutherum dum omnia interpolare velit, omnia corrupisse. Unus eorum Knipperdoltingus nomine, nihil scilicet, ut sibi videbatur, nisi sapientiam exhalans (verè stultitiam, & impietatem) obviis in os insufflabat, dicens *Accipite Spiritum Sanctum*. Mira quidem temeritas: sed quam veterem hæreticum Marcum ostendisse testatur Irenæus L. 1. Milli isti novi Apostoli, plerique variis in locis capite multati sunt, ac unus tantum ad Regem est reversus. Idem in Hollandiam postea alios ablegavit, nimirum Jacobum Campesium & Joannem Matthiam, quorum opera Anabaptismus ibi fuit valdè propagatus, & in Frisia, quò Joannes Galleus missus fuerat. Cetera, quæ sub novo hujus Regis ac Prophetæ Regno contingere, videri possunt apud Henricum Dorpium, Lambertum Hortensium, Kersembrochium, Bolandum, & Meshovium Lib. 6. & 7. Hist. Anabaptistarum.

VI. Obsessa à Germaniæ Principibus Monasteriensis Civitate, Anabaptistarum Metropoli, & tandem vi occupatâ, captus quoque ipse Rex inter alios fuit, & ad incutiendum cæteris Anabaptistis terrorem supplicii per diversa loca in ludibrium traductus fuit.

IIa-

Habito cum eo sermone de variis fidei articulis, pervicax, & alienus à fide Catholica permansit; adeò ut ad Episcopum adductus, & interrogatus, quâ fretus auctoritate Regnum sibi in Civitatem ac populum arrogasset, responderit, se divinitus eò vocatum, hancque voluntatem uni ex prophetis suis Deum manifestasse. Major fuit Knipperdölgingi & Kreckthingi sociorum ejus obstinatio, qui nec ejus delictum fateri vellent, & sua ad extremum pertinaciter defenderent. Cum dies supplicio constitutus advenisset anno 1536. mense Januario, admonitus est, ut peccata sua fateretur seque ad mortem pararet, cum oblato ad hoc Sacerdote longum quidem sermonem habuit, sed cum nec ipse, nec socii prædicti ullâ viâ flecti pesserent, sed in mediis tormentis se pro Christo mori gloriarentur: sic ignitis forcipibus (quæ ad perpetuam detestationem uncis & plumbo ad columnas Curie Monasteriensis Civitatis affixæ diu manserunt) lacerati atque excarnificati, infelices tandem animas efflarunt. Hunc progressum & exitum in Civitate Monasterii habuit Anabaptisticum Regnum.

VII. Fanatica hæc arbor in tot se se expandit ramos, ut tot Sectæ capita, quot Sectarii numerari posse videantur. Sectas septuaginta septem Anabaptistarum Francus in sua Historia enumerat, puto Antilutheranos cum Anabaptistis conjungens: duodecim recenset Staphilus, & alii plures; quarum singulæ, vel à dogmate, vel ab auctore, vel à regione nomen accepere: nimirum *Muntzeriani* à Thoma Muntzero, de quo supra. *Hutite* à Joanne Hut, qui se Corporales Israelitas appellabant Chananæorum omnium expugnatores. Diem Domini instare dicebant, ideòque omnia ante ejus adventum obligurienda. Quare ad summam inopiam sunt redacti, illum Domini diem intempestivè expectantes. Ita Lindanus Dialogo 2. Dubitantii. *Augustiniani* ab Augustino Bohemo, qui præter communia Sectæ dogmata, animas fidelium à visione Dei, ob Cælum nondum referatum, ante ultimam Judicii diem exclusas contendebat. *Bukoldiani* à Joanne Bukold sartore Leidensi, qui Regnum Mundanum statuebant, plures uxores ducebant, bona omnia communia habebant.

VIII. *Melchiorite*, & *Hofmanniani* à Melchiore Hofmanno, qui ad se tractâ monstruosâ discipulorum turbâ, se Eliam dictitans docebat, Verbum non assumisse ex Virgine carnem, Christum, unam tantum naturam habuisse. Qui acceptâ gratiâ voluntariè peccasset, nunquam in gratiam recipi; salutis assequendæ vires esse à nobis. Præobaptisimum esse à Diabolo. Sunt etiam, qui volunt Millenarium Regnum Christi cum Chiliaſtis eum statuisse. Quibus plures antiquas & damnatas hæreseſ excitabat.

Ada-



*Adamita*, quòd nudi incederent. *Denkiani*, qui Dæmonum existentiam negabant. *Ugonvalliste*, qui cuique peccatori etiam impio, imò & ipsis Dæmonibus salutem promittebant. *Franciste* à Frank, qui Sacris Scripturis adimens auctoritatem, earum dicta & facta in dubium revocabant. *Apostolici*, sic dicti à paupertate, quam affectabant, à Scripturis, quas semper literaliter intelligebant, & à lotionem pedum, quam frequentabant, unde etiam *Pedonite* appellati fuere. *Separati* illi erant, qui omne humanum commercium fugiebant.

IX. *Cathari*, qui se ab omni peccato immunes, & qui eorum Sectæ adhererent, impeccabiles pronuntiabant: ideòque in Oratione Dominica omittebant verba *Dimitte nobis debita nostra*, & *Sed libera nos à malo*. *Silentarii*, qui sententiam rogati, silent, & obmutescunt, quia non multiloquium tantum vitandum, sed & privatas & publicas super Religione concertationes censent; eò quòd Mundum non esse dignum existiment, cui prædicetur Evangelium. *Euchita* seu *Orantes*, qui vim omnem mala avertendi, & bona in se derivandi, precibus tribuebant, & illis dumtaxat vacandum esse contendebant, nec media conquirenda ad vitam temporalem necessaria, sed omnia à Deo immediatè expectanda. *Servetiani* à Michaele Serveto Hispano, qui præter communia cum Anabaptistis, execrandas in Sanctam Trinitatem & Filium Dei effudit blasphemias: ideòque etiam promovente Calvino Geneva combustus fuit anno 1554. Kalendis Aprilis, de quo Cap. sequenti §. 3.

X. *Fratres Caritatis*: qui omnia vendebant, & si pretium non dabatur, gratis concedebant, cætera egentibus dividebant. *Ejulantés*, qui incompósitos ejulatus conversi ad Cælum semper plangebant. *Effrontes*, qui loco Baptismi sinciput scarificabant, & ungebant. *Abecedarii*, hi quemcumque legere aut scribere nosset damnabant. *Amazarii* & *Borbonita*, qui quoscumque apostatas ad se recipiebant, publicè clamantes, *Venite ad nos omnes, Venite ad nos omnes*. Hi adhuc in Belgio perseverare dicuntur, nam scissione factà à Mennonitis ob anathematum severitatem, quemvis ab aliis excommunicatum in suam Sectam recipiebant. Aderant etiam *Stebleri* seu *Bacularii*, qui omne genus armorum præter baculum Christianis illicitum esse dicebant. *Sabbatarii*, diem Sabbati venerantes, & diem Dominicum rejicientes. *Claucularii*, qui asseriebant satis esse clam tenere fidem, & eam palàm negare licitum. *Condormientes*, qui omnes in una aula viros & mulieres promiscuè dormire volebant.

XI. Anabaptistarum Sectam turpiorem effecerunt *Davidiani*,  
Tom. VII. Par. V. K seu

seu *Georgiani* à Davide Georgio, qui vitriariam artem Gandavi exercens, mulierculas aliquot peccatis onustas ubi reperisset, se se tertium esse Davidem verumque Messiam super terram regnaturum illis persuasit; quæ se beatas existimabant, si relictis maritis, ex promissio ipsius (ut gloriabatur foedissimus impostor) ex ejus femine conciperent. Cum Sadduceis veram omnium corporum resurrectionem, Angelos insuper, Dæmones, extremum Judicium, vitam æternam negabat. Mulierum communionem admittebat. Stultum esse aiebat, si quis peccatum esse putaret abjurare Christum coram hominibus: & ideo stolidos vocabat Apostolos & Martyres, quod ob eam causam se occidi permisissent. Non animam, sed solam carnem peccatum contrahere asseribat: quodque animæ eorum, quos Infideles nuncupamus, æquè salvabuntur, atque Fidelium: & Apostolorum corpora æquè damnabuntur, atque Infidelium. Omnem doctrinam hætenus à Deo per Moysen, Prophetas, Christum & Apostolos traditam, fuisse imperfectam, & ad salutem inutilem asseribat, suam verò perfectam esse. Se enim esse dilectum Dei Filium, non ex carne, sed ex spiritu natum, qui peccata verè condonet ac reservet, qui denique judicaturus sit in novissimo die. Post tot effusas blasphemias obiit Basileæ 8. Kal. Septembris anno 1556. spem fanaticis discipulis suæ resurrectionis post triennium futuræ relinquens. Verùm ejus cadaver Senatus Basileensis decreto post triennium effossum, & à carnifice in foro combustum est cum libris & scriptis diligenter conquisitis anno 1559. Hæc pseudo-Propheta digna Anastasis. Ita Alexandre, Sec. 16. cap. 2. art. 11. num. 4. præter alios.

XII. Ex Anabaptistica cloaca emerferunt etiam *Libertini*, seu *Liberi*, qui à Divinis & politicis legibus, decimis, tributis &c. se per Christum immunes gloriari, & communionem uxorum, aliaque impura dogmata promulgare & opere confirmare non verébantur. Sectam hanc invexit in Gallias Quintinus quidam, eamque Antonius Pocquius propagavit. Docebant isti, unicum tantum spiritum immortalem esse, scilicet Spiritum Dei, qui sit ac vivat in omnibus creaturis. Angelos inspirationes esse, non substantias, Diabolum & peccatum imaginationes inanes & frivolas asserbant. Unicum spiritum immortalem omnia efficere, adeo ut ipsa peccata Deo imputanda sint; nec ullius ampliùs rei conscientiam moveri quisquam debeat, nec fas sit quidquam improbare. Christum ex spiritu Dei & opinatione esse compositum. In eo positam Redemptionem nostram, quod Christus solùm velut typus fuit, in quo contemplerur ea quæ ad salutem nostram Scriptura requirit. Regenerationem esse restitutionem innocentiae, in qua Adam,

Adam, antequam peccasset, constitutus erat. Hunc autem innocentie statum sic accipiebant: Nihil discernere, quasi mali cognitione sublatâ, ac puerorum more naturalem sensum atque inclinationem sequi. Libertatem Christianam in eo positam, ut omnia homini sine exceptione licita sint. Propriam cujusque ad malum propensionem esse vocationem, in qua secundum Apostoli mandatum permanere debeat. Matrimonium etiam solemnî ritu initum coram hominibus, carnale esse, nisi spiritus benè conveniant; adeoque Christianum hominem minimè ad id adstrictum esse, sed id solum inter Christianos firmum esse debere, in quo utrique simul cum altero benè est. Communionem Sanctorum esse, si nemo possideat tanquam suum quidquam, sed unusquisque, undecumque, nancisci poterit, ad se rapiat. Resurrectionem jam esse factam, cum homo scit Animam suam spiritum immortalem esse perpetuò viventem in Cœlis: ac Christum morte suâ opinationem abolevisse, eâque ratione nobis restituisse vitam, quæ in eo est, ut nos minimè mori cognoscamus. Fas esse dissimulare Religionem. Literæ Scripturæ Sacræ minimè nos obnoxios esse, sed spiritum qui vivificat sequi oportere. Unde Scripturam in allegorias totam detorquebant.

XIII. Hæc de sola Anabaptistica Libertinorum verè horrenda Secta refert Calvinus ipse, qui licet pseudo-evangelicæ libertatis cæteroquin defensor, ea tamen probare non valens, Instructionem edidit adversus errores communis Sectæ Anabaptistarum, & specialem Librum adversus Libertinos. Certè si congeriem errorum, quos singulæ Anabaptistarum Sectæ professæ sunt, unitim complectamur, nedum turpiores per diversa secula dispersas hæreses eos collegisse, sed de proprio peiores, & Christianæ fidei everivas addidisse deprehendemus. Quapropter non Catholici tantum, sed & aliarum Sectarum hæretici, ut Calvinus, Zuinglius, Melancthon, & Lutherus ipse Disputationibus, seu Libris editis, Anabaptistas ut hæreticos agnoverunt, & impugnarunt. At tu Luthere, quid de Anabaptistis conquereris? nonne isti de tuo semine prognati sunt, ac de tua schola, sicut & alii, prodierunt? Tu primus fuisti, qui ad reformandam, ut ajebas, Ecclesiam, non à Deo, sed à Satana missus indivisibilem ejus unitatem destruxisti. Ex hoc factum, ut pars illa avulsâ momento temporis in infinitas alias divisa tuerit, te sapius stupente & exclamante (in Colloquiis Menf. & alibi) *Quid hoc esse dicam? Vix unum os Diaboli obturo, & ecce decem ille alia aperit.* Quid miraris? Tu os Diabolo primus aperuisti. Ergo ne per te solum cum loqui volebas, ac loquendi quæ sibi placebant potestatem dedisse? Eâdem ratione quâ te misit, misit & alios, qui

qui tuo exemplo adducti, se à Deo excitatos ac missos, sibi-  
eundem spiritum, qui tibi, totius Ecclesiæ consensu tutiorem da-  
tum esse iactarent, sibi & cuique illorum licere de Deo loqui  
sentire & scribere, quid & quomodo vellet, nullo antiquæ fidei,  
nec tui ipsius, licet magistri, habito respectu. Iustum est ergo, ut  
tu cum illis missus in ignem æternum paratas Diabolo & Angelis  
ejus pœnas luas.

## §. III.

*Anabaptistarum errores.*

I. **S**pecialibus enarratis erroribus, qui unamquamque Anaba-  
ptistarum Sectam ab alia disceiebant; modò eos qui omni-  
bus Anabaptistis communes erant, expendam. Dogma igitur Se-  
ctæ præcipuum est, parvulis usu rationis carentibus nihil prodesse  
Baptisma, quòd fidem pro se profiteri non possint, sine cuius pro-  
pria confessione inutilis sit Baptismus, cum Christus dixerit, eum  
salvum fore, qui crediderit & baptizatus fuerit; qui verò non cre-  
diderit, condemnatum iri (Marci 16. v. 16.) Ideòque Pædobaptism-  
um non inutilem solum, sed illicitum & nullum esse declarant,  
quia Verbo Dei contrarium: ac proinde omnes qui ad eorum Se-  
ctam ex Catholicis, aut ex aliis Sectis deficiunt, & in infantia ba-  
ptizati sunt, iterum baptizant. Propterea *Anabaptistæ* appellati  
sunt, sive quòd ipsi rebaptizentur, sive quòd rebaptizent in infan-  
tilli ætate baptizatos: & etiam *Catabaptistæ*, quasi Baptistis oppo-  
siti, seu Baptismum oppugnantes.

II. Errorem hunc prælocaverat S. Thomas 3. p. q. 68. art. 9. ubi:  
*Dicendum, inquit, quòd sicut Apostolus dicit Rom. 5., Si unius de-  
licto, mors regnavit per unum, scilicet per Adam, multò magis  
abundantiam gratiæ & donationis & iustitiæ accipientes in vita  
regnabunt per unum Jesum Christum,, Pueri autem ex peccato  
Adæ peccatum originale contrahunt: quòd patet ex hoc quòd sunt mor-  
talitati subiecti, quæ,, per peccatum primi hominis in omnes per-  
transiit,, ut Apostolus ibidem dicit. Unde multò magis pueri possunt  
per Christum gratiam accipere, ut regnent in vita æterna. Ipse autem  
Dominus dicit Jo. 3. quòd,, Nisi quis renatus fuerit ex aqua & Spi-  
ritu Sancto, non potest introire in Regnum Dei,,. Unde necessa-  
rium fuit pueros baptizari, ut sicut per Adam damnationem incurre-  
runt nascendo, ita per Christum salutem consequantur renascendo.  
Quibus ex Scriptura deducit S. Thomas necessitatem pueros ba-  
ptizandi, ut salutem consequantur per Christum renascendo, qui  
damnationem ab Adam contraxerant nascendo.*

## III. Quo-

III. Quomodo autem pueri, qui, utpotè non habentes liberum arbitrium, non habent intentionem, recipere possint Baptismum; & cum non habeant fidem, Sacramento fidei donari possint, exponit S. Doctor ibi ad 1. his verbis: *Dicendum, quòd regeneratio spiritualis quæ fit per Baptismum, est quodammodo similis natiuitati carnali, quontum ad hoc, quòd sicut pueri in maternis uteris constituti, non per se ipsos nutrimentum accipiunt, sed ex nutrimento matris sustentantur, ita etiam pueri nondum habentes usum rationis, quasi in utero Matris Ecclesiæ constituti, non per se ipsos, sed per actum Ecclesiæ salutem suscipiunt. Unde Augustinus (Lib. 1. de Peccat. Meritis & Remissione cap. 25.) dicit: Mater Ecclesiæ os maternum parvulis præbet, ut Sacris Mysteriis imbuantur: quia nondum possunt corde proprio credere ad iustitiam, nec ore proprio confiteri ad salutem. Si autem propterea rectè fideles vocantur, (& cap. 19.) Quoniam fidem per verba gestantium quodammodo profitentur, cur etiam non penitentes habeantur, cum per eorundem verba gestantium, Diabolo & huic seculo abrenuntiare monstrantur? Et eadem ratione possunt dici intendentes, non per actum propriæ intentionis, cum ipsi quandoque contranitantur, & plorent, sed per actum eorum à quibus offeruntur.*

Et ibidem ad 2. addit: *Quòd Augustinus scribens Bonifacio dicit (Epist. 23. modò 98.) in Ecclesiâ Salvatoris parvuli per alios credunt, sicut ex aliis, quæ in Baptismo remittuntur, peccata traxerunt. Hoc eodem argumento Anabaptistas premit Jo. Eckius Hom. 9. de Bapt. dicens, Cum parvuli peccatum originale ex aliena contraxerint voluntate, & transgressione Adæ; cur misericors Deus non hoc etiam permetteret, ut alienâ fide, non quidem suorum parentum vel patrinorum, quod perindè necessarium non est, sed Ecclesiæ Catholicæ baptizarentur? De hoc egi Tomo 2. in 3. p. de Bapt. qu. 5. Dub. 3.*

IV. Verùm quia Anabaptistæ hunc suum errorem tuebantur, quòd in Scriptura nullus puerorum legitur ab Apostolis baptizatus, sed quot ab eis baptizabantur adulti erant, & juxta præceptum Christi credentes, & parvulorum Baptisma ex sola Traditione & Ecclesiæ & Patrum usu introductum, cui standum non esse dicebant, Lutherani ipsi, alioquin Traditionum contra Catholicos oppugnatores, ut Anabaptistas vincerent, Traditionum defensionem assumerunt. Eorum verba placet hic referre, ut eadem possit Catholicus Lector in ipsos retorquere.

V. Lutherus Serm. contra Anabapt. (apud Remundum Lib. 2. cap. 3. num. 5.) *Concedimus, inquit, in S. Scriptura nullum textum expressum esse ad refutandum Anabaptistarum errorem, ubi scilicet di-*

*dictum sit, baptizandos esse infantes quia credant. Si quis ipsorum nos velit, ut hæc verba ipsi ostendamus, cedimus. Contumacium est Anabaptistarum, non virorum Christianorum, tam angustis nos terminis circumscribere. Illud satis cuique esse debet, quod institutionem Apostolorum sequimur omni tempore in Ecclesia Dei observatam, etiamsi Scriptura id non præcipiat. Hæc Lutherus. Ex quibus Catholice Lector habes, quid respondeas Lutherano, vel alii ex Sectariis neganti aliquod dogma Apostolicâ Traditione semper in Ecclesia Dei observatum, quia Scriptura id non præcipit, vel in ea expressum non legitur.*

VI. Accedit *Æcolampadius inter Zuinglianos magni nominis, qui cum novem Anabaptistarum Doctoribus coram Senatu Basileensi de hac re disputationem iniens: Eja, inquit, ostendite nobis, quando hæc nova baptizandi forma in Ecclesia recepta sit; neque enim eam ex vestro vobis capite introducere licet. Nos in hoc totius Ecclesiæ consensum & consuetudinem monstrabimus. Cyprianus in Epistola ad Fidum ait, parvulorum Baptismi in Carthaginensi Concilio mentionem fuisse factam, non tamen tanquam in dubium vocati, sed quod nonnulli imitatione Judæorum ante diem octavam eos non esse baptizandos dicerent: quæ opinio ab Ecclesia fuit damnata. Origenes Commentariis in Epistolam ad Romanos asserit, consuetudinem hanc infantes baptizandi ab Apostolis descendisse. An fieri potest, ut qui Apostolorum temporibus propinquus fuit fabulas Christianis narrare voluerit, tum quum Ecclesiæ Traditione mendacii convinci posset? S. Augustinus quoque affirmat morem infantes baptizandi in Ecclesia semper viguisse. Eodem modo Concilium Milevitanum de Pædobaptismo loquitur, non tanquam de re controversa: sed ad refutandum Pelagianorum de peccato originali errorem: Cateri... infantium Baptismum reprobare ausi non sunt. Quis Æcolampadium ita loquentem audiens, eum Catholicum non existimaret?*

VII. Porro cum Anabaptistæ Sectariorum more responderent: *Ad quid nobis tot Patres, Doctores, Concilia allegas? Homines fuerunt, quorum dissilis & decretis stare non tenemur, nisi quatenus Sacra Scripturæ sunt conformia. Atqui ex hac infantium Baptismi probare non potestis, neque nos in eo acquiescere possumus, quod fieri consuevit, nisi fieri debere ex Scriptura doceamur. Quid si usque ad hæc tempora in eo erratum est, certè tempus est, ut error emendetur, postquam Deus veritatem nobis revelavit, atque purum & simplex Christi Verbum amplectamur, qui vult ut fides precedat Baptismum, necesse est, ut qui baptizat, & qui baptizatur, integram & perfectam habeant fidem; quod si non sit, Baptismus est potius Satane à Papa inventus. Hæc Anabaptistarum loquendi phrasis, nonne eadem est,*

est, ac ea, quæ omnes moderni Heterodoxi in iis à quibus dissentiant contra Catholicos loquuntur?

VII. Anabaptistas tamen adhuc Catholicè loquens Œcolampadius ita excepit: *An tot animarum millia, quæ in Ecclesia hoc modo baptizatae sunt, & quæ talem Baptismum rectum esse crediderunt, æternis flammis adjudicatas arbitramini? An credibile est à Deo eos Satanae tanquam prædæ reliquos? An vos propterea à tam dulcibus & sanctis hominibus per schisma discedere oportet?* His Œcolampadius disputationem clausit. Eodem discursu eos feriunt Geneveses: *Si vos, inquit, Dei estis Ecclesia, sequitur Deum sine Ecclesia fuisse usque ad annum 1522. quo Nicolaus Storkius & Thomas Muntzerus prima Ecclesie vestrae fundamenta jecerunt. Excutite omnes Mundi angulos, neminem qui vobiscum ullo tempore senserit, invenietis. Quum verò Deus sine populo & Christus sine regno non sit, sequitur vos non magis populum ejus, quàm Ecclesiam esse posse.* Hæc subijcere operæ pretium duxi, ut hinc ad evidentiam norit Catholicus Lector, quàm obsecrati sint Heterodoxi omnes Lutherani, Zuingliani, Calvinistæ, dum videntes eadem, quæ contra Anabaptistarum Baptisma ipsi obijciunt, à Catholicis in se retorqueri, malunt se proprio gladio jugulari, quàm ad veritatis solem oculos aperire.

IX. De Eucharistia, quam Coenam cum aliis Heterodoxis nuncupabant, cum Sacramentariis sentiebant, realem Corporis & Sanguinis Christi in ea præsentiam & corporalem manducationem negantes: nec aliam ob causam eam celebrare dicebant, quàm ad mutuam caritatem inter Christianos confirmandam, & memoriam Dominicæ Passionis recolendam. Ritus eam celebrandi apud eos hic erat, Indictâ ab Inspectore horâ, & cœtu congregato, unus Evangelium linguâ vulgari legit. Interim Pastor suggestum conscendit & Bibliorum Codicem ante se pluteo imponit. Psalmos non decantant, ut plerique alii Evangelici, ajunt enim, id ab Apostolis nunquam mandatum, nec permissum, ut mares & foeminae permixtis vocibus ac sonitu templa impleant. Factis precibus, Pastor locum aliquem Scripturæ explicat. Sermone finito, de pane exiguum particulam ad singulos fratres circumfert, qui omnes suis quisque locis stantes & capitibus nudi conticent. Panis hanc particulam singuli manibus tantisper tenent, dum Pastor ad locum suum reverſus, pro se quoque particulam accipit. Tum ille longâ oratione mysterium explicat. Ac tandem, mei fratres, inquit, Accipite, manducate, & annuntiate mortem Domini. Sic igitur singuli buccellam deglutiunt, & suum Christum fide accipiunt. Deindè eodem modo

„ vinum circumfert dicens : Bibite in nomine Christi in commemorationem effusi sui Sanguinis . Fit sæpenumero , ut hæc ratione integrum diem absolvant , Deo gratias agendo , precando , meditando , ac lacrymas precibus miscendo , ut Anabaptistæ ipsi mihi narrarunt . Licet autem cum Zuinglio credant , nihil in hoc Sacramento esse præter solum panem , nec Corpus Christi aliter quàm per fidem recipi ; in eo tamen differunt , quòd Zuingliani Cœnam nonnisi in publicis coetibus celebrant , & accipiunt , quam Anabaptistæ etiam ad ægrotos deferunt , ut & Lutherani . Illi transeuntes panem & vinum accipiunt : hi verò suo in loco quiescentes , dum ad se deferatur , expectant „ . Hæc refert Minister quidam Caroli Regis Galliæ apud Remundum L. 2. cap. 3. num. 4.

X. Sacrificium & Sacerdotium tollunt , ac Missam tanquam Satanae inventum detestantur : ajunt enim eam in novo Testamento non reperiri , nec eâ opus esse , sed ad Divinum cultum sermonem & preces sufficere . Papam Romanum eodem , quo Lutherani , Calvinistæ , & alii ejusdem furfuris , titulo insigniunt , Antichristum eum appellantes . Delirium arbitrantur Purgatorium credere , ac pro defunctis orare . Qui Sanctos invocant , injuriam Deo facere dicunt . Nomini Jesu , aut Deiparae Virgini nullam reverentiam exhibent . Imagines itidem detestantur , & à Cruce abhorrent . Quibus cum aliis hæreticis hujus temporis conveniunt .

XI. Solam Scripturam admittunt . Jurare , litigare , arma tractare , Magistratum gerere , Christianis illicitum putant : adeò ut si quis Magistratum gerens , aut militum ductor ab ipsis rebaptizari velit , non admittatur , nisi iis muneribus abdicatis , & facto per votum promisso , ea imposterum non suscipiendi . Ad fidem neminem cogendum esse ajunt , ut quæ donum Dei sit . Nec Christum nec Apostolos ullâ vi usos , aut contra hæreticos , aut infideles seculare brachium implorasse . Nam animi armis vinci non possunt , nec religio imperari , sed rationibus & argumentis in corda induci debet . Sic Anabaptistæ nemini Religionis causâ vim , multò minus quæcumque ob causam Christiano mortem inferendam esse docent , sed , si opus sit , excommunicatione utendum .

XII. Singularem pietatis & caritatis erga proximum speciem præferbant : unde Nicolaus Amstdorfius Lutheranus Lib. Recta fides de Cœna : *Anabaptistis* , inquit , *vita sanctitate modò Germaniam decipere incipiunt , quemadmodum Monachi olim totam Christianitatem deceperunt* ( comparatio Lutheri discipulo verè digna ) & Honus Lib. 1. de Hæres. addit : *Lutherani & Zuingliani zelo Religionis Anabaptistis multum cedunt* . Imò Floremundus Remundus Lib. 2.



Lib. 2. cap. 4. num. 1. non sine admiratione Burdigalæ se expertum fuisse dicit, eos in turba nationum, & negotiorum tumultu candem vultus faciem & animi statum semper servare, nec ullâ injuriâ, irâ, alioque affectu unquam ab eo dimoveri. Additque, quod cum anno 1598. eo tempore, quo tota Aquitania extremâ fame, premebatur, in eorum aliquot incidisset, ex iis unum liberrimè dicentem se audisse refert: *An vos, Catholici, Christiani dici vultis, qui deliciis immersi ante fores fratres vestros incedere finitis? En plateas vestras languentibus & semimortuis plenas, interea dum mensæ vestræ ciborum & vini deliciis redundant. En laceros illos & cutem nudam ostendentes, dum vos bysso & serico vestiti superbitis. Non hoc apud nos fieri solet. Nemo vestræ Religionis panem suum manducat. Si cui quid desit, id reliquorum fratrum liberalitate ultrò suppletur. Nemo apud nos eleemosynam petit; sed nec quisquam otiosam vitam ducit. Omnes laboramus. Quod si quis naufragium, aut jacturam faciat, ea communi omnium contributione ex parte refarcitur. Ita, & fortè verè, Catholicis ille improperebat. Sed non advertebat miser, suam & suorum inanem, & fictam, quia sine verâ fidei fundamento, esse coram Deo pietatem & caritatem; quia sine fide impossibile est placere Deo. Sed hos dimittamus.*

## CAPUT CXI.

## De Calviniana hæresi.

## §. I.

*Calvini ortus, studia, hæresis initia, & indoles.*

I. **D**UM in Germania eique conterminis Provinciis à Luthero, eique succedentibus prænominatis Sectis, Ecclesia Christi deplorabili incendio vastaretur, aliud non minus totale in Gallia Diabolus excitavit, Ministro & facem apponente Calvinio utens. Natus fuit hic Novioduni Veromandorum in Picardia (Gallicè Noyon) sexto Idus Julii anni 1509. Parentem habuit Gerardum Chauvinum Procuratorem & Episcopi Actuarium. Matrem Joannam Frankam, ambos fide Catholicos. Joannes *Chauvinus* primò dictus est; sed quemadmodum *Manes* cognomen in Manichæum, & *Ludder* in Lutherum vertit: ita iste non *Chauvinus* sed *Calvinus* appellari voluit. Sed cum ne hoc quidem nomen satis illi placeret, *Alcuini* nomen sibi aliquandiu usurpavit, ejus scilicet qui Caroli Magni Præceptor fuit, & ob institutam.

*Tom. VII. Par. V.*

L

Aca-

Academiam Parisiensem celebris . Hoc apertè demonstrat prima Institutionum Calvinì editio Argentorati anno 1539. primitivè vulgata, quæ nomen *Alcivini* præ se fert, non *Calvinì*. Ita ex Flor. Remundo Lib.7. Synopsis cap.8. num.4. ubi etiam ejus stemma Genethliacum exhibet, quod Astrologiæ studiosis relinquo . Hoc unum dicam, omnia quæ ex eo funesta (etsi artis vanitate) colliguntur, in Calvinò impleta fuille.

II. Calvinus postquam ex'ephebis excessit, positis jam literarum fundamentis, de parentum consilio Lutetiam studiorum, causâ missus, & Richardo patruo fabro terrario commendatus, in Gymnasio Marchiano præceptorem habuit Maturinum Corde-rium, qui postea è magistro factus discipulus, & Sectam Calvinì professus fuit, eodem anno quo Calvinus Genevæ mortuus est . In Gymnasium deinde Montis Acuti translatus, in Philosophia Hispanum Professore tuuc celebrem auditvit . Ipsi quasi sacris destinato, pater ab Episcopo Noviodunensi duo Beneficia impetraverat : primum, Capellam B. Mariæ Virginis de Partu in Ecclesia Cathedrali; deinde Parochiæ Pontis Epis propè Noviodunum Curam . Sed patris mutatus animus fuit, quòd Jurisprudentiam certius iter esse ad opes & honores videret, tum ipsius Calvinì, cui cognatus quidam suus Petrus Robertus Olivetanus novæ doctrinæ, à Lutheri & Zuinglii Discipulis in Galliam jam allatæ, studium eidem afilaverat .

III. Statui ergo & vitæ Clericalis professioni vale dicto, Aureliani sub Petro de Stella insigni Jurisconsulto ad Jurisprudentiæ studium animum applicuit . Inter hæc studia Psychopannychiam edidit ( anno 1534. ) quâ refellendum eorum errorem suscepit, qui animas post hanc vitam usque ad ultimum Judicium dormire putarent .

Avaricum Bituricum profectus, *Andream Alciatum* Jurisconsultum ætatis suæ facilè Principem ex Italia illuc evocatum auditvit . Aderat ibi Melchior Wolmarus, quem Navarra Regina fovebat, natione Germanus Græcarum literarum Professor . Cum eo amicitiam iniit Calvinus, cujus etiam auditor factus, & ad Theologiæ studium animatus, novæ heresis principia hausit . Wolmarus quamvis Catholicum se simularet, corde tamen Lutheranus erat, & Lutherani virus Calvinò insinulavit . Cum enim in juvene hoc singularem ingenii alacritatem, firmitatem, memoriæ, facilitatem in iis quæ audierat, vel lectione didicerat, conscribendis & explicandis deprehendisset, quâdam die cum ipso deambulans, auctor ei fuit ut Justiniani Codice seposito, totum se ad Theologiæ omnium scientiarum reginæ studium converteret .

ret. Sic ad cuniculos, quos Lutherus jam suffoderat, incenso velut pulvere, uno spiritu ad perniciem Ecclesiæ distandos Calvinum Wolmarus excitavit.

IV. Is ergo Wolmari aliquandiu usus consuetudine, & acquiescētia Græcæ linguæ cognitione, ejus consilii obtemperare statuit. Interea repentina mors patris nuntiata Calvinum in patriam revocavit, ubi duo illa Sacerdotia, quæ pater illi procuraverat, vendidit. Dum in patria moraretur, Wolmarus ad eum frequenter literas dabat, Librosque, quos à Germania acceperat, mittebat; acriter exhortans, ut de reformanda atque illustranda Dei Ecclesiæ cogitationem & curam seriò susceperet, quibus hominis aliàs ambiciosi & propensi animum vehementer incendebat. Quin etiam idem Wolmarus licet ab Ulrico Duce Wittembergico revocatus, literis tamen animare Calvinum non cessabat. Illud tamen mirum videri merito potest, quòd idem Calvinus, dum de vocatione sua agit, Wolmari ne verbo quidem meminit, sed hæc tantum dicit occultà Dei Providentiâ se pertractum fuisse.

V. Novioduni aliquandiu commoratus Lutetiam rediit, & in Collegio Fortiense domitium habuit, & Commentarium in Senecæ Librum *De Clementia* edidit; ibi cum Lutheranis & Zuinglianis clandestinos conventus agentibus in tantâ familiaritate, præsertim cum Nicolao Copo Guillelmi Copi Basileensis Regii medicis filio, qui novæ doctrinæ principiis assensus, ea in Oratione Academica in Festo Omnium Sanctorum publicè exponere ausus fuit. Hac cum Joannes Morinus rerum capitalium Judex aequilimus, & in primis Catholicus, severissimam quæstionem in Novatores exercens, detexisset, tum in Copum, tum in Calvinum inquirere coepit. Quare Copus Regno excedens Basileam se contulit, Calvinus verò à Collegio Fortiense, ubi degebat, pannorum lineorum opere per fenestram evadens, Engolismam (qui ultimus & remotissimus tractus est Parisiensis Curie Jurisdictioni subiectus) secessit, ubi Ludovici Tiliæ Canonici Engolismensis & Curionis Claixensis, docens interea pueros Græcam linguam, cujus licet tenuem habebat notitiâ, sumptibus triennio vitam sustentavit.

VI. Dum hic moraretur (inquit Remundus dicto Lib. 7. cap. 9. num. 3.) *Ajunt quidam, & à multis scriptum invenio, Calvinum magni & detestabilis flagitii à primario Boncurrensis Collegii sodali fuisse accusatum, & ad puerorum querelas contumaciæ damnatum.* In hac officina primam Institutionum suarum ordiri coepit editionem, quam deinde alibi pertexam ad capiendos simplicium animos tetendit, & successivè perfecit, ut Hæreticorum Alcoranum eam jure appellare possis. Libros hos ex Æcolampadii, Meiauthonis

nis, & aliorum Sectariorum scriptis magna ex parte confarcinavit : sed novâ methodo, & purioris latinitatis elegantia sic adornatos, ut incauto lectori laqueum injicere possent.

VII. Quamdiu tamen Calvinus Engolisma commoratus est, Catholicum se stimulavit, sacris etiam, sed quam rarissime potuit, intuitus; quin etiam ad recitandas latinas preces à Collegio electus, id munus semel atque iterum in æde S. Petri obiit. Quod si in colloquiis & disputationibus cum familiaribus suis aliquid diceret, quod contra fidem sapere videretur, indagandæ veritatis studio id se dicere asserbat. At Tilius Calvini animum probe nescens, imò in ejus opiniones propendens, ut eas cum Lutheranis aliisque novæ doctrinæ professoribus conferre posset, Geneva, primum, deinde in Germaniam Calvinum secum adduxit. Id ægerimè ferens Tilius frater Curie Parisiensis Protonotarius, fratrem sequutus, brevi in Galliam ipsum reduxit, relicto in Germania. Calvino, qui postmodum Ruso, de quo supra, in familiam se dedit, in cujus comitatu plerosque Catholicæ fidei Adversarios antesignanos visitavit, & allocutus est. Memorabile est illud, quod cum Bucerus ad Erasmus adduxisset Calvinum, eumque de aliquot subtilioribus Religionis capitibus differentem Erasmus audivisset, ad Bucerum conversus dixit: *Video in hoc juvene magnam pestem oriri, Ecclesie plurimum nocituram*. Simile de Berengario primo Sacramentarium auctore à Fulberto Carnotensi Episcopo prædictum narratur. Cum enim decumbentis in lecto cubiculum Berengarius ingressus esset, Sanctus vir à circumstantibus quaesivit: Quis esset ille homo, cui Diabolum auribus nescio quid insusillanrem videret? Tilius interea ad patriam & sanam mentem reversus Calvini doctrinam ejuravit; ægrè tulit Calvinus, se hoc trophæo defraudatum, omnemque artem, ut eum ad se revocaret adhibuit; sed frustra. Nam Tilius constans in fide Catholica, novæ Religionis retundendæ impofterum totus incubuit.

VIII. Calvinus in Galliam reversus Pictavium petiit. Ibi cum aliquibus viris doctis sensum familiaritatem contraxit, & inter alios cum Petro Fonqueto Monasterii Mousteriensis Priore, qui & hospitium ipsi præbuit, necnon Carolo Lesago Scholæ Pictaviensis Rectore, in eodem quo Calvinus oppido nato. Initio cum his sermonem habens hanc artem adhibebat, ut frequentem quidem faceret de rebus Religionis mentionem, sed obscuram admodum, & magis ad tentandum, quam ad docendum. Tandem verò secreta suæ Religionis nonnullis aperuit, & quid de Lutheri, Melancthonis, & Zuinglii opinionibus ipse sentiret, & præcipuè circa Eucharistiam, quasi mediam viam ipse inire vellet. In horto congressus

isti

isti persæpè habebantur, atque inter eos de Religione disputare solemne erat, & ea quæ Lutherus, Zuinglius, & Novatores ceteri de Missæ Sacrificio, Eucharistia, Papa, & aliis Catholicam fidem tangentibus scripserant, revolvere, interim Calvinò virus suum adstantibus insinuante. In horto primi nostri parentes à Diabolo sunt decepti: in horto etiam pauci illi, quos supra dixi, ab eodem per Calvinum tanquam alterum serpentem seducti sunt. Ibi Cœnæ Calvinisticæ forma primò celebrari cœpit, ibi Sæctæ hujus exordia nata sunt.

IX. Non displiceat audire ex Floremundo Lib. 7. c. 10. *Synopsis* comparationem inter indolem Calvini, & Lutheri, qui diverſis & contrariis tam moribus, quàm doctrinis toti Mundo imposuerunt. Si vivendi rationem species, Lutherus cibo & potui indulgentissimus erat, ubi Calvinus ab adolescentia abstinentissimus, sive ut valetudini consuleret, sive ut studiis liberius vacaret. Lutherus quæcumque ætus ac bilis suggereret, liberè evomebat; & quasi animum in fronte gestans, nihil celabat. At Calvinus summus dissimulandi artifex, sub tristi vultu affectus à cogitationibus & verbis planè dissentientes mentiebatur. Lutherus genio indulgens per summam hilaritatem cum amicis & aliis tempus transigebat. Calvinus è contra raram in moribus affectabat gravitatem; nam pauca & cum paucis, ac nonnisi de seriis & arduis rebus loquebatur, nec sensus suos facilè expromebat.

Si ingenium compares; Lutherus in concionando facundus auditorum animos facilè pertrahebat: Calvinus autem minùs in dicendo gratus, quotiescumque è suggestu ad populum sermonem faceret, nihil erat, quod auditoris animum allicere, aut detinere posset, multa è contra quæ fastidium & nauscam afferrent, utpotè qui nulla actionis elegantia instructus esset. Porro in scribendo Calvinus Lutherum excelluit; & quia à puero Latinis literis elegantioribus multò majus studium posuerat, & quia plura eaque acutiùs, utpotè in syllogizandi arte peritior, ingenio potior, ac studio magis deditus, scripta reliquit.

Quoad Religionem, unusquisque genio suo accommodatam instituit. Lutherus genio crassius Religionem crassiàm & pinguem, ut ita dicam, commentus est. Calvinus verò genio teter & constrictus subtiliorem & strictiorem excogitavit. Ita Spondanus ad annum 1534. num. 12. *Calvinus*, inquit, *Religionem subtiliorem, Lutherus crassiorem & pinguiorem commentus est*. Lutherus Ecclesiam agitare, ac ejus dogmata novo modo proponere ac immutare aggressus fuit. Calvinus præcipua fidei mysteria funditus contendit evertere: ideòque Calvinus quantò ingenio subtilior, tantò Ec-

Ec-

Ecclesiæ factus fuit perniciosior : ut qui ejus principiis imbuti obstinationes sint, & difficilius, ut praxis ostendit, ad Catholicam fidem reducantur. Hinc inter ipsos duo pseudo-Apostolos non raro ortum diffidium, & mutua æmulatio. Calvinus Epist. 57. ad Bullingerum ait : *Agnoscere se quidem Lutherum ut insignem Dei servum : sed sicut multis polleret virtutibus, ita magnis vitiis laborare* : Et Epist. 63. ad Melancthonem vocans Lutherum novum Periclem dicit, eum *nimiâ intemperie ad fulminandum raptum, præsertim cum ejus causa nibilo melior esset suâ*. Quare (opportune subjicit Spondanus ad annum 1544. num. 17.) *Hinc videas, quæ fuerit Reformatorum hujusmodi concordia, & quem quique Primatum sibi asserere ambierint*. Hoc certè demonstrat, neutrum illorum à Spiritu Dei, qui unitatis, pacis, & humilium corde spiritus est, fuisse missum ; sed utrumque spiritu Satanæ, spiritu dissensionis & superbiæ, velut lupos ad dispergendum oves Christi, ab inferis fuisse immisos.

## §. II.

*Calvini hæresis disseminatio & eventus.*

I. **C** Calvinus, qui ex dictis Serpentem Diabolum imitatus, virus suum in horto paucis insinuarat, videns, apud illos sibi rem prosperè evenisse, de eo toti Galliæ, imò si fieri posset, toti Orbi, propinando cogitare cœpit. Tribus itaque è secretiori hoc conventiculo persuasit, ut hanc novam doctrinam suam per Galliam, apud eos præsertim, qui aliquem Lutheranismi gustum haberent, disseminarent, & sic miserè deceptis Papistis (ita vocabant, & hodie etiam vocant eos, qui antiquam, & per manus Apostolorum eorumque Successorum traditam fidem sequuntur) oculos aperirent. Consilio ergo habito decretum fuit, ut Vernovius Pictaviæ & in vicino agro animas, ut ajebant, lucritaceret ; verè tamen perderet. Alii duo, ut securitati suæ consulere, nova sibi nomina sumserunt. Unus dici voluit *Ramasseur*, seu Ramasserus, idest dispersi gregis Recollector : & ad Santones & Engolismenses missus fuit. Alter *le Bon homme*, idest Bonus vir, dici voluit : & hic Burdegala, per reliquam Aquitaniam, & Tholosanas partes passim aberrans, in conventiculis tam preces, quàm Cœnæ manducationem ad novam illam formam, quam Calvinus tradiderat, celebrabat. Quia verò hic prius in Pictaviensi Academia Institutiones Juris in Cathedra *Ministraria* appellata legerat, inde ortum aliqui putant, ut qui apud Lutheranos *Prædicantes*, apud Calvinistas *Ministri* appellentur.

II. Verùm jam invalescente novæ Sectæ famâ sibi metuens Calvinus, ne deprehenderetur, Neracum Urbem Aquitanix ad Jacobum Fabrum Stapulensem, & Gerardum Rufum se recepit, ut unâ cum eis sub Margaritæ Navarra Reginx præsidio tutus esset. Uterque horum ex Doctorum Sacræ Facultatis Parisiensis Ordine ob nova dogmata resectus fuerat: Meldensem Diocesim uterque infecerat cum Guillelmo Farello & Arnaldo Rufo, à Meldensi Episcopo Guillelmo Brissonneto literarum amore & linguarum studio imprudenter evocatus. Uterque demùm, præfatæ Margaritæ Francisci Regis Christianissimi sororis favore, quæ novæ doctrinæ patrocinabatur, Neracum se receperat. Catholicam Religionem Faber & Rufus exterius profitebantur, sed novam falsamque animo imbibebant. Faber Neraci obiit anno 1537. Rufus, Abbas Cleriacensis, & Episcopus Oloronensis favore Reginx factus, lupus in ovili Domini, non modò sub ovibus, sed sub Pastoris veste latens, plurimis ruinæ ac perversionis auctor fuit. Obiit anno 1549.

III. Franciscus I. Galliarum Rex Catholicæ fidei zelo accensus in Sacramentarios acriter tunc sæviebat. Joannem Clericum arte Ianarium, quod Papam *Antichristum* appellasset, flagris cadi, & in fronte notari jussit: & cum postea ausus fuisset Sacras Imagines in quodam Oratorio Metensi nocturno tempore sacrilegè conterere & lacerare, convictum igne cremari imperavit: quod Theodorus Beza in Clerici encomium vertit, vocans eum *Primum Inflauratorem Ecclesiæ Metensis, eundemque & Meldensis*. E' contra verò ob pœnam in Clericum, & honorem Sacris Imaginibus restitutum, & ob Edictum contra sacrilegos Novatores in Synodo Parisiensi editum, à Romano Pontifice, & omnibus Catholicis Christianissimus Rex summis laudibus celebratus fuit. Qui subindè cum audivisset, se Parisiis absente infames libellos contra Sacram Eucharistiam sparsos, & Regio Palatio affixos; illicò Parisios reversus solemnem Processionem indixit, quam, Sanctissimum Eucharistiæ Sacramentum Parisiensi Episcopo deferente, ipse unâ cum Regiis Filiis, ac Principibus summâ devotione profecutus fuit: Protestatus insuper, se suum quoquè brachium excisurum, si eâ peste infectum sciret, atque idipsum in proprios liberos præstiturum. Eademque die tres præfati delicti reos flammis addixit; terribili sanè supplicio: nam *ad machinam alligati, & in sublime elati, deindè in subjectum ignem demittebantur, iterumque sursum sublati, & demissi, tandem carnifice restim præcidente, in flammam præcipientes ruebant*. Ita Spondanus ad ann. 1535. num. 4.

IV. Hæc cum ad Calvinî aures pervenissent, justo metu percussus, ne sibi quid tale eveniret, relicta Galliâ Basileam fugit.

Ibi

Ibi præcipuos habuit amicos Simonem Grineum, & Wolfangum Capitonem, se sequæ Hebraicis literis dedit. Ibi quoque quatuor Libros Institutionum Christianæ Religionis ( ut vocat ) edidit anno 1535. ætatis 26. Opus, primum Gallicè, deindè in latinum idioma verſum, ab eo pro animi levitate, & dogmatum incertitudine, pluries confectum, defectum, & reſectum. Illud Opus ( quod audacem ejus temeritatem demonſtrat ) ferociori Hæreticorum hoſti Franciſco I. Regi Chriſtianiſſimo dicare auſus fuit, præmiſſâ ad ipſum eleganti Præfatione, & hoc, ut ſi non Regem ipſum, ſaltem Galliæ populos Regis inſcriptione pertraheret, quod nimium evenit. Quale autem futurum eſſet illud Opus, emblemate in fronte Libri appoſito, ſignificavit, gladio ſcilicet flammeo cum hoc ſymbolo: *Non veni pacem mittere, ſed gladium*. Quod planè aſſatim impletum eſt contrario verbis Chriſti ſenſu, & horrendâ totius Galliæ, aliarumque regionum, ubi peſtilens ejus doctrina graſſata eſt, calamitate.

V. Mox in Italiam proſectus ad Renatam Ludovici XII. Francorum Regis filiam, Hercules Ducis Ferrarienſis uxorem, ipſam Novatoribus jam impenſè faventem, Sectæ ſuæ penitus addixit. Sed metu Inquiſitionis citò ex Italia egreſſus, & Galliam repetens, ac rebus cum Antonio Calvino fratre compoſitis, Genevæ pervenit. Civitas hæc paulò ante tum à Sabaudie Ducis obedientia, tum à Religione Catholica ad Sacramentariorum hæreſim, operâ Guillelmi Farelli & Petri Vireti, deſecerat. In hujus deſectionis triumphum ( verius dedecus ) erectum fuit ſupra Portam Prætorii perenne hoc blaſphemum monumentum: *Quum anno Domini 1535. proſtigatâ Romani Antichriſti tyrannide, abrogatiſque ejus ſuperſtitionibus, Sacroſancta Chriſti Religio hic in ſuam puritatem, Eccleſia in meliorem ordinem ſingulari Dei beneficio reſpoſita, & ſimul pulſis fugatiſque hoſtibus, urbs ipſa in ſuam libertatem non ſine inſigni miraculo, reſtituta fuerit, Senatus Populusque Genevenſis monumentum hoc, perpetua memoriæ cauſâ, fieri atque hoc loco erigi curavit, quo ſuam erga Deum gratitudinem ad poſteros teſtata faceret*. His infelix ille populus ſuam ab illo tempore uſque ad præſens celebrat perditionem.

VI. Huc igitur opportunè adveniens Calvinus, à Farello & univerſo populo tanquam verus Legislator extenſis brachiis ſuſceptus fuit, & curante Farello, non Concionator tantum, ſed Theologiæ Profeſſor à Magiſtratu designatus anno 1536. Tunc quamdam doctrinæ formulam Genevenſium ingenio accommodatam edidit, necnon Catechiſmum, non illum in quæſtiones & reſponſiones diſtributum, qui inter ejus Opera legitur, ſed alium breviorcm.



rem. Aggressus deinde cum Farello & Coraldo novam Ecclesiam ( verius Synagoga ) componere, obtinuit, ut palam præeunte publico Scribâ, à Senatu populoque Genevensi in Capita novæ Religionis ac disciplinæ à se præscripta juraretur. Tunc fortè contigit impium illud facinus, quod narrat Bolfecus in Vita Calvini de Amico Perrino, qui ut sacrilegio adderet improprium, àurrenti populo sacrum lapidem ab Ecclesiæ Cathedralis Majori Altari extractum, extra portam Civitatis asportari, eumque in locum reorum supplicio destinatum projici fecit. Sed brevî meritas luit pœnas; nam super eundem lapidem, excitante Calvino, sub specie quoddam in Gallos Genevæ profugos proditionem machinatus fuisset, re verâ tamen, ut amulum tolleret, Perrinus ipse capite plenus fuit.

VII. Non diù inter Satanæ ministros perstitit pax. Farellus, Calvinus, Viretus accusantur à Petro Caroli, quoddam de Sanctissima Trinitate malè sentirent. Habitâ de hoc Bernæ Synodo, Petrum Caroli calumniæ damnatum Beza scribit, Calvini scilicet factione, non veritate & iustitiâ prævalente. Cæterum Petrus Caroli agnitâ novarum opinionum falsitate, ad Ecclesiam Catholicam quam deseruerat ( ex Doctore Sorbonico factus Minister Genevensis ) reversus est, Romamque profectus, ut apostasiæ veniam impetraret, illic apud Robertum Cardinalem Lenoncurium benignè exceptus, piè & laudatè obiit, ut ex testimonio Philippi Lenoncurii ejusdem Cardina'is nepotis, postea etiam purpurâ ornati, probat Genebrardus in Chronico Lib. 4. Quo Beza, „ Mendacium reielli- „ tur scribentis; illum Romæ cum ludibrio exceptum, premente „ inopiâ, & Gallicâ scabie, vix in Xenodochium receptum sti- „ pendium tandem peccati, mortem videlicet, à filio peccati re- „ tulisse „. Ita Beza.

VIII. Eâdem tempestate inter Bernenses & Genevenses alterum dissidium emerfit ex Rituum ab illis usurpatorum discrepantia. Nam Genevenses pane communi utebantur in Cœna sua, & Baptisteria, diesque Festos, unico excepto die Dominico, sustuleraut. Quibus de rebus cum Synodus Laufannæ à Bernensibus congregata azymum panem, aliaque Genevæ restitui postulare, Genevenses autem Ministri se prius audiendos contenderent, eamque ob causam altera Synodus Tiguri esset indicta; Farellus, Viretus, & Calvinus, qui Cœnam aliter quàm in fermentato, vel ipsâ Paschatis die celebrare recusaverant, Genevensium Syndicorum Edicto urbe pulsî sunt. Sic Calvinus, qui triennio ante nimirum anno 1535. tanquam novus, & à Deo missus Legislator, à Genevensibus cum honore susceptus fuit, anno 1538. ab eisdem cum dedecore fuit ejectus.

Tom. VII. Par. V.

M

IX. Mu-

IX. Mutato Calvinus domicilio, non tamen animo, Basileam se contulit, ac mox Argentoratum transmigravit. Illic Buceri & Capitonis favore, Theologiæ Professor, constituto stipendio, designatus est. Cumque Calvinismus & Zuinglianismus simul conciliare mirâ arte studeret, tanta discipulorum frequentia ad eum audiendum undique accurrebat, ut ex Senatus consensu, novum Gymnasium, & novum Templum pro profugis ex Gallia & Belgio hæreticis fuerit erectum, quorum curam ipse suscepit. Interea anno 1539. Jacobus Cardinalis Sadoletus Carpentorensis Episcopus, vir eloquentiâ, doctrinâ, & pietate insignis, literas luculentissimas dedit ad Senatum, Consilium, & populum Genevensium, in quibus nihil eorum prætermisit, quæ eos ad Ecclesiæ gremium revocare possent. His Argentinæ manens (ad eum fortè transmissis) Calvinus respondit Kalendis Septembris. Ibi eodem anno manum iterum apposuit ad suos Institutionum Libros, eos multò auctiores reddens. Commentarios edidit in Epistolam ad Romanos Simoni Grynxo dicatos. Sequenti anno Libellum *de Cena Domini* Gallicè composuit, à Galasio latinè redditum. Inter hæc studia, hortante Bucero (quasi ex Reformatoribus nemo inuxoratus esse deberet) quamdam *Idelletam* nomine, Joannis Storder Leodienfis Anabaptistæ viduam, ad Sectam suam traductam, uxorem duxit, ut ei solatio esset; ex qua tamen nullos unquam suscepit liberos.

X. Interea nihil Calvinò magis cordi erat, quàm Genevam, unde exulabat, postliminio reverti. Quod anno 1541. postquam Synodo Ratisponensi interfuit, consecutus, summo populi totius plausu exceptus fuit. Ibi, Senatu probante, omnem Sectæ suæ disciplinam constituit, additâ lege, *quodd à doctrinâ Calvinî ampliùs discedere, nec Ministris, nec Civibus liceret*. Eodem anno Catechismum Gallicè & Latinè scripsit à priore minimè discrepante, sed in quæstiones, & responsiones distributum; quem postea tanti fecerunt Calvinistæ, ut non modò in alias vernaculas Sectariorum linguas Germanicam, Belgicam, Anglicam, Scoticam, translatus sit, sed & in Hebraicam ab Emmanuele Tremelio: & in Græcam ab Henrico Stephano. Huic addidit Precum Ecclesiasticarum & administrandorum Sacramentorum Formulam.

XI. Hæc aurâ inlatus, quasi alter Lucifer se in Monte Testamenti sessurum confidens, omnes qui cum eo non sentiebant impudenter aspernabatur. Quare cum anno 1542. die 10. Martii Facultas Parisiensis Articulos 25. super capitibus fidei nostræ tunc controversis providè edidisset, quibus innotesceret omnibus, quidnam circa illa catholicè credendum esset, Calvinus contra illa scripsit *Autidotum* stylo adeò temerario ac petulanti conceptum, ut

ut inter alia Facultatem illam celeberrimam *Gregem porcorum* appelleret. Anno 1543. sex Libros Alberti Pighii pro liberi arbitrii defensione scriptos confutare aggressus est Libro, cui præfixit titulum: *Defensio sana & orthodoxa Doctrina de servitute & liberatione humani Arbitrii*; quem Librum Philippo Melancthoni dicavit. Anno 1544. Neocomensibus scripsit *De modo exercenda disciplina in Fratres*. Eodem anno cum Sebastianus Castellio, indignatus, quod novam Gallicam Novi Testamenti ejus Versionem non probasset, quod exotica quædam doceret: Cantica etiam Salomonis, tamquam impuram & obscenam cantionem, ex Canone expungi vellet, ac repugnantes Ministros convitiis proscinderet; illum Senatus consulto calumniæ damnari, & urbe expelli Calvinus obtinuit.

XII. Imò nec Summo Pontifici Paulo III. pepercit. Cum enim gravissimis literis Carolum V. Imperatorem redarguisset, quod anno superiore æqualem Lutheranorum & Catholicorum conditionem tecisset, non expectato Universalis vel Nationalis Concilii de Religione judicio, Calvinus maledicentissima scholia in literas Pontificis edidit, eum non *Farnesium*, sed *Frenesium* appellans. Ac insuper Libellum adhortatorium *de Necessitate reformandæ Ecclesiæ* scripsit ad Carolum V., Principes, aliosque Ordines Spiraë congregatos, quo se suosque iustos ac necessariis causis ad mutationem Religionis, quam *Emendationem* vocat, fuisse compulso, conatur ostendere. Eodem anno ad Ministros Comitatus Neocomensis direxit *Instructionem adversus errores communis Sectæ Anabaptistarum*, & aliam *adversus fanaticam & furiosam Sectam Libertinorum, qui se Spirituales vocant*. Hoc displicuisse Regina Navarræ Beza commemorat, quod tanquam illius Sectæ Antesignanos *Quintinum & Poquestum* Calvinus nominasset, à quibus eo usque fuerat decepta, ut licet eorum errores non teneret, pro bonis viris illos haberet, ideòque se quodammodo in illis consolam arbitraretur.

XIII. Anno 1548. confirmato à Francisco I. Galliarum Rege Decreto edito ab Aquisi Parlamento contra inelices reliquas veterum Waldensium, tunc Zuinglianis, & Calvinianis fraternitate junctas, ut earum pagi solo æquarentur, & incole omnes trucidarentur, ob eorum in hæresi armis etiam propugnanda pertinaciam: cum hoc decretum severâ in omnes, nulli ætati ac sexui parcendo, executione impleretur, plurimi ex miseris illis Genevæ jam factam omnium Sectarum asylum, profugerunt, quos Calvinus amantissimè suscepit ac fovit. Cum autem plerique in Galliis novæ Religionis Sectatores pœnarum metu Religionem,

simularent, & fas esse contenderent Ecclesiæ Catholicæ Romanæ sacris corpore interesse, animo verò aliam fidem tenere, Calvinus adversus illos, quos *Nicodemitas* vocat, Exhortationem, & Librum edidit, animans illos & dicens „ Bonò animo estote, fratres : „ Alacriter ad ignem pergite : nullum supplicium aut dolorem „ formidate. Hæc via regia ad Cælum est. Ecce Christum ex- „ pansis brachiis vos expectantem, & ad æterna gaudia vobis præ- „ parata introducere gestientem „. Is Calvini zelus in alios „ Dum interim ipse cuti suæ metuens loco sibi cavit, Genève mœni- bus se includens, neque unquam inde egressus, ne vitæ periculum adiret, quod alios fortiter contemnere jubebat. De quo faciet Ronsardus Poeta Gallus sic ludit :

*Calvinus annis obitus dudum, quid est  
Quid se Genève continet, nec Franciam  
Adit, ut bonorem martyris quærat sibi ?  
Illos Tragædos nempe homo ignavissimus  
Imitatur, alios qui subornant scenicas  
Partes peracturos, popello fabula  
Ut si minus probetur, ipsi non tamen  
Exsibilentur, aut fiant ludibrio.*

XIV. Non desuere tamen ex Sectariis, qui à Calvino & aliis decepti, nedum supplicia pro sua Secta pertulerunt, sed ultrò se ignibus objecerunt, quorum cineres tanquam Martyrum Calvinus in scriptis magnificè jactat. Id quoque faciebant Donatistæ, & postea Anabaptistæ. At hi martyres erant Diaboli, non Christi. Similis erat pœna, sed dissimilis causa ; quia non pro Christo ejusque fide, sed contra Christum ejusque fidem, non pietate moti, sed furore & desperatione adducti pœnam subierunt : *Martyrem* autem teste S. Augustino, *non facit pœna, sed causa*. Nec mirum. Nam si lectio Libri Platonis de Immortalitate Animæ tantum potuit, ut Philosophus quidam de rupe in mare se præcipitaverit, & Cato sibi ipse mortem consciverit : quid mirum, etiam hodie aliquos reperiri, qui opinionis errore decepti, & à Diabolo exæcati, nulla supplicia aut tormenta reformident, malè facientes, cum benè facere sibi persuadeant ? Monet S. Bernardus, ne mirum hoc nobis videatur, quum Diabolus magnam habeat potestatem, ut quos sæpè inducit, ut suspendant se, præcipitent, aut propriis manibus occidant : eodem modo homines tentet quo Salvatorem, cui persuadere voluit, ut de pinnaculo Templi se dejiceret.

XV. Sed ad reliqua Calvinii gesta redeamus. Quibusdam parvi momenti pratermissis, anno 1549. Calvinus cum Earello Tigurim profectus, Zuinglianos in caufa de Cœna Domini cum Cal-  
vini-

vinistis in concordiam traxit, scriptaque est omnium Helvetiorum & Rhetiorum Ministrorum approbatione consensio, cujus capita exhibet Calvinus Tomo 8. & Hospinianus Hist. Sacramentariae p. 2. atque ita Bullingerus cum Calvino, Tigurinique cum Genevensibus arctissimo vinculo colligati sunt.

Anno 1550. excitante Calvino, qui res ad Religionem spectantes ut supremus arbiter moderabatur, à Genevensi Senatu decretum prodiit, quo jubebatur, ut Ministri non solum in Concionibus, sed etiam certo anni tempore sigillatim per domos & familias cujusque regionis urbis Decurione praesente plebem instituerent, & ab unoquoque fidei suae rationem exposcerent. Decretum insuper est, ut celebratio Natalis Domini in proximum diem referretur, nec ulli alii festi dies essent praeter Dominicum. Id factum plurimos offendit, Calvinum in magnam vocavit invidiam, eique occasionem dedit scribendi Libellum *De scandalis*. Decretum tamen hoc ab omnibus Evangelicis modernis suscipitur, apud quos praeter diem Dominicum omnes alii festi dies suppressi sunt.

XVI. Annis 1551. & 1552. inter Hieronymum Bolserum Ordinis Carmelitarum apostatam tunc Genevae medicum agentem, & Calvinum ceterosque Ministros Genevenses de Praedestinatione gravissima exorta est contentio. Isti ineluctabile decretum, & quod absolutam necessitatem inferret, praedicabant: Bolsecus liberum arbitrium, & operum praevisionem propugnabat. (Hanc contentionem Castellio anno 1554. contra Calvinum renovavit) Bolsecus tanquam seditiosus à Magistratu in custodiam traditur. Causa multis disputationibus agitur. Senatus Helvetiorum etiam Ministrorum requisita sententia, Bolsecum ut seditiosum & Pelagianum, instigante Calvino, publice damnatum, urbe expulit, fustuariam poenam minatus, si vel in urbe, vel in urbis territorio deprehensus esset. Ea occasione Calvinus Librum scripsit *De aeterna Dei Praedestinatione*. Hoc tamen exilium Gratia Dei Bolseco vertit in fortem. Nam pristinum apostasiae errorem detestatus ad Ecclesiam rediit, & vitam Calvini, aliaque contra Calvinianam Sectam utilia scripsit. Bolseco Genevâ pulso, Calvinus, qui superbiâ elatus omnes suis erroribus obsequentes volebat, in Joachimum Westphalum injuriis insanire coepit. Is Hamburgi Minister Sectae Lutheranus contra Calvinistas & Sacramentarios invehit dictis & scriptis non cessabat. Calvinus tamen supremum Hierarcham agens in eum tulit Libellum velut Monitorium his verbis conceptum: *Ultima admonitio Jo. Calvini ad Joachimum Westphalum, cui nisi obtemperet, eo loco postea habendus erit, quo pertinaces haereticos habendos, jubet Paulus*. Jure ergo hic exclamat Spondanus ad annum 1552.

num. 18.

num. 18. *Quid arrogantius? Si quid tale Romanus Pontifex in aliquem ex istis segregibus protulisset, Antichristus esset: Calvinus cum in unum ex Symmis, Angelus censebitur?*

## §. III.

*Serveti damnatio & alia usque ad Calvinum exitum.*

I. IN Michaelis Serveti damnatione reliqua pseudo-Evangeli-  
ca gesta aliquo zeli pro vera fide titulo Calvinus coronare  
voluit. Michael Servetus gente Hispanus, patriâ Tarraconensis  
addiscendæ medicinæ studio Parisios se contulit. Indè in Afri-  
cam navigans, animo tum Arabicæ linguæ tum Alcorani noti-  
tiam accipiendi, hæreticalibus onustus mercibus in Europam re-  
diit. Anabaptista primum fuit, Pædobaptismum velut humanum  
figmentum suggillans, Magistratum omnem rejiciens, & alia illius  
Sectæ deliria amplectens: De Eucharistia cum Sacramentariis,  
eam esse merum symbolum Corporis & Sanguinis Domini, sentie-  
bat. Mox Librum edens *De Trinitatis erroribus*, in Sanctissimam  
Trinitatem tot blasphemias, quot verba evomuit, ut Arium, Sa-  
bellium, alioque veteres Hæreticos superarit, & factus sit caput  
Anti-Trinitariorum, de quibus infra sermo erit. Cum ergo Serve-  
tus instar vespertilionis huc illucque volitans, modò ex Hispania in  
Galliam, modò ex Gallia in Africam, modò ex Africa in Germa-  
niam, Genevæ pervenisset, atroces illius in Trinitatem blasphemias  
Calvinus, cæteroquin novorum de Religione dogmatum,  
amator, ferre non valens, ad Magistratum Servetum detulit, cujus  
sententiâ in errore pertinax vivus combustus fuit die 27. Octobris  
anni 1553.

II. Eodem anno Bertelerius quidam, cui Genevensæ Conci-  
storium Cœnâ Domini interdixerat, in Senatum veniens, postulavit  
ex auctoritate Senatus absolvi. Obstitit Calvinus; vicit tamen  
multitudo, adeò ut in Diacosiorum Consilio statueretur, ultimum  
excommunicationis judicium ad Senatus cognitionem pertinere,  
ut quos vellet absolveret. In quam sententiam à Senatu absolutoria  
Literas sigillo Reipublicæ communitas Bertelerius obtinuit.  
At Calvinus vehementissimis concionibus habitis cum Collegis &  
Senioribus, à Senatu & à Diacois postulat, ut apud populum  
ipsum audirentur, cum de Lege à populo lata ageretur. Quamob-  
rem in eam sententiam itum est, ut suspensio interim illo Diaco-  
siorum decreto, statueretur, petendum esse à quatuor Civitatibus  
Helvetiorum Judicium, nec interea præjudicium ullum receptis

Le-

Legibus fieri oportere. Helvetii Calvinianam disciplinam comprobant. Et sic Calvinus victor evasit.

III. Vix Serveti cineres calere desierant, cum occasione severi supplicii in ipsum ob hæresim exerciti, facto inter Calvinistas Genevæ velut schismate, agitari coeptum est, an hæretici causâ hæresis poenâ mortis essent puniendi. Quam quæstionem accenderunt illius temporis eventus, quibus in Gallia, Belgio, aliisque Regnis & urbibus, ingens Hæreticorum numerus ob causam Religionis igni tradebatur. Quidam ergo asserabant, hæreticos coercentes quidem, sed ultimo supplicio non afficiendos. Alii unius esse Dei iudicio relinquendos. Hujus autem sententiæ auctores fuere Sebastianus Castellio, & Lælius Socinus *Suam ipsorum causam agentes* (inquit Beza.) Alii verò contra suam causam agentes, hæreticos jure gladii coercentes esse dicebant, quibus ipse Calvinus præibat.

Quamobrem anno 1554. ineunte, Communiis omnibus subscribentibus, Michaelis Serveti errores refutavit, atque hæreticos à Magistratu, legitimâ cognitione præcedente, jure gladii coercentes esse demonstravit. In suâ assertionis testimonium, nedum Sacræ Scripturæ auctoritatem, sed & Traditionem (quam in aliis co nternnebat) & continuam omnium seculorum in Ecclesia consuetudinem asserbat. Insuper ipsorum hæreticorum Lutheri, Melancthonis, Urbani Regii, Lutheranorum Saxonum in Confessione, quam Tridentino Concilio obtulerunt, Brentii, Bucerii, Capitonis, Bullingeri, Musculi, & Genevensis (ut vocat) Ecclesiæ testimoniis, Adversarios frangere conatus fuit. Quin & ipsa Lutheri verba addidit. Is enim in Serm. Dominicæ 5. post Oct. Epiph. Parabolam de Zizaniis exponens: *Custodit*, inquit, *Magistratus non solum secundam, verum omnium maximè primam Tabulam, Idolatrias, blasphemias, execrationes, perjuria ulciscitur. Oblatos hæreticos, ut in verum Numen contumeliosos atque alios eas blasphemias docentes coercet. Perfractiores, atque in errore pertexendo contumaciores, ut cum certissimo plurium exitio, pro maleficiis puniendos suscipit.* Ita Lutherus: sibi tamen de more contradicens oppositum asseruerat. Nam in Propositione 33. à Leone X. damnatâ docuerat: *Occidere hæreticos est contra voluntatem spiritus.*

IV. Adversus Calvini Libellum desperatè surrexit ficto Martini Bellii nomine Castellio, farragine quâdam rationum, quibus Hæreticorum causam agere contendit. Huic Theodorus Beza sigillatim respondit, ut Calvinum in Commentariis super Genesis edendis occupatum ab ea cura liberaret. Videat ergo Lector, Hæreticos suâ se sententiâ condemnare, ut si interdum adversus eos feralibus poenis, etiam foederatis armis à Principibus processum fue-

fuerit, conqueri iustè non possint. Ecclesia tamen Catholica pia mater, omnes qui ab ea secesserunt, ut in sinum suum revertantur invitât, & Patris Evangelici exemplo desertores filios gementes ac dicentes *Peccavi in Cælum & coram te* extensis brachiis suscipit: ac solos eos, qui eam contumaces audire nolunt, ac in aliorum, perniciem moliri non desistunt, ut Ethnicos & Publicanos habet, ac iudicio brachii secularis puniendos relinquit.

V. Porrò tantus Calvini zelus, quo pro Hæreticis etiam capitali supplicio puniendis fervebat, suæ Sectæ homines, qui licèt coràm Ecclesiâ, non tamen sibi ut hæretici habebantur, non comprehendebat. Unde cùm audisset, Anglicanos Episcopos, Thomam Cramerum Cantuariensem, Joannem Hopperum Gloucesterensem, Robertum Ferrorum S. Davidis in Wallia, Nicolaum Ridlaum Londinensem, & Hugonem Latimerum Wigorniensem ob hæresim fuisse crematos; item quinque Sectæ suæ homines Cameraci pari supplicio fuisse damnatos, id molestissimè tulit. Imò cùm Nicolaus Durandus dictus Willagagno, re cum Gaspare Collignio Castellonio supremo in Gallia maris Præfecto communicatâ, navigationem in Americam suscepisset, impetratâ classem, instruendi à Rege Christianissimo facultate, specie quidem Gallici nominis & commercii illuc promovendi, re verâ tamen ut Calvinianâ Sectâ, cui uterque addictus erat, novum Orbem inficeret; ad hoc Calvinus præbuit illis Ministros duos, Petrum Richerium Ordinis Carmelitarum desertorem, & Guillelmum Cartesium, quibus plures viri feminæque se adjunxerunt. Cùm in Americam appulsi formam Genevensis Religionis constituissent, orta est inter Ministros dissensio, tum circa materiam Eucharistiæ, uno ex illis in azymo, altero in fermentato pane esse conficiendam contendente, tum circa istorum Christi Verborum intelligentiam: *Spiritus est qui vivificat, caro non prodest quidquam*: asserente Richerio, Verbum carnem factum nec adorari, nec invocari debere: nec Eucharistiam utilitatem ullam sumentibus afferre, quocumque tandem modo recipiatur in ea Christi Corpus. Quas blasphemias audiens Willagagno, Calvinianam superstitionem, palàm ejuravit & Catholicam fidem cum suis professus est anno 1558., quam postea egregiis scriptis defendit. Sic itaque Divinâ providentiâ factum est, ut opere infecto Ministri in Galliam reversi sint, & ingens illud Americanæ expeditionis ad Calvinianam Sectam propagandam consilium, penitus dissipatum sit, imò Willagagni ad fidem Catholicam. reditu in bonum Ecclesiæ convertitum.

VI. Anno 1557. Calviniani, Parisiis intercepto illorum Cœtu  
in



in Vicò Sanjacobro in Bertomeensibus ædibus è regione Collegii Pleilei, quò ad Cœnam suam noctu celebrandam convenerant, centum circiter & viginti capti sunt, Martinio rerum capitalium Quæsitore traditi. Inter illos aliquot primariæ nobilitatis mulieres, etiam è Reginæ comitatu cernebantur. Eos Martinus vix à plebis impetu salvos primâ luce in carcerem duxit. Multorum criminum infamiam, occasione cœtum hujusmodi nocturnorum, in novæ doctrinæ Sæctatores rumor publicus derivavit. Licet autem Libello Apologetico tam horrenda flagitia sibi per calumniam imponi conquererentur, Antonius tamen Demochares Theologus Parisiensis, & Fidei Inquisitor, & Robertus Abrincensis Episcopus Apologeticum confutarunt. Habitâ interim de vinctis quæstione, & causâ ad Senatum relatâ, nonnulli flammis traditi sunt. Dumque alii recusarent Judices, & de causis recusationis ageretur, Germanorum Principum & Helvetiorum intervernerunt Literæ, quibus ad mitiorem cum eis agendi rationem Rex Christianissimus inflexus est. Porro primus Calvinianæ Sæctæ Parisiis Minister fuit Joannes Maslo Andegavensis, qui referente Bezâ in suis Iconibus anno 1555. institutus fuit, cum annum ætatis trigessimum secundum dumtaxat ageret.

VII. Anno 1558. Calvinus contra Valentinum Gentilem, Paulum Alciatum, & Georgium Blandratam Tritheitas egit. Cœtu de hac re coacto decretum est, ut formulæ fidei à Calvino & Symmisti editæ Itali omnes subscriberent; quod peregerunt, sex dumtaxat exceptis: qui tamen & ipsi postea seorsim vocati, manu quidem, at corde non item, subscripsere, ut comprobavit eventus. Nam rediens ad ingenium Gentilis, eandemque blasphemiam, spargens capitur: captus auditur; tandem veluti victus respicientiam simulat, palinodiam canit. Sed de hoc Gentili & Sociis cum Antitrinitariis infra sermo erit. Calvinianâ peste per Galliam in dies serpente, anno 1559. in Senatu Parisiensi, postulante Ægidio Bordinio Regio Cognitore, ut ex Regio Edicto judicia in Hæreticos exerceretur, Quæstio de illis habita est, in qua aliquot Senatores Calvinianæ factioni addictos se prodiderunt, censentes supplicia in novarum opinionum Sæctatores esse remittenda, donec Universale Concilium cogeretur, in quo de cunctis Religionis Christianæ controversiis ferretur sententia. Nihilominus jubente Rege capti & in custodiam traditi sunt. Causæ ipsorum cognitione selectis Judicibus à Rege commissâ, inter quos Eustachio Bellajo Parisiensi Episcopo, & Antonio Demochare Fidei Quæsitore, Annas Burgius, à Sacris Ordinibus Subdiaconatus & Diaconatus, quibus initiatus erat, prius ab Antistite degradatus, capitali supplicio

*Tom. VII. Par. V.*

N

damna-

damnatus est. Hunc inter Sectæ suæ (Diaboli scilicet non Christi) Martyres Beza prædicat.

VIII. Calviniana hæresis in Gallia palàm furere cœpit anno 1560., Ambrosianâ conjuratione adversus Guisios Principes, & Franciscum II. Regem Christianissimum à Calvinistis instructâ, Duce Ludovico Principe Condæo Antonii Regis Navarræ fratrem. Hujus conjurationis Calvinum conscium fuisse multis persuasum fuit: & quamvis Beza oppositum testetur, perspectam tamen sibi fuisse conjurationem antequam erumperet, ipse Calvinus Epistolâ ad Bullingerum declarat, & ad eam ne longius progrediretur suam auctoritatem interposuisse dicit. Sed cum de ipsâ Regem, non præmonuerit, ut debebat, à suspitione immunis esse non potest. Eo tempore Calvinistæ in Gallia *Hugonoti* appellari cœpti sunt; unde autem, inferius dicam.

IX. Anno 1561. Poyssiacense colloquium habitum est, cui Calvinus ob continuos penè gravesque morbos interesse non potuit, sed eò Theodorum Bezam delegavit. Post hæc Hæreticis copia Parisiis facta est publicè diebus Festis concionandi. Beza & Malotius in Antoniano & Sanmarcelliano suburbii conciones habuerunt, comitante ex Regiæ mandato Excubitorum Præfecto cum suis Apparitoribus. Dum concionaretur Malotius juxta Ecclesiam S. Medardi eo tempore quo Campanæ ad Vesperas de more pulsabantur, missi sunt ex Hæreticorum cœtu, qui sonitum prohiberent, hique cum ludibrio remissi. Dimissâ concione Calviniani seditione factâ in Sacram Ædem furentes irruerunt, Sanctissimam Eucharistiam conculcarunt, Altaria everterunt, Imagines Sanctorum disjecerunt, Presbyteros saucios & cruentatos, tanquam seditionis auctores, per mediam urbem in publicum carcerem traxerunt. De hoc tam sacrilego facinore triumphans Beza epistolam blasphemias plenam ad Calvinum dedit: *Plus (inquit) in medijs etiam armis valuit Regii Præfecti auctoritas, quàm ira. Sed qui hostibus armatis pepercerant, Idolis & Panaceo illi Deo parere non potuerunt, frustra reclamantibus, quibus ista non placebant. . . . Captivi bustes triginta sex, ita ut erant ferè omnes vulnerati, & in iis decem ad minimum Sacrifici, funibus victi, spectantibus, & ne mutientibus quidem adversariis, non aliter transacti sunt, & in Minoris Castellis carceribus traditi, quàm olim nostri illi fratres in D. Jacobi Vico deprehenso.* Ita mentem & calammum, Diabolo dirigente, sacrilegia contra Sanctos, & Deum ipsum celebrat Beza, & Calvinio magistro suo celebranda proponit. Hi sunt Ecclesiæ Christi præsentii Reformatores.

X. Adfuit tandem dies, quâ post diù verbo & scriptis lacera-  
tam

tam Ecclesiam, ad supremum tribunal Christi Judicis redditurus rationem Calvinus vocaretur. Fuit hæc vigesima sexta Maii anni 1564, cum annos 54. menses decem, dies septemdecim vitæ egisset. Ipsum *placidissimè obiisse* scribit Beza: Alii tamen magis veridici, & quorum aliqui ejus morti interfuerunt, referente Bolfeco in ejus vita, testati sunt: *Damones invocantem, dejerantem, exerantem, vitæ suæ diras imprecantem, ac suis studiis scriptis maledicentem; denique ex suis ulceribus intolerabilem fatorem emittentem, in locum suum descendisse.* Sepultus fuit Genevæ in communi cœmeterio nullo appposito cippo, ut ipse mandaverat. Vir fuit summam in habitu corporis affectans gravitatem, superbiâ & fastu incredibili, morosus, iræ ac vindictæ impotens, in tractu asper, & rabidus: adeo ut Bucerus, etsi amicus, familiari epistolâ eum vocarit *Canem rabidum*, & Scriptorem maledicendi studio abreptum, judicare de hominibus prout amaret, vel odisset prout liberet: Et Genevenses ipsi, eo adhuc vivente, vulgò dicerent, *Malle se apud Inferos cum Beza esse, quàm apud Superos cum Calvinò.* Illius etiam memoria apud nationales Gallos detestabilis fuit: unde Papirius Massonius Jurisconsultus Parisiensis (in Vita Pii IV.) ait: *Pudere se fateri, hoc monstrum in Gallia natum, multumque debere Galliano anno 1564, quo portentum illud extinctum est.* Candentis terræ stigmatem inustum olim Calvinum Novioduni ob nefarium crimen, rogante Episcopo, ut pœna mortis cum infami illa nota commutaretur, scripsit Bolfecus in ejus Vita, & damnationis illius instrumentum adhuc in illa Urbe asservari, ubi à Genevensis Reipublicæ Secretario Berthelorio illuc misso, ut in rei veritatem inquireret, visum fuit. Hoc crimine tuiusle quoque notatum dum Lingulismæ degeret, supra dixi §. I. num. 6.

## §. I V.

*De Theodoro Beza, Maroto, & Hugonotis.*

I. C Alvino mortuo in Caliphatu Genevensi Theodorus Beza ab eo designatus successit, verè alter Calvinus, tum in fœditate morum, tum in impietate doctrinæ, ideòque verè dignus, ut ei in honore succederet. Natus fuit, teste Remundo Lib. 8. c. 17. apud Vezelios anno 1519. ipso die S. Joannis, unde discipuli ejus alterum Joannem eum fuisse dicunt. Nativitatem suam, & quomodo mirabiliter à Deo ex parentum Papisticorum manibus liberatus fuerit, ipse in epistola quadam ad Wolmarum scripta exponit, inter alia optans ut parentes sui verâ Dei cognitione potius

illustrati, quàm nobiles fuissent. Verè crudelis parricida, qui animam eorum, à quibus vitam accepit, dum eos Orco traditos cupit, animo saltem occidit!

II. Quomodo à parentibus liberatus, & quàm parum à praesentissimo vitæ periculo abtulerit, narrat ipse in praecitata Epistola: *Se nimirum infcitiis parentibus à patruo Lutetiam abductum, ut literis operam daret. Dum puer cum pueris luderet (ludo pudendo & infami) scabiem capitis, seu porriginem contraxisse. Cujus curanda cum in tanta Civitate nullus medicus satis peritus esset, tantis doloribus fuisse vexatum, ut ad memoriam eorum etiam nunc corroborescat. Abductum ergo à Patruo in Chirurgi cujusdam ades, unà cum alio cognato sibi puero eodem morbo laborante, in summa miseria vixisse. Indè dum uterque ad patruum in Universitate habitantem per pontem molendinarium commearet, comitante famulo, sed, ut solet id genus, omnia alia potius, quàm puerus observante, cognatum suum militari ac feroci ingenio puerum consuluisse, ut cum alia ratione tantis doloribus liberari non possent unà se in subiectum flumen precipitarent. Ad consilium hoc se, naturà aliquantò timidiorem, initio corroboruisse, tandem verò instantis importunitate & doloribus victum, consensisse se, quàm primum alter defuisset, statim sequuturum. Dum in eo jam essent, & à Diabolo constricci tenerentur, Deum sui misertum esse, illo ipso momento patruo præter omnem opinionem interveniente: à quo domum reducti, deindè in patris aedibus curati. Sicque miraculose à Satanae faucibus fuerint liberati. Hæc de se Beza: qui tamen aliis viis à Satana absorptus, ab ejus faucibus nunquam evasit, ut videbimus.*

III. Post hæc Lutetiâ Aurelianum profectus ad Jurisprudentiæ studia animum applicuit: indè à malo suo genio aliò abductus. Non multò post enim Prioratum non procul à Lutetia naclus genio indulgere coepit. In eo statu nil aliud quàm cutem curabat, seminarum in primis consortio delectatus. Erat enim homo bonâ totius corporis formâ, palmâ ludendi peritus, ad aulicos mores compositus, in sermone elegans ac facundus, par quibuscumque negotiis, quem & concionantem non semel se audivisse, & Ludovici Borbonii Princeps Condæ lateri adequantem, ferroque accinctum vidisse, Florimundus Remundus citato loco testatur.

IV. Quæ autem causâ ad hæresim ipsum impulerit, hæc fuit. Poësim, in qua peritus erat, summo perè affectabat, & multa Poëmata & Epigrammata in sui ostentationem ingenii evulgabat. Porro cum inter ista quoddam Epigramma legeretur, quo summum desiderium suum & amorem erga Audebertum quemdam Aurelianensem testabatur, Curia Parisiensis, cui Beza de nefario cri-

crimine jam suspectus erat, impudicum aliquid latere rata, juvenem hunc Poëtam citari jubet. Sic enim Bolfecus in Vita ejus: *Vocatus*, inquit, *in Judicium de pederastia, & prapostera libidine apud Senatum Parisiensem*. Beza sui criminis conscius è patria, & toto Burgundiæ Ducatu clam se subduxit, Genevam, tunc omnium flagitiosorum confugium, petens, ubi se totum Calvinò dedit. Et ut flagitium flagitio cumularet, secum abduxit Claudiam (quam suis versibus sub *Candida* nomine celebrat) Sutoris cujusdam Parisiensis adhuc viventis uxorem, quam deinde ut conjugem habuit.

V. Beza priusquam Genevam aufugeret, Prioratum quem obtinuerat pro mille circiter ac ducentis scutis vendidit (in hoc etiam secutus Calvinum); qui dictum Prioratum administrabant, turpiter deceptis: de qua fraude querelæ postea factæ sunt, unde Beza ad Colloquium Poysiacense accedens, partem saltem aliquam restituit, & in Launæ tunc sui Collegæ postea ad Catholicam fidem reversi, manus tradidit. Hoc autem elogio Beza ornabat Launæ: *Postquam Beza omnibus flagitiis se polluit, suamque ipse infamiam versibus suis divulgavit, etiam vicini uxorem corripit, venditisque Ecclesiasticis, quæ habebat, beneficiis, non tam persecutionis quam pænæ metu, unâ cum illa aufugit. Antequam verò discederet villicos suos decepti, beneficiorum redditibus prius quam deberentur perceptis. Quæ res nobis in Poysiacensi Colloquio multum negotii exhibuit; si quidem vidua quadam cum liberis suis eò venerat, à Beza æ alienum per fraudem contractum repetens. Cujus rei expediendæ negotium mihi datum fuit. Vidua illa mihi tum dixit, se ac maritum plus quam mille & ducentis libris Gallicis esse defraudatos. Hæc Launæus. Propter hæc Beza sub hoc nomine amplius apparere, erubescens, sub Theobaldi de Majo nomine Genevam ingressus est.*

VI. Genevam appulsum Beza Calvinus non humaniter modò, sed & cupidè excepit, jam tum hunc sibi in laboribus socium, ac deinde in Pontificatu successorem fore prælagiens. Itaque suâ operâ & auctoritate effecit, ut Græcæ linguae in Lausannensi Academia professio ipsi demandaretur, ac postea Theologiæ, quam feminis quibusdam certis diebus explicabat. Dignum scilicet patellâ operculum. Ac licet Ministri nonnulli, Copus, Raymundus, & Enoch apostatæ omnes, compertis, tam vero ejus nomine, quam flagitiis ab eo patratís, videntes insuper eum tum moribus tum vestibus lascivientem, in Ministerio locum ei dandum esse negarent, Calvinus tamen perfecit, ut ad ministerii functionem admitteretur, quem deinceps in omni sermone *Patrem suum* Beza appellabat, & velut Numen venerari cœpit, ut *Calvinolatra* postea di-

dictus fuerit. Heshusius Lutheranus Beza ita describit: *Non adulescentiam modò per illicitos amores, adulteria, aliæque flagitia turpiter exegisse, sed ipsa scriptis quoquè & versiculis divulgasse, atque gloriam inde quæsisse. Incredibilem esse monstri hujus impudentiam, cujus turpis atque impia vita per Cynica illa, impura, & detestanda Epigrammata toti Gallia innotuerit. Eundem tamen si loquentem quis audiat, Sanctum aliquem Eremitam, aut alterum Jobum, immo ipso Paulo Apostolo majorem videri. Sic illum exilium suum, labores, vitæ integritatem & sanctitatem laudare. Ita teste Heshusio, Beza pharisaicâ hypocrisis vitia sua tegere studebat.*

VII. Ceterum impius, imò magis quàm Calvinus, fuit Beza. Tum in Deum: ubi enim Calvinus saltem figuraliter Christi Corpus in Eucharistia esse admittebat, ipse in Poyssiacensi colloquio, cui novem Calvini adfuit, Tanto nequam spiritus impetu abreptus est, ut etiam sue professionis hominibus parùm acceptus fuerit: Catholicis autem ita exosus; tum præcipuè cum ausus est execrabiles in Sanctissimam Eucharistiam ore impurissimo blasphemias effutire, dicens: *Tantum ab ea distare Corpus Christi, quantum supremum Cælum ab infima terra, non sinè adstantium fremitu auditus est.* Quamvis autem se retractare ibi coactus fuit, perstitisse tamen sæpius indicavit, præcipuè Epist. 76., ubi scribit: *Corpus Christi tanto intervallo abesse à nobis, idest ab eo loco, in quo versamur, quanto abest Cælum à terra, cum illud quidem sit in Cælo, nos verò in terra.* Quare meritò unus è suis dixit, mirum non esse, si Beza non crederet Corpus Christi esse in Eucharistia: *Qui vix in Cælo crederet ullum esse Deum* (apud Spondanum anno 1561. num. 19.)

VIII. Quòd si pro sua heresi talia dixit contra Deum, multa dixit contra homines; Beza auctori tribuitur Calvinistarum in Ecclesiâ S. Medardi Parisiis irruptio, & omnium Sacrorum, præcipuè Eucharistiæ, contumatio, de qua epistolâ ad Calvinum datâ gloriatum fuisse §. preced. nu. 9. supra dixi. Qualis autem ejus esset animus in promovenda heresi, expressit ipse epist. dedic. N. Testam. ad Regina. n. Angliæ, ubi de prælio inter Hugonotos & Catholicos commissò: *In prælio Druidensi, inquit, plantatam à se esse fidem in Gallia gladiis & armis; in hoc fidem Calvini se ostendens discipulum, qui, ex supradictis, protestatus fuerat, Non voni pacem mittere, sed gladium.* Quare cum Beza, ad Colloquium Wormatiensè à Calvino missus, ut ibi Hugonotis Gallia militum auxilium imploraret, à Melancthone interrogaretur: *Cur seditioni Galli Regem suum tempore periculoso, & Regnum satis aliunde perturbatum vexarent?* Respondit Beza, *nihil ipsos agere, quod non egissent*

*sent Apostoli*. Melancthone autem reponente: *Cur ergo non paterentur potius quod Apostoli patiebantur?* nesciens quid responderet Beza, obmutuit, & vultu elato indignatus abcessit.

IX. Reliquam Beza vitam silentio pratero, ut & id quod in Viretis perpetravit; necnon quomodo post Claudia, seu Candida suæ mortem cum vidua quadam Itali juvencula jam septuagenarius secundas nuptias contraxerit. Unum tantum indicabo, ut quæ ejus studia & mores ad sepulcrum usque fuerint, intelligatur. Ita ex Florimundo Remundo citato Lib.8. cap.17. num.6.

„ Nobilis quidam Aquitanus anno 1600. Româ revertens unâ  
 „ cum Marocani Regis medico, ac per Genevam iter faciens,  
 „ Bezam invisit. Erat is tunicâ crasso filo contextâ, & ad furas  
 „ usque demissâ indutus, cingulo coreaceo, cui grandis præfixa  
 „ erat fibula, cinctus: barbam gestabat oblongam, canam, &  
 „ malè plexam, promissam Casariem cincinnis in humeros us-  
 „ que propendentibus, petasum latum ac pinguem. Manu tene-  
 „ bat schedulas quasdam multâ liturâ inductas, quibus paulò an-  
 „ te Phaleucios aliquot versus inscripserat, amatorios, an alios,  
 „ incertum sibi nobilis ille ajebat. Beza illos ipsos versiculos  
 „ ostendens: *Sic*, inquit, *tempus falso*. Tum nobilis apud se, *Hem!*  
 „ *Itane sanctus hic vir, jam pedem alterum in Chavontis habens cym-*  
 „ *ba, senectutem suam transigit?* *Siccine meditationibus Theologus*  
 „ *occupatur?* Constat certè jam ætate decrepitum hunc Patriar-  
 „ cham à nugis istis abstinere non potuisse. Hactenus Remun-  
 „ dus. Qui addit, famam fuisse, de reditu ad Ecclesiam non semel  
 „ eum cogitasse. At difficile est, ipso Luthero teste, ut Sectæ alicu-  
 „ jus princeps ac caput opinionem mutet.

X. Annis 41. Genevensem Ecclesiam post Calvinum rexisse, seu veriùs jam corruptam, suis doctrinis ac moribus penitus perdidisse fertur: ex quo fit ut usque ad annum 1605. vitam protraxerit & annum agens ætatis octuagesimum quintum vitam temporalem cum morte æterna, ut meruerat, commutarit. In vita & moribus Lutheri, Calvini & Beza exponendis immorari operæ pretium duxi, ut ex his quoque colligat Lector, quanti eorum doctrina facienda sit; & indè certò inferat, homines tot flagitiis sordidatos, non ad Ecclesiam reformandam à Deo fuisse missos, sed ad eam deformandam operâ Diaboli ab inferis erupisse.

XI. Theodoro Beza Clementem Marotum similiter Poetam adungere placuit. Is è Cadurcorum Metropoli oriundus, admirabili poeticæ venæ felicitate, & singulari poeticarum inventionum artificio, etiam Gallico idiomate sui, qui poetas omnes facile superabat. Proindè Francisco I. Galliarum Regi æquè promovendi  
 lite-

literas amantissimo, ac fidei Catholicæ defensori, acceptus, & à Regiis Cubiculis fuit. Homo tamen ridiculus, ac penè scurra, ratus poetis ac pictoribus omnia licere, res pias ac sanctas versiculis suis profanare cœpit: quo cum hæreseos suspectum se fecisset, ac ne manus sibi injicerentur metueret, ad Margaritam Navarræ Reginam profugit. Animadvertens verò, ne hic quidem satis se tutum esse, Ferrariam in Italiam profectus est, à Ducissâ humaniter exceptus, ut & alii, quos ignis metus è Gallia expulerat. Ejus intercessione impetratâ à Rege veniâ Lutetiam rediit.

XII. Aderat ibi Franciscus Vatablus Hebraicæ linguæ Professor, qui Maroti familiaritate admisâ, eum hortatus fuit, ut relictis profanis ac ridiculis argumentis, poesim suam sacris potiùs rebus impenderet, ac Davidis Psalterium vertendum susciperet. At non advertit Vatablus cæteroquin Catholicæ Religionis studiosissimus, inconsultis Ecclesiæ Præsulibus, & maxime Romano Pontifice, quem ut Christi Vicarium Spiritus S. unctio specialiter regit, Sacra aggredi, aut eis manum apponere non oportere. Ita autem evenit. Nam cum Marotus Psalmos usque ad triginta vertisset, sive Vatablo tantam, ut par erat, diligentiam non adhibente, sive Maroto nimiam licentiam, quæ poetis esse solet, permittente, opus profanis vocibus adedò interpolatum, truncatum, auctum & mutatum apparuit, ut in eo nihil sacrum appareret, sed potiùs comicum. Unde cum publicè editum publico in loco *Prato Clericorum* dicto cantari cœpisset, non sine magno populi tumultu, Facultas Parisiensis hoc modo hæresi fenestram aperiri animadvertens, Regem adiit rogans, ne *Sacram Scripturam ab illiterato planè homine profanari, ejusque versionem sine Ecclesiæ approbatione & permissu edi pateretur*. Annuit pius Rex, & ne quid amplius in hoc genere à Maroto scriptum publicaretur, Edicto vetuit.

XIII. Marotus interim, quòd linguæ moderari non posset, sibi carcerem metuens Genevam profugit, ubi ad triginta Psalmos jam Gallicè versos alios viginti addidit. Quamvis autem sacro hoc studio versaretur, mores tamen non mutavit; nam fertur hospitam suam corrupisse, & flagris cæsum fuisse. Quare in Pedemontium concessit, cumque illa regio à Gallis tunc teneretur, sub Regiorum Præfectorum patrocinio tutus ibi aliquamdiu vixit, Auguste Taurinorum anno ætatis 60. mortuus. Eidem mortuo Beza Gallico carmine parentavit: & aliorum centum Psalmorum qui supererant versionem elaboravit multò instructiorem doctrinâ & aliis rebus, licet non eadem felicitate, & elegantia, quâ Marotus: & sic totam Psalmorum Gallicam versionem absolvit.

XIV. Quia Calvinistæ, qui Galliam non modico tempore turba-



barunt, *Hugonoti* appellati fuere, non abs re fore existimo inquirere, unde hoc nomen acceperint. Spondanus & ipse Gallus in Annal. ad ann. 1560. num. 10. incertam esse hujus nominis originem sequentibus tradit: *Observant*, inquit, *Auctores*, hoc primum tempore Calvinianos in Gallia exuisse dici Hugonotos: nec tamen de vocis origine, quæ multiplex affertur, aded consentiant. Conveniunt plerique deducam à porta urbis Turonis, quæ Regis Hugonis appellatur, ad quam Calviniani sua conventicula celebrare consueverant. Quidam expressius, quòd cum singulae Galliae urbes peculiaria nomina habeant, quibus mormones, lemuyes, manducos, & cetera hujusmodi monstra inania anilibus fabulis ad incutiendum infantibus ac simplicibus feminis terrorem vulgò indigitant; Turonis Hago Rex celebretur, qui noctu pomeria Civitatis obequitare, & obvios homines pulsare, ac rapere dicitur: ab eoque Hugonotti appellati fuerint, qui ad ea loca ad conciones audiendas ac preces faciendas itidem noctu agminatim conveniebant. At convenientissimè id quidem, si mores eorum, studia, conatus, seditiosa turbulentaque consilia species: si sevitias & crudelitates in Deum, Ecclesiam, Regem, Patriam, Divinas humanasque leges, omnes bonos, quibus ingentem ubique & terrorem & horrorem strepitumque Acherontis primum, deindè perniciem & subversionem attulerant; adeò ut præcipua eorum fides esse videatur omnia sursum deorsum agere, ima summis permiscere; præcipuus scopus, clade, cæde, ferro, sanguine, igne, patria suæ cineribus saginari. Hugonotorum nam non aded ineptam olim retulimus rationem sumtam à voce fœderis Helvetici, quâ se ipsos Eydennoilen vocitant, malè à Gallis pronuntiata, seu denique, ut alibi eam interpretatam reperimus, ad rem item convenientissimè, quasi Hens-guenans, quod apud eosdem Helvetios significat gentes, & homines seditiosos. Ita Spondanus de origine hujus vocis Hugonoti suspicatur potiùs quàm asserit. Convenit ex parte Alexandre in Hist. Sec. 15. & 16. cap. 2. art. 12. §. 1. dicens: Calviniani in Gallis Hugonoti appellari cæpti à voce Fœderis Helvetici, qua se invicem Eydennoilen, idest Fœderatos nuncupant, malè à Gallis pronuntiata. Hinc enim formata est vox Gallica Hugonotos, quasi Eignots, & Calvinianis attributa, quòd ad novam Religionem stabiliendam essent confederati. Quamquam de ipsius vocis origine alii alia proferant, subnlis ut videtur, quàm historiæ propiora.

XV. Undecumque autem nomen sumserint, certum est, Hugonotos Galliae Regnum non solum suis erroribus diu contaminasse, sed cadibus, rapinis, seditionibus agitalle. Eorum turor præcipuè in Ecclesias ferebatur; Sanctorum Imagines lacerantes, eorum cineres in ventum projicientes, & Sacrosanctam Eucharistiam

ab Altari raptam mille modis profanantes. Unum pro innumeris in libris flagitiis, referam, cui tamen poena promerita non defuit. Anno 1563. *Sceleratissimus quidam hereticus* (Hugonotus Gallus) *Spiritu Satánico motus, in Ecclesia S. Genovesæ è manu Sacerdotis Missam celebrantis Sacrilissimam Eucharistiam rapuit. Qui confestim captus condemnatusque manu sceleratâ ante Ecclesiam truncatus est, & in platea Mauberti suspensus, & igne crematus: adstante Monmouthio Provinciae Praefide manu armatâ, ne quis tumultus à fremente populo aduersus Hugonotos excitaretur. Ad pleniorē verò tam horrendi facinoris expiationem, die vigesimâ septimâ ejusdem mensis facta est sollemnis supplicatio à Sanctâ Capella ad prædictam Ecclesiam S. Genovesæ, cui Rex cum Matre & Fratribus, cæterisque Principibus ac Proceribus, Cancellario, Senatu, aliisque Magistratibus, gestantibus singulis faces candidas ardentes in honorem Sanctissime Eucharistiae, interfuit.* Ita Annales Gallici ad præfatum annum.

XVI. Ad extirpandam hæc è suo Regno pestem, Galliarum Reges sæpius adlaborarunt. Hoc tamen opus feliciter complevit Ludovicus XIV. qui missis primùm viris Apostolicis, videns eorum perfidiam prædicatione vinci non posse, Legibus poenalibus eos ad eò coercuit, ut brevi temporis spatio multi ad fidem Catholicam sint reuersi, contumaces bonis privati è Regno ejecti. Sic Hugonottis in Gallia, quod olim in Africa Donatistis, accidit: de quibus S. Augustinus Epist. 48. modò 93. cap. 5. *Docuit eos, inquit, sollicitudo, quos negligentes securitas fecit: & addit: Mea quidem primitus sententia erat, neminem ad unitatem Christi esse cogendum: verbo esse agendum: disputatione pugnandum: ratione vincendum, ne fidei Catholicos haberemus, quos apertos hereticos noveramus. Sed hæc opinio mea, non contradicentium verbis, sed demonstrantium superabatur exemplis.* Indè causam allegans subdit: *Ut Legum illarum vinculis, Heretici tamquam phœnetici ligarentur, & tamquam de somno lethargico emergerent, & in salutem evigilarent timore Legum Imperialium.*

XVII. Regis Ludovici pro Catholica fide zeli sonitus, cum ad Innocentium XI. Romanum Pontificem pervenisset, ejus animum adeò commovit, ut datis ad Regem literis sub die 13. Novembris anni 1685. meritis laudibus ipsi gratulatus sit, ita scribens: *Cum præ cæteris illustribus documentis, quæ ingenitam Majestati tuæ pietatem abundè declarant, maxime excellat eximius ille, Regeque Christianissimo dignus planè zelus, quo strenuè incensus, sullentes illius Regni hereticas Constitutiones penitus abrogasti, fideique Orthodoxæ propagationi sapientissimis editis Decretis, egregiè consulisti, officio esse nostri duximus, splendido ac mansuro hoc literarum nostrarum testimonio.*

*simonio inclutam animi tui Religionem effusè commendare, cùmque rebus hucusque à te præclarè gestis, insigni hujusmodi factò immortalium cumulum laudum adjecisti, impensè tibi gratulari. Recensèbit profeclò suis in Fastis Catholica Ecclesia tam grande tuæ erga ipsam devotionis opus, nomenque tuum non interituri præconiis prosequetur. Uberem verò inprimis à Divina bonitate præstantissimi consilii retributionem polliceri tibi merito poteris, persuasumque habere, non omisuros nos enixa ad eandem bonitatem in hunc scopum vota continenter effundere. Hec Innocentius. Qui etiam in Concistorio coram Cardinalibus in laudes Regis Christianissimi Ludovici proluxâ Oratione se se effudit.*

§. V.

*Calvini errores de Deo, Christo, Homine,  
& Justificatione.*

**P**urimas in suis scriptis hæreticas blasphemias, partim ex veteribus, partim ex sibi proximioribus Heterodoxis hauftas, Calvinus evomuit: præcipuas hoc & sequentibus §§. recensèbo.

I. Primò ergo de vocibus *Consubstantialis, Hypostasis, Trinitatis* non satis Catholicè sentit. Nam Lib. 1. Instit. cap. 13. §. 5. de hujusmodi nominibus scribens: *Utinam, inquit, sepulta essent, constaret mudò hæc inter omnes fides, Patrem, & Filium & Spiritum Sanctum esse unum Deum.* Indè negat Filium semper à Patre generari, dicens *stultè fingitur continuus actus generandi.* Sed in primo insanit. Nam dum fatetur Patrem & Filium & Spiritum Sanctum unum esse Deum, vel vult esse unum in substantia & natura per identitatem in ea, & non solum per similitudinem, & ad hoc nomen *Consubstantialis* Patres excogitarunt: vel hoc non admittit, & sic cum Arianis, vel Semiarianis convenit. Similiter cùm dicit Patrem Filium & Spiritum Sanctum esse unum; vel intendit esse unum nedum in substantia, sed & in Persona, & sic cum Sabellio errat, vel vult tres esse in Personis distinctos, & sic oportet ut Trinitatem hypostaseon, quæ nil aliud significant quàm Personas, fateatur. Quod verò stultè ipse negat, Filium à Patre continuò generari: si intendit, quòd sicut in humanis, ita & in Divinis generatio Filii cessaverit, & ita quòd generatio Verbi non sit æterna, nec Verbum sit amplius apud Deum Patrem contra dictum Joan. 1. nec Filius sit in Patre: ita mendacem taciet Christum qui Joan. 14. v. 12. dixit: *Non creditis quia ego in Patre & Pater in me est Verba quæ ego loquor vobis à me ipso non loquor.* Pater autem in me manens,

*uens, ipse facit opera.* Quomodo autem Pater est, & semper operatur in filio, nili quia semper illi per generationem dat esse, cum esse & operari in eo idem omnino sit? Non ergo Petrus Caroli calumniosè (ut supra dixi) sed iustè accusavit Calvinum, quòd de Trinitate malè sentiret. Imò iniquè Calvinus Servetum illammi addixit: cum ipse eadem fulgine tinctus esset.

II. Christum Mediatorem esse dicit etiam secundum Divinam naturam, ita ut illa mediatrix officium & ante Incarnationem exercuerit. Ita scribit ad Polonos contra Stancarum: *Negat Christum posse Mediatorem dici secundum Divinam naturam, quia Patre esset inferior. Sed excipimus primò Mediatoris nomen Christo quadrare, non solum ex quo carnem induit, vel ex quo munus suscepit reconciliandi cum Deo humani generis, sed ab initio creationis jam verè fuisse Mediatorem; quia semper fuit Caput Ecclesie & Primum tenuit etiam super Angelos, primogenitus fuit omnis creaturæ. Unde colligimus non modò post Adæ lapsum sapissimè fungi Mediatoris officio, sed quatenus æternus Dei sermo est.* Modus iste loquendi Aristum sapit. Si enim Christus secundum Divinam naturam Mediator est: ergo non est unius ac ejusdem naturæ cum Patre: nam ut ait Paulus ad Galat. 3. v. 20. *Mediator unius non est: Deus autem unus est.* Christus ut æternus Dei Sermo est semper primum tenuit, & primogenitus fuit super omnem creaturam: at Mediator tunc solum factus est, quando factus est homo: *Unus enim Deus, unus & Mediator Dei & hominum homo Christus Jesus, qui dedit redemptionem semetipsum pro omnibus, testimonium temporibus suis, ait idem Paulus 2. ad Tim. 2. v. 5.*

III. Lib. 2. Instit. c. 16. inauditam profert blasphemiam, nempe, Christum in suo ad Inferos descensu damnatorum poenas passum fuisse: *In locum, inquit, sceleratorum sponsorem, vadem, adeoque instar rei submissum, qui dependeret, ac persolveret omnes, quæ ab illis expetendæ erant, poenas: uno hoc dumtaxat excepto, quòd doloribus mortis non poterat detineri. Ergo si ad Inferos descendisse dicitur, nihil mirum est, cum eam mortem pertuleris, quæ sceleratis ab irato Deo infligitur.* Præcisus autem, hanc blasphemiam fore cum horrore excipiendam, subdit: *Hic nebulones quidam, icet indocti, malitiâ tamen magis, quàm inscitâ impulsî, clamitant, me atrocem facere injuriam Christo.* Idem dicit in Harmonia Evangelica ad cap. 27. Matthæi. At meritò omnes Christifideles contra ipsum, verè nebulonem, clamare debent. Nam primò, si S. Thomam 3. p. q. 52. art. 2. sequimur, in Infernum sceleratorum Christus non descendit secundum præsentiam animæ, sed solum secundum potentiam & effectum, eos de sua incredulitate increpando, ac ruit

Cal-

Calvini suppositum. Si vero admittamus, cum præsentialiter descendisse; descendit, non secundum corpus, quod adhuc in sepulcro erat, sed secundum animam: Anima autem Christi ab initio suæ conceptionis fuit beata, quomodo autem talis Anima potuit esse simul beata, & lumine gloriæ perfusa, & poenas damnatorum adhuc per breve tempus pati? Christus fuit sponsor & vas poenas generi humano debitas in se assumens, & ideo corpus mortale assumpsit, cujus morte opus sponsonis *Consummatum est*. Mortem autem animæ quod est peccatum, non sumsit, & ideo poenas animæ in Inferno debitas non debuit pati. Addo inutile fuisse Christum pro damnatis in Inferno pati, cum redemptionis fructus jam incapaces essent, nisi diceretur, eos à poenis liberatos fuisse quod impium est. Sed de hoc aliqua dixi alibi.

IV. Licet pluribus in locis peccatum Deo esse imputandum, & Deum esse peccati auctorem inficietur, id tamen ex ejus doctrina sequitur. Sed errorem suum his verborum involucris tegere, curat; nempe: Illum solum peccati vocat auctorem, qui proxime scelus committit: ut si quis suadente Diabolo scortatus vel furatus esset, non Diabolus, sed homo tantum peccati auctor esset. Vult enim peccatum imputari ut auctori illi soli, qui illud ut minister exequitur; non illi qui illud mandat, & ad illud principaliter, & efficaciter movet. Hæc est doctrina Calvini L. 1. Inst. c. 17. §. 2. L. 2. c. 4. §. 5. & Lib. de Æterna Dei Prædicatione. Quæ doctrina quam sit nedum impia, sed à ratione dissoluta, nemo qui rationis particeps sit, non videt. Quis enim ministro purè exequenti peccatum homicidii unice imputabit, & illud mandantem, efficaciter volentem, imò & manum apponentem absolvit? Numquid immunis erit David ab homicidio Uriæ, quia illud purè mandavit, & solus reus Joab qui illud executus fuit? Tale certè non fuit judicium Dei in David, per Nathan Prophetam ei intimatum Lib. 2. Reg. cap. 12.

Cum ergo, juxta Calvinum, Deus mala non permittat, sed mandet, imò ad ea etiam ut mala sunt patranda efficaciter moveat, & necessitet; quomodo soli homini, non Deo imputanda erunt? Multò magis à malitia excusandus erit Satan, qui solâ suggestionem primos parentes decepit, & successivè alios homines eos non necessitans decipit. Nec est quod Calvinus dicat, ex hominis malitiâ peccatum provenire. Nam cum, ut dicam, homini nullam dissentendi relinquat libertatem, dum malè agit, Deo sic mandanti obtemperat. Sed de hoc in præsens satis.

V. Hominis lapsum non tantum à Deo præscitum, sed decretum ac prædestinatum esse asserit Lib. 3. Instit. cap. 23. *Nudo Dei*  
ari-

*arbitrio, citra proprium meritum, homines in aeternam mortem prædestinari.* Nec ad damnationem solum, sed ad eam, quæ pro damnationis causa obtenditur, corruptionem, docet citato loco cap. 23. & 24.

VI. Hominem lapsum liberi arbitrii non esse respectu boni, & quamvis spontè, & absque coactione peccet, necessariò tamen peccare. Primum quidem hominem creatum fuisse liberum, sed peccato ipsius libertatem fuisse non modò vulneratam, sed confectam, & extinctam. Et qui liberum arbitrium *titulum sine re esse dicunt, Christum habere auctorem.* Ita docet Lib. 2. Instit. cap. 2. & 5. & in Antidoto Conc. Tridentini ad Sessionis 6. Canonem 5. Impiè autem mentitur censens, huic suo errori patrocinari Christum; qui nos liberavit à servitute peccati, & restituit in libertatem gloriæ filiorum Dei.

VII. Deum voluntatem movere, non qualiter multis seculis traditum est, ut nostræ postea sit electionis motioni aut obtemperare, aut refragari. Voluntatem à Domino præparatam suas inagendo partes non habere: & perperam homini tribuit, quòd gratiæ prævenienti pedissequà voluntate obsequatur; ita dicit Lib. 2. Inst. cap. 3. Huic refragatur Paulus 1. Cor. 15. v. 10. qui suorum laborum potius quidem partem gratiæ Dei tribuit, sed suas etiam partes cum illa habuisse demonstrat. Ubi enim, qualis antea ipse fuisset explicaverat: *Gratia autem Dei, inquit, sum id quod sum: & gratia ejus in me vacua non fuit, sed abundantius illis omnibus laboravi: non ego autem, sed gratia Dei mecum;* quod alibi sæpè repetit.

VIII. Concupiscentiam originalem, etiam post Baptisma, peccatum esse tradit Lib. 3. Instit. c. 3. §. 10. Quod Gallicana Calvinistarum Confessio his verbis confirmat: *Afirmamus quoque, hoc vitium etiam post Baptismum esse verè peccatum, quod ad culpam attingit; quamvis qui Filii Dei sunt minime idcirco condemnentur, quoniam videlicet Deus pro gratuita sua bonitate & misericordia illud ipsis non imputet.* Fides verò Catholica semper fuit & est, Concupiscentiam in renatis non esse peccatum & culpam. Vocatur quidem à Paulo *Peccatum*, sed quia *peccato facta est, cum jam in regeneratis non sit ipsa peccatum, sicut vocatur lingua locutio quam lingua facit, & manus vocatur Scriptura, quam manus facit.* Itemque sic vocatur *peccatum, quia peccatum, si vincit, facit, sicut vocatur frigus pigrum, non quòd à pigris fiat, sed quòd pigris faciat.* Ita Hosius in Eplic. noni & decimi Præcepti, & Conc. Trid. sess. 5. in *Decreto de Peccato originali.*

IX. De justificatione dicit, esse meram acceptionem, quæ à nos Deus in gratiam receptos pro justis habet, eamque in solâ peccatorum

torum condonatione, & Justitiæ Christi imputatione sitam esse, atque ita nonnisi in ipso, & extra nos, justî reputemur coram Deo. Illum autem justificari, qui suorum operum justitiâ exclusus, *Christi justitiam per fidem apprehendit, quâ vestitus in Dei conspectu, non ut peccator, sed tanquam justus apparet*. L. 3. Inst. c. 11. §. 2. Ex quibus inferitur, hominem justificatum non esse in se ipso justum, sed adhuc peccatorem; & solum ex Justitia Christi fide applicatâ peccatum ei non imputari, & ac si eiset justus coram Deo apparere. Sed hæc justificatio non est illa, quam Paulus docet Ephesios cap. 4. quâ non solum vetus homo exuitur, sed & novus homo indui debet, *qui secundum Deum creatus est in sanctitate & justitia, veritatis*; & qui cum vetere Adam peccato mortuus erat, cum novo Adam Christo resurgat ad vitam gratiæ necesse est; ubi enim abundavit delictum, superabundare debet & gratia, ut idem Paulus dicit ad Rom. c. 5. Sed de hoc egi Tom. 3. in 1. 2. de Justif. dub. 3.

X. Hominem dicit non justificari per Gratiam sanctificantem, sive per bona opera etiam à fide profecta, sed per solam fidem. Hunc errorem, quem à Lutherò hausit, fusè propugnat contra Theologos Scholasticos, quos Sophistas vocat, Lib. 3. Inst. cap. 11. §. 15. 16. & 19. De hoc Articulo Confessio Gallicana Calvinistarum sic loquitur: *Credimus nos solâ fide fieri hujus justitiæ participes.... Hoc autem idè sit, quod promissiones vitæ nobis in Christo oblatae tunc usui nostro applicantur, & nobis reddantur efficaces, cum eas amplectimur, nihil ambigentes nobis obventura, de quibus ore Dei certiores sumus*. Imò Calvinistæ Genevenses eò devenere, ut in Recentioribus eorum Bibliis versum 16. capituli 12. Epistolæ ad Galatas forè interpolaverint. Ubi enim Paulus dicit: *Ut justificemur ex fide Christi, non ex operibus Legis*, ipsi addiderunt, *seulement par la Foy de Jesus-Christ*; non advertentes, Paulum ibi statuere neminem justificari per opera Legis sed per fidem in Christum, quod & nos dicimus; non autem excludere opera à fide Christi profecta, qualis erat poenitentia ad quam hortabatur Jo. Baptista; dolor de peccato caritati conjunctus ut in Magdalena de qua dixit Christus Lucæ 7. v. 47. *Remittuntur ei peccata multa quoniam dilexit multum*; cap. 15. in Filio prodigo; cap. 18. in Publicano. Est quidem fides justificationis fundamentum, sine qua impossibile est placere Deo, non tamen sola est justificationis complementum. Dicit quidem Paulus ad Ephes. 2. num. 8. *Gratiâ enim estis salvati per fidem, & hoc non ex vobis, Dei enim donum est; non ex operibus ut ne quis gloriatur*. Sed quis non videt, Paulum hic solam velle opera facta ex nobis quasi ex nobis, idest propriis naturæ viribus, nihil ad salutem conferre, ne quis gloriatur quasi ipse per se ipsum au-

auctor esset suæ salutis, non verò excludere bona opera ex fide, Christi profecta quæ, sicut & ipsa fides, Dei dona sunt. Sed de hoc locutus sum dicto Tomo 3. in 1. 2. de justificatione q. 1. Dub. 2.

XI. Docet, oportere eos, qui verè justificati sunt, certò apud se ipsos statuere, se esse justificados. Et omnes fideles firmâ certitudine fidei credere debere, promissiones Divinas sibi applicari. Et maximæ improbitatis esse asserere: quòd nemo scire fidei certitudine potest, se gratiam Dei esse consecutum. Additque, Fidem justificantem hanc certitudinem & securitatem involvere: & neminem esse justificatum, nisi qui se justificatum crediderit. Deum hanc certitudinem ad perseverantiam, & prædestinationem extendit, ita ut certa prædestinationis suæ cognitio piis omnibus communis sit, non secus ac S. Paulo post specialem revelationem. Ita Lib. 3. Inst. cap. 2. §. 16. &c. & in Antidoto Conc. Trid. Adversus tamen hanc prætensam Calvinî securitatem clamant ubique Scripturæ: Ecclesiastes cap. 9. v. 1. *Sunt iusti, inquit, atque sapientes, & opera eorum in manu Dei: & tamen nescit homo, utrum amare, an odio dignus sit.* Ecclesiasticus c. 5. v. 5. *De propitiato peccato noli esse sine metu.* Paulus Rom. 11. v. 20. *Tu autem fide stas: noli altum sapere, sed time.* 1. Cor. c. 4. v. 4. *Nihil mibi conscius sum: sed non in hoc justificatus sum: qui autem judicat me, Dominus est.* Cap. 9. v. 27. *Castigo corpus meum, & in servitutem redigo, ne fortè cum aliis prædicaverim, ipse reprobus efficiar.* Indè Philippenfes c. 2. v. 12. hortatur: *Cum metu & tremore vestram salutem operamini.* Cui ego credendum erit? Scripturæ nos in timore continent, an Calvinò securitatem pollicenti? An ipsi & suis, sicut Paulo facta fuit de justificatione & salute specialis revelatio? Imò sicut Paulus, ut certus esset, speciali eguit revelatione, nemo hâc seclusâ de sua salute certus esse poterit.

XII. Addit, Fidem & Justitiam propriam esse Electorum, & semel verè acceptam nullâ ratione amitti posse: & qui ab ea excidere videntur, nunquam vere habuisse. Ita Lib. 3. Inst. c. 2. §. 11. & 12. Quo posito cum Calvinus à fide exciderit, eam nunquam habuisse, à se ipso convincitur. In Antidoto autem ad Canon. 28. sess. 6. Conc. Tridentini ait, Peccata omnia ex infidelitate manare, vel saltem ex fidei defectu: & ubicumque regnat fides, iram Dei peccatis omnibus expulsi non secus avertere, ac si quis subducto ligno iguem extingueret. Cumque fidem, eamque vivam, in prædestinatis semper regnare Calvinus doceat, censet nulla peccata prædestinatis imputari. Ita Calvinus sibi ac suis veram fidem habentibus ac prædestinatis omnem licentiam & immunitatem peccandi concedit. Ei in hoc præcinit Lutherus, sed uterque insanit.

XIII. Nu-



XIII. Nugatorium Fidei formatæ & informis distinctionem esse docet Lib.3. Inst. cap. 2. §. 8. Hic error ex præcedente nascitur. Si enim ei qui habet fidem nullum peccatum imputatur, fides informis locum non habet, cum hæc in eo sit, qui fidem retinens in peccato est, quia non operatur ut credit. Fidei tamen informis testimonia nobis Scriptura exhibet. Primò, ipsius Christi verbis Matth. 7. v. 31. *Non omnis qui dicit mihi Domine, Domine, intrabit in Regnum Cælorum: sed qui facit voluntatem Patris mei, qui in Cælis est, ipse intrabit in Regnum Cælorum.* Qui autem dicit Domine, Domine fidem in ipsum habet, sed dum non facit voluntatem Dei, fidem habet informem. Secundò, S. Paulus 1. Cor. 13. protestatur: *Si habuero omnem fidem, ita ut montes transferam, caritatem autem non habuero, nihil sum:* Fides ergo sine caritate informis est, & nihil valet. Aperte autem hunc errorem aggreditur in sua Epistola S. Iacobus cap. 2. ubi fidem sine operibus esse fidem mortuam pluribus demonstrat, quem Lector percurrere poterit. Interim, concludam. Si fides etiam in eo qui malè agit semper est formata & viva; ergo homo dummodò fidem retineat, etiamsi adulter, fornicator, avarus, & omnibus implicatus, nihil ei imputabitur, & Regnum Dei possidebit; quod licet Calvinus non neget, negat tamen Christus loco nuper allato; & Paulus 1. Cor. 6. v. 9. & sequentibus.

XIV. Cohærenter ad dicta docet, à Mandatorum observantia nequaquam pendere salutis fiduciam: & in eo differre à Lege, Evangelium, quia non sub conditione operum sicut illa, sed ex fide vitam promittunt. Sic in Antidoto fess. 6. in Canonem 20. Conc. Trid. Contra hoc clamat Scriptura locis nuper allatis.

XV. Omne peccatum mortale esse dicit: & intantum peccata Fidelium venialia esse, non quia mortem non mereantur, sed quia Dei misericordiâ nulla est condemnatio his, qui sunt in Christo Jesu: unde venialia dicuntur, quia non imputantur; & veniâ delectantur. Ita Lib. 2. Inst. cap. 8. §. 59. Lib. 3. c. 4. §. 28. Verè felices Calvinistæ, quibus omne peccatum, licet sit in se mortale, veniale tamen fit, nec imputatur. Contra hoc egi Tom. 2. in 1. 2. qu. 3. de Peccatis Dub. 1.



## §. VI.

*Errores de Operibus, Confessione, Indulgentiis,  
& Purgatorio.*

XVI. **O**Mnia Justorum opera esse iniquitatem ac sordes, peccata damnabilia, dicit Lib. 3. Instit. cap. 14. §. 4. his verbis: *Qui serid de veræ justitiæ regula quærent, illi certò comperient, omnia hominum opera, si suâ dignitate censeantur, nihil nisi inquinamenta esse & sordes: & quæ justitiæ vulgò habetur, eam apud Deum meram esse iniquitatem: quæ integritas censetur, pollutionem i quæ gloria ducitur, ignuminiæ.* Et eodem Libro 3. cap. 14. §. 9. *Hubemus, inquit, nec unum à Sanctis exire opus, quod si in se censeatur, non mereatur justam opprobrii mercedem.* Oh inaudita blasphemiam! Numquid promittitudo Abrahæ, qui ut obediret Deo paratus fuit ad immolandum filium Isaac, propter quam Deus tot benedictionibus eum, & in se, & semine suo cumulavit (Genes. 22.) coràm Deo fuit iniquitas, & eam commendando, commendavit Deus id quod in se & coràm ipso iniquitas erat? Numquid & David, quem Deus ipse Act. 13. v. 22. esse secundum cor suum pronuntiavit, nil aliud quàm sordes & peccata esse offerebat? Si ita est; ergo peccata erunt secundum cor Dei. Si ita est: deceptus ergo fuit Zacharias pater Joannis, cum Lucæ 1. v. 75. dixit: *Us fuè timore de manu inimicorum nostrorum liberati, serviamus illi in sanctitate & justitiæ coràm ipso omnibus diebus nostris,* si sanctitas & justitiæ hominis coràm Deo iniquitas est. Malè igitur bona opera justorum, si coràm ipso iniquitates sunt, à Deo in Scriptura commendantur, cum ea potius sicut opera mala execrari ac prohibere deberet. Sed ad alia non minùs blasphema procedamus.

XVII. Legem Dei, quæ bona opera præcipit, impossibile esse dicit Lib. 2. Instit. cap. 7. §. 5. ubi explicans impossibilitatis causam: *Impossibile, inquit, appello, quod nec fuit unquam, & ne imposterum sit, Dei ordinatione ac decreto impeditur.* Si ab ultima memoria repetamus, neminem Sanctiorum extitisse dico, qui corpore mortis circumdatus, ad eum dilectionis scopum pertigerit, ut ex toto corde, ex tota mente, ex tota anima, ex tota potentia Deum amaret. Et in Antidoto Conc. Trid. in Canonem 18. sess. 6. ait: *Si perpetua esset regeneratio in hac vita, possibilis esset Legis observatio. Sed cum Fideles quamdiù hic vivunt, medio ex stadio ad vitam aspirent, magnisque difficultatibus anhelent: ubi reperietur, quam isti somniant, obedientia perfectio?* Ita Calvinus. Cui sic primò dicam. Vis scire, ubi hæc obe-

obedientia reperitur? In natura hominis sibi relicta & in hisce terrenis occupata, non certè; sed in gratia Dei cor hominis à terrenis totum elevantis, & ad se totum trahentis, ut Deum solum amet, & omnia propter ipsum contemnat; nec hoc præcipit, ut semper actu faciat (hoc enim solis in Cælo Beatis datur) sed habitu salutem, ut scilicet semper dispositus ad omnia (quatenus opus sit) propter Deum etiam relinquenda, ut *qui habentes, tanquam non habentes sint, qui possident, tanquam non possidentes, & qui utuntur hoc mundo, tanquam non utantur* (1. Cor. 7.) ac non sibi vivant sed Christo. Unde Paulus ad Galatas 3. v. 20. dicit: *Vivo autem jam non ego; vivit verò in me Christus. Quod autem nunc vivo in carne, in fide vivo Filii Dei, qui dilexit me, & tradidit semetipsum pro me.* Quod Paulo possibile fuit, hoc omnibus possibile esse debet. Alioqui Deus esset Tyrannus, si legem faceret, quam observari vellet, & non observantes puniret: ut autem ejus observantia fieret impossibilis, ipse ordinatione ac decreto suo impedimentum poneret: sicut si quis præciperet mihi ut currerem, & poneret pedibus meis impedimentum, ne possem currere.

XVIII. Doctrinam de bonorum operum meritis, erroneam esse clamat Lib. 3. Inst. c. 15. §. 2. *Quicumque primus illud (meritum) operibus humanis ad Dei judicium comparatis aptavit, eum Fidei sinceritatis pessimè consuluisse. Quantum autem offensionis in se contineat, magno cum Orbis detrimento putet. Certè ut est fastuosissimum, nihil quàm obscurare Dei gratiam, & homines pravâ superbiâ imbuiere potest.* Iudè carpit Veteres, quòd hujus vocis abusum invexerint. Error iste ex alio præallato fluit, quo dicit, omnia bona opera iustorum esse coràm Deo iniquitates; ac insuper quòd putat merita bonorum operum, non ex gratia Dei, sed ex natura ipsorum operum, ut purè ab homine sunt, procedere. At dum ab operibus tollit omne meritum; quid respondebit Christo, qui cum Apostolis exposuisset omnia quæ propter ipsum passuri erat, eos Matth. 5. v. 12. ita animat: *Gaudete & exultate, quoniam merces vestra copiosa est in Cælis.* Merces autem respondet merito laboris. Quid responderet Paulo 1. Cor. 4. v. 3. dicenti: *Quid enim dicit Scriptura? Credidit Abraham Deo: & reputatum est illi ad justitiam. Ei autem qui operatur, merces non imputatur secundum gratiam, sed secundum debitum.* At Calvinus vel Scripturas non legit, vel eis non acquiescit. Dicam ergo ei cum Holio L. 5. de Catholica Ecclesia: *Nostra de operibus doctrina hæc est, quòd quatenus nostra sunt, quàmlibet esse bona videantur, nihil tamen nobis profunt ad vitam æternam consequendam: quatenus autem Dei sunt, quatenus sunt opera manuum illius, ex ipsius beneficentia singulari, & justitiæ titulo & mercede*

*Regni Cælestis digna habentur: Dei autem sunt, & quòd ea Deus operatur in nobis, & quòd quidquid est in eis dignitatis, non est aliunde, quàm ex eo quòd sunt respersa pretioso Christi sanguine, cui debemus, quòd ea facientes Regni Cælestis præmia consequimur. Nam absque eo si esset, quidquid per omne vitæ nostræ tempus & faceremus, & pateremur, ne minimum quidem nobis prodesset ad gaudia Regni Cælestis assequenda. En elevata Dei Gratia, & sublata ab homine ob meritum superbia, & Calvinus mendax. De Merito egi Tom.3. in 1.2. q.1. de Merito Justi Dub.2.*

XIX. Confessionem peccatorum factam Sacerdoti non esse de Jure Divino, seu Divino præcepto institutam; ejus quidem vetustissimum fuisse usum, sed olim liberum: nullam ante tempora Innocentii III. de ea statam fuisse Legem: extare luculenta testimonia tum in historia, tum apud Veteres Scriptores; hanc fuisse politicam disciplinam ab Episcopis adinventam, non Legem à Christo aut Apostolis positam; conscientiarum carnificinam esse; invecitā hanc tyrannidem, cum fœdā barbarie oppressus esset mundus. Ita loquitur Lib. 3. Instit. cap. 4. & in Respons. ad Art. 4. Facultatis Parisiensis; sed de more mendaciter. Unde enim probat, Confessionem peccatorum faciendam Sacerdoti non esse à Christo institutam? Ex Scriptura? Nequaquam; ista enim Joan. 20. narrat, Christum dedisse Apostolis potestatem remittendi & retinendi peccata. Quā potestate quomodo uti potuerunt Apostoli, vel etiam nunc possent eorum Successores, judicando quæ peccata remittenda & quæ retinenda, quæ medicina eis sit adhibenda, nisi eis manifestentur? *Qui quod novit loquitur, judex justitiæ est*, dicitur Proverb. 12. v. 17. *Et quod ignorat, medicina non curat*, inquit Hieronymus in Ecclesiasten cap. 10. Hæc Divinā institutione, non politicā disciplinā edocta, perpetuò sensit Ecclesia, ex Christi præcepto esse, ut qui sibi remitti peccata volunt, ea potestatem habenti aperiant, qui judicet an remittenda sint, an retinenda, & salutarem apponat medicinam. Hinc mentitur Calvinus, dum Innocentium III. primum fuisse ait, qui legem de Confessione tulit: solum enim ad emendandam quorundam negligentiam definivit tempus, quo saltem semel in anno, nempe Paschate, peccata sua Confessione expiare tenerentur. De hoc egi in Vera Eccl. Tom.2. p.1. art. 11. §.4. & Tom.3. in 3.p. De Sacr. Pœnit. qu.5. Dub.1.

XX. His addit Calvinus, Potestatem absolviendi à peccatis, quorum cognitionem in Confessione habuerint, à Christo non esse datam. Absolutionem quæ fidei servit nil aliud esse, quàm testimonium veniæ ex Evangelii promissione datum. Alteram verò quæ ex disciplina Ecclesiæ pendet, ad secreta peccata non pertinere,

nere, sed ad publica, ut tollatur Ecclesiæ publica offensio. Hæc citatis locis; tot mendacia quot verba. Et quidem primò. Nam cum Christus Jo. 20. v. 23. dixit Apostolis: *Quorum remiseritis peccata remittuntur eis*: peto, an clariùs exprimere poterat, se tunc dare potestatem absolvendi, & quidem omnes, à peccatis, & eorum absolutionem se ratam habiturum? Deindè cum dixit *Quorum remiseritis*, non verò *quorum annuntiaveritis remissa peccata*: nonne apertè declaravit, se eis dare non puram facultatem testificandi, illis à Deo peccata esse remissa, sed illos ejus nomine verè à peccatis absolvendi? Quod verò dicit de disciplina Ecclesiæ, non diffiteor, hanc respicere peccata publica, & pœnitentias publicas ad tollendum scandalum; sed præter hanc propter peccata quæcumque ad obtinendam à Deo veniam, ex Christi præscripto necessarium esse coram Sacerdote ea confiteri, invictè sustineo.

XXI. Adhuc blaterans dicit, satisfactionem ad Pœnitentiam non esse necessariam: nec Deum posse pœnis satisfactoriis placari: illaque cum efficacia mortis Christi & satisfactionis ipsius pugnare. Multa contra hæc eructat Lib. 3. Instit. cap. 4. §. 38. & 39., à quibus referendis abstineo. Dicam solum, eum ibi contendere, satisfactionem, quæ in Veterum Libris passim occurrit, non eam esse, quæ Deo redderetur, sed publicam testificationem, quæ excommunicati, ut ab Ecclesia reciperentur, suæ pœnitentiæ testimonium dabant. Additque, quod si ex Veteribus aliqui duriusculè loquuti sunt, hæc in parte lapsi sunt. At ipse turpiter labitur. Num enim erat pœnitentia, & satisfactio Deo, illa, quæ David, ut veniam ab eo obtineret Psalmo 6. v. 7. dicebat: *Laboravi in gemitu meo, lavabo per singulas noctes lectum meum, & lacrymis meis stratum meum rigabo*? Num & illa quam Simoni Mago indixit Petrus Act. 8. v. 22. *Pœnitentiam age ab hac nequitia tua, & roga Deum, si fortè remittatur tibi hæc cogitatio cordis tui*? Hinc Paulus 2. ad Cor. 7. v. 9. *Nunc gaudeo, inquit, non quia contristati estis, sed quia contristati estis ad pœnitentiam. Contristati enim estis secundum Deum, ut in nullo detrimentum patiamini ex nobis. Quæ enim secundum Deum tristitia est, pœnitentiam in salutem stabilem operatur, seculi autem tristitia mortem operatur.*

Næ autem ampliùs obmurmure, quasi satisfactio nostra possit Deum placare, & ita cum meritis & satisfactione Christi pugnet; noverit Calvinus, primò, quòd satisfactio nostra fit non ad culpam vel pœnam aternam expiandam; hæc enim satisfactio soli Christo tribuenda est. Hic enim solus factus est propitiatio pro peccatis nostris, non pro nostris tantum, verum & totius mundi. Solus ille mortem moriendo destruxit, & per eam pro pec-

peccatis nostris abundè Deo Patri satisfecit : nostrà verò satisfactio, sive à nobis assumpta, sive à Confessario injuncta, quæ cum fide & caritate peragitur, solùm valet ad pœnam temporalem, vel tollendam, vel mitigandam, vel ad reliquiis peccatorum mendendum, causas peccatorum excindendas Christique exemplum imitandum. Christus pro nobis satisfecit. Sed num ideo passus est ac satisfecit, ut nos nihil jam faciamus, nihil jam patiamur pro peccatis nostris, cùm semel à gratia ejus quâ per Baptismum donati fuimus exciderimus? Minimè, inquit S. Petrus Epist. 1. c. 2. v. 21. *Imò Christus passus est pro vobis, vobis exemplum ut sequamini vestigia ejus.* Unde ipse Matth. 16. v. 24. dixit : *Si quis vult post me venire, abneget semetipsum, & tollat crucem suam, & sequatur me.*

Secundò noverit : Quòd satisfactio nostra intantum nobis prodest, inquantum satisfactioe Christi, & Cruce Christi valoratur : alioquin satisfactioe & Crucis nostræ nulla esset utilitas pro peccatis, nisi satisfactio & Crux Christi præcessisset, per cujus mortem & sanguinem efficacia redduntur & Deo grata, quæ fiunt à nobis in satisfactionem pro peccatis nostris ; & ideo dicit Christus, ut qui tollit Crucem suam, sequatur ipsum : quia nisi Cruce sua ipse nos præcederet, Crux nostra inutilis nobis esset. Hæc est Catholica doctrina de satisfactione, quam inter alios perdoctè tractat Hosius de Sacramento Pœnitentiæ cap. 49. & quâ Calvinus & aliorum ejusdem furfuris calumniæ dissipantur.

XXII. Indulgentias dicit esse *Sanguinis Christi profusionem, Satanaeque ludibrium, quo Christianus populus à Dei gratia, à vita quæ est in Christo abducatur, & à vera salutis via avertatur.* Lib. 3. Instit. cap. 5. §. 2. Ibidem *Quæstuosas nundinationes de animarum salute, ac pias fraudes vocat. Papam plumbo & membrânâ gratiam Jesu Christi includere,* calumniatur. Nos commiscere sanguinem Martyrum Sanguini Christi ad remissionem & satisfactionem peccatorum : *Mendax Dei Evangelium esse, aut mendaces Indulgentias.* Ita cum Luthero blasphematur Calvinus. Non latet, ipsum existimare injuriam Christi Sanguini fieri, & Sanguinem Martyrum commiscere, quasi ei aliquid deesset ad plenam pro peccatis satisfactionem. At num insultabit Paulo dicenti Coloss. 1. v. 24. Adimplere se quæ defunt Christi passionum in carne sua ; quasi Paulus passionem Christi declaraverit insufficientem ad satisfaciendum pro peccatis totius mundi, nisi ipse adderet passionem in carne sua? *Apage blasphemiam!* Non enim Paulus vult, quòd cumulus Christi passionum, quas tanquam Caput pertulit, non fuerit sufficiens ad solutionem pœnarum, quæ totius humani generis peccatis debebantur ; sed quòd multa pars passionum ejus adhuc corpori ejus, quod

quod est Ecclesia, deest, quia usque ad finem mundi patitur Christus in suis membris : & hoc est, quod dicit Paulus se adimplere in carne sua id quod deest passionum Christi. Hinc colligere licet, quod meritum passionis & mortis Christi, ac Sanctorum ejus, in quibus ut suis membris patitur, & patietur Christus usque ad finem mundi, multò fuerit abundantius, quàm fuerint & sint & esse possint omnia totius Orbis flagitia ad illa diluenda, pro quibus vel unâ guttâ Sanguinis sui satisfacere poterat.

Ex hac ergo superabundantia meritorum & satisfactionum, Christi & Sanctorum ejus, hoc est Capitis & Corporis, conficitur Indulgentiarum thesaurus, cujus dispensatio præcipuè pertinet ad Romanum Pontificem, qui Petro, cui Christus claves Ecclesiæ dedit, succedit, deinde ad alios Episcopos Apostolis succedentes. Hujus veritatis testis est idem Paulus, tum 1. Cor. 4. v. 1. *Sic nos existimet homo, ut ministros Christi, & dispensatores mysteriorum Dei.* Tum 1. Cor. 9. v. 17. *Dispensatio mihi credita est.* Tum 2. Cor. 5. v. 18. *Omnia autem ex Deo, qui reconciliavit sibi per Christum, & dedit nobis ministerium reconciliationis.* Hâc facultate merita, Christi & membrorum ejus per Indulgentias applicantur in satisfactionem vel plenariam vel partialem poenæ temporalis, debitam Deo, vel à Confessario impositam, illis tamen qui dispositi sunt, & opus injunctum implent. Ex his, quæ ad præsens sufficiant, evanescent calumnie, quas ex adverso vomit Calvinus. De his enim alibi dixi, præcipuè Tom. 3. in 3. p. q. 3. de Indulgentiis.

XXIII. Purgatorium post hanc vitam asserere *exitiale Satanae esse commentum, quod Christi Crucem evacuat, quod contumeliam Dei misericordiam non ferendam irrogat, quod fidem nostram labefacit & evertit*, dicit Lib. 3. Instit. cap. 5. §. 6. & 10. Cùmque contra se stare Veteres omnes & præcipuè S. Augustinum negare non audeat, eos contemnit dicens, eos aliquid humani passos esse, & in errorem abreptos. Hoc errore tenentur quotquot modernam pseudo-Reformationem amplexi sunt, contra quos egi in Vera Ecclesia Tom. 2. p. 1. art. 10. & Tomo 16. Theol. qu. 3. Dub. 1. 2. & 3. Attamen ne prorsus jejunum Lectorem hic relinquam, aliqua adjiciam. Purgatorium Christi Crucem non evacuare, nec Dei misericordiam evertere, sed potius ejus justitiam confirmare, ostendit Scriptura utriusque Testamenti: Veteris quidem: tum Isaie 4. v. 4. *Abluet Dominus sordes filiarum Sion & Sanguinem Jerusalem lavabit de medio ejus, in spiritu judicii & spiritu ardoris.* Malachie 3. v. 2. *Ecce venit dies Domini exercituum, & quis poterit cogitare diem adventus ejus? Ipse enim quasi ignis constans & quasi verba fallonum, & sedebis constans, & emundans argentum, & purgabit Filios Levi*

& co-

*Et colabit eos quasi aurum & quasi argentum, & erunt Domino offerentes sacrificia in iustitia. Novi verò. Nam ex Paulo ad Ephel. 5. constat, quòd Ecclesia triumphantium cum Christo non habet maculam neque rugam, de qua Apocal. 21. scriptum est, quòd nihil coinquinatum intrabit in eam. Oportebit ergo dicere, vel quòd omnes fideles ex hac vita discedant ita mundi à sorde, ut nullâ egentes purgatione statim in illam admittantur, quod Heterodoxi dicunt; vel quòd cum nemo dicere possit, se esse mundum à sorde, non intret in illam nisi priùs purgatus, vel in præsentì, vel in futura vita. Hoc secundum estò Calvinus neget, asserit tamen Paulus 1. Cor. 3. v. 13. *Uniuscujusque opus manifestum erit: Dies enim Domini declarabit, quia in igne revelabitur, & uniuscujusque opus quale sit, ignis probabit. Si cuius opus manserit, quod superedificavit, mercedem accipiet. Si cuius opus arserit, detrimentum patietur: ipse autem salvus erit, sic tamen quasi per ignem.* His Paulus unumquemque monet, ut videat, quomodo in hac vita superedificet: & si ad Dei tribunal deferet aurum vel argentum, sciat se recepturum mercedem. Si verò lignum, fœnum vel stipulam, opera nempe imperfecta, necdum plenè purgata, iste salvus quidem erit, sed priùs ob talia opera detrimentum patietur per purgatorium ignem. Sed hæc satis.*

## §. VII.

*Errores de Sanctorum & Angelorum invocatione, & cultu  
& usu Imaginum.*

XXIV. **S**anctos cum Christo in Cœlis viventes pro nobis non intercedere, nec absque sacrilegio ac superstitione invocari posse (Lib. 3. Instit. cap. 20.) asserit, per calumniam impo-  
nens Catholicis, qui Sanctos invocant, *Christum inhonorare, & Mediatoris titulo spoliare, gloriam nativitatæ ejus obscurare, Crucem evacuare: In Litaniis, Hymnis, & Præsiis, ubi Sanctis mortuis nihil non honoris desertur, nullam Christi mentionem fieri. Sanctos ut tutelares Deos à Romanæ communionis hominibus coli. Nihil Christo reliquum facere, qui pro nihilo ducunt ejus intercessionem, nisi accedant Georgius & Hippolytus, & similes larvæ.* Hæc impius calumniator Calvinus. Porro hæc calumniosa esse mendacia factum ipsum demonstrat. Quomodo Christum inhonorant, & Mediatoris titulo spoliant Catholici, qui omnia quæ à Deo petunt, per Christum petunt, ut publicæ Orationes seu Collectæ testari possunt, etsi in eis Sanctos nominant, non aliter eos invocant, nisi ut pro ipsi intercedant



cedant Christi mediationem? Nunquid in humanis titulo spoliaret Mediatoris, qui ad ejus mediationem consequendam aliquem, amicum ejus interponeret? Hymni quoque & Prosa à Deo & Christo inchoant, & in Deum & Christum desinunt. Litanie à Deo inchoant per *Kirie eleyson & Miserere nobis*, & in Christum terminant per *Agnus Dei &c. Miserere nobis*. Dum Sancti invocantur dicitur *Ora*, vel *Orate pro nobis*. Hoc igitur est Sanctos ut Deos colere? hoc est nihil facere Christi mediationem, nisi accedant Sancti? Ad hæc Calvinus quid dicit?

Dicet fortè, Christum se constituisse unicum Mediatorem, nec alio egere apud se Mediatore, fateor. Egemus tamen nos, qui nostræ infirmitatis consilii propterea Sanctos ei caros, & Cœlesti Beatitudine ab eo donatos, pro nobis intercessores apud eum advocamus. Dicat mihi, si ipse dum viveret, in angustiis positus aliquem Dei servum in terris viventem, ut preces suas apud Deum interponeret, rogasset, putasset ne se injuriam facere Christo eumque titulo Mediatoris spoliassè? At quidquid putasset Calvinus, hoc certè non putavit Paulus qui Roman. 15. v. 30. ait: *Obsecro ergo vos, fratres, per Dominum nostrum Jesum Christum, & per caritatem Sancti Spiritus, ut adjuvetis me in Orationibus vestris pro me ad Deum*. Et à Colossensibus cap. 4. v. 3. similiter postulat communes orationes pro se, ut *Deus aperiat nobis ostium sermonis ad loquendum mysterium Christi*. Si ergo utiles sibi fore sperabat Paulus orationes in terris viventium, qui cum hoc corpus mortis adhuc circumierant, necesse habent & ipsi dicere Deo *dimitte nobis debita nostra*: & ideo non minus de se ipsis debent esse solliciti; cur inutilis nobis erunt orationes Sanctorum, qui cum Christo in Cœlis felicissimè vivunt, & quorum gratia apud Deum plurimum valet: & qui cum sint ejusdem Corporis Christi caritate nobis conjuncti, dubium non est, quin de nostræ salutis cura tangerentur.

Rursus. Si invocatio precum Sanctorum adhuc in terris viventium Christi gloriam non obicurat, quia si quid nobis obtinent per merita Christi obtinent; cur invocatio Sanctorum, in Cœlis cum Christo beatorum, gloriæ Christi detrahatur, cum nec ab ipsis quidquam sperari posse sciamus, nisi per Christum, & sub hac forma illos Ecclesia invocet? Sanè si Christus non obscuravit, imò illustravit gloriam suam, cum Apostolis adhuc viventibus dedit potestatem faciendi ea quæ ipse fecit, & adhuc majora, erga eos qui in nomine suo eos invocarent; Non est credibile ab eis hanc retraxisse potestatem modò, cum in Cœlis cum ipso sedent, ut qui se invocantibus in nomine ejus possint per ipsum subvenire. Sed hæc, quæ luce meridiana clariora sunt, soli cæci non vident. De

Tom. VII. Par. V.

Q

his

his locutus sum etiam Tom. 16. Theol. qu. 7. Dub. 1.

XXV. Cultum Religiosum etiam Dulæ Angelis & Sanctis hominibus *absque damnauda superstitione* exhiberi non posse, asserit Lib. 5. Instit. cap. 12. De cultu Angelorum verba feci supra cap. 35. contra *Angelicos*, quorum errorem à Catholico dogmate separavi §. 2. De cultu B. M. Virginis pariter egi cap. 53. adversus Collyridianos & §. 2. Danæi Calvinistæ calumnias dissipavi. De cultu SS. in genere sermonem habui in Vera Ecclesia Tom. 2. p. 2. art. 14. & Tom. 16. Theologiæ loco supra citato. Ibi enim exposui differentiam cultus Dulæ à cultu Patriæ, & quomodo hæc soli Deo debeatur: illa verò etiam aliis, honorando eos ut servos Dei & intercessores nostros apud Deum; qui cultus non purè civilis est, sed religiosus, quia à Religione erga Deum imperatus: pro quo adduxi S. Augustinum L. 20. cap. 21. contra Faustum, ubi mirè hanc veritatem exponit.

Ne verò ab invocatione & cultu Sanctorum resilire possint Calvinistæ, quasi Sancti nec audire possint petitiones nostras, aut motum cordis ejus qui precatur penetrare, cum hoc solius Dei proprium sit, qui dixit Jerem. 17. v. 10. *Ego Dominus scrutans cor, & probans renes*; audiant Scripturam: hæc enim 4. Reg. 5. tribuit Eliseo, quod absens cognoverit, quæ Giezi discipulus ejus fecerat, cum à Naaman Syro munera accepisset. Eadem Act. 5. tribuit & Petro, quod sciverit Ananiam & Saphiram fraudasse de pretio agri: non quod uterque propriâ virtute, sed Dei revelatione hoc sciverit. Nec solum viventibus, sed & mortuis revelationem prophetiæ tribuit Ecclesiastici 48. ubi ait, corpus Elisei mortuum prophetasse, & cap. 49. oïa Josèph post mortem prophetasse. Est ne autem inverisimile, quod Deus, qui Sanctis viris adhuc in terris agentibus plura ad eos spectantia dignatus est manifestare, hoc neget Sanctorum spiritibus in Beatorum sedes receptis: ita ut nesciant, quid à se petant fideles in terris degentes, de quorum salute constat eos esse sollicitos? Omnia ergo Sancti jam Beati, maxime ad eos spectantia vident: sive quia clarè videntes videntem omnia, in eo & per eum vident omnia: *Quid enim est* (inquit Gregorius Lib. 4. Dialog. cap. 32. & Lib. 12. Moral. cap. 13.) *quod ibi Sanctorum animæ nesciant, ubi scientem omnia sciunt?* sive etiam quia omnia ad se spectantia per Angelos, vel alio modo eis revelantur.

XXVI. Imaginum usum & cultum à *Satana manasse*, & *meram Idololatriam* esse asserit Lib. 1. Instit. c. 11. & Lib. 4. cap. 9. §. 8. Pro usu & cultu Imaginum Dei & Sanctorum egi supra cap. 80. contra Iconoclastas, ubi §. 4. earum usum in Ecclesia antiquum esse ostendi;

di; §. 5. earum usum & cultum probavi; & §. 6. Iconomachorum objecta dissolvi. Pro eis etiam egi in Vera Ecclesia Tom. 2. par. 2. art. 14. & 16. quæ studiosus adire poterit. Sanè ut observat Florimundus Remundus Lib. 7. Synopsis cap. 12. una ex præcipuis causis, ob quas multi ex clarissima Ecclesia luce in spissas hæresum tenebras præcipitarunt, ista fuit; quòd dicerent, honorem uni Deo debitum, à Catholicis Imaginibus, ut ab Ethnicis Idolis suis, tribui. Cùm enim in Bibliis legissent illud *Non facies tibi Imaginem*, Imaginem cum Idolo confuderunt, ignorantes id quod Dialectici pueros docent, Imaginem genus esse, Idolum verò speciem, nec valere à genere ad speciem arguere dicendo, est Imago, ergo est Idolum. Nam & Jesus Christus Dei imago, & homo quamvis creatura ad Imaginem Dei factus dicitur. Imago id quod verè fuit vel est, representat. Idolum verò est quoddam phantasma mente conceptum, quod nihil veri in se habet. Unde dicit S. Paulus 1. Cor. 8. v. 4. *Idolum nihil est*, quia scilicet rem quæ non est representat; & illorum quos Pagani adorabant statuas & simulacra *Idola* vocabantur, quia licet materiâ & certâ formâ constarent, nihil tamen quod in rerum natura sit, sed vanum tantum, & id quod nunquam Deus fuit, imò ne id quidem quod adumbrabant, representabant.

Sed quia Calvinus vult, Imaginem pro Idolo sumi: idèdque cuiuscumque Imaginis etiam Christi, Crucis ejus & Sanctorum, cultum idololatriam appellat; Peto: Aut Deus præfato præcepto omnes Imagines prohibuit, aut eas solum, quæ Divinæ gloriæ derogant? Primum dici non potest. Nam Deus Cherubim humanâ facie in Templo suo collocari, arcum Serpentem ligno ad Crucis formam erigi, aliaque quorum usus in Templo futurus erat, ut Boum, Leonum &c. effigies fieri voluit, quod etiam percurrenti Templum Salomonis Lib. 3. Regum cap. 6. cuique patebit. Addo. Propheta Daniel Deum Patrem, ut Antiquum illum dierum, omnibus rerè lineamentis, & coloribus nobis depingit, quamvis sciret, eum utpotè incorporeum & invisiibilem nullâ figurâ exprimi posse. Illas ergo Imagines mandato suo solas prohibuit, quibus alius quàm verus Deus adorandus representatur, aut alius falsorum Deorum cultus introducitur, quæ verè Idola sunt, qualia erant illa, quæ ab Ægyptiis Israelitæ viderant adorari: quale fuit Vitulus ille aureus à populo Israelitico conlatus, Draco ille Babylonius, & alia innumera, quæ sibi fingeabant gentes.

Hæc ergo prohibuit Deus Israelitis, ne facerent, & ne ut Deos adorarent & colerent, cùm ipse solus sit Deus. Hæc sunt verba præcepti Exodi 20. v. 2. &c. *Ego sum Dominus Deus tuus, qui eduxi te de terra Ægypti, de domo servitutis. Non habebis Deos alienos*

*coram me. Non facies tibi sculptile neque omnem similitudinem, quæ est in Cælo desuper, & quæ in terra deorsum, nec eorum quæ sunt in aquis sub terra. Non adorabis ea, neque coles: Ego sum Dominus Deus tuus, fortis, zelotes &c.* His, quis non videt, Deum fieri prohibuisse omne sculptile & omnem similitudinem solis, stellarum, pecudum, piscium, & ea adorare & colere ut Deos, quomodo ea adorabant Ægyptii, & aliæ gentes, eò quia ipse sit solus Deus? Peto igitur. Imagines, quas in Templis suis erigunt Catholici, suntne imagines, vel simulacra Solis, Lunæ, pecudum, piscium, aut Jovis, Mercurii, Veneris &c. ut olim in Templis suis habebant gentes? Nequaquam; sunt Imagines Christi, à quo redempti sumus; Crucis, quæ fuit instrumentum redemptionis; B. Mariæ Matris Dei, Apostolorum, & Martyrum, qui pro Christi fide vitam dede-  
runt, & aliorum Sanctorum, quos cum Christo in Cælis regnantes nobis proponit Ecclesia.

Insuper hæc Imagines coluntne Catholici tanquam Deos? Honorant quidem & colunt. Sed honor & cultus non sistit in Imaginibus, sed transit in repræsentatum per eas. Et in hoc Synodum Nicænam II. sequentes dicunt, „ Hæc igitur singula, nempe Christi Imaginem, & ipsam Crucem Crucisque notam, cultu adorationeque prosequentes, honorem & adorationem non in ipsis concludimus, sed ad eum dirigimus, qui propter incredibiles divitias amoris erga nos, factus est homo, & mortem propter nos pertulit contumeliosam. Sic & Sanctorum Tempia & Sepulchra, & Reliquias, ex quibus morborum curationes emanant, fideliter adoramus, Christum verum Deum nostrum, qui gloriâ ipsos affecit, collaudantes & celebrantes. Et si quid iis in Mysticis & sanctis nostris Sacrificiis simile est, per munus & gratiam in illis exhibitum, præcipuum auctorem & principem, causam agnoscimus & commendamus, „. Hæc ex Photio. Similis est doctrina Tridentini.

His tamen Calvinistæ nedum non acquiescunt, sed in Sacras Imagines, ubicumque eas in Catholicorum Templis invenerunt, furem suum effuderunt; Judæ tamen Iscariotis & Diaboli imaginibus parentes. Unde ut refert Florimundus Remundus citato cap. 12. Libri 7. num. 7., scribunt nonnulli, quòd in oppido quodam Occitanie Singillio appellato, Calvinistas contractis tam Jesu Christi, quàm aliorum Apostolorum Imaginibus, Judæ Iscariotæ tantum imaginem integram reliquisse. Antuerpiæ Crucifixi contractâ Imagine, Angeli boni adstantis, & Boni Latronis animam excipientis Imaginem itidem confregerunt: at Diaboli animam impii Latronis ad se rapientis, intactam reliquerunt. Idem diversis locis

locis factum historici fide digni tradunt, semperque Diaboli vel Salvatorem vel Sanctos tentantis imaginibus paritum, istorum vastatis atque abolitis. Londini Hispanus Templum ingressus, cum S. Michaelis Archangeli statuam contractam, Satanæ autem sub pedibus ejus jacentis adhuc integram vidiſſet, educto gladio eam punctim ac cæsum impetens clamasse fertur: *Apage, apage, scelestissime, non plus quam cæteris tibi hic loci erit.* Lindanus Episcopus Ruræmundensis testatur, cum reformationis causâ diocesum suam obiret, vidiſſe se inter alia Geusiaci furoris monumenta, inter plures Sanctorum contractas Imagines, solius Satanæ, tanquam virginem tentantis ibi representati, adhuc integram, quam apprehensam in terram projecerit, inquires: & tu hinc ejicieris, infelix Satan: neque enim fas est, ut ibi maneat, ubi satellites tui venerabiles Jesu Christi & Sanctorum Imagines tanto furore confregerunt.

Scio fortè dicturos, se Satanæ imagini pepercisse, sicut & Judæ, quia his in Templo manentibus nullum erat Idololatræ periculum, sicut manentibus imaginibus Christi & Sanctorum. Verius tamen dicerent, se talibus Imaginibus pepercisse, quia, utpotè in hoc facinore Satanæ satellites ac ministri, suo duci ac patrono debitum servare honorem voluerunt; Judæos imitati, qui latronem Barabbam incolumem potius quam Christum voluerunt. Quam procul ab idololatriæ periculo Sacrarum Imaginum usus & cultus sit ut ab Ecclesiâ præscribitur, jam hic & alibi satis ostendi. Sed quid? Numquid vos ipsi idololatræ estis, qui Lutheri, Calvini & aliorum imagines in tanta habetis veneratione? Calvini imaginem in intimis seminarum cubiculis olim in Gallia cum honore asservari, nonne visum fuit? Lutheri verò in Germania non picturâ modò expressâ, sed tapetibus etiam intextam in parietibus & atriis passim; & etiam in ipsis librorum operimentis loco Crucifixi expositam quis non vidit? At dicunt, se imagines hujusmodi habere animi tantum causâ. At bone Deus! An Beæ curæ fuit excuculatorum Monachorum, & apostatarum hominum etiam collegarum suorum in æs incidi, & cum vanissimo elogiorum lenocinio populo venditari: & ex primis illis Christianis nemini curæ fuisse putatis, ut Divinæ illæ Cœlestes tam Jesu Christi quam Matris ejus, uti & Apostolorum, effigies posteris traderentur? An seminam illam à sanguinis fluxu per Christum sanatam idololatriæ insimulabitis, quod ipsius effigiem in ære exprimi curaverit, quam à se visam Eusebius testatur? An Rex ille Edesenus superstitiosus fuit, qui Jesu Christi effigiem tanto studio desideravit? Repetam ergo. Adeo solliciti fuerunt vestri, ut suorum pseudo-Reformatorum, qui

ad

ad evertendam Christi Ecclesiam conspirarunt, & quorum mores obsceni fuerunt, imagines in solatium, ut dicitis, apud se retineant: & adeo desides vultis fuisse priorum seculorum Christianos, ut nec Christi, cujus Sanguine per Crucem se redemptos noverant, nec Apostolorum, qui fidem propagarunt, nec tot aliorum qui pro fide Christi vitam dederunt, Imaginem vel effigiem ullam in memoriam & venerationem apud se retinere curaverint, adeo ut primis quinque seculis (quod vos dicitis) Imaginum usus Ecclesiæ fuerit ignotus?

Diffiteri non potestis, nisi oculos veritati claudere velitis, Imaginum usu Intelligentiam, Memoriam, & Voluntatem quæ sunt rationalis animæ potentiæ, mirifice adjuvari. Per repræsentationem namque illam res, à Salvatore nostro & Sanctis ejus gloriose gestæ, Intellectui velut ob oculos ponuntur; ex quo deinde summa Dei in nos beneficia memoriæ occurrunt, ac tenacius infinguntur: quorum denique recordatione, & Sanctorum quorum effigies aspicimus exemplo, voluntas ad Dei amorem, ad Sanctorum imitationem ac venerationem, acrius incenditur atque inflammatur. Hactenus cum Florimundo Remundo ex Calviniano Catholico locutus sum.

Quod si nec isti acquiescere vultis, contra vos Lutherum ipsum statnam. Is cum receivisset, Carlostadium Imagines è Templis ejecisse, factum improbavit; & ut refert Hosius L. I. de Hæres. nostri temporis, In altero, quod contra Cœlestes Prophetas edit, scripto monuit, ut Prædicatoribus qui imagines per plebem ejici jubent, aqua & igni interdicatur, aut tale in eos exemplum edatur, ut abstinere deinceps necesse habeant, quod ab Imaginum demolitione venit ad cædem. Boni Domini, inquit, non est hic Diaboli scopus, ut oppugnentur Imagines, sed vult ubi toramen fieri, per quod sanguinem profundat, & cædes faciat in Orbe terrarum. Spiritus iconomachorum non est bonus: spirat enim cædes & seditiones, etiam si celet & dissimulet, ad tempus, quamdiu non videt opportunitatem. Ac re verâ quot cædes & seditiones ob Imaginum eversionem non excitant Calvinistæ? In hoc, auctore Luthero, quod Imagines everterunt, nec Diabolo placuerunt, sed solum in hoc, quod ex eversione Imaginum venerunt ad cædes. Quare Lutherani etiam post schisma Imagines in Templis, præsertim Crucifixi, retinuerunt. Soli Calvinistæ vera Iconomachorum soboles fuerunt & sunt.

## §. VIII.

*Errores de Romano Pontifice, de Ecclesia Legibus,  
& Conciliis.*

XXVII. **Q**uia præsentium Novatorum potissimum studium, est Caput Ecclesiæ visibile, quod eam regat, ei abscindere, ut sic tanquam corpus detruncatum, eam quò voluerint liberius trahant, ejusque membra pro libito discerpant: Ideò Calvinus contra Romanum Pontificem, quem Ecclesia, loco Christi, hic in terris Vicarium, tanquam Caput semper agnovit, ut eum tollat, impiè arma sua convertit Lib. 4. Inst. toto fere cap. 6. Ibi conatur ostendere, Romanæ Sedis Primatum neque ex Christi institutione, neque de Ecclesiæ veteris usu sumsisse originem. Petrum honore ordinis, non potestate, fuisse cæteris Apostolis priorem: & dato quòd etiam dignitate reliquos antecessisset, Apostolis ipsi Primatum deferentibus, id ad perpetuitatem non esse trahendum, idest non sic constitutum in Petro Ecclesiæ Primatum, ut perpetuà successione semper maneret. Non inficiatur tamen, Ecclesiam Romanam magno in honore fuisse apud Veteres, eosque de ea honorificè fuisse locutos: *Opinio enim illa, inquit, quæ nescio quomodo invaluerat, fundatam & constitutam eam fuisse Petri ministerio, ad conciliandam gratiam & auctoritatem plurimum valebat. Itaque in Occidente Sedes Apostolica, honoris causâ vocabatur. Deinde cum illic esset Caput Imperii, & hac ratione credibile esset, præstantiores tum doctrinâ, tum prudentiâ, tum peritiâ & multarum rerum usu, viros illic esse quàm alibi usquam; ejus meritiò babebatur ratio.... Accessit ad hæc & tertium, quod cum Orientales & Græcæ Ecclesiæ, Africana etiam multis opinionum dissensionibus inter se tumultuarentur; hæc sedatior aliis, & minus turbulenta fuerit. Ita factum est, ut pii & sancti Episcopi sedibus suis pulsî, illuc se veluti in asylum, aut portum quemdam recipere...* Hoc ergo Romanæ Ecclesiæ plurimum addidit auctoritatis... Has, inquam, tres ob causas non vulgari in honore habita fuit, & multis præclaris veterum testimoniis commendata.

Non valens ergo Calvinus, negare Ecclesiam Rom. iam semper ab aliis Ecclesiis in honore habitam fuisse; ut declinet veritatem, eique detrahat Primatum, has ratiunculas adinvenit. Quàm turpiter tamen desipiat, fusè ostendi contra Jacobum Piceninum ejus gregalem in Vera Ecclesia Tomo 2. p. 1. ubi art. 1. pro Primatu S. Petro à Christo concessio certavi, & contraria sophismata dissol-

solvi. Art. 2. in Petri Primatu Episcopum Romanum & Ecclesiam Romanam successisse, multis demonstravi, & Hæreticorum cavillis respondi. Quæ cum hic repetere foret superfluum, idè Lectorem meum illuc amando, cum solummodò muniens celebri S. Cypriani dicto Epist. 55. ad Cornelium Papam: *Neque enim, inquit, aliandè hæreses obortæ sunt, aut nata sunt schismata, quàm inde, quòd Sacerdoti Dei non obtemperatur, nec unus in Ecclesia ad tempus Sacerdos, & ad tempus Judex vice Christi cogitatur, cui, si secundum magisteria Divina obtemperaret fraternitas universa; nemo adversum Sacerdotum Collegium quidquam moveret, nemo post Divinum Judicium, post populi suffragium, post Coepiscoporum consensum, Judicem se jam non Episcopi, sed Dei faceret: nemo dissidio unitatis Christi Ecclesiam scinderet; nemo sibi placens ac tument seorsim foris Ecclesiam novam conderet.* An hæc, quæ de hæreticis sui temporis scribit S. Cyprianus, congruant Calvino & aliis modernis segregibus, qui unum in Ecclesia ad tempus Sacerdotem, & ad tempus Judicem vice Christi, cui secundum magisteria Divina obtemperare debet fraternitas universa, agnoscere detreclant; nemo non videt.

Sciat tamen Calvinus, se cum suis in Ecclesia Christi non esse: unde quasi ad eum loquens Epist. 69. idem Cyprianus: *Scire debes, inquit, Episcopum in Ecclesia esse, & Ecclesiam in Episcopo; & si qui cum Episcopo non sit, in Ecclesia non esse; & frustra sibi blandiri eos, qui pacem cum Sacerdotibus Dei non habentes, obrepant, & latenter apud quosdam communicare se credunt; quando Ecclesia quæ Catholica una est, scissa non sit, neque divisa, sed sit utique connexa, & cohererent sibi invicem Sacerdotum glutino copulata.* Et Epist. 76. ad Magnum de Novatiano ait: *Ecclesia una est, quæ una & intus esse & foris non potest. Si enim apud Novatianum est, apud Cornelium non fuit. Si verò apud Cornelium fuit, qui Fabiano Episcopo legitimâ ordinatione successit, & quem præter Sacerdotii bonorum martyrio quoquæ Deus glorificavit, Novatianus in Ecclesia non est.* Propterea S. Hieronymus Epist. modò 14. aliàs 17. ad Damasum Romanum Pontificem: *Facebat, inquit, invidia, Romani culminis recedat ambitio, cum successore Piscatoris & discipulo Crucis loquor. Ego nullum primum nisi Christum sequens, Beatitudini tuæ, idest Cathedra Petri communionem confocior: super illam Petram edificatam Ecclesiam scio. Quicumque extra hanc domum agnum comederit, profanus est. Si quis in Arca Noe non fuerit, peribit regnante Diluvio.* Calvinus jam periit. Qui adhuc superstities cum ipso sentiunt, quid sibi imminet, seriò cogitent.

Ex his apparet, quàm falsò Calvinus asserat, præminentiam Romanæ Ecclesiæ supra cæteras fundatam fuisse apud veteres in opi-



opinionem, quòd ministerio Petri esset constituta: quòd cum Roma esset Caput Imperii in ea celebriores homines essent, & quòd ob tumultus & dissidia Episcopi è suis sedibus pulsi, ad eam ut asy- lum confugerent. Non enim ex hominum opinione sed ex Christi instituto Romana Ecclesia facta fuit omnium totius Orbis Eccle- siarum Caput, Primatum non honoris tantum, sed regiminis super illas habens. Hanc Primatus dignitatem non semel promiserat Chri- stus Petro, ut Matthæi 16. v. 18. cum ei dixit: *Tu es Petrus, & super hanc Petram edificabo Ecclesiam meam, & porta Inferi non prævale- bunt adversus eam. Et tibi dabo claves Regni Cælorum; & Lucæ 22. ubi postquam omnes Apostolos à Satana velut triticum cribrandos prænuntiavit, conversus ad Petrum v. 32. Ego autem, inquit, rogavi pro te, ut non deficiat fides tua: & tu aliquando conversus confirma- rectionem, ter interrogato Petro, an plus aliis eum diligeret, curam loco sui pascendi gregem suum ei delegavit dicens: *Pasce agnos meos, pasce oves meas.* Verba hæc advertens S. Bernardus Lib. 2. de Consideratione cap. 8. *Cui enim, inquit, non dico Episcoporum, sed etiam Apostolorum sic absolute & indiscrete totæ commissæ sunt oves?* „ Si me amas, Petre, pasce oves meas „ . *Quas? Illius, vel illius populus Civitatis, aut Regionis, aut certi Regni?* Oves meas, in- quit. *Cui non planum, non designasse aliquas, sed assignasse omnes? Nihil excipitur, ubi distinguitur nihil.**

Dicit Calvinus, quòd dato, hanc potestatem fuisse à Christo collatam Petro, collata tamen fuit ejus personæ, & pro tempore, quo illius grex pusillus erat: sicut in veteri Lege unus erat Sacer- dos, ad quem omnes Judei respicere debebant, quia Lex Mosaica ad unam nationem restricta erat. Nunc verò ubi Christiana Reli- gio in totum Orbem diffusa est, uni dari Orientis & Occidentis moderationem, quis non videat esse prorsus absurdum, ut si quis contenderet totum mundum ab uno regi?

Deinde si Petrus Principatum habuit inter Apostolos: ergo Ecclesia in qua sedit, hoc privilegium habere debet. Cum autem primum sedisse Antiochiæ dicant, cur hoc privilegium Antioche- næ Ecclesiæ non deferunt?

Respondeo ad primum: Christum dedisse Petro curam pa- scendi oves suas, non limitatè ad Personam, sed præfigens modum, quo volebat oves suas esse pascendas, nempe ab uno, qui vices Pa- storis, loco sui in Cælos ascendentis, succellivè in eas gereret, & hoc ut unitatem gregis sui stabiliret. Noverat oves suas per totum Orbem dilatandas, imò ipse hoc præceperat Marci 16. v. 15. cum ait: *Euntes in Mundum universum, prædicate Evangelium omni crea-*

*suræ* : & tamen eas omnes pascendi curam soli Petro commisit : non quòd ipse solus per se ipsum omnes pasceret ; sed ut alii in partem sollicitudinis vocati , ab ipso ut habente plenitudinem potestatis in fide , cum oporteret , confirmarentur , & propterea ne in fide unquam deficeret , pro eo solo Patrem se rogasse Christus protestatus fuit . Hanc methodum suscepit ac servavit semper Ecclesia . Multiplicati fuerunt per Orbem Episcopi , qui gregis Christi partem sibi commissam pascere , omnes ad Petrum ejusque Cathedram , tanquam ad unitatis , & fidei Catholicæ centrum semper respexerunt .

Hanc veritatem agnovit , & confessus est S. Cyprianus in Africa Episcopus Lib. de Unitate Ecclesiæ , ubi præmissis Christi verbis ad Petrum , & maxime his *Pasce oves meas* : dicit : *Super illum unum ædificat Ecclesiam suam & illi pascendas mandat oves suas . Et quamvis Apostolis omnibus post resurrectionem suam parem potestatem tribuat & dicat „ Sicut misit me Pater & ego mitto vos , accipite Spiritum Sanctum . Si cui remiseritis peccata , remittentur illi ; si cui tenueritis , tenebuntur „ : tamen ut unitatem manifestaret , unam Cathedram constituit , & unitatis ejusdem originem ab uno incipientem suâ auctoritate disposuit . Hoc erant utique & ceteri Apostoli pari consortio præditi & bonoris & potestatis , sed exordium ab unitate proficiscitur . Primatus Petro datur , ut una Christi Ecclesia & Cathedra una monstraretur . Et Pastores sunt omnes , sed grex unus ostenditur , qui ab Apostolis omnibus unanimi consensione pascatur . . . . Hanc Ecclesiæ unitatem qui non tenet , tenere se fidem credit ? Qui Ecclesiæ renititur & resistit , qui Cathedram Petri super quam fundata est Ecclesia , deserit , in Ecclesia se esse confidit ? Et infra : Episcopatus unus est , cujus à singulis in solidum pars tenetur . Ecclesia quoque una est , quæ in multitudinem latius incremento fecunditatis extenditur ; quo modo solis multi radii , sed lumen unum : & rami arboris multi , sed robur unum tenaci radice fundatum : & cum de fonte uno rivus plurimi defluunt , numerositas licet diffusa videatur exundantis copie largitate , unitas tamen servatur in origine . Avelle radium Solis à corpore , divisionem lucis unitas non capit : ab arbore frange ramum , fructus germinare non poterit : à fonte præcide rivum , præcisus arefcet . Sic & Ecclesia Domini luce perfusa per Orbem totum radios suos porrigit , unum tamen lumen est quod ubique diffunditur , nec unitas corporis separatur : ramos suos in universam terram copiâ ubertatis extendit , profluentes largiter rivos latius expandit : unum tamen Caput est , & origo una , & una Mater fecunditatis successibus copiosa . Illius satum nascimur , illius lacte nutrimur , spiritu ejus animamur . Adulterari non potest Sponsa Christi , incorrupta est & pudica : unam domum novit , unius cubiculi sanctitatem casto pudore custodit . Hæc nos Deo servat ,*

bac

*hæc filios regno quos generavit assignat. Quisquis ab Ecclesia segregatus adultera jungitur, à promissis Ecclesiæ separatur: nec perveniet ad Christi præmia, qui relinquit Ecclesiam Christi; Alienus est, profanus est, hostis est. Habere jam non potest Deum Patrem, qui Ecclesiam non habet Matrem. Si potuit evadere quisquam, qui extra Arcam Noe fuit, & qui extra Ecclesiam foris fuerit, evadit. Hæc ex Cypriano Lectori meo exposui, ut si in Ecclesiæ Unitate sit, spe in Domino gaudeat; si verò extra Ecclesiæ Unitatem persistat, quid sibi immineat, seriò recogitet, ac sue æternæ salutis consulat.*

Quod secundo Calvinus dicit, contra ipsum urgeo. Si Ecclesia, quam Christus super Petrum ædificavit, & contra quam portas inferi non prævalituras promisit, non est Romana sed Antiochena, cur istam non elegit ut Matrem? At noverat, se ab ista quoque, etsi à Romana schismate divulsâ, fore ut spurium rejiciendum, uti de facto contigit. Nam cum Cyrillum Lucari Patriarcham Constantinopolitanum Calvini dogmata adoptasse, Ecclesiæ Græcæ comperisset, tribus Synodis, Constantinopolitana sub Parthenio anno 1642., Hierosolymitanis sub Dositheo anno 1642. Cyrillum & Calvinistarum errores damnavit. Ecclesiæ ergo Romanæ, cui usque ad mortem præfedit, Primatum tibi à Christo concessum reliquit Petrus. Hoc omnia retrò secula agnoverunt. Unde S. Augustinus Epist. 162. modò 43. impudentiam Donatistarum redarguit, quòd adhuc in schismate persistant, cum se videant damnatos etiam judicio Romanæ Ecclesiæ, in qua semper Apostolicæ Cathedræ viguit principatus. Quod hoc invictum argumentum demonstrat, quia in ea sola impleta est promissio, quam Christus fecit Ecclesiæ quam in Petro ædificabat, nempe, quòd *portæ inferi non prævalerunt adversus eam*. Nam cum omnes aliæ Ecclesiæ quibus Apostoli præfuerunt, à fide defecerint, sola hæc Sancta & Apostolica à fide quam ab Apostolis accepit nunquam declinavit. Defecit Hierosolymitana Ecclesia, cui præfedit Jacobus: defecit Achaja, ubi Andreas: defecit Asia, ubi Joannes: defecit India, ubi Thomas: defecit Persis, ubi Judas: defecit Æthiopia, ubi Matthæus: defecit Phrygia, ubi Philippus: defecit Græcia, ubi Paulus: sola tuit & est Ecclesia Romana, ad quam ut scribit Cyprianus Epist. 55. *perfidia habere non possit accessum*. Quare Irenæus L. 3. c. 3. *Maximæ*, inquit, & antiquissimæ & omnibus cognita, gloriosissimæ duobus Apostolis Petro & Paulo Romæ fundata & constituta Ecclesiæ, eam, quam habet ab Apostolis Traditionem, & annuntiatam hominibus fidem per successiones Episcoporum pervenientem usque ad nos, indicantes, confundimus omnes eos, qui quoquo modo, vel per sibi placuit, vel vanam gloriam, vel per cæcitatem & malam sententiam, præterquam

oportet colligunt. Ad hanc enim Ecclesiam propter potiorem principalitatem necesse est omnem convenire Ecclesiam, hoc est, eos qui sunt undique fideles, in qua semper ab his sunt undique conservata est ea, quæ est ab Apostolis Traditio. Ita seculo secundo Irenæus Episcopus Lugdunensis sentiebat de Ecclesia Romana, quam Calvinus alii-que Recentiores sui similes, quia eorum erroribus resistit, contemnere & calumniis proscindere non desistunt.

XXVIII. Hinc Romanum Pontificem *Antichristum* vocat Calvinus Lib. 4. Inst. cap. 7. §. 25. & in eum quadrare aſſerit, quod Danielis 7. v. 25., & 2. ad Theſſal. 2. v. 4. de Antichristo dicitur. Hæc blasphemia, quam Lutherus primus evomuit, tacta est vulgaris & quasi testera omnium recentium Sæclarum, ut Romano Pontifici applicari possit, quod de Christo Simeon prædixit Lucæ 2. v. 34. quod positus sit in signum, cui contradicetur. Acatholici enim, præsertim recentiores, legum omnium excuſſo iugo, nullum volentes, cuius auctoritate contineri possint, omnes sagittas suas in Romanum Pontificem velut in scopum convertunt: sed sagittæ redibunt in sagittarios: nam stabit Christi promissum, quod contra ipsum & Ecclesiam portæ inferi non prævalebunt, sed ipsi veri Antichristi præcursores spiritu oris ejus interficientur: & in eis implebitur quod ex Paulo 2. ad Theſſal. cap. 2. in Romanum Pontificem impiè distorquent.

Aliud ibidem §. 27. turpissimum de doctrina Romanæ Ecclesiæ addit mendacium: *Quasi verò, inquit, dubium sit, qualem Religionis speciem professi sint jampridem Pontifices cum toto Cardinalium Collegio, & bodie profiteantur. Primum enim arcana Theologia, quæ inter eos regnat, caput est: nullum esse Deum. Alterum: Quæcumque de Christo scripta sunt ac docentur, mendacia esse ac imposturas. Tertium: Doctrinam de futura vita & ultima resurrectione meras esse fabulas.* Et §. 28. de Joanne XXII. ait: *Qui palàm asseruit, animas esse mortales, unàque cum corporibus interire usque ad diem resurrectionis*

At quis non videt, has atroces esse calumnias, & impudentissima mendacia? Ubi enim pro Deo, pro Christo, pro futura vita & ultima resurrectione, fortius quàm Romæ semper pugnatum est, & adhuc pugnatur? Hoc de sua schola dicere debuisset, de qua extat celebre dictum, *Calvinismus facilem parat viam ad atheismum.* Quid moderni ejus Sequaces sentiant de Deo, de Christo, de futura vita, de resurrectione, eorum Libri, qui in dies prodeunt, nimis apertè nec finè horrore demonstrant. Quod verò imponit Joanni XXII., putidissima calumnia est, ut ostendi Tom. 2. in 1. p. Qu. 2. de Visione Dei Dub. 3. §. 4. num. 34. Visus est quidem Joannes

nes propendere in opinionem, Animas sanctas usque ad supremum Iudicii diem Visione beatifica Dei non fruituras: quæstio enim hæc tunc nondum erat à Sede Apostolica definita; sed in utramque partem agitabatur. Sed non asserendo, nec ut ex Cathedra loquens dixit, sed opinando & ut privatus doctor; ut citato loco §.4. demonstravi & in Vera Eccl. Tom.1. cap.10. §.4. num.20.

Porrò etli darem, Joannem XXII. in opinione, cuius oppositum nondum Ecclesia definierat, inclinasse, in hoc eum carpere non potuisset, cum ipse etiam post definitam in Concilio Florentino veritatem, ausus fuerit Lib. 3. Inst. cap. 25. §. 6. asserere, tum præmia Beatorum, tum damnatorum supplicia manere suspensa usque ad Christi adventum in fine Mundi his verbis: *Interea quum Scriptura ubique jubeat, pendere ab expectatione adventus Christi, & gloria coronam edusque differat; contenti simus his finibus divinitus nobis præscriptis: animas piorum militia labore persunctas in beatam requiem concedere, ubi cum felici latitissâ fruitionem promissæ gloria expectant: atque ita omnia teneri suspensa, donec Christus appareat Redemptor. Reprobis verò eandem esse sortem dubium non est, quam Judas Diabolis assignat, vinculos catenis teneri, donec ad supplicium, cui addicti sunt, trahantur.* Ita Calvinus. Non ita tamen dives ille Epulo Lucæ 16. qui sepultus in Inferno Cùm esset in tormentis, exclamavit dicens: *Crucior in hac flamma.*

XXIX. Ecclesiam dicit non habere potestatem ferendi leges, quæ conscientiam obligent Lib.4. Inst. cap.10.: Constitutiones Ecclesiasticas, sive quæ caeremonias ac ritus, sive quæ disciplinam spectant, perniciosas esse & impias, ibidem §.9. &c. Peto; si Ecclesia non habet à Christo potestatem condendi leges & præcepta obligantia in conscientia, cur Christus de peccatore, qui noluit fraternis monitis corrigi, dixit Matth. 18. v. 17. *Dic Ecclesie. Si autem Ecclesiam non audierit, sit tibi sicut Ethnicus & Publicanus?* Insuper. Cur conversus ad Apostolos statim subjunxit: *Amen dico vobis: quæcumque alligaveritis super terram, erunt ligata & in Cælo, & quæcumque solveritis super terram, erunt soluta & in Cælo.* Quod supra cap.16. v.19. soli Petro Capiti dixerat *Quodcumque ligaveris super terram* &c. modò omnibus Apostolis repetens dicit Ecclesiæ. Dum ergo ea quæ Petrus & Apostoli seu Ecclesia ligaverint super terram, ligata fore & in Cælo promittit Christus, numquid non dat Ecclesiæ potestatem ferendi leges in conscientia, & coram Deo obligantes? Præterea Paulus ad Romanos cap. 13. v. 1. feribit: *Omnis anima potestatibus sublimioribus subdita sit: non est enim potestas nisi à Deo, quæ autem sunt, à Deo ordinata sunt.* Itaque qui resistit potestati, Dei ordinationi resistit. *Qui autem resistunt, ipsi sibi damna-*

*damnationem acquirunt*. His Paulus declarat Principibus laicis, & seculari potestati, quia à Deo est, ejusque legibus sub damnationis poena, idest in conscientia, obediendum esse. Et Calvinus contendit, Ecclesiae leges non obligare in conscientia: Ecclesiam, inquam, ad quam regendam eodem Paulo teste Act. 20. v. 28. Episcopos Spiritus Sanctus posuit: *Attendite vobis & universo gregi, in quo vos Spiritus Sanctus posuit Episcopos regere Ecclesiam Dei, quam acquisivit sanguine suo*. Hoc dixit Paulus, quia providebat, brevi ex ipsis lupos rapaces erupturos, ac viros loquentes perversa ut abducant discipulos post se; moneus Pastores Ecclesiae, ut vigilent. Propterea Calvinus sibi conscius, ac sciens Ecclesiasticas leges suo fini fore perniciosas, eas & tanquam non obligantes in conscientia, ac propterea despiciendas proposuit; & quae caeremoniae, ritus, & disciplinam spectant, ut perniciosas & impias, ipse verè impius abolere, & sic uno ictu totum Ecclesiae etiam veteris ordinem evertere tentavit.

XXX. Hinc Quadragesimale Jejunium inter superstitiosas observationes enumerat L. 4. Inst. c. 12. §. 20. ubi carpens Veteres quasi in Jejunii laudes nimium effusos: *Et tunc, inquit, passim invaluerat superstitiosa Quadragesima observatio: quia & vulgus eximium aliquod obsequium Deo se in ea praestare existimabat, & Pastores eam commendabant pro sancta Christi imitatione, quum planum sit, non ideo jejunasse Christum, ut aliis exemplum praescriberet*. Indè §. 21. in abstinentiam à carnibus diebus jejunio sacris insurgens: *Lata sunt, inquit, impiae leges, quae conscientias exitialibus vinculis stringunt. Interdictus carnis usus, quasi hominem contaminaret*. Additque specie jejunii & abstinentiae divites Deo illudere, dum lautissimas piscium parant mensas, in quibus ingurgitant. Sed hic est aliquorum fortè abusus, quem Ecclesia damnat, cum plerique certè pii jejunium, & abstinentiam ad macerationem carnis frequentent. Pro jejunio & abstinentia in Quadragesima & aliis diebus fusè contra Piceninum Calvinii gregalem egi in Vera Ecclesia Tom. 2. p. 1. toto art. 6. Interim Calvinistae & alii qui jejunia & abstinentias contemnunt, adeant inter veteres Basilium Homil. 2. de Jejunio, & videant, quantum à Catholica antiqua Ecclesia sint alieni.

XXXI. Ecclesiae legem de celibatu Sacerdotum tyrannicam vocat, & Verbo Dei contrariam Lib. 4. Inst. cap. 12. §. 20. Certè, inquit, quoddam Sacerdotibus interdictum fuit conjugium, id factum est impiè tyrannide, non modò contra Verbum Dei, sed etiam contra omnem aequitatem. Haec est totius pseudo-Reformationis basis. Ab hac exordium fecit Lutherus, qui Sacerdos & Monachus sacrilegus cum Moniali nuptias contraxit, quem omnes, qui eum sequuti sunt,

sunt, imitati fuere, ut ex dictis apparet. Porro cum adversus hunc errorem multa scripserim in Vera Ecclesia Tomo 2. p. 1. art. 5. & in Colloquiis Theologico-Polemicis Classe 1. non est cur in eo refusing manum iterum hic apponam.

XXXII. Vota abstinentiæ, jejunii, peregrinationum ad sanctiora loca, licet fateatur aliquot seculis sub specie Religionis frequentata fuisse, ipse tamen damnat, non solum ut inania, & nugatoria, sed ut plena manifestæ impietatis Lib. 4. Instit. c. 13. §. 6. Monasticum Ordinem non esse singularem statum adipiscendæ perfectionis. Imò quot sunt hodie Monasteria, tot esse dicit schismaticorum conventicula: & quasi Christus esset divisus, varia factionum nomina sibi indiderunt, & *pro Christianis, alios Benedictinos, alios Franciscanos, alios Dominicanos vocari fastuose affectant*. Ita ibidem §. 14., non advertens, quod licet in eis diversa sint nomina, in eis tamen divisus non est Christus, sed unus in omnibus spiritus pro Christo ejusque fide tuenda, & toto Orbe disseminanda, verbo & scriptis contra eos, qui eam quoquo modo lædere conati sunt. Quod moderni A Catholicis experti sunt, & in dies experiuntur. Dicere potius & verè dicere debuisset, Christum divisum fuisse in Lutheranis, in sui & aliorum Sectariis, quorum quilibet Christum & suum Evangelium se habere gloriantur: cum tamen de singulis Christus dicat *Non novi vos: ac de eis locutus fuerit Matth. 24. v. 23. Si quis vobis dixerit, Ecce hic est Christus, aut illic: nolite credere. Surgent enim pseudo-Christi &c.*

Prosequitur Calvinus §. 15. suas in Monachos blasphemias, dicens, Monasteria esse potius lupanaria, quàm castitatis sacra, nec aliter porcos in hris saginari, quàm Monachos in cœnobiis. Et quamvis negare non possit, aliquos ex eis esse bonos: hos tamen ab ingenti malorum multitudine non solum contemni, sed crudeliter tractari dicit. Vota paupertatis & obediencie superstitionis esse pronuntiat, & per ea Deo & hominibus illudi. Votum tamen continentie à primis seculis nuncupatum negare non audet §. 17., sed illud probat: *Fateor certè, inquit, antiquitatis quoque receptum fuisse hunc morem: sed eam ætatem sic ab omni vitio liberam fuisse non concedo, ut pro regula habendum sit, quidquid tunc factum est.* Et concludit, Monachos omnes Christianæ privilegio libertatis à vinculis votorum absolvi, maxime si ad celibatum se quis idoneum non agnoscat, quia supponitur, Deum tale votum non acceptasse. His monachatum & vota ab Ecclesia penitus auferre contendit; quem omnes moderni Sectarii secuti sunt. Contra hunc errorem videri possunt, quæ dixi in Vera Ecclesia Tom. 2. p. 1. art. 5., maxime §. 7. & in Colloquiis Classe 1.

XXXIII. Quam-

XXXIII. Quamvis Lib. 4. Inst. c. 9. §. 8. quatuor priora Concilia admittat, ac veneretur, quia eorum decreta Sacra Scriptura putat esse conformia, undè ait: *Priscas illas Synodos, ut Nicenam, Constantinopolitanam, Epheſinam primam, Chalcedonenſem ac ſimiles, quæ conſutandis erroribus habitæ ſunt, libenter amplectimur reverenterque ut Sacroſanctas, quantum aſtinet ad fidei dogmata; nihil enim continent, quàm puram & nativam Scripturæ interpretationem, quam Sancti Patres ſpiritali prudentiâ ad frangendos Religionis hoſtes qui tum emerſerant accommodarunt.* Generaliter tamen Concilia Generalia in tradendis fidei dogmatibus & Scripturæ Sacra interpretatione errare poſſe dicit. Potestatem enim interpretandi Sacram Scripturam *ſine provocatione* penès Eccleſiam non eſſe: nec ſemper veram eſſe, & certam Scripturæ interpretationem, quæ Conciliorum ſuffragiis fuerit recepta, ſed eorum decreta Verbo Dei examinanda. Ita diſcurrit §. 14. ubi Conciliis Romanenſibus ſub Papa coactis, quamquam ex Sacra Scripturæ interpretatione pronuntiant, ſtandum non eſſe concludit.

Ad tam execrabilem Calvinî impudentiam quis non exhorreat? Petam igitur. Si in definiendis fidei dogmatibus iudicium Eccleſiæ in Conciliis (ſc̃ilicet ſœcumenicis congregatæ adeò tutum non eſt, quin liceat, ad alium Iudicem provocare, ad quem ipſe provocabit? Dicit: ad Deum in Scripturis loquentem. Benè. At etiam Concilia ex Deo in Scripturis loquente ſua decreta ediderunt: & tamen dicis fieri potuiſſe, ut Dei mentem non ſint aſſecuta: & ideò ad alium Iudicem eſſe provocandum. Quis ergo erit iſte Iudex, cui mentem ſuam Deus revelavit, ut ejus iudicio tutò ſtandum ſit? An tu, & alii pseudo-reformatores? Ità ſentis. At oſtende mihi ex Scripturis, vobis factam à Deo hanc promiſſionem. Eam factam Eccleſiæ à Chriſto, Matthæus teſtatur cap. 28. cùm poſtquam dixerat Apoſtolis *Euntes docete omnes gentes*, ſubjunxit: *Et ecce ego vobiscum ſum omniſibus diebus uſque ad conſummationem ſæculi.* Vel ergo Chriſtus ante modernos pseudo-Reformatores cum Eccleſia non fuit, & eam in via ſalutis & doctrine errare permilit, ac promiſſis non ſtetit: vel, ut verum eſt, Calvinus & alii ab Eccleſia ſegreges, non à Chriſto, ſed à Satana ad eam à veritate fidei ſeducendam miſi ſunt. Sed quia tibi ipliſ ſolis datam eſſe veram Scripturæ intelligentiam & interpretationem jactant, eos mendacii unico Scripturæ textu ad evidentiam convincam. Circa ſenſum horum Verborum Chriſti: *Hoc eſt Corpus meum, Hic eſt Sanguis meus*, rejectâ Eccleſiæ Catholice perpetuâ interpretatione, nempe, Corpus & Sanguinem Chriſti verè & realiter in Euchariftia adeſſe per Tranſubſtantiationem panis in Corpus, & vini in Sanguinem



nem Christi: rejectâ, inquam, tanquam erroneâ, ipsi in eis interpretandis discordes sunt. Lutherus, & qui cum eo sunt, sensum verborum hunc esse volunt, quod Corpus & Sanguis Christi verè quidem ibi adsint, sed simul cum pane & vino; alii quidem etiam extra functionem, alii in sumptione tantum. Calvinus verò, Zuïnglius, & Colampadius contendunt, sensum verborum illorum esse, quod Corpus & Sanguis Christi ibi solum sint tanquam in figura & signo. Alterutram ex dictis interpretationibus falsam, & à mente Christi alienam esse oportet. Quænam ergo erit sensui Scripturæ & menti Christi conformis? Lutherus suam dicit: Calvinus verò & focii, suam. Ego autem neutram, & quidem verè, dicam. En iisdem armis, quibus Ecclesiam Catholicam aggrediuntur, ipsos perculos ac prostratos.

## §. IX.

*Errores circa Sacramenta generatim.*

XXXIV. **S**acramentum Lib. 4. Instit. cap. 14. §. 1. ita definit: *Externum esse Symbolum, quo benevolentie erga nos sue promissiones conscientis nostris Dominus obsequat ad sustinendam fidei nostræ inbecillitatem: & nos vicissim pietatem erga eum nostram, tam coram eo & Angelis, quam apud homines testamur.* Nomine autem Benevolentie Predestinationem intelligit, seu æternam illam caritatem, quâ Deus Electos diligit: in solis enim Electis Sacramenta vim suam exercere asserit: *Sedulo, inquit, docemus, Deum non promiscuè vim suam exere in omnibus qui Sacramenta recipiunt, sed tantum in Electis. Nam quemadmodum non alios in fidem illuminat, quam quos prædestinavit ad vitam: ita arcana Spiritus sui virtute effecit, ut percipiant Electi quæ offerunt Sacramenta, Reprobis peræque Sacramenta ministrantur: Veritas autem signorum ad hos solos pervenit.* Quomodo alii A catholici definiant Sacramentum, quomodo verò Catholici, videri possunt quæ dixi Tomo 2. in 3. p. q. 1. Dub. 1. §. 2. & 3. ubi refutatis erroribus, Catholicam veritatem statui.

XXXV. Verbum, quo Sacramentum conficitur, non confectorium, sed dumtaxat concionatorium, idest, annuntians Dei promissionem esse contendit. Ita Lib. 4. Instit. cap. 14. §. 4. *Verbum, inquit, intelligere debemus, non quod sine sensu & fide insusurratum solo strepitu, velut magicâ incantatione consecrandi elementi vim habeat: sed quod prædicatum intelligere nos faciat, quid visibile signum sibi velit.* Quod ergo sub Papæ tyrannide factitatum est, non caruit

Tom. VII. Par. V.

S

in-

*ingenti mysteriorum profanatione, putarunt enim satis esse, si Sacerdos, populo sine intelligentia obstupente, consecrationis formulam demurmuraret: Imò id datâ operâ caverunt, ne quid doctrinæ inde ad plebem perveniret; omnia enim latine pronuntiarunt apud homines illiteratos. Et post multa concludit: Ergo cum de verbo sacramentali fieri mentionem audimus, promissionem intelligamus, quæ clard voce à Ministro prædicata, plebem ed manuducat, quò signum tendit, ac nos dirigit. In hoc convenit etiam Lutherus. Sed uterque delirat. Aliud enim est verbum hominis, quod ad instructionem suscipientis præmittit qui Sacramentum conferre vult (quod tamen de necessitate non est, ut dum baptizantur parvuli) & hoc etiam apud nos, & quidem linguâ vulgari ad modum Catechismi præmittitur. Aliud est Verbum Dei, quo conficitur Sacramentum, & est pars essentialis ejus: & hoc debet esse verbum consecratorium; & hoc est, de quo S. Augustinus dicit Tract. 80. in Joann. *Accedit Verbum ad Elementum, & fit Sacramentum*. Utrumque indicavit Christus Matth. 28. v. 19. Cum enim ait Apostolis: *Euntes docete omnes gentes*, ecce verbum concionatorium, cum verò addit: *Baptizantes eos in nomine Patris & Filii & Spiritus Sancti*, ecce verbum consecratorium. De hoc locutus sum Tom. 2. in 3. p. Qu. 2. Dub. 2. §. 3.*

XXXVI. Nullam inesse Sacramentis vim & efficaciam conferendi gratiam ex opere operato, sed solùm excitare, & alere fidem, eo modo quo prædicatio Verbi, asserit Lib. 4. Inst. cap. 14. §. 14. *Magno enim consensu Soppistica Scholæ tradiderunt, Sacramenta novæ Legis, hoc est, quæ nunc in usu sunt Christiana Ecclesia, iustificare & conferre gratiam, modò non ponamus obicem peccati mortalis. Quæ sententia dici non potest quàm sit exitialis & pestilens, edque magis quòd multis ante seculis magnâ Ecclesiæ jacturâ in bona Orbis parte obtinuit. Planè certè diabolica est. Nam dum justitiam citra fidem pollicetur, animas in exitium præcipites agit: deinde quia justitiæ causam à Sacramentis ducit, miseras hominum mentes in terram suapte sponte plus satâ inclinatas, hæc superstitione illigat, ut in spectaculo rei corporeæ potiùs, quàm in Deo acquiescant.*

Propterea §. 17. *Quamobrem, inquit, fixum maneat, non esse alias Sacramentorum, quàm Verbi Dei partes: quæ sunt offerre nobis ac proponere Christum, & in eo cælestis gratiæ thesauros: nihil autem conferunt aut profuunt, nisi fide acceptâ, non secus ac vinum, vel oleum, vel alius liquor, quàmlibet largè infundas, effluet tamen ac peribit nisi aperto vasis ore: vas autem ipsum undique perfusum, inane nibilominus ac vacuum manebit. Cavendum præterea, ne in errorem hujus affluem nos abducant, quæ ad amplificandam Sacramentorum dignita-*

tem paulò magnificentiùs à veteribus scripta sunt : ut scilicet arbitremur latentem aliquam virtutem Sacramentis adnexam affixamque esse, quo ipsa per se Spiritus Sancti gratias nobis conferant, quemadmodum vinum in cratere propinatur : cum hoc tantum divinitus illis injunctum sit munus, testificari nobis ac sancire Dei in nos benevolentiam. Ita Calvinus Sacramenta ad mera sigilla Dei benevolentiam nobis testificantia reducit : & nedum Recentiores, sed & Veteres damnat, quasi id, quod solius Dei est, nempe gratiam sanctificantem conferre, Sacramentis quæ res corporeæ sunt, adjudicarent ; quo factum sit, ut homines in spectaculo potius rei corporeæ quàm in Deo acquiescant.

Sed Calvinum, & alios similis furfuris, vel in Catholica doctrina prorsus esse jejunos, vel ei calumniam falsò imponere, jam ostendi Tomo 2. in 3. p. qu. 2. Dub. 1. ubi dixi, Doctrinam Catholicam semper fuisse, solum Deum esse causam principalem Gratiæ ad eam causandam in eis, qui cum fide & bene dispositi accedunt ; sed uti Sacramentis tanquam instrumentis, & per ea dignè suscipientibus gratiam suam largiri, & aditum ad æternam gloriam aperire. Hoc didicit à Christo ipso Joan. 3. v. 5. dicente : *Nisi quis renatus fuerit ex aqua & Spiritu Sancto non potest introire in Regnum Dei*. Ubi *ly ex Aqua & Spiritu* denotat causalitatem principalem Spiritus, & instrumentalem Sacramenti. Unde Paulus ad Titum 3. v. 5. *Salvos nos fecit* (inquit) *per lavacrum regenerationis*, ubi *ly per* denotat causam instrumentalem. Cætera citato loco videnda relinquo, sicut etiam Adversariorum momenta soluta. §. 3. & 4.

Quia verò Calvinus, & sui gregales obstrepunt contra Catholicos quòd dicant, Sacramenta causare gratiam *ex opere operato*. unde dicto cap. 14. §. 26. Calvinus ait : *Hujus quoque rei breviter admonitos esse Lectores expedit, quidquid de opere operato nugati sunt Supbistæ, non modò falsum esse, sed pugnare cum Sacramentorum natura, quæ instituit Deus ut fideles vacui bonorum omnium, & inopes, nihil præter mendicitatem eò afferant. Unde sequitur, ea recipiendo nihil istos agere, unde laudem mereantur, vel in actione (quæ eorum respectu merè passiva est) nullum illis posse opus adscribi*. Sed hic Calvinus dum putat opus operatum à nobis Sacramentis assertum esse opus hominis, & suscipientis, in Theologia prorsus hospitem & peregrinum se prodit. Sciat ergo Calvinus, quòd cum dicimus Sacramenta causare in nobis gratiam *ex opere operato*, non intelligimus opus operatum ab homine, vel ministrante, vel suscipiente Sacramentum, quasi vi hujus conferat Sacramentum gratiam, aliàs deberet dici, quod eam conferant *ex opere operantis*. Sed opus

operatum Christi, qui merito sue passionis communicat Sacramentis ab ipso institutis vim & efficaciam conferendi gratiam illis qui debite dispositi ad ea accedunt. Hec est doctrina Catholica, de qua etiam locutus sum loco supra citato §. 2. & 3.

XXXVII. Ex præcedenti errore alterum intert Calvinus, nempe, Inter Sacramenta Veteris & Novæ Legis quoad vim & efficaciam nullum esse discrimen. Ita Lib. 4. Init. c. 14. §. 23. ait: *Scholasticum autem illud dogma (ut hoc quoque obiter perstringam) quo tam longum discrimen inter Veteris ac Novæ Legis Sacramenta notatur, perinde ac si illa non aliud quam Dei gratiam adumbrarint: hæc verò præsentem conferant, penitus explodendum est. Siquidem nibilo splendidius de illis Apostolus, quam de his loquitur (1. Cor. 10. v. 3.) quum docet Patres eandem nobiscum spirituales escam manducasse: Et escam illam Christum interpretatur. Quis inane ausit facere signum illud, quod veram Christi communionem Judæis exhibebat? Et post multa: Nec verò Baptismo nostro plus tribuere fas est, quam ipse alibi (Rom. 4. v. 11.) Circumcisioni tribuit, quam vocat sigillum justitiæ fidei. Quidquid ergo nobis hodie in Sacramentis exhibetur, id in suis olim recipiebant Judæi, Christum scilicet cum spiritualibus suis divitiis.*

De hoc egi Tomo 2. in 3. p. qu. 4. de Efficacia Sacram. Dub. 4. ubi ostendi ex Scriptura & Patribus, Sacramenta Vetera non contulisse ex se gratiam, sed solum ex fide suscipientis in Christum venturum, Nova verò annexam operi habere justificationis gratiam. Hinc S. Augustinus in Psal. 73. *Alia, inquit, sunt Sacramentantia salutem, alia promittentia Salvatorem. Sacramenta Novi Testamenti dant salutem: Sacramenta Veteris Testamenti promiserunt Salvatorem. Mutata sunt Sacramenta, facta sunt faciliora, pauciora, salubriora, feliciora.* Conformiter ad hæc Qu. 25. in Numeros de Sacrificiis Legis, ait: *Quod si per se ipsa attendantur, nulli peccato possunt mederi: Si autem res ipse quarum hæc Sacramenta sunt inquirantur, in eis inveniri poteris purgatio peccatorum.* Hujus congruentiam indicat S. Th. 3. p. qu. 62. art. 6. Congruebat enim, ut quia omnis justificatio semper fuit per Christum, aliter justificaret Christus futurus, ac justificat Christus præsens. Christus enim præsens debet justificare eo modo quo operantur res præsentès: Christus autem futurus debuit eo modo justificare quo causant res futuræ: sed res præsentès possunt operari physice, agendo etiam per res externas, quibus utuntur ut instrumentis: res autem futuræ non possunt operari, nisi inquantum sunt intentionaliter in actu animæ eo modo quo finis movet, inquantum est in cognitione: ergo Christus præsens debet nos justificare active per Sacramenta, qui-

quibus ipse communicat vim ad causandam gratiam : Christus autem futurus debuit justificare ut apprehensus per fidem . Unde Sacramenta vetera erant quædam protestationes fidei , quâ credebatur in Christum venturum .

Nec Calvino suffragatur , quod ex Paulo colligit de Manna & aqua fluente ex petra , quæ fuerunt Judæis cibus & potus spiritualis . Nam ibi non intendit Paulus assimilare in omnibus Manna & aquam cum Sacramentis nostris , ut hæc non plus habeant : Sed solum ostendere quod licet omnes Judæi de cibo illo & potu spirituali quia figura erat Christi , participaverint , quia tamen non omnes Deo placuerunt , ideò plures eorum *prostrati sunt in deserto* . Et hoc idem eveniet nobis : unde subdit : *Hæc autem in figura facta sunt nostri , ut non simus concupiscentes malorum , sicut illi concupierunt : neque Idololatæ efficiamini , sicut quidam ex ipsis* . In hoc ergo stat comparatio , non in vi , & efficacia . Præterea nec Manna , nec aqua illa fuerunt apud Judæos Sacramenta , cum ex illis etiam beatiæ comederent & biberent . Et dato quod fuissent , fuerunt tamen puræ figuræ , ideòque non tantæ virtutis , quantæ sunt nostra , quæ per illa figurabantur , sicut non tantæ virtutis est umbra , quantæ est corpus . Idem dico de Circumcisione . Erat enim signaculum justitiæ fidei . Quia scilicet justitia erat ex fide significata , non ex Circumcisione significante : & in ea conferebatur quidem gratia , non ex virtute Circumcisionis , sed ex virtute Passionis Christi , cujus signum erat Circumcisio , & cujus fidem qui eam suscipiebant , vel adultus pro se , vel alius pro parvulis , profitebantur . At Sacramenta Novæ Legis non fide solâ , sed vi & efficacîâ Passionis Christi jam peractæ in eis , & per ea operantis , gratiam conferunt . Videantur quæ dixi Tom. 2. in 3. p. qu. 4. Dub. 3.

XXXVIII. Characterem Sacramentalem , ceu figmentum excludit in Antidoto Conc. Trident. in Canonem 9. sess. 7. his verbis : *Quod de charactere indelebili fabulantur , ex eadem prodiit officina : nam Veteribus hoc totum ignotum fuit : & magis consentaneum est incantationibus magicis , quàm sanæ Evangelii doctrinæ . Eâdem ergo facilitate repudiabitur , quâ excogitatum fuit* . Hujus tamen nebule impudentem incitiam coercere sategi dicto Tomo 2. in 3. p. qu. 5. Dubio 1. ubi characteris nomen Veteribus ignotum non fuisset ostendi , dum aliqui eorum nomen characteris vel signaculi ( quod idem est ) usurparunt . In Scriptura verò licet vox characteris de Sacramentis non legatur , legitur tamen , per aliqua Sacramenta nos Spiritu Sancto signari . Ut de Baptismo apud Paulum ad Ephes. 1. v. 13. *In quo & credentes signati estis Spiritu promissionis Sancto* , & cap. 4. v. 30. *Nolite contristare Spiritum Sanctum Dei , in quo*

*quo signati estis*; idest, ut notat Chrysostomus Homil. 2. in cap. 1. ad Ephes. signati non tantum signo præscientiæ & prædestinationis, sed Spiritus Sancti, ut manifesti sitis, aliter tamen ac olim. Nam *signati fuerunt etiam Israelitæ, sed Circumcisione, sicut pecora, & bruta. Nos quoque signati sumus, sed sicut filii, Spiritu*. Estò autem signum hoc non sit sensibile in se ipso, quia est in anima; est tamen sensibile in sua causa, nempe in Sacramento, quo imprimitur, & in effectibus ad quos datur. Reliqua videantur quæ dixi citato loco, maxime §. 2. ubi Calvinii & aliorum fallacias retudi.

XXXIX. Tria tantum Sacramenta à Christo instituta agnoscit, Baptismum, Coenam, & Ordinationem. Duo quidem priora, ut omni Ecclesiæ communia; tertium verò pro solis Ministris speciale. Ita Lib. 4. Inst. Ubi enim cap. 18. §. 19. & 20. sola duo Baptismum & Coenam admittit; attamen cap. 19. §. 31. Ordinationem, quæ solâ manuum impositione sinè sacri Olei unctione fit, Sacramentis accenset: *Supereſt*, inquit, *impositio manuum, quam ut in veris legitimisque Ordinationibus Sacramentum esse concedo*. Et Lib. 4. Inst. cap. 14. postquam §. 19. Confirmationem, Pœnitentiam, Extremam unctionem, & Matrimonium à Sacramentorum numero expunxerat, §. 20. recensitis Judæorum Sacramentis: *Hæc*, inquit, *Judæorum fuerunt Sacramenta usque ad Christi adventum; i quo abrogatis illis, Sacramenta duo instituta, quibus nunc Christiana Ecclesia utitur, Baptismus & Cœna Domini. Loquor autem de iis quæ in usum totius Ecclesiæ sunt instituta. Nam impositionem manuum, quâ Ecclesiæ Ministri in suum munus initiantur, ut non invitatus patior vocari Sacramentum, ita inter ordinaria Sacramenta non numero*. Miror tamen, quòd inter ordinaria Sacramenta Calvinus non numeret Matrimonium, quod vult omnibus esse commune, & Sacramentum dicitur à Paulo Ephes. 5. v. 32. *Sacramentum hoc magnum est. Ego autem dico, in Christo, & in Ecclesia*. Ab hoc errore confutando hic abſtinebo; cùm de eo abundè dixerim Tom. 2. in 3. p. q. 3. Dub. 1., ubi §. 1. inconstantiam hæreticorum & varietatem circa numerum Sacramentorum ostendi. §. 2. veritatem Catholicam demonstravi. §. 3. eorum objectis respondi.

XL. Ministri intentionem non esse ad Sacramentum necessariam, effutit in Antidoto Conc. Trid. in Canonem 11. sess. 7. ubi loquens de intentione consecrantis: *Quod*, inquit, *de intentione consecrandi garrunt, à Sophistis nullâ probabili ratione sunt proditum*.... Ego verò Sacrosanctæ Christi institutioni tantum desero, ut si Epicureus quispiam, intus totam actionem subsannans, mihi Cœnam ex Christi mandato, & secundum regulam ab eo datam ritumque legitime administret, non dubito panem & calicem illius manu porrecta,

vera

*vera mihi esse Corporis & Sanguinis Christi pignora*. Hoc loquendi modo Calvinus videtur solum velle, quod, etsi Minister internè non intendat conferre imò derideat Sacramentum, dummodò tamen exterius seriò omnia secundum ritum legitimum peragat, valide conferat; Quam opinionem etsi ab aliquibus cæteroquin Catholicis, ut Catharino, Juvenin, Serry & aliis propugnatam, reprobaſſe viſus est Alexander VIII. 7. Sept. 1690. qui inter alias hanc Propositionem num. 28. damnavit: *Valet Baptismus collatus à Ministro, qui omnem ritum externum formamque Baptismi observat, intus verò in corde suo resolvit, non intendendo facere quod facit Ecclesia*. Si hoc Calvinus purè intenderet, eum in hoc A catholicum fortè non pronuntiarem.

Verùm quia probabile est, eum velle ita excludere intentionem Ministri, ut sentiat cum Luthero, quòd Sacerdos etiam leviss ac ludens dummodò omnia agat ex præscripto Christi, verè baptizat, & Eucharistiam conficit; idè ab hæresi in hoc eum non absolvo. Videre poterit Studiosus quæ de hoc dixi Tom. 2. in 3. p. Qu. 7. Dub. 2. & 3.

## §. X.

*Errores de Baptismo, Eucharistia, Scripturis &c.*

**XL.** **B**aptismus & Eucharistiam quam vocat *Canam* admittit quidem Calvinus ut Sacramenta, sed variis erroribus polluta. De Baptismo dicit, Baptisma Joannis idem esse, ac Baptisma Christi. Ita Lib. 4. Instit. cap. 15. §. 7. *Quo etiam certissimum fit (inquit) idem fuisse prorsus Joannis ministerium, quod Apostolis postea delegatum est. Non enim alium Baptismum faciunt diversæ manus quibus administratur, sed eundem esse eadem doctrina ostendit. In unam doctrinam Joannes & Apostoli consenserunt: utrique in penitentiam, utrique in remissionem peccatorum, utrique in nomen Christi. . . . Quare neminem perturbet, quòd alterum ab altero discernere Veteres contendunt, quorum non tanti nobis esse debet calculus, ut Scripturæ certitudinem quatesfaciat. Indè rejicit Chrysostomum, & Augustinum oppositum sentientes, quasi sibi majus lumen pro intelligentia S. Scripturæ affulſisset. Si ergo Baptismus Joannis erat idem ac Baptismus Christi, cur Joannes ipse Matth. 3. v. 11. dixit: Ego quidem baptizo vos in aqua in penitentiam. Qui autem post me veniet fortior me est. . . . ipse vos baptizabit in Spiritu Sancto & igni? Numquid Baptismus in aqua solum est idem, ac Baptismus in Spiritu Sancto? Si idem erat Baptismus quod Joannes*

nes, & Apostoli cum solâ diversitate manuum quibus ministrabatur: cur Paulus Act. 19. veniens Ephesum, & interrogans aliquos in quo baptizati essent, ac respondissent *In Joannis Baptismo*. v. 4. dixit: *Joannes baptizavit Baptismo penitentia populum, dicens in eum qui venturus esset post ipsum, ut crederent, hoc est, in Jesum*. Et his auditis, baptizati sunt in nomine Jesu? Erat ergo Baptismus Joannis preparatorius quidem ad Baptismum Christi, sed non idem cum illo: alioquin baptizati semel Baptismo Joannis non debuerent Baptismo Christi iterum baptizari. Sed de hoc egi Tom. 2. in 3. p. qu. 1. de Bapt. Dub. 1. ubi etiam Calvini momenta dissolvi.

XLII. Baptismum esse medium ad salutem necessarium negat: fideliumque parvulos sine Baptismo, si morte intercipiantur, salvari allerit, quod sancti sint, & Ecclesiæ membra: & in foederis hereditatem, statim ac nati sunt, à Deo recipiantur. Unde Lib. 4. Instit. cap. 15. §. 20. *At, inquit, periculum est, ne is qui ægrotat, si absque Baptismo decesserit, regenerationis gratiâ privetur. Minime verò. Infantes nostros antequam nascantur, se adoptare in suis pronuntiat Deus, quum se nobis in Deum fore promittit, seminique nostro post nos. Hoc verbo continetur eorum salus.... Quantum damni invexerit dogma illud malè expositum, Baptisma esse de necessitate salutis, pauci animadvertunt, idèdque minùs sibi curant. Nam ubi invaluit opinio, perditos esse omnes, quibus aqua tingi non contigit, nostra conditio deterior est quàm veteris populi, quasi restrictior esset Dei gratia quàm sub Lege. Venisse enim Christus censebitur, non ad implendas promissiones, sed abolendas: quando promissio quæ tunc ante octavum diem salutis conferendæ per se erat satis efficax, nunc absque signi adminiculo rata non esset.* Ita Calvinus.

Causam hanc contra ipsum & Pelagium aliosque fusè tractavi dicto l'o. n. 2. in 3. p. de Baptismo qu. 5. Dubio 1., ubi ex Scriptura & Patribus necessitatem Baptismi etiam parvulis demonstravi; quæ videri possunt. Ad ea quæ Calvinus objicit, breviter dicam, petens primò ab ipso, Filii Fidelium: quos dicit etiam antequam nascantur pronuntiatos esse filios Dei: nascuntur ne peccati originalis immunes, vel ejus forde maculati? Si dicat primum, sentit cum Pelagio. Si verò dicat secundum: ergo non nascuntur adoptati in filios Dei, sed ut adhuc filii iræ & damnationis, & adhuc indigentes, ut filii Dei & capaces salutis efficiantur. Quo autem id obrinebunt, nisi Baptismo? In hoc Calvinus deterior est Pelagio. Nam Pelagius negabat, parvulos nasci peccato originali infectos, & idèd eos sine Baptismo salvos fore dicebat, non tamen ad Regnum Cœlorum admittendos. At Calvinus eos nasci cum originali admittit, & sine Baptismo etiam Regni Cœlorum capaces pro-



pronuntiat. Quod autem secundò dicit; quòd filii Hebræorum morientes ante Circumcisionem, & diem octavum, adhuc salutis capaces erant, ideòque parvuli Christianorum deteriores essent, si hoc privilegio non gauderent; nihil eum juvat. Nam si ab exemplo puerorum Hebræorum qui morientes ante diem Circumcisionis salutis capaces erant, deduci hoc idem posset de pueris Christianorum morientibus ante Baptismum; cur sicut à debito Circumcisionis excluderentur femine, eas etiam apud Christianos, ne deterioris conditionis sint, non excludit? Sciat ergo legem Circumcisionis pro solis masculis, nec nisi octavo die à nativitate conferendæ, fuisse latam; & ideò æquum fuit, ut tam pro feminis quàm pro parvulis ante octavum diem decedentibus, continuaret remedium, quod ante institutam Circumcisionem, nempe fides in Christum sive propria sive offerentium, servabatur. At lex de Baptismo lata est pro omnibus, nec de eo suscipiendo determinatum tempus, sed statim ac semper ad salutem indispensabiliter obligans, ex præcepto Christi Jo. 3. v. 5. *Nisi quis renatus fuerit ex Aqua & Spiritu Sancto, non potest introire in Regnum Dei*. Licet autem Calvinus neget hic, Christum loqui de aqua Baptismi, oppositum tamen sentit quovis seculo Ecclesiæ, cui favet Paulus ad Titum 3. v. 5. dicens: *Salvus nos fecit per lavacrum regenerationis*. Adhuc tamen apertior est via salutis in Lege nova, quia Baptismus in materia communi, ubique obvia, à quolibet, ac ubilibet administrari potest. Hec duo postrema Calvinus non admittit, sed immeritò ut statim dicam.

XLIII. Supposito præcedenti errore, quòd Infantes in salutis discrimen non veniant, si absque Baptismo à vita migrent, alterum subijcit: nempe, laicos ac mulieres etiam in periculo mortis Baptismum administrare non posse. Ita Lib. 4. Instit. cap. 15. §. 20. *Quod autem, inquit, multis ab hinc seculis, ideòque ab ipso sæcæ Ecclesiæ exordio usu receptum fuit, ut in periculo mortis laici baptizarent, si Minister in tempore non adesset, non video quàm firmâ ratione defendi queat. Ne ipsis quidem veteribus, qui hunc morem vel tenebant vel putiebantur, constabat, an rectè id fieret. Hanc enim dubitationem præ se fert Augustinus (Lib. 2. contra Epist. Parmeniani cap. 13.) quum dicit „ Et si laicus necessitate compulsus Baptismum dederit, nescio, an piè quisquam dixerit esse repetendum. „ Nullâ enim cogente necessitate si fiat, alieni muneris usurpatio est. Si autem necessitas urgeat, aut nullum, aut veniale delictum est „. De mulieribus porro citra ullam dubitationem sancitum fuit in Concilio Carthaginensi 4. Can. 100. ne baptizare omnino præsumerent. Baptismum quoque in privatis ædibus, quâlibet ur-*

Tom. VII. Par. V.

T

gente

gente necessitate, conferri non permittit: sic tamen collatum, irritum non censet, ut nec administratum in Romanæ Ecclesiæ communione. Sic in Epist. ad Lelium Socinum.

Ita discurret Calvinus, cum enim, ut vidimus, non existimet, Baptismum tantæ esse necessitatis, quin sine illo possit homo salvari, propterea vult, à solis Ministris & in Ecclesia nullâ obstante necessitate peragi. At Ecclesia Catholica, quæ semper docuit, Baptismum tantæ necessitatis esse, ut sine illo salus haberi non possit, cuique etiam laico & mulieri concessit, ut urgente mortis periculo, & deficiente præsentia Ministri, illum validè & licitè conferre possèt, ubilibet periclitans inveniretur. Hoc ostendi Tomo 2. in 3. p. Qu. 4. de Ministro Bapt. Dub. 2., ubi iis quæ objicit Calvinus ex Augustino & Concilio Carthaginensi etiam satisfeci, quæ hic repetere superfluum foret. Solum repetam ex Tertulliano Lib. de Bapt. cap. 17. *Sufficiat scilicet in necessitate, ut utaris, sicubi aut loci aut temporis aut personæ conditio compellit. Tunc enim constantia succurrentis excipitur, cum arget circumstantia periclitantis.* Et rationem dat S. Th. 3. p. qu. 67. art. 4. quicumque sit qui baptizat, Christus est qui principaliter baptizat.

XLIV. Solam Baptismi suscepti recordationem peccata post Baptismum commissa expiare, asserit, absque Pœnitentiæ Sacramento. Ita Lib. 4. Inst. c. 15. §. 3. *Neque verò existimandum est, inquit, Baptisma in præteritum dumtaxat tempus conferri, ut novis lapsibus, in quos à Baptismate recidimus, quærenda sint alia nova expiationis remedia, in aliis nescio quibus Sacramentis, periurè ac si illius vis obsoleta esset. Hoc quidem errore olim factum est, ut nonnulli nisi in ultimo vitæ discrimine, atque adeò inter ultimos spiritus Baptismo initiari nollent, ut sic totius vitæ obtinerent veniam. . . . Itaque quoties lapsi fuerimus, repetenda erit Baptismi memoria, & hæc armandus animus, ut de peccatorum remissione semper certus securusque sit. Nam etsi semel administratus præteritis visus est, posterioribus tamen peccatis non est abolitus. Puritas enim Christi in eo nobis oblata est, ea semper viget, nullis maculis opprimitur, sed omnes nostras sordes obruit & extergit. Neque hinc tamen peccandi in futurum licentia captanda est. . . . Sed hæc doctrina iis tantum traditur, qui ubi peccaverunt, peccatis suis fatigati & oppressi gemunt, ut habeant quo se erigant, & consolentur, ne in confusionem ac desperationem ruant.*

Et §. 4. addit: *Equidem scio, aliud communiter receptum esse, Pœnitentiæ & Clavium beneficio nos obtinere post Baptismum remissionem, quæ primâ regeneratione per solum Baptismum nobis datur. Sed qui hoc comminiscuntur, in eo errant, quod non cogitant, potestatem*  
Cla-

*Clavium de qua loquuntur à Baptismo sic pendere, ut nullo modo separari debeat . . . . Et hic error commentitium Pœnitentiæ Sacramentum nobis peperit.*

Ex hæcenus dictis à Calvino apparet, quodcumque flagitium quamvis nefarium & horrendum Calvinistæ committant, modò se baptizatos meminere, eis ampliùs à Deo non imputari, sed prorsus condonari. An hæc doctrina facilem & amplam aperiatur ad omne scelus viam, prudens ac pius Lector judicet. Certè si aliquis diplomate, sigillo regio munito, in gratiam Regis acceptatus, post acceptationem contra legem Regiam in aliquo graviter deliquerit, ut in Regis gratiam iterum restituatur, & debitas pœnas evitet, non sat eierit, ut Regii sigilli jam accepti meminerit, sed oportebit ut per vera pœnitentiæ signa humilis à Rege veniam supplicet. Cum ergo juxta Calvinum Baptismus sit sigillum, quo Deus hominem adoptatum in suum testificatur: si post acceptum sigillum labatur in crimen, quomodo solâ recollectione accepti sigilli, absque ullo pœnitentiæ signo, culpâ ei remissâ in gratiam Dei restituetur? Manet in eo Baptismus, & in Baptismo janua aperta ad veniam pro peccatis post Baptismum commissis obtinendam, non solâ memoriâ Baptismi, sed Pœnitentiâ: unde S. Petrus arguens Simonem Magum, qui jam baptizatus in Simonie crimen lapsus fuerat, Act. 8. v. 22. non dixit ei: Recordare suscepti Baptismi, sed, *Pœnitentiam itaque age ab hac nequitia tua, & roga Deum, si fortè remittatur tibi hæc cogitatio cordis tui.* Deindè Christus Jo. 20. v. 23. Apostolis dedit potestatem remittendi & retinendi peccata, præter potestatem baptizandi, quam dederat eis Matth. 28. v. 19. Ad quid autem servisset potestas hæc remittendi peccata vel retinendi, si omnia solâ memoriâ Baptismi condonantur? Sed hæc adeò aperta sunt, ut in eis immorari non expediat.

XLV. Licet Eucharistiam, quam Cœnam vocat, Sacramentum esse non neget Calvinus, de ea tamen nimis blasphemè loquitur. Nam primò: Transubstantiationem panis & vini in Corpus & Sanguinem Christi velut signum impugnat. Secundò: Eucharistiam adorandam, asservandam, circumferendam, & extra usum & manducationem Sacramentum esse negat. Tertiò: Quam nobis commendat Christus, non aliam esse *quàm Fidei manducationem*. Quartò: Verba institutionis, *Hoc est Corpus meum, Hic est Sanguis meus*, figuratè accipienda esse, ut panis & vinum dicantur esse id quod significant; & eos, qui literalem sensum urgent, tanquam præposteris interpretes esse repudiandos. Hinc tollendam esse, omnis realis præsentie imaginationem; nam signa quidem in hoc Mundo sunt, cernuntur oculis, palpantur manibus; Christus tamen

men quatenus homo est, non alibi quàm in Cœlo est, nec aliter quàm mente, & fidei intelligentiâ quærendus. Hunc suum errorem passim effundit L.4. Inst. c. 17. & Catholicos, pro veritate realis præsentia & transubstantiationis invicem certantes, fallacibus argumentis & diſtictis de more laceſcit. Verùm quia contra hunc errorem jam egi supra cap. 87. in Berengario, & §. 4. etiam contra modernos Berengarianos, & antea fusè impleveram contra Jacobum Piceninum Calvinistam in Vera Ecclesia Tom. 2. p. 2. art. 12. & Tomo 3. in 3. p. de Eucharistia qu. 3. Dub. 1., ubi hanc tuissè perpetuam Ecclesiæ fidem ostendi, & adversa momenta dissolvi, idcirco ab ulteriori discussione in præsens abſtinebo.

Solum addam, quòd ne à veritate prorsus recedere Calvinus videatur, eamque vel nolens sub ambagibus verborum atque involucris cum sua sententia conciliare conatur. Dicto enim L. 4. c. 17. §. 11. ait: *Dico igitur in Cœna mysterio per symbola panis & vini Christum verè nobis exhiberi; adeòque Corpus & Sanguinem ejus, in quibus omnem obedientiam pro comparanda nobis justitia adimplevit: quo scilicet primum in unum Corpus cum ipso coalescamus; deinde participes substantia ejus facti, in bonorum omnium communicatione virtutem quoque sentiamus.* At, quæso, Calvine, si tu panem & vinum ponis nuda signa Corporis & Sanguinis Christi, quomodo dicere potes, per ea *Christum nobis verè exhiberi?* an per signum vel imaginem verè exhibetur id, quod significat vel repræsentat?

Insuper §. 32. Porro, inquit, *de modo si quis me interroget, fateri non pudebit, sublimius esse arcanum, quàm ut vel meo ingenio comprehendere; vel enarrari verbis queat; atque ut apertius dicam, experior magis, quàm intelligam.* Itaque veritatem Dei, in qua acquiescere tuò licet, hic finè controversia amplector. Pronuntiat ille *Carnem suam esse animæ meæ cibum, Sanguinem esse potum.* Talibus alimentis animam illi meam pascendam offero. In Sacra sua Cœna jubet me sub symbolis panis ac vini Corpus & Sanguinem suum sumere, manducare ac bibere; nihil dubito, quin ipse verè porrigat, & ego recipiam. Tantùm absurda rejicio &c. Si ergo fateris hoc esse mysterium, quod nec eloqui nec capere vales: si fateris, quòd Christus verè porrigat tibi, & tu accipias suum Corpus & Sanguinem sub illis symbolis, ut promisit in Cœna; cur Christo pronuntianti sub illis symbolis, se tibi tradere suum Corpus & Sanguinem dicendo, *Hoc est Corpus meum, Hic est Sanguis meus*, non captivas cum tota Ecclesiæ intellectum tuum in obsequium fidei, sed judicem te constituis mysterii, quod te non capere fateris? Dum panem & vinum ponis vacua & nuda signa Corporis & Sanguinis Christi: ubi erit mysterium, ubi arcanum, quod tu ipse non capere fateris?

XLVI. Do-

XLVI. Docet insuper, impios in Eucharistia non recipere, Christi Corpus, sed symbola tantum. Ita Lib. 4. Inst. cap. 17. §. 33. & 34. ubi post multa præcipue ex Paulo & Augustino concludit: *Unde sequitur, visibili tantum signo incredulos communicare. Contrarium tamen dicit S. Paulus 1. Cor. 11. v. 2. Quicumque manducaverit panem hunc, vel biberit calicem Domini indignè, reus erit Corporis & Sanguinis Domini; & v. 92. Qui enim manducat & bibit indignè, judicium sibi manducat & bibit, non dijudicans Corpus Domini.* Quòd si qui manducat & bibit indignè, manducaret & biberet sola symbola, & non Corpus & Sanguinem Christi participaret; quomodo diceret Paulus fieri reum Corporis & Sanguinis, & non dijudicare Corpus Domini? Sanè qui indignè sumeret imaginem vel figuram Regis, non propterea Regiæ Majestatis fieret reus, quod Calvinistæ negare non possunt, qui Imagines Christi & Crucis nedum indignè, sed contumeliosè tractarunt, & tractant; imò & ipsa symbola Eucharistica quoties in Ecclesiis Catholicorum invenerunt; nec tamen proinde ullius criminis reos se existimant. Dum ergo Paulus declarat, qui indignè sumit, fieri reum Corporis & Sanguinis Domini, manifestè demonstrat, illum non sola symbola, sed Corpus ipsum & Sanguinem Christi sub eis contentum indignè sumere.

Confirmat hoc S. Augustinus Lib. 5. de Bapt. contra Donatistas cap. 8. *Sicut enim, inquit, Judas, cui buccellam tradidit Dominus, non malum accipiendo, sed malè accipiendo, locum in se Diabolo præbuit: sic indignè quisque sumens Dominicum Sacramentum, non efficit, ut quia ipse malus est, malum sit, aut quia non ad salutem accipit, nihil acceperit. Corpus enim Domini & Sanguis Domini nihilominus erat etiam illis, quibus dicebat Apostolus: Qui manducat indignè, judicium sibi manducat & bibit.* Quæ repetit Lib. 1. contra Cresconium cap. 25. Item Epist. 120. (modò 140.) ad Honoratum cap. 27. loquens de superbis qui indignè communicant: *Es ipsi, inquit, adducti sunt ad mensam Christi, & accipiunt de Corpore & Sanguine ejus; sed adorant tantum, non etiam saturantur, quia non imitantur, exemplum scilicet Christi, qui pro nobis humiliavit se ipsum.* Ubi S. Doctor dicit, superbos accipere quidem Corpus & Sanguinem Christi & adorare, sed de eo non saturari, quia fructum non percipiunt. Et Epist. 162. (modò 43.) cap. 8. *Tolerat, ipse Dominus Judam, Diabolum furem & venditorem suum: sinit accipere inter innocentes discipulos, quod fideles noverunt, pretium nostrum.* Pretium autem nostrum non est buccella panis, sed vera Christi caro.

Immeritò itaque citato loco gloriatur Calvinus, se in hoc patro-

trum habere Augustinum, dum Tract. 26. in Joan. dicit: *Qui non manet in Christo, & in quo non manet Christus, procul dubio nec manducat (spiritualiter) carnem ejus, nec bibit ejus sanguinem, licet (carnaliter & visibiliter premat dentibus) Sacramentum Corporis & Sanguinis Christi) sed magis tantæ rei Sacramentum ad judicium sibi manducat & bibit.* Ex quibus deducit Calvinus manducare Sacramentum dentibus & visibiliter tantum, & non spiritualiter, esse Augustino idem ac manducare sola symbola visibilia, non verò accipere Corpus & Sanguinem Christi, quæ ibi invisibiliter sunt. Sed fallitur Calvinus. Augustinus enim dicit, quòd qui accipit indignè, frangit dentibus Sacramentum Corporis & Sanguinis Domini, & tantæ rei Sacramentum ad judicium sibi manducat & bibit: non ergo negat, qui indignè accipit, accipere verè Sacramentum Corporis & Sanguinis Domini, ac proindè Corpus & Sanguinem Domini, sed solum negat, ea accipere spiritualiter, hoc est ad nutritionem & salutem animæ, cum ea accipiat ad judicium, quia indignè accipit. Uno verbo, vult, quòd qui indignè accipit, accipiat quidem integrum Sacramentum, sed fructum & effectum Sacramenti non percipiat: & hoc est non percipere spiritualiter, sed solum visibiliter: *Quia (subdit) immundus præsumsit ad Christi accedere Sacramenta, quæ aliquis non dignè sumit, nisi qui mundus est.* Sed hæc sufficiant.

**XLVII.** Consuetudinem, quæ semel saltem quotannis communicare jubet, tanquam *certissimum Diaboli inventum, cujuscumque tandem ministerio in vestra fuerit*, reprobatur Lib. 4. Inst. cap. 17. §. 46. Putat enim, dum unus certus anni dies pro communione præscriptus fuit, excitatam fuisse in Christianis socordiam, ut toto anno ab hac mensa jejurent, imò si infra annum quis moriatur absque hoc salutari cibo decedat. Sed ut calumniatur, mendacium sibi confingit. Non enim annua Paschalis communio præcipitur, quasi eo solo tempore & non alio, etiam in mortis periculo, esset ad eam accedendum, sed ne ultra illud tempus differatur: idèoque ad tollendam quorundam socordiam, qui eam prorsus omittebant. Cæterum quàm frequens sit in Ecclesia Catholica apud veros ac pios utriusque sexus fideles sacræ communionis usus, & quàm solliciti sint ad subveniendum Sacramenti Eucharistiæ in periculo mortis constitutis, res adèò patens est, ut probatione non egeat.

§. autem 47. Communionem laicorum sub altera tantum specie perstringit: *Quæ, inquit, dimidiam Cænæ partem meliori populi Dei numero vel furata est vel eripuit, nempe symbolum sanguinis, quod laicis & profanis (his scilicet titulis hereditatem Dei insinuant) interdictum, paucis raris & ancillis in peculium cessit.* Edictum

*Num aeterni Dei est, ut omnes bibant, quod homo novus & contrariâ lege antiquare & abrogare audeat, edicens ne omnes bibant. Hanc causam egi supra contra Hufistas cap. 105. §. 6. & Tom. 3. in 3. p. de Eucharistia q. 4. Dub. 6. idè hinc abstineo.*

XLVIII. Contra Missam (quam vocat *Papalem*) Lib. 4. Institut. toto capite 18. impiè blasphematur. Eam dicit non esse Sacrificium pro vivis & defunctis à Christo institutum, sed *in signum contumeliæ Christum officere, Crucem ejus sepelire & opprimere, mortem ejus in oblivionem tradere, fructum qui ex ea nobis proveniebat tollere, Sacramentum quo mortis memoria relicta erat enervare, ac dissipare*: Cum tamen Missæ Sacrificium nil aliud sit, quàm memoria & representatio passionis & mortis Christi. Addit quod *in Missis privatis impius est abusus*; in quo Lutherum æmulatur. Videns autem, ex Veteribus aliquos, præsertim S. Augustinum nomine *Sacrificii* uti §. 10. Primò dicit: *Si de approbando Sacrificii commento, quale in Missa confinxerunt Papistæ, agitur, ejusmodi sacrilegio Veteres nequaquam patrocinari. Utuntur quidem illi Sacrificii vocabulo: verum simul exponunt, se aliud nihil intelligere, quàm memoriam verè illius & unici Sacrificii, quod in Cruce peregit Christus unicus (ut ipsi passim prædicant) noster Sacerdos.* Sed quid aliud intendit Ecclesia Catholica in Sacrificio Missæ, quàm oculis fidei hunc exponere quod Christus fecit in Cœna, & in Cruce consummavit, ut hoc totum in eorum memoriam revocet, & fructum passionis ejus percipiant? Hoc Sacrificio Missæ nil aliud quæritur, quàm ut quod Christus nobis promeruit unicâ illâ oblatione in Cruce factâ, id in nos transferre, & nobis ad salutem nostram applicare possimus, & implere credimus, quod Christus præcepit dicens: *Hoc facite in meam commemorationem.*

Totum hoc perdoctè explicat Hosius (de Missæ Sacrificio fol. 39. verso) hoc exemplo, „ Est fons, inquit, in medio Civitatis collocatus, omnibus expositus, à quo nemo arceatur, qui eo liberè uti possit: tam est autem copiosus & redundans, ut ad fordes omnium abluendas, ad sitim omnium omnium sedandam, ad reliquas necessitates omnes omnium explendas, abundè sufficiat. Num idè tu sitim tuam explevisi, aut sordes abluisti, quòd hic fons est in medio omnium expositus tam copiosus? Certè nisi ad eum accesseris, nisi ex eo hauseris, neque sordes ablueris, neque sitim sedaveris, neque ullum ex eo fructum perceperis, quàmlibet sit copiosus & redundans. Proinde qui vult ex eo fonte fructum capere, non spectat illum otiosus, ac illius tantum copiam & abundantiam admiratur; verum illud agit, ut quod videt omnibus communicatum, ejus ad se quoque partem

„ tem aliquam derivet : fistulas admovet, sive tubos aut canales,  
 „ per quos communem aquam in suum quoque privatam & pro-  
 „ prium usum transferat. Non dissimilis est ratio fontis hujus  
 „ vite perennis, qui in latere Christi in Cruce pendentis apertus  
 „ est. Est fons perennis, fons copiosus & redundans, qui ad abluen-  
 „ da totius Mundi peccata, ad salutem omnibus mortalibus con-  
 „ ferendam prorsus sufficit. Sed si vis usum aliquem hujus fontis  
 „ habere, si vis fructum ex eo consequi, necesse est, ut ad Christi  
 „ latus in Cruce pendentis fistulam applies, & per eam, qui so-  
 „ lus peccata nostra abluit, salutemque nobis confert, Christi  
 „ Sanguinem ad te derives atque attrahas, ut per eum ablutus &  
 „ sanctificatus eternam beatitudinem adipisci queas : non ipsius  
 „ fistule sive canalıs, verum Christi Sanguinis per canalem irri-  
 „ gantis, virtute. Hinc videre licet, quod omnia quaecumque ad  
 „ salutem nostram pertinent, nonnisi illi soli sacrificio in Cruce  
 „ peracto, nonnisi fonti qui apertus est in latere Christi tribuun-  
 „ tur : verum fructum ex illo fonte capere non possumus, nisi qui  
 „ fusus est ex Christi latere Sacrosanctus Christi Sanguis, eum per  
 „ instrumenta, & quasi canales quosdam ad nos derivemus. Ejus-  
 „ modi canalıs est Baptismus : ejusmodi canalıs quotidianum hoc  
 „ Sacrificium, quam vocamus Missam, per quam illius in Cruce  
 „ peracti Sacrificii, & fusi pro nobis pretiosi Sanguinis fructum in  
 „ nos transferimus, nobis applicamus & appropriamus. Falsò  
 „ itaque nobis impingunt Satanæ ministri, quod per quotidianum  
 „ hoc Sacrificium, illud in Cruce peractum obscuretur, cum il-  
 „ lustretur magis. An non absurdè facere censeretur, si quis ba-  
 „ ptizare se volentem insimularet, quod is per Baptismum obscu-  
 „ rare velit redemptionis beneficium in Cruce nobis obtentæ ? Et  
 „ redemptionem suam in aqua Baptismi collocare potius, quam in  
 „ Christi Sanguine, quo solo redempti sumus ? Cum in Baptismo  
 „ nihil aliud agatur, quam ut redemptionis in Cruce nobis obten-  
 „ tæ particeps fieri qui baptizatur, & ejus fructum in se trans-  
 „ ferre queat. Atqui non minùs absurdè faciunt, qui nobis obji-  
 „ ciunt, quod per quotidianum istud Sacrificium, illud quod in  
 „ ara Crucis peractum est obscuremus, ac ejus dignitati ac me-  
 „ rito detrahamus : cum nihil aliud agatur, nihil aliud queratur  
 „ à nobis in hoc quotidiano Sacrificio, quam ut quod Christus nobis  
 „ promeruit unicâ illâ oblatione in Cruce factâ, id in nos trans-  
 „ ferre, & eo ad salutem nostram uti queamus. . . Hactenus Cardinalis  
 „ Hosius, quæ exscribere placuit, quia in hoc doctrinam Catho-  
 „ licam mirè explicant, necnon Calvinı & aliorum contra Missæ  
 „ Sacrificium accusationes putidas calumnias esse demonstrant.



Cætera pro hoc dogmate videnda relinquo à me dicta, tum in Vera Ecclesia Tomo 2. p. 2. art. 13. tum in Tomo 3. in 3. p. de Euchar. ut Sacrificium est qu. 1. & 2. ubi variis dubiis hanc Catholicam veritatem statuere conatus sum.

XLIX. Fidem nostram solis Scripturis, non Traditionibus Apostolicis niti asserit in Antidoto Conc. Trident. ad sess. 4. *Quoad Traditiones*, inquit, *attinet: Scio, illarum non raram fieri mentionem à vetustis Scriptoribus: sed non eo consilio, ut fides nostra extra Scripturas excurret, in quibus ipsam perpetuo includunt.* Indè transiens ad Traditiones, quas Romana Ecclesia ut Apostolicas tenet, quæ verè Apostolicæ non sunt, concludit: *Ergo ut illis demus, instituta quadam posteris Apostolos Domini per manus tradidisse, quæ scriptis nunquam mandaverint, hoc nihil ad fidei doctrinam, ut apiculum unum indè eliciant: sed tantum ad externos ritus, vel decoro, vel disciplinæ servientes.* Pro Traditionibus pugnavi in Vera Ecclesia Tom. 2. p. 1. art. 4. & Tomo 1. in 1. p. qu. 3. de Locis Theologicis Dub. 3. ubi §. 1. ostendi quid & quotuplex sit Sacra Traditio & §. 2. Regulas traditi pro secernenda Traditione Divina à purè Apostolica, & Apostolica à purè Ecclesiastica: ex quibus manifestum fit, quòd Calvinus de more calumniatur cum Lib. 4. Inst. cap. 10. dicit, Romanos Doctores asserere, *nullam esse apud nos ceremoniam, quæ non pro Apostolica censeatur.* Indè §. 10. multis Ecclesiam Romanam onerat calumniis, quasi irritum faciat præceptum Dei propter traditiones hominum, & has transgredi pluris piaculi apud eam sit, quàm violare præceptum Dei, sed ab his reterendis me abstineo.

L. Quamvis solis Divinis Scripturis in rebus fidei standum esse velit, omnia tamen pro suo arbitrio disponens, aliquas, nempe Ecclesiasticum, Sapientiam Salomonis, Tobiam, Judith, & Libros duos Machabeorum è Canone Divinarum Scripturarum expurgit in Antidoto Conc. Trident. ad sess. 4. ubi dicit prætatos Libros in Canonem recipere esse præter Ecclesiæ Veteris consensum, quæ illos non ut Canonicos, sed ut Ecclesiasticos habuit, qui ad populum quidem legerentur, sed ad fidem dogmatum faciendam non valerent, cujus testes adhibet Rufinum & Hieronymum. Non negat, id quod modò Tridentini Patres statuunt, in Concilio Carthaginensi III. haberi, & ab Augustino probari: non tamen tanquam omnibus compertum, cum asserat, non idem suâ ætate sentisse omnes.

Attamen supponere debuisset Calvinus, ex Libris tum Veteris, tum Novi Fœderis, aliquos esse, de quibus in Ecclesia nunquam dubitatum fuit, qui propterea *Proto-canonicis* dicti sunt, idest

Tom. VII. Par. V.

V

pri-

primò regulares, quia tanquam Regula primitus habiti sunt. Alios, de quibus apud aliquos à principio dubitatum fuit, vocatos *Deutero-Canonicos*, seu Secundò-Regulares, quia etsi non primitivè, tamen secundò, idest procedente tempore, re magis comperit, tanquam Religionis Christianæ fontes universim acceptati sunt. Hujus secundi generis sunt prælaudati Libri. Cum enim in Canone Hebræorum non legerentur, de eorum auctoritate ab aliquibus olim dubitatum fuit. Verùm postquam à Concilio Carthaginensi III. in Canonem relati fuere, ab eo tempore universa Ecclesia ut Canonicos suscepit & suscipit, quidquid obstrepat Calvinus cum suis, quorum auctoritas flocci facienda est. Omnes præfatos Libros habendos esse ut Canonicos ostendi Tomo 3. præsentis Operis. De Libro Tobie egi cap. §. 2. de L. Judith. c. 6. §. 1. De Libro Sapientiæ c. 10. §. 10. De Libro Ecclesiastici eodem cap. 10. §. 12. De Libris Machabæorum cap. 22. §. 3. ; ibi dicta videre poterit Studiosus. Solum hic addam, inter Libros etiam Novi Testamenti à Tridentino inter Canonicos recensitos esse aliquos, de quibus olim dubitatum fuit, ut de Epistola Jacobi, de Epistola 2. Petri, de Epist. 2. & 3. Joannis, de Epist. Judæ, de Epist. ad Hebræos, & de Apocalypsi. Et tamen Calvinus istos, ut Canonicos admittit, nec quidquam contra eos obloquitur. Ergo Ecclesiæ judicium omnem dubietatem de istis abstulit, cur non & de illis? Non aliud certè dicere poterit, nisi se hos & non illos ut Canonicos acceptare, quia suo privato judicio, quod judicio Ecclesiæ firmius reputat, ita videtur. Quæ Hæreticorum impudentia & insania est.

II. Vulgatam Sacræ Scripturæ versionem, quam Patres Tridentini authenticam declarant, rejicit in Antidoto Conc. Trident. ad sess. 4. *In translationibus*, inquit, *præter unam vulgatam damnandis, ut crassior est infcitia, ita magis barbarum editum*. Sed in hoc, ut in aliis, vel fallitur, vel fallere voluit Calvinus. Concilium enim cæteras translationes non damnat, sed solum Vulgatam, ut tot seculorum usu consecratam, authenticam proponit. Ecce decretum: *Eadem Sacrosancta Synodus considerans, non parum utilitatibus accedere posse Ecclesiæ Dei, si ex omnibus latinis editionibus quæ circumferuntur Sacrorum Librorum, quamnam pro authentica habenda sit, innotescat; Statuit, & declarat, ut hæc ipsa vetus & vulgata editio, quæ longo tot seculorum usu in ipsa Ecclesia probata est, in publicis lectionibus, disputationibus, prædicationibus & expositionibus pro authentica habeatur, & ut nemo illam rejicere quovis prætextu audeat, vel præsumat*. Pro æquitate hujus decreti certavi Tomo 2. præsentis Operis cap. 7. ubi §. 1. Vulgatæ originem §. 2., ejus auctoritatem, & Tridentini decreti iustitiam ostendi, & §. 3. Hæretico-

ticorum objecta dissolvi. Quæ ibi Lectori videnda relinquo.

III. Cùm Tridentini Patres eâdem sess. 4. ad coercenda petulantia ingenia, decreverint, *ut nemo suâ prudentiâ innixus in rebus fidei, & morum ad adificationem doctrinæ Christianæ pertinentium, Sacram Scripturam ad suos sensus contorquens contra eum sensum quem tenuit & tenet Sancta Mater Ecclesia, cuius est iudicare de vero sensu & interpretatione Scripturarum Sanctorum, aut etiam contra unanimem consensum Patrum ipsam Scripturam Sacram interpretari audeat*: contra hoc decretum insanit Calvinus in Antidoto ad sess. 4., ubi licet fateatur, *sicuti non privato hominum arbitrio allata est Scriptura* (1. Petri 1. v. 21.) *ita indignum esse, ut ad privatam cuiusque sensum trahatur. Quin etiam si de obscuro loco ambigatur, quoniam sensu accipi debeat, non alia viâ meliori ad veram intelligentiam posse perveniri, quàm si pii Doctores religiosâ disceptatione in commune inquirant*; at qui debeant esse hi pii Doctores, per quorum inquisitionem assequi possimus veram Sacrarum Scripturarum intelligentiam, hic non dicit; sed solum invehitur in Patres Conc. Tridentini: *Volunt enim, inquit, tyrannico suo edicto, libertatem omnem ex Ecclesia tollere; sibi autem arrogare infinitam licentiam. Nam quaecumque suâ libidine sensum affuxerint Scripturæ, eum mox amplecti necesse erit. Præter ipsos verò nemini fas erit, quidquam ex Scripturis probare. Atque utinam præstaudæ tanti rei pares forent: sed boves ephippia sibi usurpant, vel potiùs asini lyram*. Ita de Concilii Tridentini Patribus insanus iste nebulò obloquitur, ut de Nicæno II. quod statuit Sacrarum Imaginum cultum & de omnibus aliis, quæ vocat Romanensia, quia Romani Pontificis auctoritate coacta. Hinc ut supra recensui §. 8. num. 33. sola quatuor priora Concilia conformiter ad Sacram Scripturam fuisse locuta admittit, reliqua verò errare potuisse, & de facto errasse in Sacræ Scripturæ interpretatione contendit. Sed cùm nec ipse, nec sui, ut ibi ostendi, de facto in intelligentia Sacræ Scripturæ conveniant, fieret ut in re gravissima nullus esset, cujus iudicio tutò standum esset. Uni ergo Ecclesiæ sub uno capite congregatæ hoc donum concessum est, ut fusè probavi Tomo 2. præfentis Operis cap. 12. quò Lectorem remitto.



## §. XI.

*De Calviniana disciplina & ritibus.*

I. **C**alvinus, qui titulo Ecclesiam reformandi novam in dogmatibus doctrinam confinxit, seu jam sepultam ab Inferis excitavit, novum etiam, vetere abolito, in ejus regimine ordinem, novam disciplinam, novos ritus in eam invexit. Episcopatum, de quo Paulus 1. ad Tim. 3. v. 1. & Episcopos, quos eodem Paulo teste Act. 20. v. 28. *Spiritus Sanctus posuit regere Ecclesiam Dei*, à suis coetibus penitus delevit, Episcopatum in *Ministerium* & Episcopos in *Ministros* convertens. De nomine & officio Ministri apud Calvinianos agit Florimundus Remundus in Synopsi L. 8. c. 6. & inferius exponam. Ad causas Ecclesiasticas cognoscendas erexit Tribunal, quod vocavit *Concistorium*, ut patet ex ejus Epistola ad Tigurinos Ministros, in qua describit causas ad ipsum deferendas, additque: *Non solos verbi Ministros sedere Judices in Concistorio: sed numerum duplo majorem, partim ex minori Senatu, & delectis Senioribus esse, ut vocant, partim ex majori deligi: ad hæc unum ferè ex ipsis Syndicis præsidere*. Concistorium hoc intra fines Ecclesiastici regiminis se se continere debet, ita ut nihil ordinariæ Magistratus potestati deroget, aut detrahat, ac verbi Ministri spiritali gladio contenti, civilem Magistratus jurisdictionem non attingant.

II. Modum verò, quo eliguntur Ministri, exponit Calvinus Epist. ad Gasparem Olevianum his verbis: *Primum eliguntur Ministri à nostro Collegio ( seu Concistorio ), ac datur illis Scripturæ locus, in cujus interpretatione Specimen suæ dexteritatis edant. Deinde examen habetur de præcipuis doctrinæ capitibus: tandem coram nobis, perinde ac apud populum concionantur. Adsunt etiam duo ex Senatu. Si probatur eorum eruditio, eos Senatui cum testimonio offerimus: in cujus arbitrio est non admittere, si eos minus idoneos esse judicet. Quod si recipiantur ( ut semper basileus contigit ) tum nomina promulgamus coram populo, ut si quod vitium latuerit, liberum sit singulis ante octo dies indicare. Qui tacitis omnium suffragiis probantur, eos commendamus Deo & Ecclesiæ. Hæc, teste Calvino, est forma electionis Ministrorum, quam ipse Genævæ introduxit: quæ quàm aliena sit ab ea, quàm à tempore Apostolorum Ecclesia semper servavit, nemo non videt. Nam Ecclesia electionem Ministri Episcopi potestati ac judicio semper reservavit: Calvinus ad judicium Concistorii ex laicis mixto, & demum Senatus, eam remittit.*

Ec-

Ecclesia suos Ministros semper saltem per impositionem manuum ab Apostolis edocta ordinavit. Calvinus, qui tamen Ordinem Sacramentis accenseret, impositionis manuum in suorum Ministrorum ordinatione mentionem non facit, sed solum dicit, *Commendamus Deo & Ecclesiae*. Hæcine est Ecclesia Christi, an verius Satanæ Synagoga?

III. Ab hac ut se liberent prætensi Reformatores in Gallicana Confessione dicunt: *Credimus, nulli fas esse suapte auctoritate invadere Ecclesiam gubernacula, sed legitimam electionem quoad ejus fieri potest, & quamdiu Dominus ejus rei potestatem facit, præeunte, adsciscisci unumquemque oportere. Addimus autem nominatim illam exceptionem, quoniam interdum, ut nostris etiam temporibus interrupto Ecclesiae statu necesse fuit, nonnullos extra ordinem divinitus excitari, qui Ecclesiam collapsam ruinas instaurarent*. Cum ergo vocationem atque legitimam missionem Ecclesiae Pastoribus necessariam negare non possint, nec Missionem primorum Reformatorum probare valeant, qui nec Episcopi nec Pastores fuerunt; ne cogantur fateri eos tanquam lupos ad dispergendas Christi oves in ovile Christi irruisse, exceptionem apponunt, eosque extra ordinem vocatos ac divinitus excitatos dicunt. Et hujus extraordinariae Missionis necessitatem in hypothese impossibili fundant, scilicet in statu Ecclesiae generali interruptione ac ruina: quasi Christi promissio, qui portas Inferi adversus Ecclesiam suam non praevaliturus asseruit, frustrari possit: aut quasi Spiritus ille Veritatis desierit eam docere omnem veritatem: aut Christo ipsi, qui promissit se cum ea futurum omnibus diebus usque ad consummationem saeculi, illam in fide conservandi ac tuendi defuerit potestas, aut voluntas.

At hujus extraordinariae ad Ecclesiam reformandam Missionis, ac suae ad eam promovendam à Deo factae delegationis testimonium exhibeant. Vitam, aut mores Apostolis conformes? non certe. Cum potius Lutheri præcipue & Calvini vita & mores, sensui ac libidini dediti, eos modo vivendi Apostolorum contrarios manifestent. Uniformitas in doctrina? Minime. Adeo enim, in docendo discordes sunt, ut eis evenerit quod Babelis ædificatoribus, ut *non audiat unusquisque vocem proximi sui* (Gen. 11. v. 7.) quod Sectæ, in quas dissecti sunt, aperte demonstrant. Signa & miracula & alia dona, quæ Christus promissit illis quos ipse mittebat, & quæ Deus dedit Moyse, Exodi 4. v. 5. *Ut credant, quod apparuerit tibi Dominus*? Nulla ostendere possunt. Quæ ergo ratione ostendere possunt sibi datam divinitus auctoritatem, novam & planè contrariam illi, quæ ab initio in Ecclesia & per secula suc-

successentia recepta erat ; Confessionem fidei condendi & promulgandi ; Missæ sacrificium abolendi ; Sacramenta minuendi ; Altaria destruendi ; Sacratissimas Ecclesiæ Leges abrogandi ; Romanum Pontificem , quem ut Petri successorem Ecclesia semper venerata est , tanquam Antichristum execrandi ; & Episcopos , qui in particularium Ecclesiarum regimine Apostolorum locum implere , penitus extinguendi , & totam Hierarchiam evertendi ? Certè si eis se divinitus ad hoc excitatos asserentibus , & nullo Divino signo comprobantibus , credendum est , eadem ratione Mahometo , Nicolao Storkio , & Muntzero aliisque Anabaptistarum Ducibus , & Socino cæterisque similibus impostoribus , qui se divinitus aflatos novam Religionem condidisse & extra ordinem se à Deo missos jactitantur , eadem fides præstanda erit .

IV. At iniquiunt , multi Episcopi in moribus & in fide defecerunt . Estò . Sed num ideo Episcopatus ab Ecclesia tollendus est ? Multi etiam Imperatores ac Reges tyrannicè , nec secundum leges gubernarunt : num proinde Imperialis ac Regalis potestas ab Orbe eliminanda est ? Multi particulares Episcopi suo muneri & fidei quoque defuerunt : at non propterea Episcopatus fuit deletus , sed his non privato iudicio , sed in Concilio reprehensis , & etiam exautoratis , alii fideles & probi substituti sunt . At Calviniani suo privato spiritu Episcopos & Episcopatum ab Ecclesia submoverunt . Scis quare ? Ne in Ecclesia esset auctoritas , quæ ipsos coercere , posset : & ut effræni libertate gauderent , omnia pro libito nemine obstitente evertendi ; & seculares Magistratus in patrocinium & regimen potius advocarunt , ad quorum complacentiam Religionem accommodarunt .

Non ita sensit Augustinus , qui in Psalm. 44. illa verba *Pro patribus tuis nati sunt tibi filii* ad Ecclesiam convertens : *Genuerunt , inquit , te Apostoli : ipsi missi sunt , ipsi prædicaverunt , ipsi Patres . Sed numquid nobiscum corporaliter semper esse potuerunt ? ... Ergo illorum abscessu deserta est Ecclesia ? Absit .* Pro Patribus tuis nati sunt tibi filii . *Patres missi sunt Apostoli : pro Apostolis filii nati sunt tibi , constituti sunt Episcopi . Hodie enim Episcopi , qui sunt per totum mundum , unde nati sunt ? Ipsa Ecclesia Patres illos appellat , ipsa illos genuit , ipsa illos constituit in Sedibus Patrum . Non ergo te pates desertam , quia non vides Petrum , quia non vides Paulum , quia non vides illos per quos nata es : de prole tua tibi crevit Paternitas :* Pro Patribus tuis nati sunt tibi filii : constitues eos Principes super , per omnem terram , . . . . *Hæc est Catholica Ecclesia : Filii ejus constituti sunt principes super omnem terram : Filii ejus constituti sunt pro patribus . Agnoscant qui præcisi sunt , veniant ad unitatem ,*

*adducantur in Templum Regis. Templum suum Deus ubique collocavit, fundamenta Prophetarum & Apostolorum ubique firmavit, filios genuit Ecclesia, constituit eos pro patribus suis principes super omnem terram.* Hæc est præcipua ex Catholice Ecclesiæ Notis, de quibus fusè egi in Vera Ecclesia Tomo 1.

V. Sed ad Calvini Concistorium revertamur : quale sit, & ex quibus constet, videamus. Ad hoc, cujus est, ut Calvinus voluit, conscientias regere ac judicare, ex omni hominum genere assumuntur, militibus, causidicis, opificibus, rusticis, ac penitus illiteratis. His ita electis, ac si, ut olim Apostoli, omnem veritatem edocti essent, judicantibus standum est. In his Concistoriis mercatores plerumque cæteris præferuntur; nec solum referendi, sed etiam cum patribus Concistorialibus tanquam de seniorum numero judicandi munus exercent. In summa, dimisso Concistorio, causidicus ad curiam, mercator ad forum, tutor ad sutrinam, rusticus ad aratrum redit, ac iidem omnes qui ante. Vide Lector, quale judicium à viris Ecclesiasticarum rerum prorsus ignaris sperari possit: nisi fortè putes, dum Concistorium ingrediuntur, coelitus delapsâ eos afflari sapientiâ. Isthis Concistoriis septem ad minus assidere debent. Sic unus causidicus, unus mercator, unus proxeneta, unus sartor, unus tutor, unus hortulanus, unus faber ferrarius, septem numero de rebus Ecclesiasticis decernendi, animæque ad Orcum demittendi habebunt potestatem. Hic etiam excommunicantur fratres, ac coetibus & Sacramentis arcantur, Ministro sententiam excommunicationis è suggestu pronuntiante.

Hoc in primitiva Ecclesia quis unquam audivit? Sicut & quoddam officia ista apud Calvinistas non sint perpetua, sed vel singulis annis, vel altero quoquo anno mutantur? Eadem tamen magnâ ambitione expetuntur. Concistorio, quod vel in Templo vel in Ministri ædibus celebratur, Minister præsidet. Quod si plures ejusdem Ecclesiæ sint Ministri, Præsidis munere fungitur is, cujus partes sunt eâ hebdomadâ concionari, idemque suffragia colligit, & decreta pronuntiat. Semel verò aut bis singulis septimanis Concistorium habetur, in quo seniorum querelæ, & accusationes contra quoscumque in medium proferuntur. Etiam si enim sæpe ingentes trabes in suis gestent oculis, ut olim Pharisei, tamen aliorum ingredi ædes, & minutissimas rimari festucas permissum est. Hi expiscantur, quomodo parentes liberos suos, mariti uxores, domini universam familiam tractent, qualem vitam singuli agant, quomodo rem familiarem administrent, ac an in Religione persistant, poenas ad defectus proportionem infligentes. Quin & hinc inde per civitatem ambulantes severo supercilio omnia observant,

& si

& si quid reprehensibile invenerint, statim in iudicium vocant. Nec ipsis Ministris parcentes; sed si quid excommunicatione dignum admiserint, simul etiam abdicantur. Hæc est forma Ecclesiastici regiminis à Calvino adinventæ, & in suis cœtibus observata.

VI. Circa modum baptizandi infantes, Calvinus in præcitata Epistola ad Olevianum: *Infantes, inquit, non baptizamus, nisi pro publica concione: quia absurdum videtur, ut solemnibus illa receptio paucos tantum habeat testes. Patres, nisi quid impediatur, jubentur adesse, ut stipulationi respondeant unâ cum fidejussoribus. Nemo tamen ad fidei iudicium admittitur, nisi qui ejusdem nobiscum est professionis. Arcentur & excommunicati ab hoc honore.* Ab hac solemnitate nulla necessitas excusat, quia, ut supra dixi, Baptisma ad salutem necessarium infantibus esse negat. Ritus in eo ministrando, quos Ecclesia semper adhibuit, tanquam superstitiones rejicit. Hos tamen propugnavi Tomo 2. in 3. p. q. 7. de Ritibus Baptismi Dub. 2. Anglo-Calviniani Crucis signum, & aliquas caeremonias à Catholicis acceptas in baptizandi ritu adhibent. Nulla habent ut plurimum Calvinistæ Baptisteria, vel si quæ in Ecclesiis Catholicis repererunt, eis non utuntur. Minister è suggestu baptizat. At in Hollandia ubi suggestus altiores sunt, Minister è suggestu formulam Baptismi prælegit, aliusque Minister, vel si non adest, ipse descendens infra suggestum, baptizat. An Baptismus ita collatus sit validus resolvitur Tom. 2. in 3. p. q. 4. de Ministro Bapt. Dub. 4. §. 2. num. 5. In Gallia verò, ubi suggestus paulò humilior est, infantes attolluntur, ut à Ministro proferente verba baptizentur. De Baptismo Calvinistarum agit Floremündus in Synopsi Lib. 8. cap. 10.

VII. Quoad Cœnam Domini, Calvinus in præcitata Epistola nil aliud dicit, nisi quòd ad eam nemini patet accessus, nisi antequam fidem suam professus sit. In eum finem quotannis habentur quatuor examina, ubi interrogantur pueri, & de profectu cujusque cognoscitur. Quoad majores natu, quotannis repetitur inspectio cujusque familiæ à Ministro cum uno ex senioribus. Illic novi incolæ examinantur. Qui semel recepti sunt, omittuntur, nisi quòd inquiratur, an domus sit pacata, & rectè composita quoad mores, & an pigri sint & ignavi ad Conciones frequentandas.

Ritus verò Cœnam celebrandi is est. Initio ad Concionem pro more accedunt, locus apparatu instructus est ordinario: cum tamen Salvator Cœnam celebraturus voluerit *Cenaculum magnum stratum* (Lucæ 22. v. 12.) idest tapetibus exornatum. Altare nullum est, sed nuda mensa. Finitâ concione, Minister de cathedra descendit, & supra mensam mappam sternit. Et hic omnis est ornatu,



natus, hæc eorum Altaria : quæ tota antiquitas adhibuit, isti despiciant ; cum negent, Coenam esse Sacrificium . Minister nullâ sacrâ veste, sed laicali aut quocumque ut ipsi placuerit habitu indutus, prætate mensæ, cujus fortè in popina aut alio protano loco usus fuit, eritque postea ad res quaslibet, impositam invenit patinam pane vulgari plenam, frustulatim ad eum modum conciso, quo ad comedendum ova aptari solet, vel etiam mantili involuto ; & ab altero latere lagenæ sunt cum vitris . Ministro assistunt Diaconi, homines aut aulici, aut cives, aut opifices, dum sint membra Concistorii .

His, ut dixi, ita præparatis, Minister sinè ulla prævia manuum lotionè, quæ antiquitus servata fuit, frustum panis illius pro se suscipit, idque frangens his verbis plerumque ex doctrina Calvinii utitur *Panis quem frangimus, communio est Corporis Christi*. Deindè ei, qui ex Concistorio primus adstat tantumdem porrigit dicens, *Recordare quòd Christus mortem pro te, & passionem subiit*. Alii inquirunt, *Hoc est Corpus, quod pro te passum est*. Alii nihil dicunt penitus, contenti dum panem porrigunt, oculos Cælum versùs sustulisse, ut omnia ex fide procedant; verbis autem nullus locus datur, quasi Christus dixisset, *Credite Corpus meum, & comedetis illud* ; non verò, *Accipite & comedite, Hoc est Corpus meum, quod traditur pro vobis*. Ubi verò Catholicis Sacerdos distribuens panem dicit, *Corpus Domini nostri Jesu Christi custodiat animam tuam in vitam æternam . Amen* ; Minister in distribuendo panem diversam ut libet diversis formulam profert ; unde fit, ut fratres communicantes reversi in locum suum, se se inutud interrogent, quid eis Minister porrigendo panem dixerit . Insuper Catholici sumentes panem dicunt, *Domine non sum dignus* &c. Calvinista ne verbum quidem loquens, accepto pane & vino abit . Catholici Eucharistiam ( etiam Papa ) genuflexi sumunt ; Calvinistæ Ministri porrigentis manum stantes osculantur, aut si honoratior sit qui panem est accepturus, ipse Minister panem osculatur, aut saltem ori propiùs admovet, eo ritu quo in urbanitatibus mundanis dantes aliquid alteri uti solemus .

Diaconus vicissim Ministro potum præbet, & post eum ipse bibit . Deindè ab altera mensæ parte Diaconus vitrum communicantibus porrigit, juxta Calvinii doctrinam dicens, *Poculum benedictionis, quod benedicimus, est communio Sanguinis Christi*, nonnumquam verò : *Recordare, quòd Sanguis Christi pro te effusus est*. Ita hoc Sacramentum ad puram memoriam reducunt . Unde stantes sumunt, vel potius eunt, & suam quisque portionem mandantes . Residuum si quid est de hoc pane pauperibus datur, nec

quidquam reservatur pro infirmis, sive absentibus, aut morituris; contra antiquissimam Ecclesiæ consuetudinem. Ad cœnam accedunt etiam non jejuni: & quamvis ipsi fateantur, neminem posse administrare Sacramenta, nisi cui publicè docendi munus incumbat, nihilominus contra hanc doctrinam usus obtinet apud ipsos, ut Poculum Diaconus vel superintendentium aliquis, ut dixi, distribuat, quin & alii ad Ministri libitum idem munus assumant. Sumto hoc modo inter eundem pane & vino, ad suum quisque locum si vult revertitur, & aliquid argenti in pelvim projicit, vel in ima parte mensæ pro pauperum vel etiam ipsius Ministri indigentis deponit. In hac actione procumbere in genua, aut quidquam devoti animi aut Religionis gestum præ se ferre nemo audet.

VIII. Hæc est Calvinistica Cœnæ forma, quam è Floremundo ex Calviniano Catholico, ac proindè conscio, collegi L. 8. cap. 12. quam si quis attentè perpendat, eam inveniet pro libito prociisam, ad nullum antiquitatis exemplar compositam, ad nullius Christianæ Ecclesiæ similitudinem conformatam, à nullo Concilio approbatam, nullâ tanto mysterio dignâ solemnitate conspicuam, nec quidquam habentem, quod Religionem sapiat vel excitet devotionem. Cum verè, ut dixi, ex hominum placito conficta sit, non eodem modo ab omnibus illius Sectæ celebratur. Genevenses enim panem azyumum & figura rotundum; Germani, Galli, Belgæ, Angli fermentatum, usualemque panem porrigunt, ac in longas partes dissecum, quas postea communicantibus frangunt. Basileæ & in aliis Helvetiæ locis fractio locum non habet. Genevenses Ministri dum panem distribuunt, nihil prorsus loquuntur. In aliis plerisque locis aliqua, sed non eadem verba proferunt, ut supra dixi. Anglo-Calviniani singularem Liturgiam habent. In Germania & Gallia communicantes mensam circumire solent, at in Gallia Diaconi ex artificum gregariorum numero plerumque electi, calicem propinant. In Angliâ verò & Belgio mensam non circumire, sed illi assidere solent: cum hoc tamen discrimine, quòd in Belgii plerisque locis, duodenarius communicantium numerus observetur, ut Ritus, inquirunt, ad primam Christi institutionem propius accedat. Angli verò Puritani ad viginti usque & plures longè admodum mensæ accumbunt, & ex tribus vel quatuor in ea positis scutellis, panis frustulis repletis, totidem scyphis Sacramentum suis ipsi manibus capiunt. Apud Anglo-Calvinianos verò, neque circumambulare, neque etiam mensæ accumbere solent: sed contra Minister circumit atque obambulat, deferens unicuique ad sedem suam utramque speciem Sacramenti. Anglo-Calviniani in calicibus, Puritani verò in vulgaribus poculis vinum propinant.

Ita

Ita refert Alexandre in Hist. Sec. 15. & 16. cap. 2. art. 12. §. 2. n. 51.

IX. Hoc prætereundum non puto, quod idem Alexandre ibidem num. 53. observat, nempe, quod cum ut supra ex Calvino dixi nemini ad Cœnam Calvinisticam pateat accessus, nisi ante fidem suam professus sit, ideoque Catholicum ab ea rejiciant, nisi prius ejuratâ de reali præsentia fide: Lutheranos tamen Augustinæ Confessionis, quamvis *Corpus Christi in pane*, seu *cum pane esse*, credant, ad suam Cœnam & Communionem admittunt Calviniani, ut ex decreto Synodi Carentonicæ anno 1631. celebratæ; quo etiam declaratur, illos in *Articulis fundamentalibus vere Religionis* cum Reformatis convenire, nullamque in eorum cultu idololatricam esse, vel superstitionem. Et Dallæus famosus Calvinianæ Sectæ Minister in Apologia Ecclesiarum Reformatarum pag. 43. asserit: *Huic opinioni nihil inesse veneni, neque ad aliquid inducere quod sit contrarium pietati, & caritati vel bono Deo aut hominum bono, eaque posse ac debere tolerari*. Ex hoc Calviniani Ministri sic argui possunt. Si Lutheranorum doctrina de reali præsentia nihil habet veneni, nihil involvit contrarium pietati vel honori Dei, & proinde ad Cœnam vestram eos admittitis; cur propterea in schismate à Romana Ecclesia perseveratis? Scio, respondebitis, Lutheranos Transubstantiationem non admittere, quam nos Catholici ut dogma fidei propugnamus. Sed audite Bezam vestrum Lib. de Cœna Domini contra Westphalum scribentem: *Retineri re ipsâ non posse veritatem in his Christi verbis*, „Hoc est Corpus meum, „quin Transubstantiatio statuatur; & rursus inferentem: *Vel Transubstantiatio ponenda est, vel Corpus*. Cum itaque vestro Dallæo teste, nullum sit in doctrina realis præsentiae venenum, nec ullum venenum est in doctrina Transubstantiationis.

At dicetis, Lutherani Sacramentum non adorant, ut adoratis. Ille est venenum, nempe, idololatria & superstitio. Ego autem reponam. Neque nos Sacramentum ipsum, seu symbola adoramus, sed Christum symbolis obvelatum, & realiter ac substantialiter sub ipsis præsentem; & omnino necesse esse illum in Eucharistia adorare, si sit in ea realiter præsens, asserunt vestri, Calvinus Dialogo 11. contra Heshumum, & Beza Lib. de Cœna Domini contra Westphalum pag. 245. ita scribens: *Illud verò præ cæteris demiror, qui adorationem istam liberam relinquant, qui tamen Christum re ipsâ corporaliter ut in Cælis cum pane adesse, dari & sumi fatearis. Id enim si ita esse crederem, adorationem illius præferebam non modò tolerabilem & religiosam, sed etiam necessariam arbitrarer*. Et Dallæus in Apologia non semel asserit, suppositâ præsentia Corporis & Sanguinis Christi in Eucharistia, illa posse ac debere adorari.

rari. Cùm itaque fides realis præsentie Corporis & Sanguinis Christi in Eucharistia nihil habeat contrarium articulis fundamentalibus veræ Religionis, nihil contineat veneni &c.: cùm insuper eâ politâ, debeat poni Transubstantiatio, & Corporis ac Sanguinis in Eucharistia adoratio; hocque vel Reformatores celebriores inter vos fateantur; cur contra nos Catholicos, qui hæc omnia credimus & observamus, murmurare non desistitis, & Lutheranos, qui unum tantum fatentur, ad communionem admittitis?

X. Sciatis tamen volo, vos & vestram Carentonicam Synodum in hoc apertè contradicere Patriarchæ vestro Calvino. Is enim de hoc consultus; an scilicet Lutheranorum, Witterbergenfium, & similibus Cœnæ interesse liceret, Epistola Genevæ data 22. Aprilis anno 1560., quæ extat Tom. 9. pag. 140. edit. Amstelodami ita respondit: *Porro quoddam me consulis, an tibi Sacram Christi Cœnam ex eorum manibus sumere liceat, quibus hæretici sumus, quia negamus Christi carnem dentibus atteri; quamquam mali exempli rem esse video, si quis à Cœna abstineat; perversa tamen, atque adeo perfida simulationis esset, accepto concordie symbolo, falsum illud & absurdum commentum, quod exitialibus præstigiis fidei principia evertit, vel tacite approbare; nisi clara & ingenua præcedat sana doctrinæ confessio. Nihil igitur melius fore arbitror, quam si liberè palamque testeris, te eorum culpâ à Cœnæ participatione prohiberi, quia puram & genuinam Christi doctrinam non admittunt.* Hoc zelo, sed non secundum Deum, scribit Calvinus.

XI. Quoad alios Calvinistarum ritus, præter Concionem & Cœnam, in canendis Davidicis Psalmis occupantur. Psalmorum cantus semper adeo celebris fuit, ut non solum Christiani omnes in Ecclesiis illum semper usurpant, unde Clericorum preces ex Psalmis præcipue constitutæ sunt, sed etiam Judæi tum olim in Templo Salomonis, tum modò in suis Synagogis adhuc vel cantant vel recitant. Imò & Turcæ, quorum Secta multa habet à Christianis & Judæis accepta, in cœtibus suis Psalmos hos, Sergii apostatæ & Mahometis collegæ operâ traductos, Arabicâ linguâ decantent, quod & apud Persas Æthiopes & Arabes in usu est. Fatetur enim eorum pseudo-Propheta Mahometes Azoara 12. Psalterium Davidis cœlitus missum esse: & hujus recitatio Oratio Meridionalis apud eos nuncupatur. Apud hæreticos verò vix aliquis inventus est, qui hæc cantica rejicere ausus sit, præter solos Anabaptistas, in quorum cœtibus nihil audias, nisi vocem prædicantis & exhortantis. Novarum tamen Religionum auctores Lutherus & Calvinus communes in suis cœtibus preces ferè nil aliud quam Psalmorum cantum esse voluerunt, quos in linguam vulgarem

rem propterea verterunt, & in multis perverterunt. Hoc apud suos etiam modò frequentatur, quamvis diverso ritu. Anglo-Calviniani Matutinas & Vesperas quotidie canunt, & hoc etiam organorum pulsus & vocali musicâ superpellicis induti; ceteri verò unum dumtaxat & alterum Psalmum canunt ante & post Concionem absque organis, nec vestes sacras & religiosas in Divino cultu ullas adhibent.

XII. Festa Sacra præter diem Dominicum exceptis Anglo-Calvinianis nulla celebrant. Jejunia etiam Quadragesimæ nulla apud ipsos ut præcepta habentur: Genevenses tamen œconomiae causâ diem Jovis pisculentam fecere, quia propter vicinum lacum *Lemanum* piscibus abundant; diem autem Veneris carnis esui destinant, propter libertatem, ut ajunt, conscientie. Apud Anglos verò abstinentia à carnibus diebus Veneris & Quadragesimæ œconomiae potius, quàm Religionis causa observatur. Ita, Alexandre loco supra citato num. 52.

XIII. Quoad matrimonium (quod à numero Sacramentorum expunxere) in Gallia desponsati in Concione se sistunt, ibi eos Minister nullâ intercedente caremoniâ, precatione, aut benedictione, matrimonio copulare consuevit. Mos diù obtinuit, ut matrimonium non nisi in exordio Concionis, & ante preces celebraretur, ne scilicet Sacramentale aliquid illi inesse per errorem existimaretur. Sed cum id nisi in conspectu populi fieri posset, ex quo varia sequebantur absurda; pluribus in locis introductum est, ut ad finem usque Concionis actus suspenderetur, & dimisso demum populo celebraretur. Graduum consanguinitatis, nisi inter fratrem & sororem, rationem non habent: nam qui sunt his remotiores sine discrimine junguntur, ut fratrum & sororum inter se filii, & avunculi cum nepotibus. In hoc tamen non omnes eorum Synodi concordant. Ita refert Remundus Lib. 8. cap. 13. n. 1.: ubi addit, quòd maribus anno vigesimo, & filiabus decimo octavo licet absque consensu parentum nuptias contrahere; & si infra sex hebdomadas à celebratis sponfalibus non ineant conjugium, cogi ad hoc à Concistorio juxta Genevenses Constitutiones.

XIV. Ad Matrimonia etiam quoad vinculum dissolvenda, non unicam aperit viam Calvinus. Primò solvi conjugii vinculum, adulterii causâ Lib. de Vera Eccl. Reform. dicit. "Ita ut si mulier virum adulterii convicerit, possit juxta leges Genevensium ab ipso latas divortium petere, & alteri nubere, & virum aliam uxorem ducere. Quòd si objiciatur Christus dicens Matth. 13. v. 9. *Qui dimissam duxerit, mœchatur*, dicit Calvinus citato loco, nempe quòd subaudienda est exceptio, quam posuerat: nempe, *nisi ob adul-*

*adulterium*. Verba autem Christi sine exceptione esse accipienda tenuit semper Ecclesia Catholica, ut ostendi Tom. 4. in 3. p. Qu. 5. de Matrim. Indissolub. Dub. 5. §. 2. Rursus in Epist. ad Valerianum Polanum ait: *Si certò constet, castè uxorem honestèq. vixisse, ac sanctam esse probæ uxoris officio; maritum verò fractâ & violatâ conjugii fide cum scorto in locum incognitum abiisse: causâ legitimè cognitâ, nubendi libertatem quam Dominus permittit, ab hominibus negari fas non esse arbitror.*

Hoc ex Genevensium lege, ita exponit Remundus c. 13. citato num. 4. *Si maritus nequam ab uxore discedat, annum integrum mulier expectet: eo exacto, si comperiat opus esse, ut denuò nubat, licebit ei præviis proclamationibus, id facere. Quòd si occupato jam loco vir ejus reversus fuerit, multabitur, prout videbitur æquitati consentaneum.* Forma autem hujus inquisitionis talis describitur: *“Jussam comparere coràm Concistorio, Minister habitâ prius admonitione, ecquid de viro suo inaudierit, interrogat: quâ jurejurando affirmante, se annum jam totum, ubi sit, ignorare; utrum donum continentia habeat, Minister quærit. Si respondeat, carnem infirmam esse, id dictum sapientibus illis sat est, nec mora; in potestatem alterius viri veniendi libertatem habet. Præstat nubere quàm uri.* An non ex hac Genevensium lege dissolutus quisque, vel uxorem tandem habens, jam rationem habet è vinculis conjugii se expediendi, vagæ libidini indulgendi, & de lecto in lectum transiliendi? Nonne hoc est viam sternere mulieri libidinose, quâ sub prætextu divortii etiam procurati ad secunda vota transeat, aut etiam lenonibus se tradat? Jam uni feminae duo aut tres erunt viri, & uni viro duo aut tres erunt uxores, omnes superstites: ut Geneva factum est, ubi intra sex menses tertiam uxorem quidam duxit, cum duas priores, Calvino inter alios judice, ut Lindanus affirmat, adulterii convicisset.

XV. Notæ sunt historię & exempla plurium utriusque sexus, etiam genere illustrium personarum, quæ relictis conjugibus suis Genevam tamquam in asyllum confugerunt & libertatem carnis amplexæ sunt. Nam simul ac ejusmodi mulier muros Geneva attingit, illico liberata est. Maritum oportet, vel illius Religionem amplecti, vel alibi uxorem quærere. Unum hoc factum quod Remundus citato loco refert, sufficiat, Quum Sabaudia Duci Pedemontana Regio restitueretur, Nobilem quemdam ex Occitania Dominum de Clariè libido incescit visenda Geneva. Itaque assumptis sociis, Nobili quodam Santonico, & alio quodam Aquitanico, Lavallo Domino adhuc vivente, quos eadem curiositas movebat, Genevam contendit. Quò ubi ventum est, Cal-

„ Cal vinum audiunt concionantem, quamvis omnes essent Ca-  
 „ tholici . Ibi Dominus de Clariè ad gregem seminarum oculos  
 „ circumferens, uxorem suam inter illas conspiciat . Attonitus  
 „ cum oculis & animo deliberat, num fortè deliraret, aut visus  
 „ ipsum falleret . Sed quò magis aspiciat, eò certius uxorem, &  
 „ cum ea etiam filiam suam agnoscit . Impatiens moræ, finem  
 „ tamen concionis expectat: tum surgente concione ad uxorem  
 „ accedit, quæ virum suum advenientem conspiciata, protinus  
 „ exclamat, & ad Calvinum exeuntem accurrens, *Domine*, in-  
 „ quit, *serva me* . Ille subsistens, & Nobilem istum videns jam  
 „ manu tenentem filiam, quid negotii sit, interrogat . Et illa,  
 „ *Vir*, inquit, *est meus, qui me abductum venit* . *Juva me, obsecro* .  
 „ Calvinus videns turbam circumstare ut exitum videret fabulæ,  
 „ domi se cogniturum hac de re pronuntiat: illo interim prohibi-  
 „ to cum uxore sua, nisi veniam impetratâ, colloqui . Vocatus eo  
 „ ipso die ad Calvinum, & postmodò ad Concistorium, uxorem &  
 „ filiam repetit . At illi urgent, ut exemplum ejus imitetur,  
 „ Evangelium amplectatur: Omnia relinquenda esse præ amore  
 „ Christi . Itaque cum nihil obtinere posset, metuens pejora, de  
 „ consilio aliorum clam se subduxit, uxore & filiâ in potestate,  
 „ Calvinî relicta . Hactenus Remundus: addens plura similia  
 „ sibi esse cognita exempla, quæ tamen omittit, prius enim tempus  
 „ quàm materia deficeret . Interim consideret Lector, quanti apud  
 „ istos Evangelicos ac pseudo-Reformatores Matrimonium  
 „ habeatur .

XVI. Demum Usuras nullo Scripturæ testimonio damnatas  
 esse, censet Calvinus in Responso de Usuris ( inter Epistolas pag.  
 223. ) *Nullo*, inquit, *testimonio Scripturæ mihi constat, usuras omni-*  
*nò damnatas esse . Illa enim Christi sententia quæ maxime obvia &*  
*aperta haberi solet: Lucæ 6., Mutuum date, nihil inde sperantes* „  
*malè hic detorta est . Quemadmodum alio loco notans splendida com-*  
*vivio, & divitum illam ad se mutuo excipiendos ambitionem, vocari*  
*potius ad illa epula jubet cæcos, claudos, & alios egentes homines, qui*  
*in compitis jacerent, quibus non esset par pari referendi facultas: Sic*  
*etiam notato illo loco, Christus correpturus illum hominum abusu in*  
*dando mutuo, præscribit nominatim illis dandum mutuum, à quibus*  
*nulla spes sit quidquam receptum recuperatumque iri .* Quibus non  
 recipere ex mutuo usuras, ad purum majoris perfectionis consi-  
 lium, & adhortationem, non ad præceptum reducit . Contrarium  
 tamen ex Scripturis tum Veteris tum Novi Testamenti constat,  
 nempe Usuras ex mutuo à Deo fuisse prohibitæ . Sed in hoc non  
 est mihi immorandum .

CA-

## CAPUT CXII.

## De Calvinistarum Sectis.

## §. I.

*Puritani, Independentes, Quakeri, Presbyteriani,  
& Anglo-Calviniani.*

I. **C**ALVINI Secta multas Europæ Regiones inquinavit, non eodem tamen modo ab omnibus suscepta, brevi in frustra confissa est. Qui Calvinum adamussum sequuntur, quales sunt in Gallia, Palatinatu, Helvetia, & plerique in Belgio, *Reformati* appellati sunt; *Puritani* verò in Anglia & Scotia dicti. His proximè accedunt *Independentes* & *Presbyteriani*. Altera Secta dicitur *Anglo-Calvinianorum*. Tertia *Piscatorianorum*. Quarta *Arminianorum*. De his erit sermo. Reformatos omitto, quia cum in nullo à Calvino dissentiant, eorum errores iidem cum erroribus Calvinii supra descriptis sunt.

II. Puritani, rigidiorum Calvinistarum Secta, in Anglia emerferunt circa annum 1565. vel 1568. Buttone, Colmano, & Allinghamo, aliisque promoventibus. Hi quotquot suæ Religioni non adherent averfantur, & præcipuè Catholicos, adeò ut orare nolint in loco, quem ab eis consecratum fuisse noverint. Eorum multi rejiciunt nedum Anglicanæ Ecclesiæ Ritus, sed quaecumque Liturgiam, ipsâ Oratione Dominicâ non exceptâ. Diem Dominicum eo scrupulo, quo Judæi Sabbatum, servant. Dignitatis Regiæ contemtore & inimici aperti sunt. Cum enim Carolus I. Rex Declarationem edidisset, quâ jubebat ut omnes Angliæ & Scotiæ Ecclesiæ in unam fidem convenirent, Parlamentum ex Puritanis pro majori parte compositum, ordinationis præfatæ executioni restitit: ex quo aliisque causis orta fuit conspiratio, quâ Rex ipse Carolus anno 1649. capite truncatus fuit. Anglicanæ Ecclesiæ disciplinam, liturgiam, Episcopalem Ordinem, aliaque velut parum diversa à Romanæ Ecclesiæ forma respuentes, Genevensi Ecclesiæ in omnibus se conformare tentarunt. Hoc licet pro votis eis non contigerit: Puritanorum tamen factio in Anglia & Scotia, adeò semper prævaluit, ut istorum operâ Jacobus II. è Regno ejectus in Galliæ asyllum se recipere coactus fuisse credatur. Unde Principe Arausico, & post ipsum Hannoveræ Ducibus in Regnum intrusus, legitima Regni hæres pia & Catholica ejus progenies, Re-



Regno adhuc carens Romanam Urbem suo honorat domicilio.

III. Independentes & Presbyteriani ad Puritanos accedunt, in Confessione fidei ab eis non dissentientes, in modo tamen Ecclesiam gubernandi, etiam inter se discordant. His admodum favit Oliverus Cromwellus, Regni Protector (potius Tyrannus) huncupatus. Volens enim Sectis omnibus, quæ in Angliam irrepserant, integram servare prout cuilibet placeret credendi libertatem, hanc Independentium Sectam prædilexit. Istorum præcipuum deliramentum est, unumquemque cœtum summum ac independens à quovis alio Jus habere: idèdque quidquid eorum cœtus in re Ecclesiastica statuisset, nullius iudicio aut correctioni, sive Episcopi, sive Synodi, sive alterius cœtus subesse. Conveniunt quidem, unam Ecclesiam juvare aliam posse consiliis & monitionibus, non tamen decretis ei præcipere, quia nulla aliâ superior est. Sic quod nedum Romanæ, sed & Universæ Ecclesiæ Concilii contra factum Apostolorum Act. 15., negant, cuilibet ac præcipuè suis cœtibus concedunt. Ad prædicationem neminem admittunt, nisi ejus doctrina de Religione & Divinis Scripturis publico examine probata fuerit. Ex probatis admittunt omnes quos spiritus incitat, unum ad prædicandum, alterum ad orandum, alterum ad Psalmos canendum, alterum ad prophetandum. In privatis domibus libentius quàm in Templis, quamvis aliquando etiam in istis cœtus suos habent. Coenam Dominicis diebus frequentare solent; ad eam tamen ex aliis Ecclesiis reformatis nullum admittunt. Ad eam celebrandam, nec concionem, nec cantum, nec præparationem ullam præmittunt, nec catechismum adhibent, ne supersticiosi videantur, sed capite prorsus cooperto eam sumunt. Infantes si ex eorum cœtu non sint nati, baptizare nolunt, quia neminem qui prius eorum Ecclesiam ingressus non sit, dignum existimant.

IV. Presbyteriani (Secta in Anglia potens) ab Independentibus recedunt, quod non quamlibet particularem Ecclesiam independentem, ut illi, existiment: sed particulares Ecclesias Classibus, Classès Synodis Provincialibus, has Synodo Nationali subijciant, & horum decreta jure Divino vim habere statuunt. *Presbyteriani* dicti sunt, quia à Senioribus, Græcè *Presbyteris*, etiam Laicis, Ecclesiam gubernari volunt: dicunt enim, Sacerdotes aut Episcopos à tempore Apostolorum usque ad annum 300., non majoris, sed paræ dignitatis, & auctoritatis fuisse ac *Presbyteros*; quod Scripturæ S. textibus probare nituntur. Et addunt, quod si aliquis Apostolorum aliquâ præ aliis auctoritate prætulisset visus fuit, hoc accidit ad tempus pro aliquibus controversiis di-

rimendis . Hunc errorem , quem ab Aerio hauserunt , suprà c. 49. §. 2. confutavi . Hinc apud Presbyterianos soli Seniores ad Ecclesiæ curam eliguntur , non juvenes , nisi fortè quis speciali dono , ut olim Timotheus , effulgeat . Secta hæc multum viget in Anglia .

V. Independentium prætenfa libertas apertam cuique prout libuerit impunè opinandi , & quamcumque Sectam in Angliam introducendi , viam reliquit . Hinc Anabaptistis in eo Regno tuta sedes paruit , qui tamen in nullo alio ab aliis Sectis dissident , quàm in Pædobaptismo : Antinomis , idest Legis Adversariis , qui ut supra dixi cap. 109. §. 5. num. 7. à Joanne Agricola Lutheri discipulo orti , Legem veterem ut jam impletam , & in multis cum Evangelio pugnantem rejiciunt : Antiscripturians , quibus tota Scriptura contemptui est , dum se eundem ac Prophetæ & Apostoli habere spiritum gloriantur .

VI. His accesserunt *Quakeri* seu *Tremulantes* : Qui se in hac vita planè perfectos , & à peccato mundos existimant , & in ecstases frequenter incidere simulant : quo tempore toto corpore contremiscunt , quia , ut ajunt , magnitudinem illam lucis ac splendoris Divini , quâ obruuntur , ferre non possunt . Secundùm hanc lucem , quæ omnibus datur , vivendum esse docent . Omnes Religionis caeremonias , & etiam civiles , tum in actibus , tum in verbis esse abolendas . Publicè non esse in Ecclesiis orandum , cum Christus dixerit secretò orandum , imò orationem esse inutilem , cum propriâ justitiâ justificati simus . De Christo , quòd in Cruce desperationem passus sit aliosque humanos defectus , impiè effutunt . Sanctissimam Trinitatem velut chimæram reputant , & Christi adventum meram figuram esse , nec aliud corpus habere , quàm eorum cœtum dicunt . Animam esse partem Dei , sed post hanc vitam nec gloriam , nec Infernum , nec resurrectionem dari . Hæ & aliæ sunt istorum blasphemie , quorum auctor fuit Joannes Fox Anglus , priùs futor , postea heresiarcha factus . *Raneri* qui Libertinorum instar nihil turpe putant , ad quod naturæ quantumvis corruptæ sentiant incitamentum . *Levellerii* Politici Ordinis hostes , qui naturalem omnium hominum æqualitatem volunt , quâ nec opibus , nec honore alter alteri antecellat . Hi frequentes seditiones adversus Magistratus incenderunt .

VII. Anglo-Calviniani à Puritanis , Presbyterianis , aliisque supra relatis differunt , tum in Disciplina , tum in Dogmate . Episcopalem enim Ordinem servant , non modò ut à cæteris officiis distinctum , sed etiam ut jure Divino superiorem . Crucem Christi trophæum nedum honorant , sed ejus signum in Sacramentis , & maxime in Baptismo adhibent . Puritani verò aliæque Sectæ Episco-

scopatum rejiciunt, signum Crucis execrantur, Cruces ipsas demoluntur & frangunt. Anglo-Calviniani quamdam Consecrationis Episcopalis, Confirmationis Baptizatorum, Ordinationis Presbyterorum speciem retinent; quas cæteræ Sectæ ut Papisticas superstitiones rejiciunt. Anglo-Calviniani Episcopi suos habent Cancellarios, Archidiaconos, Decanos Rurales, Cathedralis Ecclesias, in quibus sunt Canonici, seu Præbendarii, qui Matutinas & Vespertinas preces celebrant, ignota cæteris Calvinistis nomina. Liturgiam suo ritu celebrant; & in eadem Litaniam diebus Mercurii & Veneris, preces tamen ad solum Deum, non ad Sanctos dirigendo, recitant; & in functionibus suis obeundis superpelliceo utuntur. Diaconatus ad Presbyteratum apud ipsos gradus est; quæ apud alias Sectas ignota sunt.

Supremum Anglicanæ Ecclesiæ Caput Regem agnoscunt juxta Elisabethæ Reginæ Leges, nullumque Prælatum extraneum, præcipuè Romanum Pontificem, ullam jurisdictionem, auctoritatem vel præminentiam spiritualement, sive Ecclesiasticam intra Regnum Angliæ habere, vel exercere posse: sed omnem hujusmodi jurisdictionem Regiæ Coronæ esse unitam. Ideòque Regem posse novas leges condere, novas cæremonias & ritus cum Concilio Metropolitani vel Commissariorum in causis Ecclesiasticis. De hujusmodi causis, cum ad Regis tribunal delatæ sunt, ejus esse supremum Judicium ferre. De ipsis fidei dogmatibus unâ cum eorum Consultissimis deliberare, & super iis edicta promulgare Regiæ auctoritatis esse, statutum in Angliæ Regnis est. Hujus solum nullam Regi tribuunt potestatem, nempe pro concione publicè docendi, Sacramenta ministrandi, & censuras terendi. Omnia præfata colliguntur ex Tractatu *De Politia Ecclesiæ Anglicanæ* Londini edito anno 1683.

VIII. Acris fuit olim inter Anglo-Calvinianos & Galliæ Reformatos controversia; Anglis contententibus, non obstante Reformationis necessitate, continuam debere in Ecclesia Episcoporum ac Pastorum Ordinationem, atque successionem sine ulla interruptione servari, cum ex conscientia uniuscujusque satis constet, neminem ad hujusmodi reformationis opus, instar Apostolorum, extraordinariè & immediatè fuisse à Deo vocatum. Hæc arte suam Ecclesiam Reformatarum Matrem constituere volebant, Gallosque & Germanos invitare, ut primas Ministrorum suorum Ordinationes ab ipsorum Episcopis peterent, eosque propterea transfretare juberent. Verum à Gallis Germanisque Anglorum consilium scripto etiam rejectum fuit. Et jure quidem merito, addam ego. Nam si ad particulares Ecclesias Reformatas legiti-

mè regendas, necessarium est ut earum Rectores sint ab Episcopis ordinati, quia ( ut Angli dicebant ) *ex conscientia uniuscujusque, satis constat, neminem ad hujusmodi Reformationis opus, instar Apostolorum, extraordinariè & immediatè fuisse vocatum*; jam ruit totam suæ prætenstæ Reformationis fundamentum. Nam si ad regendam particularem Ecclesiam jam reformatam requiritur testimonium missionis & vocationis per Ordinationem, quia de extraordinaria vocatione non constat; multò magis hoc necessarium erit ad universam Ecclesiam Reformandam, si de extraordinaria à Deo missione & vocatione non constet. Exhibeant ergo suæ vocationis testimonium Lutherus, Calvinus & alii, qui Universæ Ecclesiæ Reformationem moliti sunt. Ordinationem ad hoc munus alicujus Episcopi certè exhibere non poterunt. Se extraordinariâ vocatione à Deo missos jactabunt: at unde hoc constat? Idem dicam de Episcopis Anglicanæ Ecclesiæ Reformatæ. Ordinationem susceperunt. At à quibus Episcopis? Indicent mihi legitimam Episcoporum successionem, eadem cum ipsis ante Henrici VIII. ab Ecclesia secessionem sentientium. Cum neutri hoc facere possint, meritò dicam, eorum prætenfam Reformationem esse veram Ecclesiæ everisionem. Sed hæc satis. Alibi enim de hoc dixi.

## §. II.

*Piscatoriani, Arminiani, & Gomaristæ.*

I. **P**iscatorianis nomen dedit & errores Joannes Piscator Argentinenſis in Gymnasio Herbonenſi Calvinianæ Theologiæ Professor, homo arrogans, omniumque contemptor, se solum sapere putans, ut celebritatem suo nomini aucuparetur, primò Scholarum Reformationem meditatus est, atque ex eis omnes Auctores Gentiles, Ciceronem, Terentium, Salustium, Horatium, Virgilium, aliosque id genus relegavit. Et ex carminibus, quæ studiò juvenis ibi edebat, vocabula illa Ceres, Bacchus, Mars, Juppiter, Diana, Phebus &c. profana quidem, sed Poetis familiaria, semper debebat. Astrorum etiam, dierum, & planetarum nomina reformare, ac pro illis Christiana substituere conatus fuit: sed hic incassum laboravit.

Deindè in dogmatibus à reliqua Calvinistarum gente dissentire coepit. Primò divisit Justitiam Christi in eam, quam ex Legis obedientia, & vitæ sanctitate habuit, & in eam, quam passionem & morte acquisivit, quæ in Scholis Calvinianis, ubi retellitur, vocantur, prima quidem *Justitia activa*, secunda *Justitia passiva*. Justitiam

tiam activam tribuit soli Christo, nihilquæ aliis prodesse contendit, quod, inquit, illam Christus pro se debuerit, ut filius Adam & Abraham, Legi servandæ obstrictus. Passivam solis tribuit fidelibus, pro quibus Christus mortuus, illosque istius iustitiæ per fidei apprehensionem sinè ulla inherente iustitia ipsorum propria, formaliter iustificari asserit. Dicit tamen, Christum passione sua & morte sibi etiam aliquid promeritum fuisse, quod negat Calvinus Lib. 2. Inst. c. 17. §. 6. Christum tamen non solum passione & morte, sed quocumque opere sibi & nobis meruisse sentit Catholica Ecclesia cum Paulo ad Philipp. 2. à v. 7. dicente: *Semetipsum exinanivit formam servi accipiens, in similitudinem hominum factus & habitu inventus ut homo. Humiliavit semetipsum factus obediens usque ad mortem, mortem autem Crucis, propter quod & Deus exaltavit illum & donavit illi nomen quod est super omne nomen, ut in nomine Jesu omne genuflectatur, caelestium terrestrium & inferorum.* Propter omnia ergo in quibus Verbum homo factum se exinanivit, & humiliavit, Deus ipsum exaltavit: ergo in omnibus merito suo iustitiam nobis acquisivit.

Secundò: Fractionem panis in Cœna Domini essentialem esse statuit, adeò ut qui illam omittat, Cœnam non modò mutiler, sed etiam tollat. Quæstio hæc in tribus Calvinistarum Academiis acerrimè disputata fuit. Marpurgenses sententiam Piscatoris susceperunt. Basileenses fractionum ritum esse adiaphorum nec necessarium dixerunt, quapropter ipsi in Cœna fractionem omittunt. Heidelbergenses verò mediam viam tenentes, fractionem in Cœna nec essentialem, nec prorsus adiaphoram, sed necessariam esse ad Cœnæ integritatem pronuntiarunt.

Tertiò: Docuit Piscator Legem Mosâicam quoad Judicialia præcepta, & poenarum genera non esse abolitam, sed religiosè servandam. Quæstio hæc in Harbornensi Academia in ipsius Comitatus Nallovienfis Aula agitata est, utrum fures capitali poena mulcandi essent: & Piscator disputando obtinuit, ut in Nallovienfi Comitatu nullus fur capitali poenâ plecti debeat.

Quartò: In omnibus ferè Theologiæ capitibus de Prædestinatione, Poenitentia, Satisfactione Christi &c. modo singulari & Calvinistis insucto loquutus est, ideòque Catechismum Heidelbergensem castigavit, ac in ejus locum novas Catecheticas expositiones subjecit. Propriam etiam Bibliorum Versionem adornavit sed innumeris lapsibus refertam, cum vel in solo Pentateucho ad minus centies errasse, Amandus Polanus in sua Censura adnotarit. Itaque post serium de Piscatoris exoticis & Calvini spiritui contrariis doctrinis institutum examen, eas Reformati ipsi ut hæreti-

cas & Auctorem ipsum ut hæreticum & excommunicatum communi sententiâ ac decreto condemnandum esse dixerunt: Quamvis postea in gratiam Principis Nassoviensis Piscatorem pro excommunicato se non habituros declararint. Sic qui se supra omnes doctrinâ efferre præsumsit, ab omnibus etiam suis Reformatis dejectus, ac pro hæretico habitus est.

II. Arminiani ita appellati à Jacobo Arminio eorum magistro fuere. Arminius Amstelodamensis primò Minister, postea Lugduni Batavorum Theologiæ Professor, contemtâ Calvinî, Bezzæ, Petri Martyris, Zanchii, & aliorum Sectæ Doctorum auctoritate, Belgicarum Calviniani nominis Reformatorum (ut ajunt) Ecclesiarum Confessione & Catechismo minimè standum esse dixit, aut saltem præjudicari non debere, quin ad merum Dei Verbum veritas examinari possit. Quia verò super hoc Hollandiæ Ordinibus ipse ejusque Sectarii anno 1609. scriptum vulgò dictum *Remonstrance* obtulerunt, ideò dicti etiam fuere *Remonstrantes*. Sed cum eodem anno mense Octobri Arminius vitâ excessisset, causam ejus Sectatores, qui ad ingentem numerum jam excreverant, susceperunt.

III. Ex Articulis in præfata Confessione & Catechismo assertis quinque ut erroneos Arminius & sui Remonstrantes censurâ notabant. Primum & secundum de doctrina Electionis & Reprobationis absolutæ juxta mentem Calvinî; tertium de opinione illorum qui dicunt Jesum Christum pro solis Electis mortuum esse; quartum de gratia irresistibili; & quintum de impossibilitate totalis & finalis lapsus eorum, qui hanc semel receperint. Adversus istos Articulos Remonstrantes alios quinque ut ab Arminio acceperant in supplici libello edito in Actis Collationis Hagienfis habitæ anno 1611. opposuere.

IV. Ad primum ergo de Prædestinatione Arminiani dicebant: „ Quòd nullum in Deo agnosci debeat Decretum absolutum, quo decreverit, dare Jesum Christum solis Electis, eisque solis vocatione efficaci fidem, justificationem, & perseverantiam & gloriam concedere, sed quòd statuerit Jesum Christum Redemptorem communem omnium, & hoc decreto voluerit justificare & salvare omnes qui in ipsum credidissent, & simul dare omnibus media sufficientia ad salutem. Quòd nemo periret, quia talibus mediis careret, sed quia eis abusus fuisset. Quòd electio absoluta & distincta particularium fiat intuitu eorum fidei & perseverantiæ futuræ, nec sit electio nisi conditionata. Et reprobatio similiter fiat, ratione infidelitatis & perseverantiæ in malo. „

Ad secundum de Universalitate Redemptionis asseriebant: Pre-

„ Pretium à Filio Dei solutum, non solum esse sufficiens omni-  
 „ bus, sed & pro omnibus & singulis hominibus actu oblatum :  
 „ neminem à fructu redemptionis exclusum esse decreto absoluto,  
 „ nec alio modo quàm suo defectu. Deum à Filio suo placatum,  
 „ novum cum hominibus omnibus etiam peccatoribus & damnatis  
 „ , foedus iniisse .,.

Quoad tertium, & quartum Articulum, postquam dixerunt,  
 Gratia Dei necessariam esse ad omne opus bonum nedum perfici-  
 „ endum, sed etiam inchoandum, addebant *Gratiam efficacem non*  
 „ *esse irresistibilem*. Dicebant enim, „ Quod licet Gratia inæqualiter  
 „ daretur, Deus tamen dabat seu exhibebat Gratiam sufficien-  
 „ tem omnibus, quibus annuntiatur erat Evangelium, iis etiam,  
 „ qui ad conversionem non perveniebant, & hoc voluntate sine-  
 „ rā & seriā salvandi omnes, non simulans se omnes velle salvos  
 „ re verā autem & in effectu nolens, secretò aliquos ad peccata  
 „ , incitans, quæ ipse publicè vetuerat, „. Hunc Articulum doctrinæ  
 „ Calvinī opponebant, volentes quòd si aliquis se se perderet,  
 „ hoc ex culpa ipsius resistentis Gratiæ, non ex voluntate Dei, volen-  
 „ tis omnes iustos & salvos, procederet.

Quoad quintum de Perseverantia docebant, „ Deum veris fi-  
 „ delibus regeneratis dare mediā, quibus se in illo statu confer-  
 „ vent; posse tamen veram fidem justificantem amittere, & labi  
 „ in peccata cum justificatione incompatibilia & atrocia, in eisque  
 „ perseverare ac mori; & vice versā ab eis per poenitentiam re-  
 „ surgere, absque eo quòd ad eam per gratiam adstringantur „.  
 „ Hoc se aliter addebant, „ Detestantes impia bonisque moribus  
 „ contraria dogmata, quæ in dies inter populum spargebantur,  
 „ nempe veros fideles in peccata per malitiam labi non posse sed  
 „ solum per ignorantiam & fragilitatem, nec posse gratiam se-  
 „ mel acceptam amittere, nec quæcumque peccata in unum col-  
 „ lecta posse eorum electionem inutilem reddere aut incertam.  
 „ Hoc enim foret januam pandere carnali & perniciosæ securi-  
 „ tati, quā quisque crederet, peccata quamvis horribilia sibi non  
 „ imputari, sed omnia peccata præsentia & futura, sibi anticipa-  
 „ tē esse remissa, ac inter hæreses, adulteria, & homicidia, pro  
 „ quibus posset excommunicari, fidem totaliter & finaliter se-  
 „ amittere non posse „. Hæc sunt Arminii & Remonstrantium  
 „ dogmata ex Bosluet Tom. 3. Variat. Eccl. Protest. Lib. 14. num. 23.  
 „ Quæ variis Thesibus postea explicarunt, quas videre est apud Ale-  
 „ xandre in Hist. Sec. 15. & 16. cap. 2. art. 12. §. 3. num. 6.

V. Franciscus Gomarus in eadem Academia Lugduni Bata-  
 „ vorum Professor, omnium Calvinī opinionum adorator, & vindex  
 „ acer-

acerrimus homo petulans, violentus ac furiosus contra *Arminium* ejusque *Remonstrantium* Scholam insurrexit, suosque habuit Sectatores, qui *Gomaristæ* & *Contra-Remonstrantes* appellati sunt. Leydenſis primum Academia varia in studia scissa est, tota deinde Hollandia commota. Inter utramque factionem de Ordinum mandato acerrimè disputatum est: nonnullæ hæc occasione in fœderatis Provinciis Synodi harum dissensionum occasione celebratæ, Arminius ejusque Sectatores à Gomaro & suis Pelagianismi accusati. Harum disputationum exitus, qualis optabatur, non fuit. Factiones auctæ fuere, Academia inter Arminium & Gomarum scisse: Arminius multos discipulos imo & integras Ecclesias sibi addictas vidit. Et quamvis anno 1609. ipse obierit, superstes tamen contentio permansit. Curatores Universitatis Leydenſis in Arminii sobolem idest Remonstrantes, propensi, Conradum Wortſium Miniſtrum & Professore Steinfurdenſem virum famâ celebrem in Arminii locum succedere. Anceps per annum distulit Wortſius: Tandem Leyden profectus Gomaristas sibi adversantes invenit. Sed publicâ disputatione dilutis imposturis, quibus Socinianismi, imò & Atheismi accusabatur, Gomaristas frementibus Hollandiæ Ordinum mandato cathedram ascendit quasi triumphalem.

VI. Non diù tamen reportati triumphus gloriâ potitus est; adeo enim inter Arminianos seu Remonstrantes & Gomaristas, seu Contra-Remonstrantes contentio & odium exarsit, ut Wortſius tutius existimarit, Cathedram & Leyden dimittere: & fœderatas Provincias non modicus civilis belli timor invaserit, cui etiam augmentum præbuit species seditionis, quæ die 12. Februarii anno 1617. Amstelodami excitata fuit. Eâdem die, quæ Dominica erat, in domum cujusdam divitis mercatoris ad suæ Religionis exercitia celebranda Arminiani convenerant: cùm plebs violentè effractis portis repente irruens domum illam diripuit, in Arminianum Miniſtrum fœvere cœpit, qui vix è conjuratorum manibus, qui eum in aquas dejicere conabantur, elabi potuit; ac pejora evenissent, nisi à Magistratibus milites missi plebem dissipassent. Hoc factò terrore concussi fuere omnes aliarum Hollandiæ urbium Remonstrantes. Quare Advocatus Generalis Statuum Hollandiæ qui eis favebat, mutuam, silentio utrique parti iudicto, tolerantiam proposuit. Causam suam nascentem temporis committere Remonstrantibus non displicuisset; verùm Miniſtri Adversarii, quorum præcipuus erat Gomarus, victoriæ spe elati, Principis Auriaci etiam patrocinio fulti pro causâ definitione conclamarunt.

VII. In-



VII. Interim Libelli utrimque spargebantur. Plures Provinciales Synodi apud Reformatos celebrabantur, in quibus Arminianorum causa pestum ibat. Sed cum studio partium animi in dies magis accenderentur, de potentiore ac ultimo remedio cogitatum est. Propterea à Statibus Generalibus Nationalis Synodus Dordrecht indicta est. Ad eam vocati conveniunt Deputati ex Anglia, Scotia, Palatinatu, Hassia, Helvetia, è Republica Genevensi, Bremensi, uno verbo è toto Calvinianæ Reformationis corpore, ad examinandam, veriùs condemnandam, Remonstrantium doctrinam. Aperta est Synodus 13. Novembris anni 1618. Concionem habuit Balthasar Lidius Dordrechtanus Minister. Post varias de Disciplina & aliis habitas sessiones, scilicet 28. die 11. Decembris de Doctrina controversa agi coëptum est. Simon Episcopus Leydenfis Professor quinque Articulos, de quibus erat contentio, Synodo Remonstrantium nomine præsentavit, solemni præmissâ protestatione, se ac suos Dordrechtanam Synodum pro legitimo Controversiarum suarum Judice non habere; eadem ratione, quâ Reformati omnes Synodum Tridentinam pro legitimo Judice habere noluerunt; quia sicut in illa, ita & in ista sederint Adversarii, & præcipuè Gomarus, alique puri Calviniani, tanquam Judices nimirum, qui dogmata de quibus fieri iudicium oportebat mordicus impugnabant: ideòque rogabat, ut & Remonstrantes admitterentur ad Synodum, ut examinata causâ iustum ferri posset iudicium, nec inauditi condemnarentur.

VIII. Super hâc protestatione consulti etiam exteri Theologi, illius nullam habendam esse rationem judicarunt. Idipsum Fœderatarum Provinciarum Delegati pronuntiarunt. Quare Arminianis responsum fuit, audacis præsumptionis argumentum Synodo videri, quòd Accusati legem præscribere suis Judicibus vellent. Hoc injuriosum esse non solum Synodo, sed ipsis etiam Generalibus Statibus, qui Synodum convocaverant, eosque ut Judices delegerant. Nec Arminianis aliud superesse quàm decretis parere.

IX. His dimisso Arminianorum Advocato, sententiam protulit Synodus, quâ Arminii & Remonstrantium dogmata confixit, atque Sectæ pertinacibus Ecclesiastico munere, nisi resipiscerent, interdixit. Forma Synodalis sententiæ hæc est: *Synodus invocato Dei sancto nomine, suæ auctoritatis ex verbo Dei probè conscia, omnium legitimarum, tum Veterum tum Recentium Synodorum vestigiis insistent, & Illustrissimorum DD. Ordinum Generalium auctoritate munita, declarat atque judicat, Pastores illos, qui partium in Ecclesia duces, & errorum Doctores sese præbuerunt, corruptæ Religionis, scissæ Ecclesiæ unitatis, & gravissimorum scandalorum;*

Tom. VII. Par. V.

Z

cita-

*citatos verò ad hanc Synodum, intoleranda insuper adversus supremi Magistratus in hac Synodo publicata decreta, ipsamque hanc venerandam Synodum pervicaciæ reos & convictos teneri. Quas ob causas primò Synodus prædictis citatis omni Ecclesiastico munere interdixit, & siquæ ab officiis suis abdicat, & Academicis functionibus etiam indignos esse judicat, donec per seriam resipiscentiam, dictis factis studiis contrariis abundè comprobata, Ecclesiæ satisfaciant, & cum eadem verè & plenè reconcilientur, atque ad ejus communionem recipiantur. His Dordrechtana Synodus Arminii errores damnat, ut alteros priores nempe Calvini tueatur. Approbata fuit Synodus ab Ordinibus Generalibus 2. Julii anno 1619. & anno sequenti Gallix Reformati eidem consenserunt in Synodo Alekti congregati.*

X. Inter Arminianos, seu Remonstrantes seu eorum fautores eminebant Barnefeldus Ordinum Cancellarius, Hugo Grotius Syndicus Roterodamensis, Episcopus ( de quo supra ) Leidenlis Professor, Hogerbertius, Utembogardus, Bertius Curcellens: qui cum Dordrechtanæ Synodi decretis parere constanter recusarent, Contra-Remonstrantium, seu Gomaro-Calvinianorum potentia oppressi sunt. Barnefeldus dum è Synodo exiret comprehensus anno 1619. 13. Maji coràm ingenti multitudine capite plexus est. Grotius in arcem Lovensienam à 25. militibus traductus, inde post aliquod tempus industriâ fugam arripuit. Hogerbertus & alii carceri mancipati. Episcopus in Belgium Hispanum se recepit, ut inde propior & tutior succurrere Arminianis posset. Worstius verò adeò cautè se abscondit, ut quò se recepisset, detegi non posset. Non defuerunt qui etiam post Synodum pro Arminianis scripta typis vulgarent: undè non tam citò schisma extinctum fuit.

## CAPUT CXIII.

## De Anglicano Schismate.

## §. I.

*Antiqua Anglorum Fides, & Henrici VIII. pro ea Zelus.*

I. **C**Um superiori Capite §. 1. de variis Calvinistarum Sectis, quæ Angliam discindunt, sermonem tegerim, operæ pretium duxi originem & causam, quæ Regnum illud ab Ecclesia Catholica secesserit, & in omnium hæresum asylum conversum fuerit. Hic exponere lugubrem sanæ historiæ aggrediar, cum agatur de Regione, quæ inter primas fidem Christi am-

amplexa fuit, & usque ad seculum sextum decimum, licet inter varia bellorum discrimina, semper retinuit. Ut enim scribit Sanderus in Proœmio Operis de Schismate Anglicano „ Britannos „ ad fidem Christi primus convertisse primamque Ecclesiam (anno D. 50.) in illa Natione Christo erexisse perhibetur Josephus „ ab Arimathia : deinde eisdem in fide confirmavit ( circa annum 180. ) Eleutherius Pontifex Romanus à Petro duodecimus, „ missis ad eos Fugatio & Damiano, qui Lucium Britanniarum Regem & permagnam populi partem baptizarunt, adeo ut Tertullianus vicinus eorum temporum L. adv. Judæos c. 7. scripserit, *Britannorum inaccessa Romanis loca, Christo subdita esse.*

„ Cùm autem Angli & Saxones Germaniarum populi, Britannis bello victis, & in remotiorem quandam Insulæ regionem conclusis, Regni fines longè latèque occupassent, Gregorius „ Magnus ad eisdem Saxones misit Augustinum, Melitum, & „ alios S. Benedicti Monachos, qui & gentem eatenus Idolis deditam fecerunt Christianam, & Regem Cantii Ethelbertum „ Christi Baptismo imbuerunt. Ab illo die usque ad vicesimum „ quintum ferè annum Regis Henrici VIII. per annos circiter mille, non alia fides in Anglia vixit, quàm Catholica Romana : „ adeo ut ipsum Angliarum Regnum jam inde ab Ina potentissimo „ Rege usque ad Henrici VIII. tempora, per annos plusquam „ octingentos, tributi cœu voluntariæ oblationis nomine de singulis domibus singulos argenteos Pontifici Romano in honorem „ Divi Petri, & peculiarem suæ devotionis erga Sedem Apostolicam testificationem, persolverit ; unde etiam Denarii Petri „ vulgò dicebantur „. Hæc Sanderus de Angliæ fide, pietate, & Sedi Apostolicæ obedientia, usque ad infelicem Henrici VIII. defectionem, de qua postea.

II. Post Henrici VII. mortem Rex Angliæ salutatus est Henricus Walliæ Princeps ejus filius, Anglorum Regum nomine Octavus, adolefcens annorum duodeviginti. Si Regni ejus spectentur exordia, multa in bonum Catholicæ Religionis promittere videbuntur. Tunc exortam hæresim Lutheranam toto conatu insectatus est : damnato à Romano Pontifice Luthero, omnia ejus scripta in Londinensi placea cremari jussit, ac eodem tempore voluit, ut se præsentem Joannes Fischerus Episcopus Rossensis, pro defensione Romani Pontificatus, contra quem novus Hæretiarca Lutherus adeo intanierat, enixè peroraret. Quin & ipse Rex Henricus Librum de vera sententia Sacramentorum fide conscripsit, quem Leoni X. Romano Pontifici obtulit, à quo propterea singulari *Defensoris Fidei* elogio decoratus fuit. Quare Georgius Conæus Lib. de Duplici

Statu Relig. de Henrico VIII. *Hic quidem*, inquit, *tot Regiis dotibus Regni sui ornavit exordia, ut beata jure merito diceretur Anglorum gens, cui talem Principem Divina benignitas tribuisset. Exorientes primum Lutheri hereses auctoritate Regiæ ab Angliæ finibus constanter arcuit, & scripto ad Leonem X. de Septem Ecclesiæ Sacramentis Libello, ab eodem meruit titulum Deiunforis Fidei, quo augustior nullus Catholico Principi concedi potuit.* Fortes inuper literas ad Saxonix Ducem, & alios Principes Lutheri heresi infectos, in defensionem Ecclesiæ Romanæ scripsit: Lutheranos qui in suum Regnum confugerant ad mortem persecutus est. Suas Carolo V. Imperatori querelas exposuit ob violatam in direptione Romanæ Urbis Clementis VII. majestatem, eique in sui custodiam quatuor mille equites Regiis expensis alendos obtulit. Hic Henrici VIII. pro Catholica fide & Romano Pontifice zelus, in quo si perstitisset, Constantino & Carolo Magnis fuisset meritò comparandus.

## §. II.

*Henrici VIII. lapsus & defectionis origo.*

I. **M**Odò ad lugendi, in quod prolapsus Henricus fuit, exitii, secumque Regnum Angliæ traxit, originem & causam exponendam transeo. Dum Henricus VII. adhuc in vivis ageret anno 1500. inter ipsum & Ferdinandum & Elisabetham Hispaniæ Reges actum, & anno sequenti conclusum est, ut Arthurus major natu ipsius Henrici filius Catharinam Catholicorum præfatorum Regum filiam, locupletissimâ dote constitutâ, in uxorem acciperet. Nuptiæ Londini decimo octavo Kal. Decembris anni 1501. apud Ecclesiam S. Pauli celebratæ sunt. Sponsi summâ nocte ad thalamum deducti. De medicorum tamen consilio caverat Henricus, ut gravis quædam Matrôna in eodem cum Sponsi thalamo sociata, videret, ne carne conjungerentur, eò quòd Arthurus decimum quintum ætatis annum vix dum attingeret, & lento præterea morbo laboraret; cujus tabe post quintum mensem coniectus anno 1502. ex hac vita migravit.

II. Mortuo jam Arthuro, cum Catholici Reges filiam suam repeterent, nova nuptiarum conditio ab Henrico VII. proposita, & à Regibus Catholicis tandem acceptata est, ut scilicet, impetratâ legitimâ Summi Pontificis dispensatione, Catharina Henrico Arthuri defuncti fratri duodecimum ætatis annum agenti desponderetur. Causâ primùm per utriusque Regni Theologos, & Jurisconsultos peritissimos, an fieri honestè posset, discussâ, cum omnes  
de

de jure constare convenirent, per utriusque Regis Legatos relata est primum ad Alexandrum VI. deinde ad Pium III. Sed utroque vitâ functo priusquam hoc negotium finitum esset, ad Julium II. transiit, qui, cum gravissimorum virorum præhabito consilio, Jus Divinum non obesse, sed solum Jus humanum, cui tunc derogare paci & publico bono expediens foret, petitam dispensationem locum habere declaravit, & nuptias contrahendi veniam potestatemque fecit.

III. Verum quia ex hac dispensatione tanquam illegitima ab Henrici adulatoribus occasio sumta fuit repudii, ac Henrici totiusque Angliæ Regni ab Ecclesia Catholica Romana rebellionis; operæ pretium existimo, breviter ostendere, præfatam dispensationem Divino Juri non fuisse contrariam. Nam si status naturæ spectetur, Judas Patriarcha jussit secundò genitum suum Onam, ad Thamar primogeniti fratris absque liberis defuncti uxorem ingredi, ut semen fratri suo suscitaret. (Genes. 38. v. 8.) Si Lex Mosaica consulatur, idipsum fratri superstiti etiam sub infamiae poena præceptum reperitur (Deuter. 25.). Fieri autem non potuit, ut Deus, qui Legem naturalem totius naturæ humanæ perpetuam ducem & regulam esse voluit, eam aliquando mutarit, aut dissolverit, aliàs Deus se ipsum negaret, aut sibi contradiceret. Igitur superstitis fratris nuptiæ cum alterius fratris sine liberis defuncti uxore contractæ nullo modo Legi æternæ, aut naturali repugnant, sed tantum Legi humanæ, & Ecclesiasticæ, cujus ex iusta causa relaxatio penes Pontificem Romanum est.

Nec obstat quod dicitur Levitici 18. v. 1. *Turpitudinem uxoris fratris tui non revelabis*. Nam turpitudinem uxoris fratris, quam revelari Lex vetat, in hoc matrimonio nulla erat, quoniam Arthurus Catharinam uxorem nunquam cognoverat. Deinde, ut ait S. Augustinus qu. 61. in Leviticum: *Si fratre mortuo intellexerimus prohibitum esse ducere fratris uxorem; occurrit illud, quod excitandi seminis causâ, si ille sine filiis defunctus esset, jubet Scriptura (Deuter. 25.) esse faciendum: ac per hoc collatâ istâ prohibitionem cum illa jussione, ne invicem adversentur, intelligenda est exceptio, idest, non licere cuicumque defuncti fratris ducere uxorem, si defunctus posteros dereliquit: aut etiam illud esse prohibitum, ne liceret ducere fratris uxorem, etiam quâ à fratre vivo per repudium receffisset.*

IV. Dispensatione obtentâ, inter Henricum & Catharinam sponsalia ineuntur. Dum verò ob immaturam adhuc Henrici ætatem tempus nuptiarum expectabatur, accidit, ut dum preparatur pompa nuptialis, cogitandum esset de funeribus: nam Elisabetha Catharinæ mater in Hispania, itemque post Henricus VII. in Anglie

glia anno 1509. diem ultimum obierunt. Henricus VIII. jam decimum octavum ætatis annum ingressus Regno potitus est, & quamquam semel dixisset, se à nuptiis Catharinæ abstenturum, tamen re accuratius perpensâ, & dispensatione Pontificis in omnium Optimatum conspectu publicè recitatâ, nullo mortalium vel tantillum scrupuli opponente, de totius Consilii sententia Catharinam in uxorem tertio nonas Junii anno 1509. palam accepit, ac die S. Jo. Baptistæ proximè subsecuto, non minùs uxori, quàm sibi Regium diadema cum ingenti omnium lætitiâ apud celebre S. Benedicti Cœnobium, quod Londino ad solis occasum adjacens Westmonasterium appellatur, sibi imponendum curavit. Genuit Henricus ex Catharina filios tres, & duas filias, ex quibus major natu filius (cui etiam Henrici nomen fuit) noho post nativitatem mense è vita sublatus est. Cumque cæteri etiam non diù postquam nati essent vixissent, sola Maria anno septimo Henrici VIII. apud Grevicum 12. Kal. Martias anni 1515. in lucem edita, utriusque parenti superstes mansit.

V. Inter Henricum & Catharinam dissimilitudo fuit: tum ætatis, nam illa superabat virum ætate saltem quinquennio: tum & maxime in moribus: nam surgebat mediâ nocte, ut nocturnis Religiosorum precibus interesset, mane horâ quintâ ornatam se quàm citissimè, nihil sibi temporis, præter hoc solum quo se vestiebat perire dicens. Sub Regiis vestibus S. Francisci habitu, cujus tertio Ordini nomen dederat, utebatur. Omnibus sextis feriis & Sabbatis jejunabat, vigiliis verò B. Mariæ Virginis solo pane & aquâ vivebat, Quartis & sextis feriis peccata Sacramentali Confessione expiabat, Dominicis verò diebus Eucharistiam quoque fumebat. Officium B. V. quotidie recitabat, sex horis continuis manè in Templo Sacris Officiis vacabat: à prandio Sanctorum vitas, ancillis etiam adstantibus, ad duas ferè horas legebat: inde Templum repetens vacabat Orationi ad horam cœnæ, quam fumebat parcissimam. Flexis absque pulvinari orabat genibus. Omnium denique virtutum cultu eminebat. Solum deerat ut tentatio illam probaret, quod ut dicam evenit.

At Henricus è converso libidinibus deditus, non minùs perditè, quàm Catharina sanctè vivebat. Cum nobilibus puellis, quas Regina in comitatu & ministerio habebat, colludere frequentius in Gynecæo, quàm in Templos saltare lubentius, quàm orare; furtivas cum aliis venari voluptates in more habebat. Indè paulatim factum est, ut Regine sanctimonie eum tædere, & animo ab ea, utpotè suis moribus non conformi, alienari inciperet. Nascenti incendio primus facem præbuit Thomas Volsæus. Is humili,

mili, imò & vili genere natus, in Regis gratiam suis se moribus conformans, & lubricas ejus actiones nedum probans, sed promovens, insinuare se cœpit. Quod illi adeò feliciter contigit, ut ad summas dignitates favore Regis paulatim adrepserit: Eboracensis Archiepiscopus, Regni Cancellarius, S. R. E. Cardinalis, & Sedis Apostolicæ per totam Angliam à Latere Legatus creatus, eò ambitionis & arrogantix devenit, ut non aliò aspiraret, nisi ut Thiarâ caput suum redimiret, & Apostolicam Sedem conscenderet. Carolo V. adeò familiaris fuit, ut ad eum manu propriâ scribens se subscriberet *Filius vester & cognatus Carolus*. Verùm cùm postea Carolus, maximè capto in prælio Ticinensi Francisco I. Galliarum Rege, non tantam Volsæi rationem haberet, cùmque ad ipsum scriberet nudum Caroli nomen apponens, Volsæus exacerbatum, rupto cum Carolo foedere, ad partes Regis Galliæ totus transivit, & contra Imperatorem machinari cœpit.

VI. Ab eo autem quod in promptu habebat initium Volsæus sumsit. Noverat, quàm alieno esset animo à Catharina uxore Henricus. Ad inurendam ergo familiæ Imperatoris maculam, Catharinæ materteræ ejus à Regio thalamo cum dedecore disjungendæ consilium cœpit. Hoc animo agitans, Joannem Longlandum Lincolniensem Episcopum, qui Henrico erat à Confessionibus, accessit, eique sub specie salutis æternæ Regis & boni publici venenum quod alebat in corde aperuit: mirari se dicens, quòd ipse in cujus manu Regis conscientia erat, toleraret, uti in illegitimo, & incestuoso concubitu, quia cum uxore fratris, permaneret. Longlandus Volsæo contradicere non ausus, par esse respondit, ut prior ipse Regem admoneat, eique ostendat, in quàm gravi peccato permaneat, germani fratris sui thalamum polluens. Volsæo igitur Regem super hoc allocuto, facilè aurem accommodavit Henricus, non conscientia scrupulo, sed ut viam sibi pararet ad exsaturandam cum alia (Bolena) libidinem, quâ diù urebatur, solum ex hoc metuens infamiam publicam. Longlandus hoc idem Regi pro conscientia aperit, ipsumque rogat, ut saltem Doctorum sententias exquirat. Haud difficulter annuit Rex, jamdudum Catharinæ pertactus. Annum integrum in examinanda cum Consilio suo hac causa infumfit; nihil tamen reperire potuit, quod desiderium Catharinæ uxoris dimittendæ juvaret.

VII. Dum hæc in Anglia geruntur, non longè absuit Romæ excidium. Deceverat Carolus Borbonius crudelius eam trachare, quàm olim fecerant Barbari: & nisi Deus ejus conatibus obstitisset, cùm sacra moenia tormentis undique quateret, flammâ & sanguine totam replevisset. Nuntiatur in Angliam, Papam Cle-

men-

mentem VII. captivum Romæ teneri. Quâ occasione arreptâ Cardinalis Volsæus Regem monet, ut triumphos suos augeat; cumque scripto adversus Lutherum Libro de Septem Sacramentis titulum Defensoris Fidei jam acquisierit, gloriam istam novâ gloriâ accumulet, Pontifice, quem Imperator captivum teneret, ex præsentis discrimine erepto. Placuit Regi hoc consilium: sperabat enim hoc sibi emolumento fore, ac ita se posse suo sumtu Romanum Pontificem sibi demereri, ut uxore Catharinâ Cœnobio alicui inclusâ, novum matrimonium contrahendi, facili veniam ac potestatem esset obtenturus. Itaque sinè mora datis Volsæo trecentis aureorum millibus ipsum cum Collegis duobus in Gallias mittit: eique mandata quadam occulta sensim dat ad Regem, Franciscum perferenda, de divortio Catharina, de matrimonio cum Margarita ejus sorore, & de filiis ejus duobus ex Cæsaris manu eripiendis. Lætus legatione Volsæus mare trajecit. Sed dum Caleti agit, novas ab Henrico literas accipit, quibus ei præcepit, ne ullum de novo matrimonio cum sorore Regis Gallie verbum faciat, sed tantum de reliquis articulis. Ægrè tulit hoc Volsæus, videns prohibitum sibi esse quod maximè in votis habebat.

VIII. Dum Volsæus consiliis suis in Gallias abripitur, Rex Henricus in Angliâ nihil aliud animo versat, quam Reginæ repudium, & insanum Annæ Bolenæ amorem, & cum ea conjugium. Sed quod magis horrendum est, fertur Annam banc fuisse ipsius Henrici filiam ex adulterino concubitu cum uxore Thomæ Boleni, dum biennio in Galliis munere Legati fungeretur, intra quod tempus uxor ejus filiam illam enixa est: & hoc ex ipsius uxoris confessione, ut virum Thomam Bolenum post reditum placaret, constare dicunt. Et addunt aliud Henrici facinus, nempe quod post cognitam matrem, Thomæ Boleni uxorem, cognoverit etiam, utriusque filiam nomine Mariam: sic ut cum matre & filia rem habuerit. Unde fertur, Henricum ipsum ab Equite quodam de Bolenorum gente nomine Briano, aliquando quævisisse, quale peccatum videretur, matrem primum, deindè filiam cognoscere? Cui Brianus: omnino, inquit, tale, ô Rex, quale gallinam primum, deindè pullum ejus gallinaceum comedere. Quo responso adulatorum verè nequissimum Brianus se ostendit. Ex his quæ referunt Florenundus Remundus Lib. 6. Synopsis cap. 2. n. 1., & Sanderus Lib. 1. de Schismate Anglicano, si vera sunt, conficitur, Henricum expetendo & demum contrahendo nuptias cum Anna Bolena, nuptias patrem cum filia contraxisse, quod nedum immane sed inauditum flagitium est.

IX. Modò à qualitate ortus ad qualitates formæ & morum gra-



gradum facio . Si formam spectemus, ipsam eximiè pulchram, censerì, navi non mediocres minimè permittebant . Sed laborum venustas, aspectus amabilis & majestatem præferens, vestium elegantia, & saltandi ac fidibus ludendi peritia, lepida & ad facetias & jocos composita indoles, Henrici Regis libidinem postea illexerunt . Si mores & artem attendamus, ferunt eam vix annum quintum decimum agentem ab eo, qui Thomæ Boleno à poculis erat, deslorari se passam, & cum eo qui eidem à facellis erat libidinem exercere perrexisse ; inde in Franciam missam talem impuditiæ famam contraxisse, ut *Equa Anglicana* vocaretur . Cum in Angliam reversa esset, videns Henrici animum ad libidinem pronum, ac demum sui amore captum, meretricium animum specie quâdam & larvâ pudoris obdixit : adeò ut quamvis à Rege sollicitata, constanter restiterit, jurans, se cuiquam hominum potiundi sui corporis facultatem usquam daturam, nisi conjugali jure . Hâc repulsâ, quamvis sæpius rogata, Regis animum magis magisque accendebat, qui se non felicem putabat nisi, repudiatâ Catharinâ, hanc sibi matrimonio copularet .

X. Henricum nuptias cum Anna Bolena meditari, nedum per Angliam ferebatur, sed in Galliam volabat rumor . Quo audito Thomas Bolenus, qui legationem tunc in Gallis agebat, & qui novæ Reginæ Annæ pater credebatur, conscius eorum, quæ sibi uxor sua secretò revelaverat, nempè, Annam non esse filiam suam, sed Regis ex furtivo cum ipsa concubitu genitam, absque mora transfretavit in Angliam, & impetratâ à Rege secretâ audientiâ, exposuit illi, quæ ab uxore didicerat, rogans eum, ut à tali matrimonio, quod nedum probrosum, sed exitiale esset, quia contra Legem Divinam & naturalem, utpotè patris cum filia, abstineret . Cui Rex : *Tace, ô stolide*, inquit, *centum alii ex aequo tuam uxorem compresserunt, cujuscumque illorum sit filia, certè erit uxor mea . Tu ad Legationem tuam revertere, & si vis esse consultum vitæ tuæ, rem silentio preme* . Ita refert Remundus citatus num. 2 .

XI. Interea reverso à Legatione Volsæo, ejus consilio causâ repudiî Catharinæ agitari cœpta est . Mittitur ad Summum Pontificem à Rege Legatio, postulantiur Judices Campegii & Volsæus ipse, Cardinales ; causâ primùm Romæ disceptatâ in selectorum Theologorum & Cardinalium consensu ; conceitū deindè Judices, quos Rex optabat : ab ipsis Regina appellavit ; primum quoddam loci iudicii parum æquus videretur, cum Henricus hujus litis Actor rerum in Anglia potiretur, ipsa in Hispaniis nata ibi hospes esset ; deindè quod sibi suspecti essent, utpotè Regi devincti, imò & subditi essent . Prolata in medium Regionum Procura-

Tom. VII. Par. V.

A a

to-

torum momenta contra Henrici & Catharinæ matrimonium, & diploma Julii II. qui illud contrahendi veniam tegerat, Regine Advocati luculenter contutarunt. Erant hi Guillelmus Varamus Archiepiscopus Cantuariensis, & Joannes Fischerus Episcopus Rosensis, alii quatuor pietate simul ac doctrinâ spectatissimi Præsules, totidemque Theologi, non ad aulicam auram flectere sententias, sed ad Scripturas, Traditiones, & Sacros Canones expendere soliti. Hi & verbis & libris, quos Legatis Apostolicis exhibuere, disertè probarunt, nullam esse in terris potestatem, quæ Regis & Catharinæ matrimonium, quod Deus conjunxerat, dissolvere aut separare posset.

XII. Rex, urente libidine, moræ impatiens Legatos acriter urgebat, ut causam finirent. Procrastinabant illi præcipuè Campegius, testinationem in causâ tanti momenti calumniæ obnoxiam fore dicens, & in Orbis Christiani scandalum cessuram, cum maxime ageretur de matrimonii, per viginti annorum cohabitationem pacificam & liberorum susceptionem roborati, dissolutione, de abjectione & exhereditatione Regiæ prolis, Mariæ scilicet Walliciæ Principis, quam hæcenus Henricus ipse pro legitima habuerat, & in spem successionis in Regnum educaverat.

XIII. Dum hæc in Anglia aguntur, Pontifex Appellationis à Regina interpositæ causam ad se revocavit, ulteriori ejus cognitione Legatis interdictâ. Campegius Romam revertitur. Pontifex Paulo Capisucco Romanæ Rotæ Decano causam committit. Rex misso Romam Thomâ Cranmero, alios Theologos & Jurisconsultos ad sua vota pertrahere conatus est: inter alios Reginaldum Polum, & Thomam Morum viros integerrimos tentavit, sed frustra, imò hi Regine causam scriptis tuiti sunt. Quare Rex suæ causæ timens vetuit, ne quis è suis subditis sine ejus licentia Romam peteret. Volsæus verò, qui primus divortii auctor fuerat, ac postea viderat Regem turpi erga Annam Bolenam amore obsecratum, cum remissius rem agere cœpisset, imò rem poenitentiam se commississe falsus esset, Cancellarii dignitate ac Episcopatu Wintoniensi abdicatus, Palatio quod Londini immentis opibus refertum habebat spoliatus, in Ecclesiam suam Eboracensem relegatur. Sed cum Rex audisset, Volsæum ibi etiam splendide agere, jussit eum præsentem nobilium multitudine ab Henrico Northumbriæ Comite apprehendi, & captivum Londinum duci. At in ipso itinere apud Lecestriæ oppidum obiit ad 14. Kal. Decembris anno 1530.

Sermones sparsi sunt, eum spontè venenum summissee. Hoc tamen certum est, quòd cum in eum tanquam læsæ Majestatis reum

reum manus injicerentur, has in voces erupit : *Utinam nihilo magis laesa Majestatis Divina reus essem . Nunc autem dum nulli rei magis incubui , quàm ut Regi penitus infervirem , & in Deum peccavi , & Regis gratiam non obtinui . Utinam hæc ex corde verè pœnitenti protulerit , ac æternam pœnam evaserit .*

XIV. Eodem tempore , Guillelmo Varamo , qui à partibus Catharinæ stabat , Archiepiscopo Cantuariensi vitâ functo , in ejus locum Henricus substituit Thomam Cranmerum , qui Thomæ Boleno Annæ patri erat à Sacris ; hominem , qui se in omnibus, nullâ aliâ Religionis aut disciplinæ habitâ normâ , ad Regis nutum componeret . Verùm cùm Henricus in dies animadverteret , viros Ecclesiasticos , divortium , quod ipse impatiens volebat , communiter execrari ; Clerum subigere decrevit , suæque voluntati per vim mancipare . Adornatâ itaque calumniâ de infractione Legis , quam Angli vocant *de Præmunire* , Sacrum Ordinem univèrsam in Jus vocavit , quòd Pontificiorum Legatorum auctoritatem contra Regis mandatum coluissent , ac propugnassent , idèdque Clericorum totius Regni bona in commissum cecidisse , & Fisco esse obnoxia pronuntiavit . Clerus omni patrocínio destitutus , præsertim cùm Cranmerus Cantuariensis , & Lejus à Rege paulò ante Eboracensi Episcopatu donatus , fœdè Regi adularentur , habito consensu quodam , pro necessitate temporis penè omnes omnium Ordinum Clerici unâ voce Regi supplicarunt , ut aureorum quadringentæ millia , quæ ad criminis commissi expiationem suæ Majestati offerebant , benignè accipere , reliquamque eis debitam pœnam condonare dignaretur : idque pro summa illa potestate , quam in Regno suo , eum tam in Clerum quàm in reliquum populum habere jam primum fatebantur .

XV. Quàm perniciosâ fuerit hæc Cleri adulatio demonstravit eventus . Indè enim primam occasionem sumtam ajunt , ut Rex supremum Anglicanæ Ecclesiæ Caput postea diceretur : & passim in ore pessimi cujusque ferretur , nihil Romano Pontifici in Regno Angliæ negotiū esse , nisi quantum ei concedere Regi videretur ; Nam alioquin omnem animam Regiæ potestati etiam in spiritualibus subditam esse . Quo via parabatur ad dicendum legitimâ auctoritate Henricum Catharinam repudiassè . Viri graves & pii mala quæ indè secutura erant prævidentes , paulatim nitebantur aulâ se & publicis subtrahere ministeriis . Inter hos Thomas Morus vir omni genere virtutum præcellens , qui summus Regni Cancellarius erat , Regem adiit , ac suæ senectutis ac laborum excusationem prætexens , supplicem Regem rogavit , ut à Magistratu se abdicandi veniam concederet . Cui Rex assensit , licèt non ignoraret

veram talis abdicationis causam. Et in ejus locum constituit Thomam Audlæum hominem tenuis fortunæ, sed ad sua desideria paratiorem, eique dono dedit Monasterium Londini, cui nomen Ecclesiæ Christi, unâ cum Ecclesiâ, ædificiis, ac redditibus, Canonici Regularibus, quorum erat, ad alia Monasteria amandatis. Hinc patere cœpit, qualis erga Religiosos esset Henrici animus.

XVI. Hæc & alia cum ad Clementis Pontificis aures pervenissent, simulque à Cardinalibus Gallis didicisset, Henricum adeo impotenti erga Annam Bolenam amore æstare, ut nulli esset dubium, quin eam brevi publicè duceret, Pontifex summum dolorem concepit, videntique privatis monitis, quibus eum obtestatus fuerat, ne pendente lite quidquam faceret, nihil se consecutum fuisse; debitum sui Pastoralis officii existimavit, aliis publicis & in forma Brevis, ei sub anathematis poena præcipere, ne ultra progredi non terminatâ lite tentaret. At Henricus instar juveni indomiti vincula dirupit, ac spretis Optimi Patris monitis ac mandatis, Annam Bolenam prius Pembruchii Marchionissam creatam ad 18. Kalendas Decembris anni 1533. clam uxorem duxit, nuptiis à Rolando quodam Presbytero ante solis ortum celebratis; cui sciscitanti, ut sibi traderetur sententia Summi Pontificis de matrimonio cum Catharina dissolutione, Rex constanter asseruit, se eam apud se retinere, unde in ejus fidem eos conjunxit.

XVII. Henricum jam perditum in deteriora semper ruentem deinceps lugebimus. Thomæ Cranmero jam Cantuariensi Archiepiscopo, & Audlæo Cancellario creatis, alterum favore Annæ Bolene adjunxit, Thomam scilicet Cromwellum, hominem Lutherane factioni addictum, vaserimum, ambitiosum, avarum, & Ecclesiastici Ordinis hostem insensissimum. Hi aliiq; adulatores Regi persuaserunt, ut in Comitibus Regni novum à subditis, & omnibus etiam viris Ecclesiasticis. exigeret juramentum, quo eandem suæ Majestati obedientiam jurarent, quam antea Romano Pontifici promittere consueverant, in causis etiam Ecclesiasticis & spiritualibus. Huic tentationi, licet ægrè, tandem cessit Joannes Fischerus Episcopus Rossensis, adjunctâ tamen limitatione, quam sibi non ingratam fore Rex ipse testatus est, nempe *quantum per Dei Verbum liceret*. Hæc à Rossensi, qui Anglicani Cleri columna habebatur, confessione excusâ, ceteri omnes Regis voluntati facillè cesserunt. Rossensis verò suam deceptionem compertam martyrio postea purgavit.

XVIII. Huic statutis, Cranmerus, qui eâ lege Archiepiscopus Cantuariensis constitutus fuerat, ut divortium Regis, Romano etiam Pontifice repugnante, latâ sententiâ approbaret, frustra in  
Jus.

Jus vocatâ Catharinâ, pronuntiavit, jure Divino impositam esse Regi necessitatem, Catharinam, utpotè defuncti fratris sui uxorem, dimittendi, ac novi conjugii contrahendi concessam libertatem. Hâc sententiâ fretus Henricus, quam quinque ante menses sibi copulaverat, Annam solemnî pompâ duxit. Nuptiis pro die Iduum Aprilis, quæ Vigilia erat Resurrectionis Dominicæ celebratis, nova sponsa ( verius pellex ) Regio diademate ornata est postidie Kal. Junii anni 1533.

XIX. Cùm matrimonii hujus fama fines Angliæ egressa ad exterorum aures pervenisset, dici non potest, quantum admirationis & doloris in Pontificis & Principum animis excitaverit, præcipuè verò Cæsaris, qui coram Pontifice, ut suo uteretur Jure, fortiter postulabat. Distulit tamen Pontifex, tum solitâ in Henricum pietate, tum quia in congressu, quem cum Francisco I. Galliarum Rege Massiliæ, quò iter parabat, habiturus erat, in spem venerat, fore, ut Henricus ad saniora rediret. Sed fefellit eventus. Nam Pontifex Massiliam appulsus, dum cum Francisco Rege ibi maneret, Henrici Legati supervenerunt, qui Pontificis cubiculum ingressi, ipso etiam Francisco Rege audiente, tam insolenter se gesserunt, ut palàm de Pontifice ipso colloqui, & ab ejus auctoritate ad futurum appellare Concilium non desisterent. Tum & Franciscum Henrici pudere, & Pontificem indulgentiæ penitere cœpit. Unde ipse Rex Christianissimus Pontifici suasor fuit, ut Henrici causam deinceps ex Legum Ecclesiasticarum præscripto decideret: se enim ab hac Henrici inobedientia defendenda adeò abfuturum, ut eidem se constanter adversaturum profiteretur. Idipsum respondit postea aliis ejusdem Henrici Legatis, qui vi fœderis auxilium postulabant: *Aliis, inquit, in rebus omnibus se fratris animum Henrico præstiturum: sed in iis quæ contra Religionem ferent, non velle cuiquam associari.* Responsum Rege Christianissimo verè dignum, & meritò à Polo celebratum.

XX. Clemens igitur Romam reversus peremptoriam tulit sententiam, quâ ejectionem Catharinæ Reginæ à possessione juris conjugalis, & Regiæ dignitatis, & matrimonium inter Henricum & Annam contractum, nulla, injusta, & attentata fuisse & esse declaravit; prolemque susceptam, seu suscipiendam illegitimam fuisse & esse: præfatamque Catharinam Reginam ad suum pristinum statum, & quasi possessionem juris conjugalis, & Reginalis dignitatis restitui ac reponi debere, dictumque Regem dictam Annam à cohabitatione sua, & quasi possessione juris conjugalis & Regii ejicere & amovere debere, prout ipse Pontifex restituit & reponit, rejicit & removet. Ipsum Henricum Regem, ob ino-

be-

bedientiam, & contemptum mandatorum Sedis Apostolicæ in majoris excommunicationis, & alias censuras & pœnas incurrisse declaravit: suspensio nihilominus ad mensẽ censurarum effectũ, ut Pontificiæ sententiæ ac mandatis commodius Rex parere possit.

XXI. His in furorem præceps Henricus, sub pœnis gravissimis edixit, ne quis in posterum Catharinam Reginam, vel Henrici Regis uxorem, sed tantum Arthuri Principis viduam appellaret: Mariam ex Catharina filiam, quam ante omnes Regni Ordines Walliæ Principem & Regni hæredem juraverant, omni Regio ornatu detracto, tanquam spuriam & illegitimam, ad Catharinam matrem remisit, ut cum ea privatam vitam ageret. Constituti in Catharinæ domo famulorum loco custodes & exploratores: & in ejus amicos & fautores sevitum. Nata est interim Annæ filia Elisabetha septimo Idus Septembris in pervigilio Nativitatis B. Mariæ Virginis, quinque mensibus post solemnes nuptias nondum elapsis. Mox initium Piorum persecutioni datum est: Joannem Fischerum, Thomam Morum, ducentos Fratres Minores de Observantia in carcerem detruxit; quod Catharinæ matrimonium, Mariæ filiæ legitimitatem & successionem ad Regnum acriter propugnarent; contra verò nuptias Regis cum Anna legitimas esse, & natam ex iis Elisabetham prolem legitimam & Regni hæredem esse exclusâ Mariâ, palam improbarent. Exinde celebrata sunt Comitia 3. Nonas Novembris anni 1534. in quibus, de communi depravatorum Procerum consensu, Maria omni natalium honore privata est, & omnia in Elisabetam translata sunt. Statutum deinde est, nullam Romano Pontifici in Anglos & Hibernos potestatem & jurisdictionem deinceps in perpetuum fore: & perduelles declarati, qui in eo Primatum Jurisdictionis assererent. Anglicanæ Ecclesiæ summum & unicum in terris Caput Rex declaratus: cujus unius esset supremâ auctoritate errores, hæreses, abusus omnes emendare: cui eo nomine Sacerdotiorum omnium Annatæ & Decimæ solvi deberent. Nomen Papæ ubique inductum ac proscriptum: imò in Litanis impia hæc & sacrilega verba Henrici mandato sunt apposita: *Ab Episcopis Romani tyrannide & detestandis enormitatibus libera nos Domine.*

XXII. Henrici defectionem à Romano Pontifice omnes Catholici execrati sunt. Franciscus I. Rex Christianissimus Henrici Legatos super hac re ne quidem audire voluit. Imò cum nec ipsi Lutherus & Calvinus usurpatum ab eo Ecclesiæ Primatum probarent, jussit Henricus, ut sui tam Concionibus quàm Libris editis hunc novum suum in rebus Ecclesiasticis Primatum tuerentur. Hæc Regis voce excitati, aliqui partim sponte, quia hæresi fave-

bant, partim ne Regem offenderent, coactè executi sunt. Reginaldum Polum consanguineum ad scribendum pro monstruoso suo Primatu præ cæteris hortatus est, sed frustra; quin immò hunc fortiter oppugnavit Libris *De Unione Ecclesiastica* ipsi Regi inscriptis. Quibus tantum Regis odium in se commovit, ut patriæ proditor, ac læsæ Majestatis reus ab eo sit declaratus, & vita ejus multiplicibus insidiis appetita: mater, frater, avunculus necati, familia ejus universa penè fuerit extincta.

Immani etiam furore infectatus est Religiosos, tyrannidis ac schismatis sui impugnatores, Ordinum præcipuè Carthusiani, S. Birgittæ, & S. Francisci Professores, ex quibus multi in Henrici persecutione martyrio coronati sunt. Celebres inter istos fuere Joannes Fischerus Episcopus Rossensis, & Thomas Morus. Utriusque gloriosos agones ex Sanderi Lib. 1. referam. Fischerus in carcere jacens ob eximiam sui doctrinam, & pro fide zelum (defuncto jam Clemente) à Paulo III. Cardinalium Collegio adscriptus fuit. Hoc cum audisset Henricus, 10. Kal. Julias anni 1535. eum ad tribunalia duci jubet, ubi cum Henrici Primatum confiteri nollet, inde ad mortem ducitur, „ Qui cum scenam, in qua gloriosum certamen consummaturus erat, è longè conspexisset, abjecto, „ quo senex nixus erat baculo: *Eja*, inquit, *pedes, officium facite, parum itineris jam restat*. Constitutus autem in loco martyrii, „ sublevatis in Cælum oculis: *Te Deum*, inquit, *laudamus, te Dominum confitemur*. Quem hymnum ubi totum absolvisset, cervicem securi subjecit, animam Deo reddidit, justitiæ coronam accepit. Caput hastili affixum, & in ponte Londinensi omnium oculis expositum, quò diutius ibi suspensum manebat, eò magis floruisse, ac venerabilius factum esse dicitur, ob quam causam loco amotum traditur, „ . Hæc Sanderus citato loco pag. 135.

XXIII. De Thomæ Mori glorioso exitu plura prævia narrat idem Sanderus. Certior enim factus (quod Rex vetuerat) de die, quâ Rossensis ducebatur ad mortem, cum vehementer timeret, ne fortè ipse coronâ martyrii excideret, ad Deum conversus: *Confiteor*, inquit, *tibi Domine, quòd tantam gloriam non sum meritus: non sum ego justus & sanctus sicut Rossensis tuus, quem de universo Regno isto tibi secundum cor tuum elegisti: sed tamen si fieri potest, particeps fiam Domine calicis tui*. Hæc & alia his similia cum lacrymans diceret, nec facie dolorem dissimulare jam posset, putarunt filii hujus sæculi eum timere, & ided, ut Regi obediret, adducì posse. Venerunt ergo ad eum multi principes, venit & uxor, sed ejus constantiam frangere non valuerunt. Post quatuordecim sere men-

mensis carceris adductus in iudicium mirâ fortitudine & gravitatē doctrinæ respondit. Revertenti ad carcerem occurrerunt amici, cognati, ipsamet filia, precantes, ut sui & ipsorum pietate flecteretur. Sed cum firmior pro Catholica fide perseveraret, capite tandem damnatus fuit. Itaque pridē Nonas Julias anni 1535. ad locum supplicii adductus, cum ad imas scalas pervenisset, nec facilem ascensum videret, unum ex illis qui in scena constituant appellans, Da, sodes, inquit, manum ut ascendam, nam ad descensum quod attinet, me mihi relinquo licet. Cum preces absolvisset, populumque testem, quod in fide Catholica moreretur, invocasset, ac Psalmum *Miserere mei Deus* percurrisset, accessit ad eum carnifex, & veniā de more petitā, caput iustitiæ veritatis & virtutis amputavit, ingemiscens Angliā universā, & non tam Christi martyrem, quam se ipsam capite truncatam, arbitrante. Hæc & alia Sanderus Lib. 1.

XXIV. Audiens Paulus III. Henricum in dies scelera sceleribus augere, & piorum sanguine præcipuè Rossensis & Mori manus impias cruentasse, nec tot paternis Prædecessoris monitis emollitum in deteriore ruere, existimavit peremptoriam in ipsum sententiam pronuntiare, quā Henricum cum sequacibus sub poena majoris excommunicationis, privationis Regni, omnium bonorum, aliisque gravissimis poenis ac censuris citavit. Distulit tamen sententiæ executionem pietate motus, si fortē Henricus rediret ad cor. Sed frustra invitabatur ad poenitentiam, qui sacrilegia & scelera obdurato corde in dies augere parabat. Lustrandis Monachorum & Sacrarum Virginum ædibus, & inquisitioni super eorum vitæ & moribus Leum quemdam laicum præfexit; hanc lege, ut qui minor 24. annis esset, è Monasterio, & ad seculum reverti cogeretur, qui verò major esset, non cogeretur quidem, sed impune exire posset, si vellet. Exeuntibus Religiosi habitus loco toga sacerdotalis, & aurei oſto dabantur; ac Virgines Sacrae more secularium seminarum vestiebantur; pretiosissima quæque Ecclesiarum ornamenta, & Sanctorum Reliquiæ Regiis Questoribus tradebantur. Ad hoc autem hæc Visitatio instituta est, ut Regi via pareretur evertendi ac diripiendi omnia Monasteria, & eorum bona Fisco adjudicandi. De facto hoc primo impetu trecenta septuaginta sex Monasteria oppressa sunt, ex quorum spoliis in Fiscum Regium cesserunt annui census ad centum circiter & viginti millia aureorum, in supelleſtili verò bonisque mobilibus ad quadraginta ferè millia, Religiosorum utriusque sexus decem & ampliùs millia ad seculum redierunt.

XXV. Inter hæc Regina Catharina, cujus pietas & in adversis con-



constans tolerantia totum Orbem in admirationem traxerat, cessit è vita. Paulò ante mortem in lecto decumbens literas scripsit, tum ad Joannem Forestum Ordinis FF. Minorum, antea conscientie sue Moderatorem, tunc à biennio in carcere detentum, postea martyrii candidatum; tum ad ipsum Regem, tanto erga ipsum amore scriptas, ut ex corde ipsius quamvis saevo lacrymas elicuerint. Has refert Sanderus Lib. 1. Obiit piissima Regina anno 1535. ætatis sue 50., trigesimo tertio post suum in Angliam adventum, non modicâ sanctitatis famâ relictâ.

XXVI. Anna Bolena auditâ Catharinæ morte, ingenti lætitiâ perfundeatur, quòd tandem sola Regina esset abique alterius æmula metu. Sed dum securam se credebat, brevi se perditam novit. Rex enim cœpit & Annæ tædio, & alterius puellæ quæ Annæ inserviebat, cui Janæ Seimeræ nomen fuit, amore affici: quod Annæ celerem, nempe quarto post mortem Catharinæ mense, interitum attulit. Videns se ex Henrici concubitu adhuc masculum non genuisse, adulterium cogitavit; cui ut res occultior esset, adjunxit incestum & cum Georgio Boleno fratre suo turpiter se commiscuit: sed cum nec in dando isto incestu contenta, vagâ etiam libidine luxuriaretur, res adeò latere non potuit, quin ad Regem perveniret: qui causâ cognitâ Annam Bolenam adulterii & incestus convictam, capite feriri iussit 14. Kal. Junias anno 1536., & triduo post eodem supplicio affecti fuere Georgius Bolenus frater incestuosus, aliique qui cum ea adulterinum commercium habuisse deprehensi sunt. Hunc exitum habuit femina, quæ fuit Anglicanæ perditionis initium; cujus, occulto Dei judicio, infaustræ propagines in dies magis expanduntur.

XXVII. Postridie mortis Annæ Bolenæ, Rex Janam Seimeram, quam, eâ vivente deperiebat, uxorem duxit. Paulò post indictis Comitibus, & simul etiam Synodo ad sextum Idus Junii ejusdem anni, recessit quæ pro Elisabetha Bolenæ filia in detrimentum Mariæ Principis antea decreverat. Inde in eisdem Comitibus de forma Religionis in Anglia tenendæ, intacto semper Primatu suo, deliberari jussit, supremum suum Vicarium Generalem in causis Ecclesiasticis Cromuelem constituens. In iisdem Comitibus & Synodo post varias de fide disceptationes, Libellus vulgo *Sex Articulorum* dictus, cum hac inscriptione: *Articuli per Regiæ Majestatis serenitatem constituti*: auctoritate publicâ editus. Horum primus in Eucharistiæ Sacramento *Transubstantiationem* credi jubet. Alter *Communione sub una specie ad salutem sufficere* declarat. Tertius *Celibatum Sacerdotum retinendum* sancit. Quartus *Vota castitatis & viduitatis* (non temerè facta) *necessariò persolvenda* decernit.

Tom. VII. Par. V.

Bb

Quin-

Quintus non modò *Missarum celebrationem* *furi Divino consentaneam esse*, verùm & *Missus privatas fieri, bonum ac necessarium esse* attulerit. Sextus denique *Auricularem Confessionem in Ecclesia necessariò conservandam edicit*. Qui secus docuerit, aut crediderit post 12. diem Junii proximè sequentis, illum ut hæreticum suppliciiis affectum iri gravissimis Regia Serenitas cum utriusque Senatorii Ordinis & Plebis in Comitibus adunate consensu decernit. Quamvis verò præfata decreta forent Catholica: quia tamen tacta à membris è corpore & Capite divulsis, vivere nequiverunt; nec palmes, qui in vite non manserat, fructum facere potuit: rerumque eventus mox comprobavit. Nam hæreticibus, quæ Angliam sensim replebant, præfata dogmata penitus rejecta & suffocata manserunt.

XXVIII. Cùm, Cromuele instigante, in Servos Dei, nedum in terris degentes, sed in Cœlis glorificatos, & in eorum Imagines, Reliquias & monumenta, speciale odium Henricus concepisset, omnem eis honorem eripere, eorumque Imagines, Reliquias, & monumenta tollere ac discerpere statuit; at suum furorem præcipuè evomuit in S. Thomam Cantuariensem Martyrem, quem ceu proditorem Regiæ Majestatis damnabat: ideòque sacrum ejus Corpus è sepulcro extractum, publicè comburi ac cineres in ventum spargi mandavit. Hoc cum rescivisset Paulus III. Romanus Pontifex, qui tantà indulgentiâ tot alia ejus scelera sustinuerat, zelum amplius continere non valens, suspensam hucusque sententiæ in eum latæ publicationem imperavit, Diplomate dato Kalendis Januarii anni 1538. Interim tamen Henricus quatuor Ordinum Mendicantium Religiosos viros è suis Monasteriis ejecerat, ipsorum ædes usurpaverat. Postmodum etiam alia utriusque sexus Monasteria invasit, eorumque bona in Fiscum redegit.

XXIX. Janâ Seimerâ in partu defunctâ, quo filium profudit Eduardum, quartam Henricus duxit uxorem, Annam sororem Guillelmi Clivæ & Julię Ducis; cujus brevi pertasus, Cromuele harum auctore nuptiarum ab Ordinibus Regni, hæreticos, perditionis &c. damnato, & capite truncato, ab ipsâ post septem menses concubitu divortium fecit, & cum Catharina Howardæ Ducis Nortforcie nepte quintas nuptias celebravit. Sed postea Catharinâ Howardâ ob adulterium cum Procis ex Ordinum sententia neci traditâ, Catharinam Parram Baronis Latimeri viduam sextis nuptiis sibi copulavit. Et si autem opes immensas ex Ecclesiis & Monasteriis, ut dictum est, corrasisset, inane tamen adeò erat Regium ærarium, ut gravissimis & antea inauditis debitis premeretur. Hinc inter alia, in dictis Comitibus ad 8. Kal. Decembris

anni 1545. omnibus & singulis, tam decimam quàm quintamdecimam sibi solvendam ex omnibus censibus totius Angliæ, ex bonis verò mobilibus duas integras decimas, imposuit. Eorundem etiam Comitiorum assensu summam potestatem accepit in omnia Pocotrophia, Xenodochia, Nosocomia, Seminaria, Collegia, in omnes Militarum fundationes, sacrasque oblationes, ut dum viveret de iis omnibus pro suo arbitratu statueret ac disponderet.

XXX. Verùm appropinquabat jam dies, quo Henricus coràm Dei tribunali sisteretur, tot sacrilegiorum ac impietatum rationem redditurus. Gravi correptus ægritudine, ac mortem sibi imminere prævidens, de reconciliatione cum Romana Ecclesia & Summo Pontifice cogitavit, animumque suum hæc de re nonnullis Episcopis aperuit. Sed cum nemo ipsum sincerè loqui arbitraretur, nemo sensum suum aperire pro veritate ausus fuit. Unus tamen respondit: Ejus Majestatem cæteris mortalibus sapientiorẽ esse, illum Divino consilio Romani Pontificis Primatum abdicasse, hoc publica Comitiorum lege firmatum esse, nec sollicitum jam esse debere. Gardinerus Vintonienfis Episcopus, Ordines Regni de hoc convocandos esse dixit. Quòd si tempus non suppeteret, Deum solo cordis voto contentum esse. Prevaluit tamen adulatorem sensus, nempe, ut Rex scrupulos omnes super hoc abjiceret.

Vigesimalà quintà ante mortem die jussit, & purgari fecit Ecclesiam S. Francisci Fratrum Minorum, Millamque in ea celebrari, ac in Parochiam erigi certo attributo censu, in eoque hæc verba inscribi voluit: *Ecclesia Christi ab Henrico VIII. Angliæ Rege fundata*. Atque hæc fuit restitutio, quam Henricus pro mille, plus minùs, Monasteriis dirutis, & pro decem millibus Ecclesiarum direptis ac dissipatis, mortis horà adventante fecit. Sacramentum Eucharistiæ summo semper in honore habuit. Quare cum paulò ante mortem sub unica specie ut consueverat communicaturus, è cathedra in qua sedebat assurgeret, ut genibus in terram defixis Corpus Domini adoraret, & Zuingliani qui adstabant, dicerent, possè Majestatem suam in tam imbecilli valetudine in cathedra sedentem Eucharistiàm sumere, respondit „ Si me non modò usque „ ad terram deicerem, sed me sub ipsam terram submitterem, ne „ sic quidem satis honoris huic Sanctissimò Sacramento mihi viderer delaturus „.

XXXI. Conditò Testamento statuit, ut Eduardus ex Jana Seimera filius novennis sibi in Regnum succederet: si absque liberis obiret, regnaret Maria Princeps ex Catharina priori conjuge filia: tertia esset in jure successionis Elisabetha ex Anna Bolena suscepta. His deficientibus Regnum ad illos devolveretur, ad quos jure

communi pertineret. Deinde impuberi filio Eduardo sexdecim Tutores & Curatores pari auctoritate constituit, eosque magna ex parte Catholicos: iussitque ut in fide Catholica educaretur, excepto Primatus Ecclesiastici titulo, quem in ipsum transfudit: & ut Regnum ab hæretibus purgaret. Obiit Henricus VIII. Rex Angliæ Londini ad 1. Kal. Februarii anno 1547. Regni 38. ætatis 56. Infamiâ schismatis, ebrietatis, libidinis, crudelitatis, avaritiæ, nonnullas quibus præditus erat virtutes obscuravit, ejusque nomen infaustum succedentibus seculis reddidit, ut ex sequentibus apparebit.

## CAPUT CXIV.

## De Fidei statu in Regno Angliæ post Henricum,

## §. I.

*De statu sub Eduardo VI.*

**E**DUARDUS puer novennis secundum ultimam Henrici patris voluntatem Rex Angliæ & Hiberniæ, ac supremum in terris Anglicanæ Ecclesiæ in spiritualibus Caput proclamatus est. Infelix sanè & Regno & Ecclesiæ illius omen. Nam si ait Ecclesiastes cap. 10. v. 26. *Vae tibi terra, cujus Rex puer est*: quid erit Angliæ Regno, cujus Rex sub tutoribus instar servi agit? Quid Anglicanæ Ecclesiæ, in qua Caput loco Christi gerit, qui necdum Caput habet ut regat se ipsum? Quid erit? Videamus. Inter Tutores ei à parente datos ortâ dissensione, quæd Catholici Regnum ad Ecclesiæ Romanæ communionem & obedientiam Romano Pontifici revocare vellent; cum alii perseverandum in schismate ducerent, Eduardus Scimerus Herfordiæ Comes, & paulò post Somerseti Dux, quondam Regine frater, Eduardi Regis avunculus, totam ad se rapuit auctoritatem, seque solum Regis Tutorem ac Regni Protectorem fecit.

II. Ejus favore hæresis in Angliâ caput extulit. Martino Bucero, Petro Martyri, Bernardino Ochino, similibusque pestibus ad cathedras Theologicas & Templorum suggesta. patuit aditus: ad eos audiendos juvenus coacta est: Theologia Scholastica ex Academicis proscripta, exauctorati SS. Patres, Sacrorum Bibliorum Codices foedè interpolati; sic indicto Episcopis & Pastoribus Ecclesiarum silentio, ut, cum nemo esset qui parvulis petentibus panem frangeret, deinde Lutheranorum & Zuinglianorum, qui-

bus folis concionari permiffum eft, mortifera venena tantò avidius à famelicis populis haurirentur . Hinc factum eft ut hæretici, qui temporibus Henrici fe ac errores fuos occultaverant, in publicum prodierint . Inter hos Thomas Cranmerus infelicitis divortii auctor, & ac proinde Archiepifcopus Cantuarienfis creatus, qui fub Henrico omnia cum Catholicis fimulans, meretricem, quam loco uxoris fecreto domi occultabat, videns hærefi apertam januam, publicè tanquam uxorem produxit, & Catechifmum falſa ac impuræ doctrinæ plenum Eduardo dicatum edidit . Eodem tempore putidum os in pulpitis aperuit Hugo quidam Latimerus, qui ob comeftam carnem Feriâ ſextâ Hebdomadæ Sanctæ, & ſuſpicionem hærefeos, à Vigornienſi Epifcopatu fuerat ab Henrico deturbatus ; & cùm eſſet linguâ petulans adeò populum dementavit, ut primus Anglorum Apoſtolus vocaretur . Ex Germaniæ etiam & Helvetiæ finibus ad contaminandam Angliam multi proceſſere .

III. Hinc factum eft, ut Comitia Regni pridie Nonas Novembris ejuſdem anni 1547. ſint celebrata, quorum decreto omnia Catholice Religionis ſigna deleta ſunt . Novi adminiſtrandorum Sacramentorum Ritus conſtituti, Liberque ea de re editus & publicatus . De Sanctorum Imaginibus toto Regno abolendis ſtaturum . Miſſæ Sacrificium abrogatum . Vaſa Sacra, Cruces, Candelabra aurea argentea Regio niſco adjudicata . Communio Euchariftica ſub utraque ſpecie omnibus præcepta . Vulgaris idiomaſis uſus in Sacra introductus . Hæretici Viſitatores inſtituti, qui omnia Catholice Religionis monumenta ac teſſeras abolerent . Qui ab impia novitate abhorrebant Epifcopi, Stephanus Wintonienſis, Cutbertus Dunelmienſis, & alii, in carceres conjeſti, poſtea Dignitatibus exuti . Hæretici perditique homines in eorum loca intruſi .

IV. Hic Religionis in Anglia ſub Eduardo VI. infelix ſtatus, de quo multa, & maximè inter ipſos hæreticos diſcordiæ & lites, legi poſſunt apud Sanderum Lib. 2. Obiit Eduardus pridie Nonas Julii anno 1553. ætatis 16. Regni 7. eodem menſis die, quo Henricus ejus pater Thomam Morum virum pietate ac religione inſignem capite truncari juſſerat . Sic Henricus tanti viri necem morte primogeniti ſui luit . Rege igitur mortuo Joannes Dudlæus Comes Warvicenſis ( qui Eduardum Seimerum Somerſeti Ducem & Regni Protectorem, eò quòd animo ipſum in lecto confodiendi ejus cubiculum occultè ingreſſus fuiſſet, capite plecti publico judicio curaverat ) Joannam Ducis Suffolciensis filiam, Henrici VIII. neptem, Reginam renuntiavit, Prætorè Londinenſi & ſex primariis Senatoribus in ejus verba jurare compulſis . Verùm Proceribus, Nobilitate ac Plebe univerſâ ad Mariam Principem Henrici VIII.

ex

ex Catharina filiam, cujus evidentissimum jus erat etiam ex Henrici Testamento, concurrente, Dudlæus quoque animo fractus Mariam Reginam conclamavit, & Magistratui se dedit. At ejus sententiâ post dies aliquot perduellionis damnatus, capite plexus est, ejuratâ prius hæresi, & Catholicæ fidei editâ Professione.

## §. II.

*De statu sub Maria Regina.*

**I.** **M**ariæ Reginæ nomen ac Imperium Angliæ & Religioni faustissimum fuit: atque utinam diuturnius extitisset. Regios titulos simul ac sumpsit, supremi Ecclesiæ Anglicanæ Capit. s appellacionem Primatusque Ecclesiastici dignitatem ab Henrico patre impiè usurpatam, & ab Eduardo fratre sacrilegè retentam, respuit & abdicavit, ac è Regio sigillo delevit. Edmundum Londinensem, Stephanum Wintoniensem, Cutbertum Dunelmensem Episcopos, qui ob fidem variis carceribus vincti asservabantur; Thomam Nortfolciæ Ducem, & Eduardum Courtenæum Marchionis Exoniensis olim ab Henrico occisi filium (quem Devonix etiam Comitem postea creavit) injustè perpetuo carcere damnatos, libertati ac pristinis honoribus restituit. Wintoniensem Episcopum Regni Cancellarium creavit. Exilii & perduellionis contra Reginaldum Cardinalem Polum iniquissimam ab Henrico latam sententiam rescidit. Gravissimum vectigal populo ab Eduardo impositum condonavit. Et ne adulteratæ pecuniæ permutatione miserè expilarentur subditi, pientissimè curavit; ut quantum inter sit hæreticum inter & Catholicum omnes statim viderint, & gavissi sint.

**II.** Post inaugurationis solemnia Kalendis Octobris anni 1553. celebrata, Comitibus eodem mense convocatis sententiam de Henrici & Catharinæ divortio latam in primis rescindi, & prolem ex illorum matrimonio natam pariter legitimam declarari fecit. Quia verò piissima mulier publicum bonum suo commodo semper prætulit, cum hæcenus usque ad trigesimum octavum suæ ætatis annum virginitatis amore castissima permanisset, urgente Senatu propter spem prolis, quæ in Regno succederet, de nuptiis cogitare cœpit. Et licet quorundam Senatorum consilio in Eduardum Courtenæum, quem ut Devonix Comitem ipsa creaverat, animum primò adjecisset, meliori tamen postea & Angliæ magis salutari consilio Philippo Caroli V. filio, cum ob alias causas gravissimas, tum maxime ut potentissimi optimique Principis adjumento, Regnum

gnum ad Fidem & Sedis Apostolicæ obedientiam revocare posset, nubere decrevit.

III. Harum occasione nuptiarum, magis autem Catholicæ Religionis odio quam piissima restituere decreverat, exorta est in ejus Majestatem conjuratio. Hujus participes, & incensores fuerunt Thomas Viatus Eques auratus magnæ potentia vir, qui ut eas nuptias & Regni ab hæresi reconciliationem impediret, turbas in Cantii Provincia ciere cœpit; Suffolciæ Dux paulò ante vitâ donatus, iterum tumultuans; Comes Devonix ob prælatum sibi in nuptiis Philippum indignatus; & Elisabetha, quæ postea adepta est Regnum soror Reginæ ex Anna Bolena Henrico nata, quæ cum Viato (ut Senatui videbatur) conspirabat. Hos omnes in Turrim conjecit. Dux Suffolciæ capite plexus est; Devonix Comes in Italiam relegatus; Elisabetha magnorum virorum precibus erepta morti, custodienda Voddstockium mittitur: ut mirum sit, quo animo Elisabetha in suo, quem de expeditione Belgica vulgavit Libello, postea assernerit, de sua in sororem Reginam fidelitate, se nunquam, ne in quæstionem quidem vocatam.

IV. Mox præcipuas curas ad restituendam Religionem Maria Regina convertit. Erant inter eos, qui cum cæteris conspiraverant, varii pseudo-Episcopi læsæ Majestatis condemnati. Hoc tamen nomine noluit in quemquam illorum secundum leges civiles animadverti, sed ad Ecclesiæ judicium eorum causam prorsus deferri mandavit. Erat inter alias causa Cranmeri Archiepiscopi Cantuariensis, in quam nonnisi secundum mandata Apostolica inquiri, & sententiam dici mandavit, nec ipsâ nec Philippo viro suo Judicium partes in ea gerentibus. Hic fuit ille Cranmerus, qui sententiam divortii contra Catharinam iniquissimè tulerat, qui nunc completâ nequitia suæ mensurâ, primùm læsæ Majestatis in publicis Regni Comitibus, nunc sua propriâ confessione convictus, deinde spe vitæ Catholicum se fingens, ac septies & decies se palinodiam canere proprio chirographo contestatus, demum in illa hypocrisis deprehensus, ab Episcopis Catholicis de gradu omni ecclesiastico dejectus, & brachio seculari traditus, Ozonii postea comburitur impoenitens. Ut autem facilius ac felicius Catholicam Religionem in Anglia restitueret Regina, externos omnes, qui nec publicam personam gererent, nec Regnicolarum juribus donati essent, ad certum diem, gravissimâ indictâ poenâ, Regno exire jussit. Hoc Edicto supra triginta hereticorum millia ex Angliâ exire compulsa. De Petro Martyre aliquandiu discussum est in Senatu, an expediret illum in Insula flammis tradere, quòd ille, inter cæteros multum damni Regno attulisset; sed in hoc itum est.

ut

ut qui publicâ fide venerat, dimitteretur cum suis. Buceri verò corpus paulò ante Cantabrigiæ sepultum cum Pauli cadavere, exhumari & flammis tradi statutum est.

V. Cardinalis Polus à Julio III. Pontifice, Reginâ postulante, in Angliam Legatus missus, Ordines Regnumque totum à schismate absolvit, Sedique Apostolicæ reconciliavit in Profesto S. Andree Apostoli anno 1554. Ad sacellum deindè ventum est: hic Deo gratiæ sunt actæ, & symphoniâ & cantu edita lætitiæ signa. Secundo verò Decembris die Rex Regina & Legatus venerunt ad Templum S. Pauli, ubi Stephanus Wintoniensis Cancellarius Regni consensu suggesto hortationem populo edidit, ut pro tanta gratia Deo, Papæ & piissimis Regibus grates redderent immortalibus, monens. Quantâ totius Urbis lætitiâ celebrata sit hæc reconciliatio, vix explicari potest. Contigit post vigesimum annum, in quo infaustum illud ab Henrico schisma cœptum fuit.

VI. Missi deindè Romam Oratores Regum & Ordinum nomine obedientiam Romano Pontifici exhibitori. Exin Legatus in Religione instauranda, in Cleri Populique disciplina restituenda, in moribus emendandis, in reformandis Academiis, in antiquis Institutis, piisque consuetudinibus postliminio revocandis, hortationibus, Synodis, decretisque sanctissimis invigilavit, ac toto zelo laboravit. Quoniam verò adversus reconciliationem cum Apostolica Sede objecta difficultas erat ab iis, qui bona Ecclesiastica ab Henrico distracta possidebant, Legatus ob bonum pacis & Ecclesiasticæ unitatis, publico Instrumento Summi Pontificis nomine & auctoritare, omnes de hujusmodi bonis in schismate acquisitis, quoad poenas & censuras Canonicas in perpetuum liberos absolutos declaravit. Primitias verò & Decimas fructuum, quæ Henrici & Eduardi Regum legibus in Fiscum interebantur, Clero deinceps persolveri decretum est. Matrimonia in gradibus prohibitis contracta unâ cum prole ex iis susceptâ, legitima esse decrevit, datâ eis qui sic contraxerant, veniâ: Episcopos Religione Catholicos, sed in schismate creatos, unâ cum sex novis Episcopatibus ab Henrico VIII. erectis, confirmavit. Quæ omnia ut prudentissimè constituta rara deindè habuit Paulus IV.

VII. At felicibus hisce initiis, & majoribus qui sperabantur progressibus, mors quæ Mariam Reginam mundo eripuit, occulto Dei judicio lugendum, ut videbimus, finem imposuit. Obiit itaque, Maria diuturniori ævo digna anno 1558. 17. Kalendas Decembris, annum ægens ætatis 44., cum quinquennio & quatuor mensibus regnasset. Ita piissima hæc Regina, quæ velut stella Anglis apparuerat, ut eos reduceret ad Christum, nimis citò disparuit. Quia  
&c.



& zelantissimo Catholicæ Religionis Instaureto Cardinale Polo eo ipso die post duodecim ferè horas ex hac vita migrante, mox hora Satanae & potestas tenebrarum Angliam occupavit. Hanc Historiam fusè exponunt Sanderus Lib. 2. de Schism. Floremundus Remundus Lib. 6. cap. 8. & 9. & alii, qui videri possunt.

§. III.

*De statu sub Elisabetha Regina.*

I. QUàm faustum Catholicæ in Anglia Religionis Mariæ Regnum, tam infastus eidem fuit Elisabethæ Principatus. Hac (Mariam Scotorum Reginam Henrici VIII. proneptem Galliarum Rege frustra promovente) Londinum ingressa, Angliæ Regina summo omnium Ordinum consensu salutata est, annos tunc nata viginti quinque, literis politioribus exculta, & linguarum Latinæ, Italianæ, Gallicæ perita, egregiis naturæ ac ingenii prædita dotibus, gerendæ Reipublicæ capacissima, ac magnorum Principum numero celebranda, nisi hæresi & in pios crudelitate naturæ & ingenii ornamenta deturpasset.

Nec tamen statim impietatem prodidit; nam quamdiù vixit Maria ejus soror, Catholicam semper simulavit Religionem: sed postea verita, ne qua ipsi fieret controversia de natalibus & jure regnandi, cum Clementis VII. & Pauli III. Romanorum Pontificum sententiâ, damnata fuissent Henrici VIII. cum Anna Bolena nuptiæ, ex quibus nata erat, & proles illegitima declarata; operæ pretium politica mulier existimavit, hæreticum animum quem antea celaverat prodere, Romanæ Ecclesiæ jugum excutere, ac novam Ecclesiastici regiminis formam introducere. Pedetentim tamen hoc in negotio procedere voluit: ac primùm solam Religionis permittere libertatem; deindè Catholico ritu inaugurari ab Episcopo Carcolensi 18. Kal. Februarii anno 1559. inaugurationemque suam Romano Pontifici tunc Paulo IV. curavit significari per Eduardum Carnum, qui Mariæ sororis legatione functus, adhuc in Aula Romana veritabatur.

II. Pontifex, tum quia dignitatis & auctoritatis suæ erat retinentissimus, tum ut Henrico II. Galliarum Regi (qui timebat, ne Elisabetha, aut Philippo Hispaniarum Regi, aut Ferdinando Cæsaris cognominis filio nuberet) rem gratam faceret, responsum dedit (ut multis visum fuit) nutantis in Anglia Religionis statui parum opportunum, videlicet, „Regnum Angliæ pseudum esse, „Apostolicæ Sedis, nec potuisse ipsam, obstante maximè nata-

„Illum vitio, administrationem Regni inconsultâ eâdem Sede assumere: illamque hortatus est, quo cuncta ritè fierent, ut se ejus arbitrio permitteret, paternum erga se animum in Pontifici ce probatura „. At quamvis hoc Pauli responsum Juri fuerit innixum, quomodo enim feminam pro spuria Sedis Apostolicæ sententiâ habitam, quam corde hæresim alere non ignorabat, nullo super hoc habito consilio ad Regnum admittendam censere potuit? Hæc tamen occasione usa Elisabetha hæresim, quam animo conceperat, publicè profiteri, ac in Regno stabilire ac immani in Catholicos per annos 44 quibus regnavit persecutione, expandere decrevit.

III. Convocatis itaque Regni Comitibus, prævalente contra Episcoporum suffragia Nobilitate, obtinuit, ut Acta & Decreta omnia de Religione à Maria edita abolerentur, Eduardi autem fratris restituerentur. Latâ interim Lege, ne ullum Romano Pontifici obsequium præstaretur, ipsa Patris ac Fratris exemplo omnem Jurisdictionis non solum temporalium, verum & spiritualium & Ecclesiasticarum rerum atque causarum plenitudinem sibi assumpsit, cum omni visitatione, correctione, reformatione Cleri, cum omni auctoritate Episcopos creandi, Synodos convocandi atque in iis præsidendi, Leges & Constitutiones condendi, cum omni cognitione ac punitione errorum, hæresum, schismatum, abusu: denique cum omni facultate substituendi alios quoscumque vellet, etiam Laicos in eisdem negotiis; nullâ Episcoporum habitâ ratione, nisi quantum ipsa concederet: ita ut Jurisdictionem potestatemque Episcopalem non tenerent, aut exercerent, *nisi ad beneplacitum Regina, nec aliter nisi per ipsam, & à Regali Majestate derivatam auctoritatem*; Neque ista quidem tanquam recens usurpata sibi attribuens, sed tanquam ad antiquum Jus Regale Anglicum pertinentia.

IV. Monstrum sanè hoc, quòd femina supremi Ecclesiæ Capitulis, ac summam in his quæ sunt ad Deum, etiam super omnes Pontifices & Sacerdotes, potestatem sibi arrogare præsumferit, non ab alio quàm à Diabolo excitari potuit; qui sicut sanctum Dei Ordinem perturbaturus, mulierem primam in iis quæ Dei erant violandis ducem viro suo constituit, ac magistram ad totius humani generis pestem ac interitum fecit: ita ad totius Anglicani Regni perditionem Elisabetham Caput ac Præsidem, etiam in spiritualibus & Divinis collocavit. Hoc prius in Henrico tentaverat; sed hic quamvis Minister Divini verbi non esset, per sexum tamen & ætatem poterat esse. Eduardum eidem substituit, qui nec fuit, nec per ætatem poterat esse minister Verbi, nec sacra mini-

stra-

strare, per sexum tamen potuisset. Sed ut rem ad exitum perduceret, Elisabetham elegit, quæ nec sexui poterat Ecclesiæ ac Divinis præesse, ut viris etiam sublimioribus auctoritate emereret, & quæ sub potestate viri fuerat constituta, viri Caput summam in eum potestatem habens in sacris efficeretur: mulieres neque in Veteri Lege partem habuerunt in Sacro Ministerio. In Nova Lege Paulus 1. Cor. 14. v. 34. *Mulieres, inquit, in Ecclesiis taceant, non enim permittitur eis loqui, sed subditas esse, sicut & Lex dicit. . . . turpe est enim mulierem loqui in Ecclesia.* Si ergo Paulus mulierem in Ecclesia loqui turpe existimat, & ideo non permittit, quantum turpius judicaret, mulierem in Ecclesia ut Caput se gerere, ac leges, & statuta, Episcopos & Sacerdotes obligantia, suâ auctoritate condere?

V. Hoc tamen in Ecclesia Anglicana supremi Capitis nomine Elisabetha sibi arrogavit. Nam præter dicta, in perpetuum primi anni cujuscumque Beneficii integros fructus: omnesque Cœnobiorum possessiones ante sacris usibus à Maria Regina restitutas, partim Fisco addixit, partim Nobilitati distribuit. Vicarios & Commissarios in spiritualibus constituit. Sigillum ad causas Ecclesiasticas peculiare cudit. Imagines Sacras omnes à Templis aliisque locis deturbari jussit, exceptâ Christi Crucifixi, quam in domestico Sacello servavit, publicèque exponi permisit. Missæ Sacrificium, cum reliquo omni sacro ritu prædicandi, & Sacramenta ministrandi sustulit: novaque sacra, cæremonias, precesque linguâ vulgari ad normam præsertim Lutheranorum præscripsit, quamvis Calviniana dogmata maxima ex parte profiteretur, & secundum quæ schismaticam suam Ecclesiam institui voluit.

VI. Ad hæc, convocato Parlamento, Archiepiscopos omnes, Episcopos, Prælatos, totumque Clerum novo Juramento obstringere decrevit: qui recusarent, primâ vice Beneficiis bonisque omnibus spoliari, & in carcerem detrudi, alterâ vice perduellionis damnari, & capite plecti edixit. Hæc est autem schismatici, quod Suprematæ vocant, Juramenti formula: *Ego N. prorsus testificor & declaro in conscientia mea, Reginam esse solam & supremam Gubernatricem, & istius Regni Angliæ & aliorum omnium suæ Majestatis Dominiorum, & Regionum, non minùs in omnibus spiritualibus atque Ecclesiasticis rebus, vel causis, quàm in temporalibus: & quod nemo externus Princeps, Persona, Prælati, Status, vel Potentatus, aut factio, aut Jure habet aliquam Jurisdictionem, Potestatem, Superioritatem, Præminentiam, vel Auctoritatem Ecclesiasticam, aut spirituales in hoc Regno. Ideoque planè renuntio & repudio omnes externas Jurisdictiones, Potestates, Superioritates, atque Auctoritates.*

VII. Juramentum hoc, non obstantibus declarationibus à Parlamento appositis, & factam ab Elisabetha in Religione & Ecclesiæ regimine immutationem, cum Episcopi omnes execrarentur, à Regina exactorati & relegati, aut in varios carceres coniecti sunt. Melior etiam pars Cleri, variorum Ordinum Monachi, Catholici Doctores, Nobiles Laici utriusque sexus in Veteri & Catholica Religione constantes, vel in custodiam dati, vel in exilium amandati. Cruenta inde persecutio in Sacerdotes, Monachos, & Concionatores Catholicos, aliosque ferventiores Catholicæ fidei propugnatores excitata, persecutionibus Paganorum crudelitate non impar, in qua tamen sicut in illis Fidem plurimi confirmarunt, de quibus Sanderi Continuator Lib. 3. de Schismate Anglicano legi potest, ubi infra refert: *Diarium rerum pro Religione Catholica in Turri Londinensi gestarum ab anno 1580. ad annum 1585.* ab uno ex Catholicis ibidem captivis scriptum: ac à pag. 464. Edmundi Campiani Societatis Jesu, ac plurimorum gloriosos agones recenset, à quibus referendis, ne prolixior sim, abstinebo.

VIII. Huic persecutioni furorem adauxerat severa ac justa Pii V. Constitutio data 5. Kalendas Martii anno 1570., quæ Elisabetham Angliæ Regno, omnique alio Dominio, Dignitate, Privilegio privatam declaravit, omnesque ac singulos ejus subditos à Juramento fidelitatis absolvit, lato in eos, qui illius legibus ac mandatis parerent, anathemate. Quam Constitutionem Gregorius XIII. & Sixtus V. innovarunt, & confirmarunt. Et jure quidem merito. Nam ut docet S. Thomas 2. 2. *Ad Ecclesiam* quidem non pertinet punire infidelitatem in illis, qui numquam fidem susceperunt, secundum illud Apostoli 1. ad Cor. 5. „ Quid mihi de his qui foris sunt, judicare? „ *Sed infidelitatem illorum, qui fidem susceperunt, potest sententialiter punire: Et convenienter in hoc puniuntur, quod subditis fidelibus dominari non possint: Hoc enim vergere posset in magnam fidei corruptionem; quia, ut dictum est (art. præced. ad 2.) homo apostata pravo corde machinatur malum, & jurgia seminat, intendens homines separare à fide. Et ideo quàm citò aliquis per sententiam denunciatur excommunicatus propter apostasiam à fide, ipso facto ejus subditi sunt absoluti à dominio ejus, & juramento fidelitatis, quo ei tenebantur.* Hæc S. Thomas. At hisce tribus sententiis quamvis æquiliimis exacerbata magis Elisabetha, crudeliori carnificinâ in Catholicos grassata est.

IX. Scotis perduellibus adversus Mariam Stuartam Reginam favit, eam ad se confugientem in custodiam dedit, oppressit, ac demum capitis supplicio affecit, approbatâ, quam iniquissimi Judices in eam tulerant, sententiâ, solis fultâ calumniis, quas innocen-

centissima Regina diluerat. Sententiæ subscripsit Elisabetha Kal. Februarii anno 1587. Maria verò capite truncata est die 18. ejusdem mensis, ætatis suæ anno 45. captivitatis verò 19. Princeps in fide Catholica constantissima, in cujus odium oppressa & interfecta est, seu potius martyrio coronata: tanta in ea fuit pro Catholica fide constantia, tanta in Deum pietas, ut ejus laudes omnes Historici celebrent. Inter quos Floremundus Lib.6. cap.19. Camdenus in Vita Elisabethæ Reginæ, Romualdus Scotus in Summario de morte Mariæ Stuartæ, ubi calumnias, quibus impicta fuit, & earum dilutiones describit, & alii.

X. Philippo II. Regi Catholico infensissima fuit Elisabetha. Cum Belgis, ab ipso & à Catholica fide rebellibus, contra ipsum foedus inivit, Guisios pecuniâ juvit & copiis Classem in Hispaniam immisit, non multò feliciori successu, quam Philippus suam in Angliam immiserat. Nuptias ejus plures Principes ambierunt, Ferdinandus Cæsaris ejusdem nominis filius, Carolus Maximiliani Cæsaris frater, Franciscus Dux Andegavensis Henrici Regis Christianissimi frater, & ex Anglia Nortfolciæ Dux, & Arundeliæ Comes. At illa spes singulorum pro rerum suarum opportunitate fovit, omnes elusit, se virginem permansuram asserens, velleque, ut in marmore in quo sepulta jaceret, inscriberetur: *Hic jacet Elisabetha, quæ & tot annos Regina, & totâ ætate suâ virgo extitit.* Obiit anno millesimo sexcentesimo tertio, die quarto Aprilis, ætatis anno septuagesimo, Regni quadragesimo quinto. Moritura successorem & Regni heredem Jacobum VI. Scotiæ Regem nominavit, qui postea Jacobus I. Angliæ Rex dictus fuit quatenus Anglia Scotiam comprehendit: unde Regis Magnæ Britanniae ortum nomen fuit; felix Princeps, quia viginti duobus annis Regnum in pace administravit. Felix quia ex patre Catholico, & matre Maria Stuarta pro fide Catholica martyre natus: Sed infelix, quia hæresim suscepit, eamque ad mortem usque professus fuit.

XI. Hanc deplorabilem sortem Anglia sortita fuit & adhuc sortitur, cujus initium Henrici VIII. libido, progressum Eduardi VI. puerilis impotentia, complementum Elisabethæ ambitio dedit. Dum enim abjecto Capite, quod Christus in Petro universæ Ecclesiæ suæ præfecit, alia inferiora membra dignitatem Capitis sibi usurparunt, velut corpus sine capite, huc illucque à membris distractum, ad sui exitium præceps irreparabiliter ruit. Hic fuit & adhuc est Anglicanæ Ecclesiæ tragicus casus. Quæ propter antiquissimam Sedi Apostolicæ obedientiam, & in Catholica fide constantiam, Ecclesiæ primogenita, & pura Christi Sponsa non immeri-

meritò vocabatur; modò rebellis, fornicaria, & adultera facta, cum omnibus se commiscet hæresibus: adeò ut quævis Secta, quamvis invicem pugnans, solâ exclusâ Catholicâ, quam per contentum Papiſticam vocat, ab ea peramanter admittatur. Hinc apud eam & Lutherani, & maximè Calvinistæ, eorumque propagines (de quibus supra cap. 112.) pacificam sedem habent. Insuper Sociniani, Deistæ, imo & Athei, aliaque in dies monstra ex ea prodeunt, ut verè dici possit, quòd ex tot pseudo-Religionibus nulla in ea Religio sit. Ut enim docet S. Augustinus Epist. 102. (aliàs 49.) contra Paganos qu. 2. & 3. Religio vera ab exordio generis humani una eademque semper fuit.

## CAPUT CXV.

## De Anti-Trinitariis &amp; Socinianis.

## §. I.

*De Michaelæ Serveto.*

I. **R**ECENTIUM Anti-Trinitariorum agmen ducit Servetus natione Hispanus. De hujus erroribus, ac supplicio aliqua dixi Cap. 111. §. 3. n. 1. Illius blasphemias de Trinitate & aliis Calvinus ipse exhorruit, unde eas recensuit & confutavit, ut legere est Tom. 8. ejus Operum edit. Amstelod. pag. 523. &c. Errores ergo omnes, qui antea de Trinitate fuerunt, maximè Sabellii, Arii & aliorum excitans, imo adaugens, dicebat Servetus

II. Primò: *Omnes qui Trinitatem statunt in Essentia Dei, esse Tritheitas, veros Atheos; nec Deum habere nisi tripartitum & aggregativum. Item habere connotativum Deum, non absolutum, imaginarios habere Deos, & illusiones Dæmoniorum* (L. 1. de Trinit. pag. 30.) Quibus respondet quod addit pag. sequenti: *Somnia ut voles, dirige oculos ad phantasmata, & tunc videbis, tuam Trinitatem non esse intelligibilem sine tribus phantasmatibus. Tandem concludit, Omnes Trinitarios esse Atheos.*

Secundò: *Tot auctoritatibus fulciri Hebræos, ut tripartitum Deum à nostris introductum meritò admirentur* (L. 1. de Trin. pag. 34.) Tertio: *Incorpoream Deitatem realiter distinctam Mahometo causam dedisse negandi Christum* (L. 1. pag. 36.) Quartò: *Tres illas res incorporeas distinctas in Dei unitate non posse stare, & esse Triadem imaginariam* (Lib. 1. pag. 29.)

III. Quin-

III. Quintò, ut fucum impiis suis dogmatibus inducat, fatetur quidem in Deo personalem fuisse distinctionem, sed personarum dumtaxat externam intelligit, quæ in Dei Essentia non verè subsistat: sicuti Lib. 3. de Trin. pag. 92. dicit: *Verbum fuisse idealem rationem ab initio, quæ jam hominem referebat; fuisse in Verbo apud Deum futuri hominis Jesu Christi exemplar, personam, effigiem, vultum, faciem, hominis in Deo representationem*. Item Dialog. 1. pag. 129. *Non esse inter Verbum & Spiritum realem differentiam*. Item Lib. 5. de 1<sup>a</sup> Trin. pag. 189. *Nullam fuisse in Deo realem generationem vel spirationem*.

IV. Sextò. Ut palàm appareat confundi ab eo personas Lib. 2. de Trin. pag. 66. sic loquitur: *Ipsa Sapientia simul olim erat Verbum, & Spiritus, quia non erat realis distinctio, ipsamet Sapientia erat Spiritus*. Et Lib. 5. de Trin. pag. 164. *Totum Verbi & Spiritus arcanum definit fuisse fulgentem Christi gloriam*.

Septimò. Quamquam autem neget distinctionem realem in tribus Divinis Personis ante Jesu Christi Incarnationem; dicit tamen, tantà glorià decoratum fuisse Christum, ut non solum sit ipse Deus de Deo, sed & sit Deus, de quo alius Deus procedat (L. 5. de Trin. pag. 185).

Octavò. Ipsum Christum esse Filium Dei, quatenus genitus est à Deo in utero Virginis Mariae. Idque non solum virtute Spiritus Sancti, sed quia Deus ex sua substantia illum genuit. L. 1. de Trin. pag. 11. Item Epist. ad Calvinum 1. & 2.

V. Nonò. Verbum Dei de Cælo descendens esse nunc carnem Christi: ita ut caro Christi de Cælo sit. L. 1. de Trin. pag. 17. & 18. Item L. 2. pag. 73. *Corpus ipsum Christi esse corpus Deitatis, carnem ejus Divinam: carnem Dei cælestem: de substantia Dei genitam*. Item Dial. 1. pag. 231. *Animam Christi esse Deum: carnem Christi esse Deum: & tam Christi Animam, quàm carnem fuisse ab æterno in propria Deitatis substantia*.

Decimò. Lib. 2. de Trin. pag. 77. sic loquitur: *Essentia Corporis & Animæ Christi est Verbi & Spiritus Deitas*. Et Christus ab initio est, tam ratione Corporis quàm ratione Animæ. Item Lib. 2. pag. 87. *Non solum in Anima, sed & in carne Christi est substantia Deitas*. Item Lib. 5. de Trin. pag. 164. *Dens erat Verbum, & Spiritus, Verbum & Spiritus dispensans in Corpus & Animam*.

VI. Undecimò. Ut exponat, sibi ludibrio esse Christi Divinitatem, dicit, eum dici Sapientiam, & Virtutem Dei, & splendorem gloria ipsius, perinde ac si vocaretur excellens quadam Sapientia & Virtus. Lib. 2. de Trin. pag. 87.

Duodecimò. *Jesum Christum hominem ab initio apud Deum fuisse*

fuisse in propria persona, & substantia. Lib. 2. de Trin. pag. 90. Alibi tamen tribuit Christo duas personas L. 4. de Trin. pag. 129.

Decimo tertio. Postquam confessus est Verbum Dei factum fuisse hominem, dicit, hoc Verbum fuisse semen Christi. L. 4. de Trin. pag. 145. Item, rem esse aliam à Filio. Lib. 1. de Trin. pag. 23. Item Verbum quo mundus est creatus productum fuisse ejus gratia: unde sequitur ipsum non esse illud Verbum Lib. 2. de Trin. pag. 85. Item Verbum Dei fuisse rorem naturalis geniturae Christi in utero Virginis, sicut semen generationis animalium. Dialog. 2. de Trin. pag. 260. Præterea Filium Dei naturaliter genitum fuisse per sermonem. L. 1. de Regeneratione pag. 355.

VII. Decimo quarto. Verbum ipsum Dei fuisse semen generationis Christi. Et sicut generantia omnia prius in se ipsis semen concipiunt, quam factum extra se mittant: ita fuisse in Deo semen Verbi priusquam in Maria Filius conciperetur. Lib. 4. de Trin. pag. 146. Item Paternum semen geniturae Christi, id ipsum in eo effecisse, quod in unoquoque nostrum facit semen creatum patris. Dialog. 2. de Trin. pag. 154.

Decimo quinto. Per actionem Spiritus Dei extitisse ipsum Christi Corpus, quoniam Verbo Divino quasi rore geniturae Christi cum elementis his creatis simul se terræ miscuerit: & quatenus Divinus & humanus balitus ejus animæ insitus fuerit, & coaluerit, extitisse hypostasim unam Spiritus ejus, quæ est hypostasis Spiritus Sancti. L. 5. de Trin. pag. 165. Et antea dixerat, in Christo tria elementa esse de substantia Patris L. 4. de Trinit. pag. 159.

Decimo sexto. Ut corrumpat dictum Apostoli 2. cap. ad Hebræos, Christum scilicet non assumpsisse naturam Angelorum, sed semen Abrahæ, sic exponit, nempe, quod nos à morte liberavit. L. 2. de Trin. pag. 90.

VIII. Decimo septimo. Deum esse Patrem Spiritus Sancti. Quod nihil aliud est, quam Personas confundere, quales etiam ipse fingit L. 5. de Trin.

Decimo octavo. Ut ostendat se ludere in voce Personæ dicit, unam solam fuisse personalem imaginem seu faciem, quæ erat Christi persona in Deo, etiam Angelis communicata L. 3. de Trin. pag. 102.

Decimo nono. L. 5. de Trin. pag. 194. dicit: In nobis solum esse elementa creata: in Christo esse creata & increata, & substantiam Spiritus Dei ipsi carni substantialiter communicatam.

Vigesimo. Rorem illum Cælestem Virginis obumbrantem, & semini ejus, & sanguini se se immiscentem transformasse in Deum humanam materiam. Dialog. 2. de Trinit. pag. 263.

IX. Vigesimo primo. Duas naturas confundens dicit, Lucem crea-



creatam & increatam fuisse in Christo unam lucem: & ex Spiritu Divino & animâ humanâ constituisse in Christo unam substantialem animam Dial. 2. de Trin. pag. 268. Adedque substantiam carnis & substantiam Verbi esse unam substantiam ( pag. sequenti ) Tandem concludit, *Carnem Christi substantiam Verbi habere corporaliter substantialem ipsum vitalem Spiritum Divinum, atque ita esse verè cœlestem & de substantia Dei carnem Verbi, carnem Dei, quæ existentiam habet æternam.* Dial. 2. de Trin. pag. 271.

Vigesimo secundo. *Jesum Christum participationem Dei & hominis habentem non potuisse dici creaturam, sed participem creaturarum.* Dial. 2. de Trin. pag. 272.

X. Vigesimo tertio. *Unam & eandem Deitatem, quæ est in Patre, communicatam fuisse Filio Jesu Christo immediate & corporaliter. Deinde eo Mediatore per ministerium Angeli Spiritus communicatam fuisse spiritualiter Apostolis. Ac Christo quidem soli à natura esse Deitatem insitam corporaliter & spiritualiter: verum ab eo dari aliis sanctum & substantialem halitum.* L. 2. de Trin. pag. 22.

Vigesimo quarto. *Sicuti Verbum descendit in carnem Christi, ita Spiritum Sanctum descendisse in Apostolorum animas.* Dial. 2. de Trin. pag. 264.

XI. Vigesimo quinto. *Personas confundens sic inquit: Naturaliter & voluntarie erat Logos idealis ratio, & prolatio, reluctance Christi apud Deum, Lux ejus apud Deum, Spiritus Christi apud Deum, Lux ejus apud Deum: unde sequitur nullam fuisse substantiam, cum figura tantum esset illius rei quæ nondum erat, & interea à Spiritu non differat.* Dial. 1. de Trin. pag. 208.

Vigesimo sexto. *Nullam ante Christi adventum visam fuisse Spiritus hypostasim.* L. 5. de Trin. pag. 297. Ex quo sequitur, nullam tunc fuisse hypostasim, nec personam, cum ipsi nulla sit persona nisi visibilis, quemadmodum in libris suis affirmat, & Responsis fatetur. Quibus respondet quod dicit Dial. 1. pag. 217. *Spiritum Dei umbram fuisse in creatione Mundi.*

Vigesimo septimo. Ut intelligatur, qualem æternitatem Christo tribuat: *Sicut, inquit, res omnes nunc sunt in Deo: ita eodem ordine ante creationem erant in eo, & primus omnium Christus. Item: Deus ratione suâ æternâ corporalem sibi & visibilem Filium æternaliter decernens, talis speciei substantiâ seipsum visibilem præbet per sermonem* ( Dial. 1. de Trinitate pag. 205. )

XII. Vigesimo octavo. *Christum, quamdiu in carne mortali versatus est, nondum accepisse Spiritum novum quem à sua resurrectione accepturus erat.* L. 5. de Trin. pag. 185. Item L. 5. de Trin. pag. 195. *Christum ante resurrectionem nondum obtinuisse totam Dei gloriam,*

*sed postea Spiritum novum accepisse. Totam ergo nunc Verbi & Spiritus gloriam hypostaticè solum Christum continere. Cui etiam respondet, quod Dial. 1. de Trin. pag. 231. scribit, Deum spirantem spirasse in Christum, sicut in nos, Spiritum Sanctum supervenientem: atque ita totam denuò Deitatem dispensatione alià spirasse, ac ejus priorem Spiritum in resurrectione innovasse, dato novo Spiritu, quem datus in Jordane Spiritus adumbrabat.*

XIII. Vigesimo nonò. *In Dei substantia partes esse & participationes, non eo modo quo in creaturis, sed secundam dispensationis distributionem, ita ut in Spiritus participatione cujusque portio sit Deus (3. de Trin. pag. 121.) Præterea ubi affirmavit, Spiritus nostros substantialiter ab æterno fuisse, subjungit, illos esse consubstantiales & coæternos (Dial. 1. de Trin. pag. 226.) Et tamen alio loco fatetur, Spiritum quo illuminati sumus extingui posse (Lib. de Regeneratione 4. pag. 555.)*

Trigésimò. *Omnibus insitum esse ab initio Spiritum Deitatis ex Dei habitu (Dial. 1. pag. 138.)*

Trigésimo primò. *Si quando in Lege dicitur esse in aliquo Spiritus Dei, non sumi pro Spiritu regenerationis Sancto.*

XIV. Trigésimo secundò. *Angelos olim ut Deos à Judæis fuisse adoratos (5. de Trin. pag. 184.) Ita ut illos ipsorum Deos appellet (pag. sequenti) Cui etiam respondet quod dicit Dial. 1. pag. 216. Nunquam fuisse in Lege Deum verè adoratum: sed Angelos adumbrantes Christum fuisse adoratos. Item Abraham credidisse illi qui Christum adumbrabat (pag. sequenti)*

Trigésimo tertio. *Et si autem fatetur, Christum, vel Verbum non habuisse hypostasim realem ab initio, nihilominus affirmat, Angelos & Electos in Deo fuisse realiter ab initio (Lib. 1. de Trin. pag. 135.)*

Trigésimo quarto. *In omnibus creaturis Deitatem constituit etiam substantialiter Dial. 1. pag. 213.*

XV. Trigésimo quinto. *Posteaquam verò multa deliria eaque perverfa ac perniciosa de animarum substantia consarcinavit à pag. 220. usque ad pag. 225. 1. Dialogi, tandem concludit, animam esse ex Deo, & ex ejus substantia. Item Inspirationem creatam in illam fuisse insitans unà cum Deitate: & iterum novà spiratione in unam cum Deo Lucem substantialiter coire per Spiritum Sanctum.*

Trigésimo sexto. *Quamquam autem anima non est Deus, eam tamen effici Deum per Spiritum, qui quidem est & ipse Deus: aded ut dubitare sit nefas, & animam nostram, & ipsum Christi Spiritum Sanctum sibi essentialiter junctam habere ejusmodi elementarem substantiam, sicut Verbum sibi junctam habet carnem. Atque res creatas*  
*& in-*

& increatas in unam animæ & spiritus substantiam coire ( Lib. 5. de Trin. pag. 181. & 182. )

XVI. Trigesimo septimò. Scripsit, adeoque vulgavit horrendas blasphemias contra Pedobaptismum, quemadmodum satis constat ex integris quatuor libris de Regeneratione, præsertim verò ex Conclusionè pag. 576. Item *non committi peccatum mortale ante annos viginti.*

XVII. Trigesimo octavò. *Animam redditam esse mortalem per peccatum sicut caro mortalis est: non quòd in nihilum anima redeat, sicut nec caro. Sed mori quando cum dolore vitalibus actionibus privatur, & in inferno languens detinetur, quasi non amplius vivitura* ( L. 4. de Regenerat. pag. 550. ) Deindè concludit, *Regenitos aliam habere animam quàm ante, propter substantiam innovatam, & novam Deitatem adiunctam* ( pag. sequenti )

XVIII. Hæc sunt deliria blasphema, quæ ex scriptis Serveti Calvinus ipse excerptis, quibus omnes hæreses contra Trinitatem Sabellii, Arii, Macedonii, contra Christum Nestorii, Eutychetis, Ebionitarum, & aliorum, aliasque contra Catholicam veritatem excitat & auget, ut supra dicta sigillatim consideranti constabit. Ad singulos præfatos Articulos addit Calvinus Serveti Responsiones, earumque refutationes, quas legere est Tomo 3. Oper. Calvini. Fertur etiam habitam fuisse Calvinum inter & Servetum acerrimam disputationem, in qua Servetus prævaluisse visus fuit. Quia tamen ejus propositiones nedum à Genevensibus, sed & ab omnibus Helvetiorum Sacramentariis, ut impie damnate fuerunt, idèò Servetus in eis defendendis pertinacior, promovente Calvino, ex Senatus Genevensis sententia vivus combustus est die 27. Octobris anni 1553. Servetus ambitione elatus videns Calvini Sectam in dies propagari, ut eam obscuraret, suam opponere statuit: sed infelix sibi fabricavit interitum.

## §. II.

*De Valentino Gentili, Georgio Blandrata, Alciato, Ochino, Francisco Davidis &c.*

I. **I** Gne, quo Servetus combustus fuit, Anti-Trinitariorum Secta extincta non fuit; Poloniam enim & Transilvaniam & Hungariam invasit, propagatoribus præcipuis Valentino Gentili Neapolitano, Georgio Blandrata Pedemontano, Joanne Paulo Alciato Mediolanensi, Bernardino Ochino Senensi, Francisco Davidis, & aliis.

Valentinus Gentilis non tantum Serveti blasphemias suas fecit, sed turpissimos de suo errores addidit, dicens „Tria concurrere in Trinitate, Essentiam quæ dicitur Pater, Filium, & Spiritum Sanctum. Patrem esse unicum illum Deum Israel, Deum Legis & Prophetarum, solum verum Deum, Essentiatorem; Filium Essentiatum, & precario Deum: Sophisticum esse commentum attribuere Patri propriam Personam in Essentia Deitatis: Qui id asserunt, Quaternitatem non Trinitatem agnoscere. Nam (ajebat) unica illa Essentia absque ulla consideratione Personarum est ex semetipsa verus Deus: & quilibet trium Personarum est item essentialiter Deus: sequitur ergo Quaternitas, non Trinitas.

II. Hæc à Valentino Gentili & nonnullis alijs agitari cum subolfecissent Italo-Calviniani coetus Genevæ Seniores, nullum illis præsentius remedium visum est, quam editâ Confessionis formulâ, cui omnes subscriberent, detegere, si quid occultum virus lateret. Editâ est 18. Maji anni 1558. & in Conventu proposita, ut liberum singulis esset in medium contra proferre, si quid reprehensione dignum censerent. Itaque protervi homines tribus circiter horis linguas suas blaterando exercuerunt, inter quos princeps fuit Joannes quidam, Paulus Alciatus, homo non stolidi tantum ac velani ingenii, sed planè phreneticus ad rabiem usque. Sedatâ omni contentione, nulla fuit controversia vel mora, quin omnes subscriberent, sex dumtaxat exceptis, quorum unus erat Valentinus: qui tamen vocati manu suâ testati sunt consensum.

Sed paulò post Valentinus, spreto jurejurando, suos susurros in obscuris angulis spargere ac tentare simplices ac imperitos non destitit, an aliquos irretire suis insidiis posset. Re ad Senatum delatâ, in judicium vocatus, & in carcerem trusus, ac statim multorum testimoniis perjurii convictus est. Auditus præsentibus Ministris, & à Calvino confutatus, uno effugio usus est, se disputandi artificium non tenere. Postea sarraginem quam diù meditatus fuerat, scriptam obtulit Senatui. In ea varias suæ fidei exhibet *Confessiones*, ac motiva, quæ videri possunt apud Calvinum Tom. 8. In *explicatione perfidiæ Valentini Gentilis*. Quibus adjuncta legitur responsio Calvini postridiè scripta.

III. Hoc responso accepto, etsi in eadem quâ coeperat petulantia audacter per aliquot dies perstitit; ubi tamen secum propriis expendit, sibi extremum supplicium imminere, nisi errores revocaret, simulatâ poenitentia Epistolam ad Senatum Genevensem scripsit in carcere, in qua suas blasphemias se agnoscere ac de testari proficitur, & veniam deprecans, Abjurationem errorum sua

sua

fua manu scriptam unâ misit, cuius hic erat tenor (apud Calvinum citato loco pag. 577.)

*Confiteor Patrem, & Filium, & Spiritum Sanctum esse unum Deum, idest, tres Personas distinctas in una Essentia. Pater non est Filius, nec Filius est Spiritus Sanctus, sed unaquæque illarum Personarum est integra illa Essentia. Item Filius & Spiritus Sanctus, quantum ad Divinam naturam, sunt unus Deus cum Patre, cui sunt coæquales & coeterni. Hoc illud est quod ego sentio, & corde simul ac ore profiteor, & confido fore per Dei gratiam, ut in hac Confessione vivam & moriar. Omnes autem hæreses huic sanctissimæ veritati contrarias damno & detestor, & quidem nominatim blasphemias illas, quas ipse meâ manu descripsi, quibus inter ceteros errores Quaternitatem assereram, & Christum statuebam unius Israelitici Dei Filium, ita ut aeternâ suâ Divinitate spoliaretur. Denique quoniam ex falsis istis fundamentis multæ falsissimæ consequutiones oriuntur, omnes illas damno & execror, & palam profiteor, me in omnibus & per omnia asfentiri Sanctæ hujus Ecclesiæ doctrinæ, & quidem in primis ac disertè in hoc Sanctissimæ Trinitatis articulo: in quo agnosco, me tam graviter tantaque cum blasphemia peccasse, ut libenter valim jam olim interuisse, ne tantum scelus admitterem. Hoc illud est quod sentio in corde meo: & infinitam Dei misericordiam precor, ut in posterum me afficiat tanto istarum rerum sensu, ut aliqua ex parte possint vera meæ pœnitentiæ fructus ab hominibus cognosci. 29. Augusti 1558.*

*Joannes Valentinus Gentilis manu propriâ.*

IV. Porro quamvis, subdit Calvinus, minimò nos latebat, simul ac elapsus esset, fore iterum sui similem, nec quicquam sinceri ab homine fallacissimo expectandum esse, Judicum tamen clementiæ nos intercessimus. Tali ergo sententiâ pœnam temperarunt Judices: *Habita ratione pœnitentiæ & conversionis tuæ, de qua apud nos protestasti es, simul ac misericordiam magis, quàm ad rigorem propensi, hâc nostrâ definitivâ sententiâ, quam ex scripto recitamus & edimus, te Valentinum Gentilem adjudicamus huic pœnæ, ut exatus usque ad camisam, pedibus nudis, & capite discooperto, facem accensam manu tenens, genibus in terram flexis, veniam à nobis & Justitiâ depreceris, fatendo te impiè & sceleratè sparsisse falsam & hæreticam doctrinam, & scripta tua in ejus defensionem detesteris, eaque propriis manibus tuis in ignem hic accensum conjicias, donec in cinerem redigantur, tanquam peruciosis mendaciis reserta. Et quò amplior sit reprobatio, ut ad clangorem tubæ ducaris per omnia urbis compita in hoc habitu cum prohibitione egrediendi eâ urbem. Sententiâ executioni mandata fuit 2. Septembris anni 1558.*

V. Aliquot post dies oblato libello supplici, à Senatu Gene-

veni

venſi impetravit, ut abſque interpoſito vade, præſtito tamen ju-  
rejurando de non diſcedendo ab urbe, è carcere dimitteretur. At  
contra fidem datam Genève clam auſugit ad hominem ſui ſimilem  
Matthæum Gribaldum, qui domo ſuâ profugus in quoddam  
latibulum ſe abdiderat, ubi petulantiùs quàm unquàm in Sacram  
Triadem debacchari cœpit, ſed apud capras & boves, quia locus  
deſertus erat. Indè à Gayenſi Præſecto in carcerem conſectus,  
ſimulatâ rursùs probitate evaſit. Mox Lugdunum ſe proripiens  
blaſphemum libellum edidit adverſus Symbolum S. Athanaſii  
nuncupatum. Ibi captus, ſed odio in Calvinum dimiſſus, Bernam  
in Helvetia ſe tranſtulit, ubi comprehenſus, & à Muſculo accuſa-  
tus anno 1566. tandem capitali ſupplicio affectus, vitam ut me-  
ruerat finivit, & quidem in errore pertinax, priuſquam enim  
caput ſecuri ſubmitteret, publicè dixit, quòd ubi alii vitam dede-  
runt pro Filio, ipſe primus vitam dabat pro Patre.

VI. Ex Anti-Trinitariis fuit Georgius Blandrata natione Pe-  
demontanus profeſſione medicus, qui è Papienſi Inquiſitione elap-  
ſus errores ſuos in Polonia ſpargere cœpit, quamvis terminis qui  
Orthodoxi videbantur eos tegere ſatageret. Indè in Tranſilva-  
niam migrans, ſuæ doctrinæ novitatem Joanni Sigifmundo Principi  
inſinuare ſtudit. Ad ejus quæſtiones extat Calvinî reſponſum  
Tomo 8. Operum pag. 585. editum. De eo & aliis ſimilibus Beza  
Epiſt. de Unitate Eſſentiæ Divinæ & tribus in ea ſubſiſtentibus  
Perſonis: *Legimus*, inquit, *idque non ſine horrore, quæ Gregorius,*  
*Paulus Caſanovius, & alii nonnulli à Blandrata & Gentile ſaſcinati,*  
*tres perſonas ſivè hypotaſes in tres numero Uſias ſivè eſſentias trans-*  
*formantes, variis libellis ſcripſerunt: in quibus tam multa tum ambi-*  
*gua, tum etiam blaſphema comperimus, ut de eorum dogmatibus &*  
*argumentis, ne nunc quidem penè nobis liqueat.* Quibus Beza confir-  
mat quæ ſupra dicebam, nempe Blandratam & ſimiles verborum  
involucris errores ſuos tegere ſtudiſſe. Miſerrimè trucidatus  
fertur Blandrata in Tranſilvania ab uno cognatorum ſuorum, qui  
bonis ejus inhiabat.

VII. De Joanne Paulo Alciato Mediolanenſi, nil aliud mihi  
occurrit dicendum, niſi quod Anti-Trinitariis ſe junxit & ad  
Mahometanos tandem defecit.

VIII. Bernardinus Ochinus patria Senenſis, Ordinis FF. Ca-  
puccinorum profeſſor fuit, cui præfuit ut Generalis, licet autem  
aliqui velint, eum fuiſſe unum ex illius Ordinis Fundatoribus, eis  
tamen non aſſentior. Is ergo cùm regulari obſervantiâ ac vitæ  
aſperitate novennio præfulſiſſet, & ſcientiâ, necnon loquendi fa-  
cundiâ omnibus etiam Principibus in æſtimatione, & honore eſſet,  
forte

fortè altiora, quæ ambiebat, consequendi spe destitutus, de Papa & Romana Sede malè loqui cœpit. Hoc cum Paulus III. tunc Pontifex rescivisset, Romam eum vocavit. Ochinus amicorum, spretis contiliis, sibi timens, Bononiâ quò pervenerat fugam arripere decrevit. Florentiâ transiens à Petro Vermilio seductus, cucullo & fide abjectâ, Genevam Apostatarum confugium se contulit, eumque idem Petrus Vermilius paulò post secutus fuit. Priùs tamen quam Genevam appelleret, in signum pseudo-Reformationis, Ochinus quamvis sexagenarius, meretriculam quandam velut uxorem acceptam secum adduxit.

At initio quidem à Genevensibus honorificè receptus, sed postea quasi Lutheranz Sectæ professor despectus, Genevam reliquit. Utque famam aucuparetur, novæ Sectæ se Auctorem facere meditatus fuit, sacrilegè contra Sanctissimam Trinitatem loquens, & pro Polygamia pugnans. Tigurum, Basileam, & tandem in Angliam unâ cum Petro Vermilio perrexit. Sed inde ambobus à Maria Regina Catholica ejectis, Ochinus in Germaniam, deindè in Poloniam se recepit. Sed cum hinc etiam à Sigismundo Rege cum aliis hæreticis abire compulsus esset, decrepitâ jam ætate, à quodam antiquo amico domi susceptus, ibi peste obiit, relinquens duos filios & unam filiam, assertâ uxore ab aliquot annis jam mortuâ. Ante mortem errores omnes ejurasse, & peccatorum confessionem Catholico ritu edidisse, Capuccinorum Annales probant, quamvis alii ab omnibus derelictum velut Atheum obisse velint. Mortuus est anno 1564. Reliquit scripta pestilentissima, quæ Anti-Trinitarii in sua Bibliotheca recensent, inter quæ sunt *Dialogi de Polygamia*, & libellus blasphemus contra *Seclam terrenorum Deorum*, quem Cardinalis Hosius in suo de adoranda Trinitate *Judicio* & *Censurâ* pro meritis exagitat.

IX. Franciscus Davidis omnium penè hæresum commenta, cum Anti-Trinitaria permiscuit, ut scribit Theodorus Beza Ep. 81. ubi ait: *Incidit Blandrata in Transilvaniam rediens in quemdam Franciscum Davidis, paulò magis quàm superiores illi, ut ajunt, providum: qui cum nimium crassam esse illam Tritheitarum blasphemiam simpliciter propositam animadvertisset, maluit omnia involvere permixtis omnium penè hac in re hæreseon commentis, quàm simpliciter suam sententiam profiteri. Certè in illis, quas initio scripsit, Theisibus, quæ illi tribuuntur, ausum dicere & profiteri, omnium hæreseon, quibus nunquam Christi Personam Satan oppugnavit, semina contineri. Quæ verò postea evomuit adedè impudenter, ut apertè & sine ambagibus, non pro hæreticis, sed pro veritatis assertoribus Origenem, Eutychen, Nestorium, Samosatenum, Arium, Donatum, Helvidium, Ne-*

*Nepotem, Eunomium, Praxeam, Photinum, Cerdonem, Sabellium, Acephalos, habeat & nominet; hæc, inquam, ejusmodi sunt, ut unum hoc sapere esse videatur, ut Satanam ipsum in Deo & veritatis folio collocet.* Hæc de Francisco Davidis Beza.

## §. III.

*De Socinianis.*

I. **A** Pud Anti-Trinitarios Lælii & Fausti Socini patruis & nepotis, à quibus etiam nunc Secta *Socinianorum* appellatur, celebrius nomen fuit. Uterque Senis in Hetruria ortus. Lælius Mariano Socino insigni Jurisconsulto parente natus fuit anno 1525. Faustus verò Alexandro Socino & Agnete Petricia parentibus Senis itidem ortum habuit anno 1539. Lælius cum rari ingenii specimen daret curante Mariano Patre linguarum & scientiarum studio talem operam dedit, ut omnes suæ ætatis juvenes superaret, sed familiari commercio cum quibusdam doctis Protestantibus corruptus, ingenium suum in Catholicæ fidei detrimentum vertere cœpit. Porro cum se in Italia parùm tutum ob Inquisitionis rigorem fore videret, anno 1547. ætatis suæ 21. patriâ relicta Galliam, Britanniam, Belgium, Germaniam universam, ipsamque Poloniam primo quadriennio emensus, apud Helvetios Tiguri sedem fixit. Ipsi cum Calvino, Melancthone, Beza, Bullingero, Musculo, Munstero, Petro Martyre, aliisque pestibus Evangelicæ doctrinæ corruptoribus, familiaritatem intercessisse, eorum ad ipsum literæ testantur. Specialiter tamen à Serveto doctrinam hausserat, sed peritus dissimulandi artifex, combusto Serveto, cam tegere studuit. Annis 1558. & 1559. literis Poloniæ & Bohemiæ Regum munitus Venetias se contulit, ut cum amicis de patrimonio transigeret. Tigurum reversus obiit tertio Idus Maii anno 1562. ætatis 37.

II. Audita ejus morte Faustus Socinus ejus nepos, qui tunc Lugduni morabatur, Tigurum festinus se contulit, ut defuncti patruis scriptis potiretur: erat enim & ipse eadem errorum labe infectus, cum tunc annum vigesimum tertium ageret; quos postea majori fidei perniciæ verbis & scriptis publicavit. Interim lupi speciem deponens, sub ovina pelle in Italiam rediens, Magni Hetruriæ Ducis animum lucratus fuit, & honorificis muneribus ab eo per duodennium decoratus. Verùm liberum campum exoptans suos & patruis errores effundendi, Basileam petiit, ubi Theologiæ sedulam operam triennio dedit, ac inde Sectam suam pluribus



bus scriptis, quæ duobus Tomis apud Bibliothecam Fratrum Polonorum continentur, evulgare coepit: in eisque propagandis ad Ecclesiæ perniciem quousque vixit perseveravit; donec excitatâ Cracoviæ anno 1598. adversus ipsum conjuratione, ut sibi imminens vitæ periculum effugeret, in pagum non procul Cracoviâ se recepit, libros sacrilegos continuò scribens, donec ad judicium coram Deo vocatus die 3. Martii anno 1604. ætatis 65. in domo Abrahami Blonki nobilis Poloni diem clausit extremum, unicâ ex uxore relicta filiâ. Nunc ad Socini utriusque errores procedamus.

III. De Religione dicebant: Dei & Religionis cognitionem ex naturæ fontibus hauriri non posse. De Sacra Scriptura: Christianis usum & lectionem Veteris Testamenti necessariam non esse, sed solum Novi Testamenti Libris, non aliis Christianam Religionem esse comprehensam: Scripturam Sacram ita esse, ut in verbis ad salutem necessariis, solâ rationis ope, salutariter sinè præcedente à Spiritu Sancto mentis illustratione, possit à quovis intelligi. Traditionem fidei regulam non esse.

IV. De Trinitate præcipui errores erant: Primò, in Essentia Divina unicam tantum esse Personam: implicare enim contradictionem unum esse Deum, & plures in eo Personas: & distinctionem istam, Unus in Essentia & Trinus in Personis, nec extare in Sacris Literis, & rationi ac veritati repugnare. Quare Christianos adorantes Trinitatem Cerberi tricipitis adoratores per irrisionem appellabant.

Secundò: Filium Dei vocari Deum non propriè, sed metaphorice, ob sublimem potestatem ab illo uno & vero Deo participatam: aiebat enim Faustus Socinus (in Examine de Trino & Uno Deo) quòd vox Deus dupliciter in Sacris Literis accipitur. Uno modo ut significat illum, qui tum in Cælo tum in terra ita aliis dominatur, ac præest, rerumque auctor est & origo, ut neminem superiorem ac principem habeat, nec ab ullo pendeat. Atque hoc priore modo dicitur Deus esse unus. Alter modus est cum significat eum, qui summum aliquod imperium, aut vim, aut potestatem ab ipso uno Deo habet, vel aliquâ alia ratione Divinitatis illius unius Dei est participes. Hoc autem altero modo in ipsis Sacris Literis vocatur nonnquam Filius, seu Christus Deus.

Tertiò: Spiritum Sanctum non esse Personam Divinam, sed virtutem & efficaciam Dei: ideòque in Scripturis non rarò ei tribui quæ Dei sunt propria, nunquam tamen disertè Deum dici, aut Personam Divinam; sicut nec Dei bonitas, aut justitia, aut misericordia unquam Personæ Divinæ dicuntur, sed Dei attributa virtutes ac proprietates.

*Tom. VII. Par. V.*

Ee

V. De

V. De Christo blasphemant, secundum personam esse hominem verum, non tamen esse purum hominem, sed Divinâ filiatione abortu inignitum, quatenus Divini Spiritus, vi suæ viri ope in Virginis utero conceptus & formatus fuit. Nam hujusce rei causâ eum Filium Dei vocatum iri, ipsius Dei Angelum ipsimet Virgini, ex qua natus est, prædixisse, Luca 1. & quidem consequenter Dei Filium proprium & unigenitum; cum nemo alius hâc ratione, & ab ipso primo ortu Dei Filius unquam extiterit.

Secundò: Christum ante Virginem non fuisse: & eâ dumtaxat ratione Primogenitum omnis creaturæ à S. Paulo. appellari, quòd ut dignitate, sic tempore omnium novarum creaturarum prima sit. Nam & conceptio ex Spiritu Sancto, & ab omni peccati labe immunitas, cum novum hominem, & consequenter novam creaturam constituunt. Ita Socinus in *Christianæ Religionis Institutione*.

His blasphemiiis accommodare conatur verba Evangelii S. Joannis cap. 1. *In principio erat Verbum* &c. quæ ita exponit: *In principio erat Verbum*, hoc est, *Christus Dei Filius*, metonymicè *Verbum* appellatur, quia ipsius operâ Evangelii verbum, quod prius latebat, innuit, & quia omnem Dei voluntatem nobis patefecit. *In principio Evangelii*, eo nimirum tempore quo Joannes Baptista ad frugem Israelitarum populum revocare cepit, & antequam ipsius Baptiste prædicatione innovasset, jam erat, & erat à Deo huic muneri voluntatem suam scilicet patefaciendi destinatus. Et Verbum erat apud Deum, Hoc est *Jesus*, quatenus *Dei Verbum*, antequam Baptiste prædicatione patefieret, soli Deo notus erat. Deus erat Verbum, non ratione substantiæ vel Personæ, sed auctoritatis, potentis ac beneficentiæ, quia salutis nostræ vitæque æternæ dux & auctor, & consummator extitit, Divinâ, dum in terris ageret, potentiâ, & auctoritate præditus. Omnia per ipsum facta sunt, & sine ipso factum est nihil, quod factum est, Id est omnia ad spiritualis mundi structuram, seu ad negotium Evangelii pertinentia: omnia nova hæc spiritualia atque Divina, quæ apud nos & in toto terrarum Orbe facta conspiciuntur, non aliundè ortum habent, quàm à *Jesu Christi* Evangelii prædicatione, Christi quæ operâ & potestate sunt facta. Et sine ipso factum est nihil, quod ad hanc factionem pertineret. His in Cerinthis Ebionis & sui patrociniū Evangelii Joannis verba Socinus impiè detorquet.

VI. De Incarnatione & Redemptione non minùs sacrilegè Sociniani loquuntur. Deum naturam humanam in unitatem Personæ assumisile negant: unde illud Evangelii, *Et Verbum caro factum est*, ita Socinus interpretatur: *Et Verbum caro fuit*, id est, homo ille.

*ille qui ex Maria Virgine natus est, quem Joannes tot laudibus extulit, fuit homo imbecillus, erumnosus, despectus, contemptus, & non secus atque alii morti obnoxius. Ita Socinus in cap. 1. Joann.*

Secundò: Christum Prophetam fuisse dicunt, quia prius in Cœlum raptus ad Patrem, ibidem de omnibus quæ se ac nos spectarent instructus, deinde in mundum ut ea impleret missus fuit. Ita Socinus in *Christiana Relig. Instit.* pag. 675.

Tertiò: Divinum honorem qui Christo exhibetur, ad Deum referri, Deum coli ut causam primam salutis nostræ, Christum verò ut secundam. Hæc pluribus in locis Socinus evomit.

Quartò: Christum Servatorem nostrum ideò dici, non quia salutem operatus sit pro nobis satisfaciendo, sed quia æternæ salutis viam nobis annuntiaverit. Hæc Socinus in *Prælectionibus Theologicis* à cap. 16. ad 30. in Libro de Christo Servatore contra Covetum: *Divinæ autem Justitiæ*, inquit, *per quam peccatores damnari mererentur, neque illum satisfecisse, neque ut satisfaceret opus fuisse. Redemptionem nostram per Christum factam esse metaphoricam, idest in ea peragenda nullum verum pretium intervenisse, sive nihil cuiquam pro nobis solutum fuisse. Christum non potuisse Divinæ Justitiæ pro nobis satisfacere. Non enim minus illum pro se obtulisse quam Legalem Pontificem. Proh impietatem!*

Quintò: Christum oblationem suam & Sacrificium non in Cruce, sed in Cœlo consummasse. *Dico igitur* (ait Socinus in *Christ. Relig. Institutione*) *Christi oblationem, quæ expiata peccata nostra fuisse dicuntur, non in Cruce, & per ipsum ibidem Sanguinis sui fusionem peractam fuisse, quemadmodum vulgò existimant, sed in Cœlo, & per sui ipsius ibi coram Deo pro nobis, ut sic dixerim, præsentationem.*

Sextò: Christum propriâ virtute à mortuis non surrexisse. In vero quidem Corpore, quo cum Discipulis conversatus fuerat, surrexisse, eisque apparuisse, ut suæ Resurrectionis saceret fidem: Hoc tamen post Ascensionem annihilatum est. Unde Christus jam carne & sanguine caret, & habet corpus quoad essentiam merè spirituale. Unde ait, etiam fidelium corpora post resurrectionem futura spiritalia, idest carne sanguine & oïibus caritura.

VII. De homine primò dicit, cum ante lapsum fuisse mortalem: *Nec mortalitatem quippè, neque mortem naturalem per peccatum intrasse, sed moriendi necessitatem & mortem æternam.* Ita Socinus in *Respons. ad Defensionem Francisci Puccii* cap. 8. & in *Prælect. Theol.* cap. 1.

Secundò: *Justitiam originalem in primo homine ante lapsum nullam fuisse.* In *Prælect. Theologicis* cap. 3.

Tertiò : Peccatum originis nullum esse . Ibidem cap. 4.

VIII. De Sacramentis . Baptismus aquæ dicunt à Christo non fuisse præceptum . Fieri quidem in Baptismo publicam Jesu nominis professionem , sine qua liberatio à peccatorum reatu haberi non potest : Hanc tamen Professionem externæ illi ablutioni alligatam non esse , quin alio modo , si Ecclesiæ placuerit , vel res ipsa necessariò tulerit , fieri possit .

Secundò : Eo ritu nec infantes , nec adultos regenerari .

Tertiò : Pædobaptismum , ceù Verbo Dei contrarium cum Anabaptistis rejiciunt .

IX. De Eucharistia dicunt , In sumptione illa panis & vini , quæ sit in Cœna Domini , nihil præter ipsum panem & vinum , sive à credentibus , sive à non credentibus accipi . Caremoniam esse dumtaxat , non Sacramentum , nec alium ejus finem esse , quàm mortis Domini recordationem . Abusum esse Cœnæ Domini credere , illam nobis aliquid conferre beneficii , vel gratiam Dei , vel nos ejusdem certiores facere . Nam quoad externam , quæ nos confirmare possunt in veritate Divina , nulla esse alia , quàm *aquam* , hoc est innocentiam , *sanguinem* , hoc est mortem truculentam , & *spiritum* , hoc est , miracula Jesu Christi Apostolorum & aliorum credentium : Quoad internam , nihil nos confirmare posse in gratia Dei , quàm spiritum Dei . Ita de more insanit Socinus in Lib. de Usu & fine Cœnæ Domini contra Niemiœjevium .

X. Circa Legem dicunt , Justos Veteris Testamenti Fide in Christum non fuisse justificatos , nec vitæ æternæ promissionem ad eos pertinuisse . Ita Socinus in Lib. *Quod Regni Poloniae* &c. & in Fragmentis de Justificatione .

Secundò : Præcepta moralia Novi Testamenti alia esse à Præceptis moralibus Veteris Fœderis . Ibidem .

XI. De Gratia & Justificatione cum Pelagio Socinus loquitur , nimirum , Voluntatem ad perficiendum ea quæ Deus jubet , in omnibus naturaliter esse posse , imò in plerisque esse , nisi assuetudine peccandi factum sit , ut quis ipso peccato delectetur . Porro vires non esse ita exiguas , ut homo ope Dei accedente , si sibi ipsi vim facere velit , Legi Divinæ parere non possit . Auxilium autem istud Divinum esse duplex , exterius , & interius . Exterius esse promissiones Legi adjunctas alicujus boni , cujus desiderio ac spe homines permoti , Legem servandi difficultatem superant , vel minas alicujus mali , cujus odio & metu perterriti , à lege infirmenda sedulò sibi cavent . Interius autem auxilium duplex est . Unum , cum Deus id quod sibi obedientibus pro-

„ promisit, eorum etiam cordibus quodammodo inscribit. Al-  
 „ terum cum ad ipsius voluntatem rectè percipiendam mentem  
 „ erudit, eamque illustrat. Ita Socinus in *Prælectionibus Theo-*  
*logicis* cap. 5.

Secundò „ Deum omnes, quibus Christi Evangelium an-  
 „ nuntiatur, salvos facere velle, ac vitâ aternâ donare, si modò  
 „ eidem Evangelio credant atque obediant: ut autem credere,  
 „ atque obedire possint (naturæ scilicet & liberi arbitrii viribus)  
 „ omnibus *generatim concedere*. Ita Socinus in *Thesibus de Ju-*  
*sificatione*.

Tertiò: Nullam esse Dei Prædestinationem, quâ nominatim  
 ab æterno de singulis hominibus decreverit, quis omnino salvan-  
 dus, quis damnandus sit. Ita Socinus in *Prælectionibus Theo-*  
*logicis* cap. 6.

Quartò: Nullam esse in Deo futurorum, quæ ex hominis li-  
 bertate pendent, certam & infallibilem prænotionem, seu præ-  
 scientiam: nullum singulare decretum eorum, quæ ad salutem  
 aut damnationem hominum attinent. Ibidem à cap. 8. ad 15. Et  
 in cap. 9. Epist. ad Romanos.

XII. Quoad Animas & Resurrectionem dicunt, Animas à mor-  
 te non superesse. Homines impios penitus annihilari. Resurre-  
 ctionem impiorum nullam futuram, sed eos tantum impios judi-  
 candos, qui tunc vivi ultimo die deprehendantur, eosque unâ  
 cum Diabolo in ignem æternum detrusum iri. Qui ignis æternus  
 ipsis dicetur, non propterea quod in æternum affligat, & infideles  
 omnes ardendo non comburantur, sed quod in æternum non con-  
 tingat ex eo liberatio. Igitur negant cruciatus impiorum & Dæ-  
 monum in æternum duraturos, (cum absurdum sit Deum irasce-  
 ri in æternum, & peccata creaturarum finita poenâ infinitâ mulcta-  
 re) verum esse omnes simul abolendos. Adeò ut mors & infer-  
 nus dicantur concijendi in stagnum illud ardens. Hæc Socinus &  
 sui pluribus in locis blasphemant.

XIII. De Ecclesia verò dicunt, Primò: Visibilem Ecclesiam  
 perpetuò non extitisse, aut porro extituram. Socinus in *Solutione*  
*Scrptulorum, ad septimum*.

Secundò: Nullas esse notas, quæ possint fidem facere veræ  
 Ecclesiæ. Idem in *Excerptis de Ecclesia*.

Tertiò: Non esse querendam ab Ecclesia Divinam veritatem:  
 neminemque teneri querere & investigare, quam sit vera Chri-  
 sti Ecclesia. (Ibidem.)

Quartò: Ecclesiam plenè defecisse, & per Apostolica scri-  
 pta instaurari posse. (Ibidem.)

Quin-

Quintò: Alios condemnare qui secum per omnia non sentiunt, & extra suos cœtus nullam salutem esse affirmare, hoc non esse Apostolicæ Ecclesiæ proprium, sed potius ab ea alienum. Apostolicam Ecclesiam eam non esse, quæ in nulla prorsus suæ doctrinæ parte errat, sed eam quæ in iis non errat, quæ ad salutem sunt necessaria. Aliqua doctrinæ capita, sine quibus nemini salus contingere queat, ex solo eoque aperto Dei Verbo constituendâ. Quod si nihilominus in hac parte erratum fuerit, quatenus aliqua capita constituta fuerint, quæ ex isto numero re verâ non sint, non idcirco veram Christi Ecclesiam esse desinere, quæ hoc fecerit, dummodo nullum eorum prætermiserit, quæ ex isto sunt numero. ( Ibidem. )

Sextò: Antichristum tunc extitisse, quando Romani Episcopi Primatus extitit. Nam tunc primum Christi præcepta passim convelli cœpisse, & pro vero Dei cultu idololatriam aliquam induci. ( Ibidem. )

Septimò: His verbis Christi: *Tu es Petrus, & super banc Petram ædificabo Ecclesiam meam*, nihil S. Petro promissum fuisse, quod aliis Apostolis non fuerit datum. Ita Socinus in Tract. quo hunc locum explicat.

Octavò: Vanissimum esse eorum commentum, qui ex Christi verbis: *Et porta inferi non prævalebunt adversus eam*, concludunt Christi Ecclesiam non posse diabolicis ullis viribus aut artibus subverti, aut in errores perniciosos induci. Sed sensum Christi verborum esse, ipsum Infernum, seu omnem vim ac potestatem Inferni non prævalituram Ecclesiæ suæ, idest eos qui verè Christiani fuerint, in mortuorum statu, & conditione non remansuros. ( Ibidem. )

Nonò: Claves Petro à Christo traditas nihil aliud esse, quàm facultatem declarandi & pronuntiandi, quinam ad Regnum Cœlorum pertineant, vel non pertineant, idest ad statum & conditionem eorum, in quibus Deus per gratiam suam habitat & regnat, sive in hoc, sive in futuro seculo. ( Ibidem. )

XIV. Doctrina moralis Socinianoꝝ dogmaticæ dissimilis non est. Zuinglium, Lutherum, & Colampadium, ceu salutaris Reformationis authores prædicant. Conciliis Œcumenicis, etiam quatuor prioribus ac præcipuè Nicæno I. fidem abrogant. S. Athanasio cæterisque Patribus ( quia eorum erroribus reuſtunt ) detrachunt. Vide Socinum in *Solutione Scrupulorum*.

Secundò: Non licere homini Christiano etiam Magistratus auctoritate bella gerere, & ejus opem, secundum Leges, ad vindicandas quasvisque injurias implorare. Ita Socinus in cap. 5. & 6.

& 6. Matthæi ubi dicit Bellum gerere rem esse per se malam, & Christi præceptis contrariam.

Tertiò: Privata iuramenta etiam pro rebus certissimis Christiano esse vetita, inquit Socinus; hæc tamen exceptione, *modo res sint leves, & voluntarium iurandum. Iuramenta autem de rebus gravibus, nec indignis, in quibus Deus testis, & vindex etiam appellatur, à Christo non interdici.* Hoc observato, Socinus non errat.

Quartò: Magistratum cum potestate coactiva à Christianis exerceri non posse, nec populum Christianum id munus alicui deferre.

Quintò: Non licere Christianis vitam suam, aut suorum contra latrones & invasores vi oppositâ defendere, si possint: quia fieri non potest, ut Deus hominem verè piûm, ipsique ex animo confidentem, tali involvi patiat periculo, in quo quidem ipsum servatum velit, sed non aliter, quàm sanguinis humani effusione.

Sextò: Homicidium aggressoris pro graviore delicto habendum esse, quàm ipsam vindictam. Vindicando enim retribuam injuriam jam acceptam; at hic occido hominem, qui me forsitan nondum læserat, nec dum occiderat; sed qui voluntatem tantum habuit me lædendi aut occidendi: imò de quo certò scire non possum, an me animo occidendi, & non potius terrendi tantum, quò tutius me spoliare possit, aggrediatur. Hæc docet Wolzogenius ad 4. Quæstiones de Magistratu & Bello quæst. 1. & 3.

Septimò: Docent demum, Ecclesiæ Ministris, Doctoribus, Prædicatoribus Missionem ac vocationem necessariam non esse: & Apostolum cum ait: *Quomodo predicabunt, nisi mittantur?* non loqui de quavis prædicatione; sed de prædicatione dumtaxat novæ & inauditæ doctrinæ, qualis fuit prædicatio Apostolica. Hoc clypeo tueri se conantur Socinus & alii pseudo-Reformatores, qui nullum suæ missionis signum ostendere possunt. At secum pugnant. Nam si Apostolis, quia novam & inauditam doctrinam prædicabant, necessariam voluit fuisse Missionem: multò magis ipsis, qui doctrinam non solum novam, sed Ecclesiæ omnium, seculorum contrariam doctrinam evulgare cœperunt, necessaria fuisset & vocatio à Deo. Cujus cum nullum vel leve signum hæc temus ostenderint, non doctrinæ Christi prædicatores, sed corruptores à Satana missi, jure dicendi sunt.

XV. In prænarratis Socini erroribus, qui sedulò eos sigillatim inspexerit, omnium hæresum colluviem & abyssum inveniet. Nèdum enim eas, quas novi pseudo-Reformatores excitarunt, confirmat, sed alias peiores, contra Trinitatem & Christum, quas

illi

illi tangere ausi non fuerant, jamdiu sepultas ab inferis revocare non erubuit, à quibus specialiter confutandis supersedeo, cum variis in locis contra singulas egerim. Secta hæc variis in regionibus, ut in Hollandia, & Anglia adhuc serpentis more latitat, cujus veneno infecti sunt ii qui *Deistæ* appellantur, & Libri qui in dies prodeunt apertè manifestant. De Fausto (verius Infauisto) Socino ejus Alleeclæ canere solent:

*Tota licet Babylon destruxit testæ Lutherus,  
Muros Calvinus, sed fundamenta Socinus.*

## CAPUT CXVI.

## De Michaelæ Bajo.

## §. I.

*Baji errorum initia & progressus.*

I. **M**ICHAEL Bajus Lovaniensis Academiæ Doctör & Professor, & tandem Decanus, vir fuit doctrinâ & probitate celebris, ac unus ex Theologis Philippi II. Regis Catholici ad Concilium Tridentinum missis. Sed cum in doctrina à Patribus accepta se non continens, novarum opinionum esset amator, ac eas in publicum spargere cupidus, aliquas earum, de Operibus, Libero Arbitrio, aliisque Articulis, in scriptis & disputationibus propugnare cœpit, quibus diversam famam sibi comparavit. Ab aliquibus enim, & præcipuè à Joanne Hassel ejusdem Academiæ Doctore, qui ejus condiscipulus fuerat sub disciplina celebris Ruardi Tapper, ut vir perdoctus & subtilis ingenii habebatur. Ab aliis verò tanquam Novator, & parum sanæ doctrinæ traducebatur. Hinc multis pro una parte, multis pro alia pugnantibus, in Academiâ scissio facta est.

II. Contentio etiam inter quosdam ex Ordine Minorum, qui olim Baji discipuli fuerant, exorta fuit, cum hi Magistri sui novas opiniones tueri vellent, alii verò ejusdem sodalitatù pro veteribus sententiis standum esse contenderent. Qui veteres sententias tuebantur, Facultatem Parisiensem consulendam existimarent, ideòque novas Baji opiniones ad octodecim capita redactas ad eam transmiserunt. Facultas verò eas seriò perpenas acri censurâ dignas existimavit. At quod ad jurgia extinguenda tuerat cogitatum, ea ferventiùs excitavit. Nam Bajanæ doctrinæ defensores Magistros extimularunt, ut læsum decorem repararent.

Edi-



Edita itaque fuit contra Theologorum Parisiensium Censuram, Apologia, quam unâ cum Censura ipsâ in Seripandi Commentariis haberi observat Cardinalis Pallavicinus Lib. 15. c. 7. Semina hæc fuerunt zizaniorum, quæ ad turbendam Ecclesiæ pacem, & seducendos incautos Janseii Yprensis gregales in messem collegerunt, & adhuc in dies colligunt, non adversus Facultatis Parisiensis, sed & Apostolicæ Sedis iteratas Censuras blaterantes.

III. Modò ad Bajum redeo. Cardinalis Commendonus, qui occasione Concilii Tridentini Pii IV. Legatus in illis partibus aderat, omni dexteritate, etiam Pontificis mandato, Bajum ad suos revocandos errores, vel saltem ad silentium ab utraque parte servandum adhortari conatus fuit; sed frustra: maximè quia quidam Superior Franciscanus, cum inopportuno zelo adactus quosdam sui Ordinis Baji defensores tanquam hæreticos poenâ multasset, comminatus insuper eos ut tales à Papa declarari se facturum, animos tum Magistrorum tum Sequacium magis accendit. Contigere hæc circa annum 1561. Operâ tamen Belgii Gubernatoris incendium hoc aliquandiù sopitum fuit.

IV. Post aliquod tempus Bajus unâ cum Joanne Hesselio, & Cornelio Janzenio (postea Gandavensi Episcopo) ejusdem Academia Lovaniensis Theologis, nomine Philippi II. Hispaniarum Regis Tridentino Concilio interfuit. Verùm cum in Concilio quaestiones ad propria eorum opinamenta spectantes tunc non agerentur, data non est opportunitas Bajum à sententia dimovendi. Nam cum regula prudentiæ sit, bellorum externorum tempore domesticos pacatos & contentos continere, Baji opiniones dissimulatæ sunt, donec Synodus abolveretur. Postea, cum illæ in pluribus illius libris sparæ essent, & errores, ut solet, ex erroribus pullularent, ac dissidiorum tumultus ex eorum occasione in Belgio succrevissent, eis occurrere Apostolicæ Sedi visum est, ac de eis supremo judicio statuere.

## §. II.

### *Baji errorum damnatio.*

I. **P**Ræerat tunc Romanæ & Apostolicæ Ecclesiæ vir, non solum nomine, sed pietate insignis ac propterea Sanctorum albo solemnî ritu adscriptus Pius V. Hic pro veritate causæ Baji cognitione susceptâ, novisque ejus dogmatibus maturè ac seriò examinatis, septuaginta novem ejus Positiones edito diplomate damnavit. Hujus initium est.

*Tom. VII. Par. V.*

*Ff*

*E9*

Ex omnibus afflictionibus, quas in hoc loco à Domino constituti tam luctuoso tempore sustinemus, ille animum nostrum præcipue ex-cruciat dolor, quòd Religio Christiana, tantis jam pridem turbinibus agitata, novis quotidie propositis opinionibus conficitur, Christianus-que populus antiqui hostis suggestionibus diffectus, in alios inque alios er-rores passim & promiscue deferatur. Quantum verò ad nos attinet, totis viribus conamur, ut illi simulatque prosiliunt penitus oppriman-tur: magno etenim mæore afficimur, quòd plerique spectata aliquin probitatis & doctrinæ viri in aliquas sententias, offensionis & periculi plenas, cum verbo tum scriptis prorumpunt, denique eis etiam in Scholis invicem controversantur. Ita S. Pontifex, quasi præscius eorum, quibus Jansenistæ & alii Ecclesiam conturbant, & con-turbare non ceitant.

II. Propositiones autem, quas damnavit his verbis recenset.

1. Nec Angeli, nec primi hominis adhuc integri merita rectè vocantur gratia.

2. Sicut opus malum ex natura sua est mortis aternæ merito-rium, sic bonum opus ex natura sua est vitæ aternæ meritum.

3. Et bonis Angelis & primo homini, si in statu illo perman sis-sent usque ad ultimum vitæ, felicitas esset merces, & non gratia.

4. Vita aterna homini integro & Angelo promissa fuit intuitu bonorum operum: & bona opera ex lege naturæ ad illam consequendam per se sufficiunt.

5. In promissione facta Angelo & primo homini continetur natu-ralis justitiæ constitutio, quæ pro bonis operibus, sinè alio respectu, vitæ aternæ iustis promittitur.

6. Naturali Lege constitutum fuit homini, ut si in obedientia perseveraret, ad eam vitam pertransiret, in qua mori non posset.

7. Primi hominis integri merita fuerunt primæ creationis mu-nera: sed juxta modum loquendi Scripturæ Sacræ, non rectè vocan-tur gratiæ; quo fit, ut tantum merita, non etiam gratiæ debeant nuncupari.

8. In redemptis per gratiam Christi nullum inveniri potest bonum meritum, quod non sit gratis indigno collatum.

9. Dona concessa homini integro & Angelo, forsitan non impro-bandâ ratione possunt dici gratia: sed quia secundum usum Scriptu-ræ nomine gratiæ tantum ea munera intelliguntur, quæ per Jesum malè merentibus & indignis conferuntur, idè neque merita, nec merces quæ illis redditur, gratia dici debet.

10. Solutionem pænæ temporalis, quæ peccato dimisso sæpè manet, & corporis resurrectionem, propriè nonnisi meritis Christi ad-scribendam esse.

II. Quod

11. *Quod pie & iuste in hac vita mortali usque in finem conversati vitam consequimur aeternam, id non propriè gratiæ Dei, sed ordinationi naturali statim initio creationis constitutæ, iusto Dei iudicio, deputandum est.*

12. *Nec in hac retributione bonorum ad Christi meritum respicitur, sed tantum ad primam constitutionem generis humani, in qua Lege naturali institutum est, ut iusto Dei iudicio obedientiæ mandatorum vita aeterna reddatur.*

13. *Pelagii sententia est, opus bonum citra gratiam adoptionis factum non esse Regni Cælestis meritum.*

14. *Opera bona à filiis adoptionis facta, non accipiunt rationem meriti ex eo quod sunt per spiritum adoptionis inhabitantem corda filiorum Dei; sed tantum ex eo quod sunt conformia Legi, quodque per ea præstatur obedientia Legi.*

15. *Opera bona iustorum non accipient in die iudicii extremæ ampliorem mercedem, quam iusto Dei iudicio merentur accipere.*

16. *Ratio meriti non consistit in eo quod qui bene operatur, habeat gratiam & inhabitantem Spiritum Sanctum, sed in eo solum quod obedit Divinæ Legi.*

17. *Non est vera Legis obedientia, quæ fit suæ caritate.*

18. *Sentiant cum Pelagio qui dicunt, esse necessariam ad rationem meriti, ut homo per gratiam adoptionis sublimetur ad statum Deificum.*

19. *Opera Catechumenorum, ut Fides & Pœnitentia, ante remissionem peccatorum facta sunt vitæ aeternæ merita, quam ii non consequuntur, nisi prius præcedentium delictorum impedimenta tollantur.*

20. *Opera iustitiæ & temperantiæ, quæ Christus fecit, ex dignitate Personæ operantis non traxerunt maiorem valorem.*

21. *Nullum est peccatum ex natura sua veniale, sed omne peccatum meretur pœnam aeternam.*

22. *Humana natura sublimatio & exaltatio in consortium Divinæ naturæ debita fuit integritati primæ conditionis, ac proinde naturalis dicenda est, non supernaturalis.*

23. *Cum Pelagius sentiunt, qui textum Apostoli ad Romanos secundo, „ Genes quæ Legem non habent, naturaliter quæ Legis sunt faciunt, „ intelligunt de Gentibus fidem non habentibus.*

24. *Abfurda est eorum sententia, qui dicunt, hominem ab initio dono quodam supernaturali & gratuito supra conditionem naturæ fuisse exaltatum, ut fide, spe, caritate Deum supernaturaliter coleret.*

25. *A vanis & otiosis hominibus secundum insipientiam Philoso-*

phorum excogitata est sententia, hominem ab initio sic constitutum, ut per dona naturæ superaddita, fuerit largitate conditoris sublimatus & in Dei filium adoptatus; & ad Pelagianismum rejicienda est illa sententia.

26. Omnia opera Infidelium sunt peccata, & Philosophorum virtutes sunt vitia.

27. Integritas prima creationis non fuit indebita humana naturæ exaltatio, sed naturalis ejus conditio.

28. Liberum arbitrium sine gratiæ Dei adjutorio nonnisi ad peccandum valet.

29. Pelagianus est error dicere, quod liberum arbitrium valet ad ullum peccatum vitandum.

30. Non solum fures ii sunt & latrones, qui Christum viam & estium veritatis & vitæ negant; sed etiam quicumque aliud quàm per Christum in viam justitiæ, hoc est, ad aliquam justitiam conscendi posse dicunt: aut tentationi ulli sine gratiæ ipsius adjutorio resistere hominem posse, sic ut in eam non inducatur, aut ab ea superetur.

31. Caritas perfectæ & sincera, quæ est ex corde puro & conscientia bona, & fide non ficta, tam in Catechumenis quàm in Penitentibus potest esse sine remissione peccatorum.

32. Caritas illa, quæ est plenitudo Legis, non est semper conjuncta cum remissione peccatorum.

33. Catechumenus justè, rectè, & sanctè vivit, & mandata Dei observat, ac Legem implet per caritatem, ante obtentam remissionem peccatorum, quæ in Baptismi lavacro demum percipitur.

34. Distinctio illa duplicis amoris; naturalis videlicet, quæ Deus amatur ut auctor naturæ; & gratuiti, quo Deus amatur ut beatificator; vana est & commentitia, & ad illudendum Sacris Literis & plurimis Veterum testimoniis excogitata.

35. Omne quod agit peccator vel servus peccati peccatum est.

36. Amor naturalis, qui ex viribus naturæ exoritur, ex sola Philosophia per elationem præsumptionis humanæ, cum injuria Crucis Christi defenditur à nonnullis Doctores.

37. Cum Pelagio sentit, qui boni aliquid naturalis, hoc est, quod ex naturæ solis viribus ortum ducit, agnoscit.

38. Omnis amor creaturæ naturalis, aut vitiosa est cupiditas, quæ mundus diligitur, quæ à Joanne prohibetur; aut laudabilis illa caritas, quæ per Spiritum Sanctum in corde diffusa, Deus amatur.

39. Quod voluntariè fit, etiamsi in necessitate fiat, liberè tamen fit.

40. In omnibus suis actibus peccator servit dominanti cupiditati.

41. Is libertatis modus, qui est à necessitate, sub libertatis nomine

nunc non reperitur in Scripturis, sed solum libertatis à peccato.

42. *Iustitia*, quæ justificatur per fidem impius, consistit formaliter in obedientia mandatorum, quæ est operum iustitia, non autem in gratia aliqua animæ infusa, quæ adoptatur homo in filium Dei, & secundum interiorem hominem renovatur, & Divinæ naturæ confors efficitur, ut sic per Spiritum Sanctum renovatus, deinceps bene vivere & Dei mandatis obedire possit.

43. In hominibus penitentibus ante Sacramentum Absolutionis, & in Catechumenis ante Baptismum est vera justificatio, separata tamen à justificatione peccatorum.

44. Operibus plerisque, quæ à Fidelibus fiunt, ut mandatis Dei pareant, cujusmodi sunt obedire parentibus, depositum reddere, ab homicidio à furto à fornicatione abstinere, justificantur quidem homines, quia sunt Legis obedientia & veræ Legis iustitia, non tamen iis obtinent incrementa virtutum.

45. *Sacrificium Missæ* non aliâ ratione est *Sacrificium*, quàm generali illâ, quæ omne opus quod fit, ut sanctâ societate Deo homo inhaereat.

46. Ad rationem & definitionem peccati non pertinet voluntarium, nec definitionis quæstio est, sed causæ & originis, utrum omne peccatum debeat esse voluntarium.

47. Unde peccatum Originis verè habet rationem peccati sine ulla relatione ad voluntatem, à qua originem habuit.

48. Peccatum Originis est habituati parvuli voluntate voluntarium, & habitualiter dominatur parvulo, eo quod non gerit contrarium voluntatis arbitrium.

49. Et ex habituali voluntate dominante fit, ut parvulus decedens sine regenerationis Sacramento, quando usum rationis consecutus erat, & maliter Deum odio habeat, Deum blasphemet, & Legi Dei repugnet.

50. Prava desideria, quibus ratio non consentit, & quæ homo invito patitur, sunt prohibita præcepto „Non concupisces.”

51. *Concupiscentia*, sive lex membrorum, & prava ejus desideria, quæ invito sentiunt homines, sunt vera Legis inobedientia.

50. Omne scelus ejus est conditionis, ut suum authorem & omnes posteros eo modo inficere possit, quo infecit prima transgressio.

53. Quantum ex vi transgressionis, tantum meritorum malorum à generante contrahunt qui cum minoribus nascuntur vitiis, quàm qui cum majoribus.

54. Diffinitiva hæc sententia „Deum homini nihil impossibile præcepisse”, falsè tribuitur Augustino, cum Pelagii sit.

55. Deus non potuisset ab initio talem creare hominem, qualis nunc nascitur.

56. In

56. In peccato duo sunt, actus & reatus; transeunte autem actu, nihil manet nisi reatus, sive obligatio ad pœnam.

57. Unde in Sacramento Baptismi, aut Sacerdotis absolutione, propriè reatus peccati dumtaxat tollitur, & ministerium Sacerdotum solum liberat à reatu.

58. Peccator pœnitens non vivificatur ministerio Sacerdotis absolventis, sed à solo Deo, qui pœnitentiam suggerens & inspirans, vivificat eum & resuscitat: ministerio autem Sacerdotis solus reatus tollitur.

59. Quando per eleemosynas, aliaque pietatis opera, Deo satisfacimus pro bonis temporalibus, non dignum pretium Deo pro peccatis nostris offerimus, sicut quidam errantes autumant: nam aliqui essemus saltem aliqua ex parte redemptores: sed aliquid facimus, cuius intuitu Christi satisfactio nobis applicatur & communicatur.

60. Per Passiones Sanctorum in Indulgentiis communicatas non propriè redimuntur nostra delicta, sed per communionem caritatis nobis eorum Passiones impertiuntur, ut digni simus, qui pretio sanguinis Christi à pœnis pro peccatis debitis liberemur.

61. Celebris illa Doctorum distinctio, Divinæ Legis mandata, bifariam impleri, altero modo quantum ad præceptorum operum substantiam tantum, altero quantum ad certum quemdam modum, videlicet secundum quem valeant operantem perducere ad Regnum æternum, hoc est, ad modum meritorum, commentitia est, & explodenda.

62. Illa quoque distinctio, quæ opus dicitur bifariam bonum; vel quia ex objecto & omnibus circumstantiis rectum est & bonum, quod moraliter bonum appellari consuevit; vel quia est meritum Regni æterni, eò quod sit à vivo Christi membro per spiritum caritatis; rejicienda putatur.

63. Similiter & illa distinctio duplicis iustitiæ; alterius, quæ fit per spiritum caritatis inhabitantem; alterius quæ fit ex inspiratione quidem Spiritus Sancti cor ad pœnitentiam excitantis, sed nondum inhabitantis, & in eo caritatem diffundentis, quæ Divina Legis iustificatio impleatur; rejicienda est.

64. Denique & illa distinctio duplicis vivificationis; alterius, quæ vivificatur peccator, dum ei pœnitentia & vitæ novæ propositum & inchoatio per Dei gratiam inspiratur; alterius quæ vivificatur qui verè iustificatur, & palmes vivus in vitæ Christo efficitur; commentitia est, & Scripturis minimè congruens.

65. Nonnisi Pelagiano errore admitti potest usus aliquis liberi arbitrii bonus, sive non malus; & gratiæ Christi injuriam facit, qui ita sentit & docet.

66. Sola violentia repugnat libertati hominis naturali.

67. Ho-

67. *Homo peccat, etiam damnabiliter, in eo quod necessarium facit.*

68. *Infidelitas purè negativa, in iis quibus Christus non est predicatus, peccatum est.*

69. *Iustificatio impii fit formaliter per obedientiam Legis, non autem per occultam communicationem & inspirationem gratiae, quae per eam iustificatos faciat implere Legem.*

70. *Homo existens in peccato mortali, sive in reatu aeternae damnationis, potest habere veram caritatem: & caritas etiam perfecta potest consistere cum reatu aeternae damnationis.*

71. *Per Contritionem, etiam cum caritate perfecta & cum voto suscipiendi Sacramentum conjugum, non remittitur crimen, extra casum necessitatis vel martyrii, sine actuali susceptione Sacramenti.*

72. *Omnes omnino justorum afflictiones sunt ultiones peccatorum ipsorum, unde Job & Martyres quae passi sunt, propter peccata sua passi sunt.*

73. *Nemo propter Christum est absque peccato originali: Hinc Beata Virgo mortua est propter peccatum ex Adam contractum: omnesque ejus afflictiones in hac vita, sicut & aliorum justorum, fuerunt ultiones peccati actualis vel originalis.*

74. *Concupiscentia in renatis relapsis in peccatum mortale, in quibus jam dominatur, peccatum est, sicut & alii habitus pravi.*

75. *Motus pravi concupiscentiae sunt pro statu hominis vitiosi prohibiti praecepto „ Non concupisces „. Unde homo eos sentiens, & non consentiens transgreditur praeceptum.*

76. *Quamdiu aliquid concupiscentiae carnalis in diligente est, non facit praeceptum „ Diliges Dominum Deum tuum ex toto corde tuo „.*

77. *Satisfactiones laboriosae iustificationum non valent expiare de condigno poenam temporalem restantem post culpam condonatum.*

78. *Immortalitas primi hominis non erat gratiae beneficium, sed naturalis conditio.*

79. *Falsa est Doctorum sententia, Primum hominem potuisse à Deo creari, & institui sine iustitia naturali.*

III. Hæ sunt Propositiones ex ipso Diplomate ad verbum transcriptæ, quas Pius V. in Bajo damnavit, quæ ad hæc principia compendio resolvi possunt, nempe statum hominis innocentis esse statum naturalem, nec in alio statu potuisse Deum illum condere. Ejus merita in eo statu non potuisse dici Gratiam, cum per vires suæ naturæ vitam æternam mereri potuisset. Post peccatum verò omnia opera hominis sine gratia facta, esse peccata, itemque omnia opera infidelium, imo ipsam infidelitatem negativam pec-

peccatum esse: Libertatem verò in Scripturâ sensu nil aliud esse, quàm liberationem à peccato; & compatibilem esse cum necessitate. Motus concupiscentiæ etsi involuntarios præcepto prohibito esse, & in baptizatis esse peccatum, cum in statum peccati relapsi fuerint. Caritatem dari posse in homine, qui peccatorum remissionem nondum obtinuerit. Per Contritionem perfectam, etsi cum voto suscipiendi Baptismi vel absolutionis Sacramentum conjunctam, non remitti peccatum, nisi illud actu suscipiat. Neminem (excepto Christo) nasci sine peccato originali, ac poenitates quas B. Virgo aliique Sancti pertulerunt, fuisse punitiones peccati originalis, sive actualis. Hominem, etiam priusquam iustificetur, mereri posse vitam æternam. Dicit demum non posse quòd homo per opera bona & poenitentia satisfaciatur, sed quòd intuitu talium operum satisfactio Christi ei applicetur. Hæc est summa errorum, qui in scriptis Baji censurâ notati fuerunt.

IV. Præfatas ergo omnes Propositiones Pius V. damnavit, nomini tamen Michaelis Baji pepercit mansuetissimus Pontifex; nec declaravit, quanam cuique censura conveniret; secutus in hoc exemplum, tum Concilii Constantiensis contra errores Wicleffi, tum Leonis X. contra Lutheri errores; & addidit, aliquas quidem ex proscriptis Propositionibus (nullam tamen adnotando) posse aliquo pacto sustineri, non tamen in rigore & sensu ab Assertoribus intento, & omnes damnat his verbis: *Quas quidem sententias stricto coràm nobis examine ponderatas (quamquam nonnullæ aliquo pacto sustineri possent) in rigore & proprio verborum sensu ab Assertoribus intento, hæreticas, erroneas, suspectas, temerarias, scandalosas, & in pias aures offensionem immittentes, respectivè, ac quæcumque super iis verbo scriptoque emissis, præsentium auctoritate damnamus, circumscribimus & abolemus &c.* Datum fuit hoc Diploma anno 1567. Kal. Octobris Pontificatus 2.

## §. III.

*Ea quæ post damnationem secuta sunt.*

I. **D**iploma præfatum S. Pius locis publicis, ut moris est, affigi noluit, sed majoris lenitatis ergo illud tradidit Antonio Tituli S. Bartholomæi in Insula Cardinali Granvellano Archiepiscopo Mechliniensi tunc Romæ commoranti; injungens ei, ut illud notificari faceret tum Universitati Lovaniensi tum ipsi Bajo, & pro sui zelo & prudentia ad damnatorum errorum extirpationem, & unionem & pacem Catholicam disponderet, additâ facultate Re-



fractarios censuris & poenis mulctandi, ut ex verbis ipsius Diplomatis colligere licet. Pontificis mandato obsequens Cardinalis Granvellanus, Maximiliano Morillonio Vicario suo Literis præcepit, ut præcipuis Lovaniensis Facultatis Magistris Diploma notificaret, ageretque ut Bajus ipse Censuræ Sanctitatis Sux se submitteret. Quod ille executus fuit. Convocatâ enim Facultate, Bullam coram ea legit, quæ licet optaret sibi tradi Bullæ exemplum, ipse autem negaret, solumque se Articulos damnatos traditurum promitteret, se tamen parituram sponndit, nec deinceps damnatos Articulos defensuram. Idem Bajus ipse promisit, solum conquerens, quod ipso inaudito damnatæ fuissent Positiones ut suæ, quæ suæ non essent. Nec tamen statim acquievit, sed in sui defensionem, tum ad Pontificem, tum ad Cardinalem Simonettam anno 1569. literas dedit.

II. Baji literis respondit Pontifex Brevi dato 3. Maji 1569., hisce strictis terminis, nempe, Causam fuisse sufficienter examinatam, ac proinde ipsum se adhortari, ut pro debito se se lato Judicio submitteret. Hoc Breve unâ cum simili Cardinalis Simonettæ responso Morillonius die 20. Junii Bajo præsentavit, acriter eum objurgans, quod post damnationem pro suarum Positionum defensione scribere ausus fuisset; ideoque in Irregularitatem incidit. Bajus, sive scrupulo, sive humilitate permotus, in genua procumbens, absolutionem petiit. At respondente Morillonio, eam se indulgere non posse, nisi prius errores abjuraret, petit Bajus, sibi tradi Bullam, ut ex ea sigillatim nosset errores, quos ejurare deberet. Sed licet Morillonius reponeret, se eam apud se non habere, obtinuit tamen à Bajo, ut suis in manibus errores omnes damnatos ejurare, quo præstito, absolutionem à censuris ei impartitus fuit. Nullum tamen de hoc actu documentum scripto exegit, sed totum quod inter Bajum & ipsum in hoc contigit, secretum permanfit solo Parocho S. Gudulæ præsentē, ut ex literis ad Cardinalem Granvellanum ab ipso Morillonio super hoc datis apparet. Hæc refert Du Pin. in Biblioth. Auct. Ecclesiastic. To. 16. verbo *Bajus* pag. 144.

III. An verò in asserta abjuratione constans & fidelis Bajus permanferit, non leve dubium est; ea enim quæ postea in sui defensionem docuisse ac scripsisse fertur, maximam de ejus sinceritate suspicionem reliquerunt. Hoc verum est, quod haud deficientibus damnatarum opinionum defensoribus, nec illarum causâ discordiis, & interim Pio Pontifice vitâ functo, Diploma confirmatum, & solemniter promulgatum est Romæ à Gregorio XIII. ejus Successore anno 1579. insertum in Bulla incipiente: *Prævisio-*

*nis nostræ* 4. Kal. Januarii. Quod ad Facultatem Lovaniensem & ipsum Bajum deicrii jussit per Franciscum Toletum Societatis Jesu theologum, tunc Pontificium Concionatorem, postea S. R. E. Cardinalem à Clemente VIII. creatum. Hic Bajum à pravis illis opinionibus removere studuit, cohortans, ut Sedis Apostolicæ judicio tandem acquiesceret, quod à viro pio æquè ac erudito facillè obtinuit; privatâ ejus scripta retractatione contentus, quam ad Pontificem transmisit.

IV. Forma autem Retractionis hæc est: *Ego Michael de Baji Cancellarius Universitatis Lovaniensis agnosco & profiteor, me ex variis colloquiis & communicationibus habitis cum R. P. D. Francisco Toledo Concionatore Suae Sanctitatis, & ad hanc rem specialiter misso super diversis sententiis & propositionibus jam olim à S. D. Pio V. fel. record. sub data Kal. Octobris anno 1567. & nuper à Gregorio XIII. moderno Pont. Maximo sub data 4. Kal. Februarii anno 1597. iteratè damnatis & prohibitis, ita motum & eductum esse, ut planè mihi babeam persuasum, earum omnium sententiarum damnationem atque prohibitionem, jure meritoque, ac nonnisi maturo judicio, & diligentissimâ excussione præmissis, factam, atque decretam esse. Eteor insuper plurimas ex iisdem sententiis in nonnullis libellis à me olim, & ante emanatam Sedis Apostolicæ super iis censuram scriptis, & in lucem editis contineri & defendi etiam in eo sensu, in quo reprobantur. Denique declaro, me in præsentiarum ab illis omnibus recedere, & damnationi à S. Sede factæ acquiescere, neque posthac illas docere, asserere aut defendere. velle. Datum Lovanii die 24. Martii anno 1580.*

*Michael de Baji.*

V. Universitas ipsa Lovaniensis eâ quâ par erat veneratione, & Diplomata & Decreta Pontificia suscepit, latâ insuper lege, ne quisquis in eam adscribi vellet admitteretur, nisi perpetuam prius eorum observantiam jurejurando pacisceretur. Censuram ac Judicium contra Propositiones Baji confirmavit Urbanus VIII. in Constit. *In eminenti* pridie Nonas Martii anno 1641. quam per ejus in Gallia tunc Apocrisarium, deindè Cardinalem Grimaldum transmissâ, Facultas Parisiensis, quæ Baji errores antea damnaverat, unanimi consensu, & summâ veneratione anno 1644. Kal. Februarii suscepit.

VI. His non obstantibus, non desuere, quæ etiam in Academia Lovaniensi super Propositionum Baji damnationis intelligentia, novas lites excitarent; dicentes, aliquas ex præfatis Propositionibus etiam in sensu ab earum Assertoribus intento sustineri posse, eo quia Bulla Pii V. sic loquitur: *Quamquam nonnulla aliquo pacto*

*paſſo ſuſtineri poſſent* (nullâ interjectâ virgulâ) *in rigore & proprio verborum ſenſu ab aſſertoribus intento, hæreticas &c.* Ideoque Bullam adulteratam eſſe ab eis, qui inter hæc verba *ſuſtineri poſſent*, & iſta ſequentia *in rigore & proprio verborum ſenſum* virgulam interpoſuerunt. Nullam eo loco interjectam eſſe virgulam in originali Bulla Jacobus Janſenius Lovaniensis Doctor autographum manibus tenens ac legens teſtabatur. Idem ſentit Janſenius Yprenſis Epiſcopus Lib. 4. *de Statu naturæ lapſæ* cap. ultimo, aſſerens ſe nullum virgulæ, ſeu diſtinctionis veſtigium in autographo, quodd ſæpè legerat, vidiſſe, & conſultò diſtinctionis notam ſeu virgulam à Pontifice omiſſam contendit, ut quaſdam ex illis Propositionibus in ſenſu ab Aucto-ribus intento ſuſtineri poſſe ſignificaret.

Verùm dato etiam quodd in Pii V. Diplomate eo loco & aliis ſcribere incuriâ, virgula deſſet, in Gregorii tamen XIII. originali Diplomate cum virgula hanc ſententiam legere eſt, ſicut in Conſtitutione Urbani VIII. quæ incipit: *In eminenti*. Accedit, quodd ſi abſque virgula interjacente verba illa legenda eſſent, ſibi contradiceret Pius Pontifex. Nam ſi aliquæ Baji Propositiones in rigore & proprio verborum ſenſu ab Aſſertoribus intento ſuſtineri poſſunt: ergo abſolutè ideſt, in ſenſu proprio, ſeu in ſenſu quem reddunt, & in quo à Bajo aſſeruntur propugnari poterunt. Cur ergo eas unâ cum aliis damnat? Cur inſuper omnium retractationem à Michaele Bajo poſtulavit, & obtinuit Toletus, ſi aliquæ earum in rigore & proprio ſenſu ab Auctore intento ſuſtineri potuiſſent? Verba ergo illa Pontificii Diplomatis non in ſenſu copulativo, ſed adverſativo accipienda ſunt, ideſt quamquam nonnullæ in aliquo ſenſu ſuſtineri poſſent, nempe in ſanum ſenſum utcumque ſpecti; tamen in rigore & proprio ſenſu quem verba præ ſe ferunt, & in quo ab Aucto-ribus aſſeruntur, damnamus abolemus &c.

VII. Mortuus eſt Bajus circa annum 1590., cùmque anno 1513. natus fuerit, ſit eum in ſenectute ætatis ſcilicet 77. è vivis deceſſiſſe. Errores tamen cum eo non deceſſerunt. Nam periculoſiores ſeculo decimo ſeptimo, novos addens, reviviſcere fecit Cornelius Janſenius Yprenſis Epiſcopus, eoſque in Opere inſcripto *Auguſtinus* velut S. Auguſtini doctrinam venditans multos incautos decipit, & adhuc decipit, non ſinè magna Eccleſiæ Catholice turbatione. Sed de hoc infra ſermo erit.



## CAPUT XVII.

De Postello, &amp; Spinosa.

## §. I.

*Postelli errores.*

I. **G**UILLELMUS Postellus Barentoni Normanniæ vico natus fuit. Philosophiæ primùm deindè Matheseos studio vacavit, postea longissimis peregrinationibus perfectissimam linguarum exoticarum, & præcipuè Orientalium cognitionem adeptus, in plures errores incidit. Ei nonnulli tribuunt fanaticam & blasphemam opinionem de feminei sexus reparatione nondum consummata, & per *Mutrem Joannam Virginem Venetam* adimplenda, quam & edito libro, cui titulus erat, *Virgo Veneta*, propugnauerit. Ipsum tamen ab hoc errore ac delirio vindicat Floremundus Remundus L. 2. de Origine Hæreseos c. 15. dum ipsum hunc Librum scripsisse tradit, non quòd ita sentiret, sed ut Joannæ suæ insignis benefactricis, à qua subsidia ad longinquas peregrinationes acceperat, nomen specialibus laudibus celebraret.

II. Venetiis Romam digressus, cùm non exigua pietatis documenta præberet, ad tyrocinium Societatis Jesu à S. Ignatio admisus est, sed non multò post ob ingenii petulantiam dimissus. Subindè variis de erroribus accusatus, ab Inquisitore Fidei perpetuo carcere damnatus est: ex quo tamen elapsus in Gallias rediit, ubi maximo in pretio à Carolo IX. Rege Christianissimo habitus est, & ab omni Eruditorum hominum natione, maxime ob multiplicem linguarum notitiam. Ibi multa scripsit deliriis & erroribus inspersa, nimirum de Trinitate, Mundi Corporis & Animarum: De Christo intoxicato: De Matrice Mundi: De salvandis universis generis humani Sectis: De clave absconditorum à seculo, quæ nec Apostoli, nec ipsa Ecclesia portare potuisset: De mysteriis sibi per Angelum Raziel revelatis: De nativitate Mediatoris futura, & alia ejusdem furfuris.

III. Propter hæc à Theologis Parisiensibus sæpius reprehensus, & à Magistratu increpitus, nec resipiscens, demum in Monasterium S. Martini à Campis secedere jussus, ibi abdicatis erroribus; & omnibus, quæ unquam docuerat vel scripserat, Ecclesiæ judicio & correctioni submissis; per annos aliquot piè vixit, obiitque die

die 7. Septembris anno 1581. penè centenarius, prosperâ semper ad hanc usque ætatem valetudine usus, ad quam se pervenisse agebat, quòd nullo unquam actu venereo se fœdasset. Librum utilem edidit *De Orbis concordia* inscriptum, quo Ethnici, Mahometani, Judæi, ac Hæretici omnes refelluntur, ac Religionis Christianæ & Catholicæ veritas adversus illos vindicatur. Hæc ex Alexandre in Hist. Sec. 15. & 16. cap. 2. art. 15. excerpta sunt.

## §. II.

*Spinosa errores.*

I. **B**enedictus Spinosa à nativitate Judæus, postea nomine saltem Christianus, tandem professione Atheus, Amstelodami parentibus Judæis natus fuit anno 1632. Homo erat mediocris staturæ, faciei proportionatæ, subnigri coloris. Nec valdè melanconicus, nec valdè hilaris, nullâ se passione agi demonstrabat. Parentes ejus ex Judæis erant, qui ex Portugallia pulsî in Hollandiam confugerant. Mercatores erant non valdè divites, amicorum tamen ope Spinosa commodè vivebat. Apud quemdam medicum nomine Franciscum Van-den-ende linguarum Latinæ & Germanicæ studio operam dedit, qui cùm haberet filiam in eis valdè instructam, ab ista loco patris Spinosa persæpè erudiebatur. Contigit, ut medicus iste specie suæ artis in Galliam transfiret, eo tempore quo inter Gallia Regem & Hollandos bellum fervebat. Sed detectus, quòd apud Normannos pro Hollandis contra Regem conspirationes fereret, traditus Commissariis, & convictus, in patibulo ignominiosè vitam finivit. Ab isto prima Atheismi semina Spinosam accepisse, fama est.

II. Adhuc adolescens Theologiæ Judæorum aliquot annis Spinosa operam dedit, sed videns, Rabbinos solis inniti chimeris, tædio affectus tale studium abjecit, & Judæorum religione contemptâ, totum se Philosophiæ studio mancipavit. Ob spretum, quo de Judaismo loquebatur, scandalo commota Synagoga nihil omisit, quòd eum ad se revocaret, oblatâ quoquè ei pensione, quam ille recusavit. Ut suæ Nationis honorem vindicaret Judæus quidam, ipsum dum è Theatro noctu exiret, proditoriè aggressus pugione transfigere tentavit, irritò tamen conatu; nam ictus vestes quidem penetravit, sed pellem vix tetigit. Ab eo tempore à Judæis prorsus secessit, à quibus excommunicatus Apologiam Hispano idiomate conscripsit (quæ tamen non extat) sui secessus à Judaismo rationem reddens.

III. Tunc


III. Tunc Philosophiæ, seu veriùs Atheismi, cujus semina ante conceperat, studio totum se dedit: cui Systema Cartesii valde opportunum iudicans, ex hoc sua principia statuit, quæ in Libello anno 1664. edito Geometricè demonstrare conatus est; & anno sequenti alio Libello de Juribus Ecclesiasticorum, ostendere conatus fuit, eos aliam Religionem docere non debere, quàm illam, cui Magistratus adhærent, in hoc Thomam Hobbes in suo *Leviathan* secutus. Ut autem suis studiis liberius vacaret, Mundo quasi renuntians, relicto Amstelodamo, ruri se recepit. Cùmque adhuc Judæus artem conficiendi crysalla ad Microscopia & alia ad videndum instrumenta perfectè didicisset, ac insuper imagines calamo perpolitè delinearet, successivis post studium horis ad hæc divertebat, quibus amicis suis, quorum mensæ, sobrius tamen semper, assidebat, ne illis oneri esset, ex parte compensabat.

IV. Dum in hac velut solitudine moraretur, Librum evomuisse creditur, cui titulus *Traëtatus Theologico-Politicus*, Amstelodami vel Amburgi impressum anno 1670. in quo veri Atheismi semina jecit. In eo enim magnificis quidem nominibus de Deo loquitur, vocans eum Æternum, Infinitum, Creatorem omnium; re verà tamen Deum negat, & Divinitatem tollit. Contendit enim, Mundum purum esse effectum naturæ, quæ illum ab æterno, & necessariò produxit. Hunc quem Deum vocamus, nil aliud esse, quàm hujus naturæ virtutem in omnes creaturas diffusam: supponit quippè in omnium rerum natura unam solam substantiam, esse, & hanc attributis infinitis præditam, & præcipuè extensione ac mente. Hoc supposito contendit, omnia corpora, quæ in universo sunt, hujus substantiæ, quatenus illa cogitat, modificationes esse: Ita ut Deus, ens necessarium, infinitè perfectum, sit quidem causa omnium quæ existant, sed ab ipsis rebus non sit diversum. Igitur juxta hanc insanissimam hypothesim unum est ens, una natura sola, & hæc actione immanenti producit in se ipsa quidquid vocamus creaturam. Ita ut idem Creator sit & creatura, idem Agens & Pariens, causa efficiens & subjectum, & quidquid producit ejus modificatio sit. Monstruosa sanè doctrina, & hæcenus fortè inaudita.

V. Hæc aliaque de Spinoza Jo. Baptista Pacichellus Epist. Famil. Tom. 1. pag. 226. scribit: *Spinoza auctor est Traëtatus Theologico-Politici, qui Hamburgi anno 1670. in lucem prodiit. Parentibus Judæis natus est, quorum Religionem nunquam ejuravit, nec Christianis Sacris hæcenus initiatus est. Plurima memorantur hujus viri de Religione sententiæ. In Traëtatu prædicto omnium Religionum, sed præcipuè Judaicæ & Christianæ, eversionem sibi proposuisse*

videtur, ut Atheismo & Libertinismo aditus pateat: Religiones omnes inventas esse asserit propter bonum quod Reipublicæ evenit, cum plurimum conferat, ut Civēs inter se pacem colant, & Magistratibus obediant: Neque admittit, ob speciem præmii aut metum penarum in altera vita, homines virtutem amplecti, sed potius propter ipsius virtutis præstantiam, & commoda, quæ in hac vita ab ejus cultoribus excerpuntur. Qualem de Deo opinionem foveat, non satis apertè prodit. Videtur tamen innuere, Deum sibi non videri ens summe perfectum intelligentiæ præditum, & felicissimum qualem homines vulgò sibi suadent. Sed solam illam virtutem singulis rebus inditam, & per omnia diffusam, unicum esse Numen. Hagæ Comitis, ubi aliquandò hæsit, crebrò invasebatur ab omnibus novitatum pauld amantioribus, etiam à puellis melioris notæ, quæ sibi de ingenio blandiebantur, & supra sui sexus sortem sapere cupiebant. In Hollandia, ubi maximè serpit hæc pestis, Spinosita non se audent in publicum proferre, nec rotandæ animi sensus expromere, Magistratuum decretis coerciti. Multas novas & inauditas sententias, quæque à communibus hominum opinionibus abhorrent, in lucem prodidit Spinoza. Quas inter vel illa mirabilis est, quòd de Prophetiæ dono vulgavit, quod vi imaginativæ fortiori attribuit. Verbo ut absolvam, totus in eo est, ut Religionem ad normam suæ Philosophiæ, quæ in multis errat, effingat. Hæc de Spinoza Pacichellus.

VI. Præfatus Liber Tractatus Theologicæ-Politicus in varias linguas sub diversis tamen titulis translatus fuit, ab opposito autem à pluribus nedum Catholicis, sed & Protestantibus confutatus. Hollandiæ Status publico Edicto illum damnarunt, & ne venderetur vetuerunt. Tandem Hagæ Comitis die 23. Februarii anni 1677. Spinoza nec Judæus, nec unquam Christianus, diem clausit extremum. De qualitate mortis dicunt aliqui, quòd cum ethico morbo laboraret, sentiens se jam moriturum, mandavit ne ullus ex Ministris ad se adduceretur, ne fortè evulgaretur eum timore mortis, & conscientia extimulante, alienis adhortationibus permotum sententiam retractasse, & in suo Atheismo non perseverasse. Alii, & fortè veriùs, volunt, quòd cum domestici Domini cæ die post prædium ad Ecclesiam convenissent, domum reversi eum mortuum invenerint.



## CAPUT CXVIII.

## De Janfenistis.

## §. I.

*Janfenii Persona.*

I. **D**UO sub Cornelii Janfenii nomine in Belgio eodem ferè tempore fuere, ac uterque Lovaniensis Academiæ Doctor & Professor. Unus Hulstii natus anno 1510. qui post emensa linguarum Hebraicæ, Græcæ, & Latinæ studia, tanquam ad perfectam Sacræ Scripturæ, cui vacare cupiebat, intelligentiam necessaria, post Theologiæ cursum expletum, quam per duodennium Monachos Præmonstratenses docuit, quo tempore composuit celebre Opus Concordiæ Evangelicæ cum Commentariis, quæ præfatis Monachis pro lectione dicebat. Indè Lovanium reversus, & doctoratu laureatus S. Jacobi Decanatu potitus fuit. Ejus famâ permotus Philippus II. Hispaniarum Rex ad Concilium Tridentinum misit, quo in munere, ut divi, socium habuit Bajum, ac indè reversum ad Episcopatum Gandavensem idem Philippus nominavit anno 1568. Quo in munere cum per octo annos eam Ecclesiam dignè administrasset, tandem anno 1576. 11. Aprilis ætatis anno 66. mortuus est, relictis præter laudatum Concordiæ Evangelicæ Opus, aliis super Vetus Testamentum præclaris monumentis.

II. Alter Janfenius (de quo hic loquuturus sum) natus est anno 1585. Leerdami modico Bataviæ Oppido, parentibus cum tota familia pro fide Catholica ferventissimis. Ultrajecti puerilibus & humanioribus literis eruditus, Philosophiæ deindè Lovanii in Pædagogio Falconis operam dedit, & anno 1604. Licentiatu Artium primus inter quatuor renunciatus fuit. Mox Theologiæ studio vacaturus, in Collegium Adriani VI. Pont. Maximi à moderatore ejus Jacobo Janfonio viro pietate & doctrinâ illustri adscitus est. Post acce & assiduum aliquot annorum studium, in tabis & vitæ periculum incidit, unde medicorum consilio solum & aerem mutare, & in Galliam peregrinari constituit. Lutetiæ manens cum Joanne Vergerio nomine Abbatis de S. Cyran notissimo, familiaritatem iniiit, qui eum in domo cujusdam Regii Consilarii sub munere magistri filiorum ejus collocavit. Post aliquod tempus Bojanam se transtulit, quod ejus amicus beneficus se receperat, ibi-



ibique studio præcipuè SS. Patrum diuturno tempore unitim se derunt .

III. Postea Jansenius Lovanium reversus , ibi Doctoratu in Theologia insignitus , & Professorum Ordinariorum numero aggregatus fuit anno 1617. Hoc in munere tantam apud omnes estimationem adeptus fuit , ut Universitas ipsa semel atque iterum ob negotia gravis momenti eum in Hispaniam delegarit , ubi Academicas difficultates ex adversariorum manibus feliciter extraxit . Lovanium regressus anno 1630. Professor Sacræ Scripturæ declaratus fuit , ac celebrem Librum adversus Galliæ Regem pro Hispanis composuit , cui titulus *Mars Gallicus* . Propter hæc & alia ad Episcopatum Yprensem à Rege Hispaniæ nominatus & promotus fuit . Non diù tamen dictam Ecclesiam administravit . Nam vix biennio expleto , pestilentiali ac lethali morbo correptus , præmissis Christianæ pietatis ac pœnitentiæ signis vitam finivit 6. Maji 1638.

IV. Inter alia , quæ moriturus reliquit , fuit Testamentum , quod vix mediâ horâ ante mortem dictavit , in quo expressè suam Sanctæ Sedi obedientiam , & submissionem in omnibus quæ scripserat , præsertim in Opere quod inscripserat *Augustinus* proficitur . Hujus copia eidem Operi præfixa legitur his verbis :

*Ego Cornelius Dei & Apostolica Sedis gratiâ Episcopus Yprensis de meâ liberâ voluntate do & dono omnia mea scripta ad explicationem Sancti Augustini spectantia Capellano meo Reginaldo Lamæo , partim quia magno labore ea scripsit vel dictavit , partim quia sinè originali copia corrigi non potest . Hâc tamen mente hanc donationem facio , ut cum doctissimis viris Magnifico Domino Liberto Fromondo , & Reverendo Domino Henrico Caleo Canonico Mechliniensi conferat , & disponat de editione quàm fidelissimè . Sentio enim aliquid difficulter mutari posse . Si tamen Romana Sedes aliquid mutari velit , sum obediens filius , & illius Ecclesiæ , in qua semper vixi , usque ad hunc lectum mortis obediens sum . Ita mea postrema voluntas est . Actum sextâ Maji 1638. Infra autem scriptum erat Ego Cornelius Episcopus Yprensis , & appositum sigillum . Teste Henrico Caleo .*

V. Hæc non prætereunda censui , ut Sectatores Jansenii videant , & discant , quàm longè distent à voluntate sui Magistri . Quòd si eum in obedientia Romanæ Sedi imitati fuissent , ejusque iteratis Decretis & Sanctionibus obsequi voluissent , tot dissidia in præjudicium Catholicæ veritatis & Fidei non excitassent , nec excitarent ; nec ut hæretici meritò habiti essent nec haberentur Jansenistæ . Sciant etiam volo , Jansenium , pro quo adeò contumaciter pugnant , non metu mortis imminenti , sed toto vitæ suæ

tempore hanc suam Romanæ Ecclesiæ obedientiam protestatum fuisse. In Epilogo enim omnium, quæ de Gratia Christi scripserat, post Libri decimi finem ita loquitur: *Homo sum, humanorum lapsuum periculis obnoxius: quæ sicuti cavi quantum potui, ita ignescet Lector ubi non potui, ut & assidui laboris consideratio temeritatis labem auferat, & sinceritatis intuitus errandi simplicitati patrocinetur. Quod sicubi hallucinatus fuerim, hoc scio, me non in Catholica veritate, sed Augustini sententia asserenda cecidisse. Nec enim ego quid verum aut falsum, quid tenendum aut non tenendum in Catholica Ecclesiæ doctrina tradidi, sed quid Augustinus tenendum asseruerit, aut docuerit. Quid si ejus obscuritas me fefellerit, maximi beneficii loco ducam, laborumque plurimorum compendium faciam, si quis aliud ex Augustini scriptis demonstraverit. Quod do nec humiliter ac desideranter expetto, quidquid de rebus tam multiplicibus & arduis, nun juxta meam, sed juxta S. Doctoris mentem pronuntiavi, ex Apostolica Sedis Ecclesiæque Romanæ Matris meæ judicio, sententiæque suspendo, ut illud jam nunc teneam si tenendum, revocem si revocandum, damnam & anathematizem, si damnandum & anathematizandum esse judicaverit. Nam quemadmodum illius Ecclesiæ ac Sedis mysteriis infantulus initiatus, & ejus fide cum lacte matris imbutus fui; & crevi, & adolevi, & senui, nec ab ea ad latum unguem, quod sciam, aut animo, aut factis, aut sermone deflexi: ita porrò ad extremum usque spiritum vivere, ac Deo adjuvante mori, Divinoque judicio fisci, mihi constitutum est; ut juxta sacratissimam ejus regulam, quæ à temporibus Apostolorum per successionem continuam Romanorum Pontificum per universum Orbem prædicata & credita est, referam à Dei misericordia aut justitia bonum aut malum. Ita Janſenius animi sui in scribendo moderationem, & obedientiam Sedi Apostolicæ Romanæ usque ad mortem declarat. Quàm verò ab eo discordes ejus Sectarii fuerint & sint, infra apparebit.*

## §. I I.

*De Janſenii Scriptis Judicia, & Damnatio errorum.*

I. **V**ix morte diem clauserat Janſenius, cùm ejus Scripto, cui titulus *Augustinus* Lovanii evulgato, hæretici, præcipuè Calvinistæ, triumphum canere cœperunt, quasi in eo eorum doctrina de Gratia & Libero arbitrio contineretur, & Janſenii Sequaces in ejus defensionem multa scribere aggressi sunt. Quæ cùm ad Urbanum VIII. Romanum Pontificem delata fuissent, pro sui muneris zelo Librum examini tradidit: cùmque in eo multe Pro-

positiones censurâ notatæ fuissent, jam à Pio V. in Bajo damnatæ, & insuper magis periculosæ in materia Gratiæ; Urbanus ne errores ulterius procederent, editâ Bullâ, quæ incipit *In eminenti* 4. Maji anno 1641. Librum, & alios in ejus defensionem editos damnavit.

II. Urbani VIII. Diploma Bonis pharmacum fuit salutis, Malis verò erroris incitamentum. Jansenii Sectarii evulgare cœperunt, præfatum Diploma falsum, apocryphum & subreptitium esse ac Jesuitarum factum; qui ut sui Molinæ doctrinam sartam rectam tuerentur, arte & fraudibus mentem Summi Pontificis & calamum circumvenerant, ideòque nullius esse roboris, donec maturiori & saniori judicio causa finiretur. At Urbanus omne, subterfugium præcludere volens, sub die 24. Octobris 1643. fortes Literas dedit ad Belgii Gubernatorem, ad Archiepiscopos Mechlinensem, Cameracensem, ad Episcopum Antuerpiensem, & ad duas Lovanii & Duaci Universitates; declarans, se in dicta Constitutione Librum Jansenii *Augustinus*, tanquam errores jam damnatos verè continentem damnasse, ac velle ut contumaces, qui illam apocrypham esse spargebant, ad obedientiam omninò compellerentur. Cùmque eodem anno Romam adventassent Joannes Sinnichius & Cornelius Pape Lovanii Doctores, ac peterent, ut Constitutio, vel revocaretur, vel saltem mitigaretur, rejecti fuerunt: ac ut id notum fieret Internuntio, de omnimoda quam volebat præfatæ Constitutionis obedientia, per S. Congregationem Inquisitionis jussit Pontifex ad eum transmitti Formulam, cui omnes Lovanienses Doctores statim subscribere tenerentur, cui omnes summâ Universitatis laude subscripserunt. In fide tamen data saltem omnes non permansere.

III. Nam cùm Parisiensis Academia anno 1644. videns, quàm proximè Baji & Jansenii dogmata accederent ad errores Calvinii, quibus tot annis Gallia discissa fuerat, severo Decreto omnibus Doctoribus & Bacalaureis prohibuisset, ne quisquam tenere ac docere auderet Propositiones in Bullis Pii V. Gregorii XIII. & Urbani VIII. damnatas, simulque affirmasset aliquas Baji Propositiones in Jansenii Libro *Augustinus* contineri: hæc Declaratione auditâ, Lovanienses, Formularii paulò ante à se subscripti fortè obliti, ad Universitatem Parisiensem transmiserunt acres querelas, quas exponit Berninus Tom. 4. Hist. Hæres. Sec. 17. cap. 3. pag. 620. Harum tamen nullam rationem habens Universitas Parisiensis, sed Pontificiis Constitutionibus, ut par erat, obsequens, ad Formalem septem Propositionum censuram processit, quarum quinque eadem sunt ac illæ, quas, ut infra, Innocentius X. damnavit. Aliæ duæ, quamvis in alia materia, sequentes sunt: *Sensus*

H h 2

olim

*olim Ecclesia, privatam Sacramentalem Pœnitentiam pro peccatis occultis non sufficere. Et altera: Naturalis attritio sufficit ad Sacramentum Pœnitentiæ.*

IV. Dum, his non obstantibus, Ecclesia dissidiis undique affligeretur, & Janenistæ velut ex equo Trojano milites in dies majori numero prodirent, obiit 29. Julii 1644. Urbanus VIII., cui successit in Pontificatu Innocentius X. Hic Prædecessoris fortiter premens vestigia, rejectis precibus pro revocatione vel saltem novo examine Bullæ Urbani; pro omnimoda executione constans perstitit. Quia verò Janenistarum factio in Belgio maximè ferebat, illud ad diversos duodecim Brevia direxit, præcipuè ad Universitates Lovaniensem, & Parisiensem, quibus confirmabat, doctrinam damnatam verè in Libro Janenii contineri, ideòque omnes teneri ad ea quæ in Bulla præscribebantur observanda. Ex hac geminata duorum Pontificum declaratione, quot Diabolus excitavit contentiones præsertim in Belgio & Gallia, vix exprimi potest, aliis pro Libri Janenii iusta damnatione, aliis pro ejus defensione certantibus. Multi Religiosi Ordines impositis pœnis ne Janenii Libri defensionem è suis quisquam susceperet, præceperunt. Pari zelo Episcopi Antuerpiensis, Nemurcensis, & Archiepiscopi Suefionensis, & multò ante Parisiensis, quibus accessit Bisuntinus, publicatis Ediçtis idem præstitere.

V. Universitas Duacensis, quam pro se stare Janenistæ dissimulabant, Epistolâ ad Archiducem Leopoldum datâ 27. Julii 1648. calumniam depulit his verbis: *Hic protestati sumus, & obtestamur iterum iterumque, nos semper præstitisse obedientiam erga Sanctam Sedem Petri, imò semper doctrinam Janenii proscriptam voluisse... Censuimus communibus suffragiis humillimè Celsitudinem tuam rogandam, ut pergat doctrinam illam Janenianam seridè extirpare, in qua nequaquam docetur B. Augustini mens: & cum hoc malum in pejus ita serpat, verendum magis est, ne petulantia ingenia incautos & minus versatos in S. Augustini voluminibus hæc perniciosâ doctrinâ imbuant.* Quibus Archidux respondit: *Intelleximus nostro singulari gaudio ac voluptate, quantâ fortitudine animi, quantoque honore nominis vestri steteritis contra perniciosam doctrinam Janenii, sub pallio & nomine D. Augustini, veluti sub melle venenum simplicioribus atque incautis propinatum.*

VI. Universitas pariter Salmanticensis eisdem à Janenistis calumniis onerata, quòd nimirum pro Janenio secum concorditer sentiret, promptum perennis suæ erga Sedem Petri obedientiæ dedit testimonium, duabus protestationibus ad Julium Rospiliosi eo in Regno Apostolicum Nuntium, quarum una à Secretario Scho-

la.

larum Universitatis subscripta erat 25. Febr. 1651., altera à præcipuis Universitatis Doctoribus & Magistris sub die 26. ejusdem mensis & anni, quibus æquè Jansenium execrabantur & stricte ejus damnationem approbabant. Igitur Philippus IV. Rex Catholicus, tum Duacensis (de qua supra) tum Salmanticensis Universitatum, tum omnium sui Regni Ecclesiasticorum instantiis permotus; constitit etiam sibi, majorem & saniores Episcoporum Gallie partem unà cum Parisiensi Facultate in eadem sententia pro damnatione Libri Jansenii *Augustinus* convenire, rejectis quorundam ex Belgio supplicationibus pro impedienda vel differenda Bullæ publicatione, Regi Edicto sub die 26. Junii 1644. publicationem & exactam obedientiam Bullæ sub poenis contra contumaces in ea impositis, in omnibus Regnorum suorum partibus, mandavit.

VII. Hoc jam ferè totius Ecclesiæ consensu pro observantia Bullæ, & Jansenii Libri *Augustinus* damnatione, nihil territi, sed audaciores facti ejus Defensores, ipsum Bullæ Auctorem, ejusque doctrinam proscindere temerario ausu cœperunt, artificiosis verborum involucris spargentes, *Propositiones Jansenii damnatas in se Sanctas & Catholicas esse*. Rebelles isti in Galliis augebantur numero & potentia, nec adeò facile erat eos comprimere, cum multos etiam ex Magistratu seu Parlamento patronos haberent. Hinc factum fuit, ut brevi tota Gallia libellis in Jansenii Libri defensionem repleretur, inter quos perniciosior ille fuit inscriptus *Catechismus Gratia*, in quo compendiosè claudebantur errores omnes, quos Jansenista per Orbem Christianum evulgare meditabantur. Qui Liber Romæ à S. Officii Congregatione severo Edicto anathematizatus fuit anno 1650.

VIII. Hisce malis in dies crescentibus, zelo excitata major & sanior Episcoporum Gallie pars, in Comitibus habitis mense Maji anni 1650., videns se absque fortiori remedio huic plagæ mederi non posse, decrevit ad Romanum Pontificem literas dare, ut ipse auctoritate supremâ effrenatos homines compesceret. Harum, exemplum ex Labbè Tom. 15. fol. 2723. tale est: *Beatissime Pater. Majores causas ad Sedem Apostolicam referre, sollemnis Ecclesiæ mos est, quem fides Petri nunquam deficiens perpetuò retineri pro jure suo postulat. Æquissima huic legi obsequentes, de gravissimo circa Religionem negotio Sanctitati tuæ scribendum esse censuimus. Decennium est, ex quo vehementissimis turbis Gallia magno nostro dolore commovetur ob Librum posthumum & doctrinam R. Cornelii Jansenii Trensivi Episcopi. Tales quidem motus sedari oportebat, tum Concilii Tridentini auctoritate, tum Bulla illius, quæ Urbanus VIII.*  
fel.

*fel. mem. adversus Jansenii dogmata pronuntiavit, & Decreta Pii V. ac Gregorii XIII. in Bajum edita confirmavit. Atque hujus quidem Bullæ veritatem ac robur novo Diplomate vindicasti; sed quia nulli sigillatim Propositioni certa censura nota injusta fuit, locus etiamnum aliquis quorundam cavillis & effugio relictus est. Intercludendum autem penitus speramus, si, ut precamur, Sanctitas tua, quid hac in re sentiendum sit, clarè, distinctèque definiat. Obtestamur ergo, ut has præsertim Propositiones, de quibus disputatio periculosa, ac contentio ardentior est, Sanctitas tua expendat, ac perspicuam ac certam de unaquaque sententiam ferat. Deinde expositis quinque Jansenii Propositionibus, super quibus sententiam Pontificis exoptabant ( quas §. sequenti referam ) subjiunt.*

*Experta est nuper, Beatitudo tua, quantum Apostolica Sedis in gemini Ecclesiæ Capitis errore profligando ( qui ponebat S. Paulum æqualem S. Petro in Romano Pontificatu, de quo aliqua infra dicam ) valuerit auctoritas; continuo sedata est tempestas, atque ad Christi Crucem & imperium venti & mare obedierunt. Quamobrem flagitamus, Beatissime Pater, ut clarâ firmâque de Propositionum istarum sensu prolata sententiâ, cui R. ipse Jansenius morti proximus Opus suum subjecit, caliginem omnem discutias &c. Huic Epistolæ 85. Episcopi, quibus alii tres accessere, subscripserunt.*

## §. III.

*Innocentii X. sententia.*

I. **A**cceptâ Episcoporum Galliæ Epistolâ Innocentius Pontifex rei gravitatem considerans, maturo ac diligenti examini selectiorum tum Cardinalium, tum Theologorum, plus quam per biennium præfatas quinque Propositiones tradidit. Jansenistæ de hoc Episcoporum Galliæ ad Papam pro sententia definitiva recursum, ac de riguroso indicto super quinque Propositionibus examine certiores facti, voce tenus ubique protestabantur, se iudicium Sanctæ Sedis lubenter expectare: ne tamen inauditi judicarentur, sollicitè inter alios M. de S. Amore literis plurium Galliæ Episcoporum munitum Romam miserunt. Qui adeo benigne ac patienter, vel ab ipso Summo Pontifice auditi fuere, ut causæ victoriam reportaturos sibi adularentur.

II. Completo examine, & auditis partibus, Pontifex definitivam sententiam super 5. Propositionibus tandem tulit, editâ Constitutione 31. Maji anni 1653. quam de more promulgari ad valvas S. Petri 9. Junii & aliis in locis affigi & publicari mandavit. Ejus ini-

initium tale est : *Cum occasione impressionis Libri, cui titulus, Augustinus Cornelii Jansenii Episcopi Yprensis, inter alias ejus opinioniones, orta fuerit præsertim in Gallia, controversia super quinque ex illis, quamplures Galliarum Episcopi apud nos insisterunt, ut easdem Propositiones nobis oblatas expenderemus, ac de unaquaque earum certam ac perspicuam ferremus sententiam.* Deinde singulas quinque Propositiones refert, de maturo super eis facto examine, & auxilio Dei per publicas preces sæpius implorato docet. Tandem sententiam super singulis §.4. pronuntiat dicens.

*Primam prædictarum Propositionum, Aliqua Dei præcepta Hominibus Justis volentibus & conantibus, secundum præsentem quas habent vires, sunt impossibilia; deest quoque illis Gratia quâ possibilia fiant, temerariam, impiam, blasphemam, anathemate damnatam, & hæreticam declaramus, & uti talem damnamus.*

*Secundam, Interiori gratiæ in statu naturæ lapsæ nunquam resistitur, Hæreticam declaramus, & uti talem damnamus.*

*Quartam, Semipelagiani admittebant prævenientis Gratæ interioris necessitatem ad singulos actus, etiam ad initium Fidei; & in hoc erant hæretici, quod vellent eam Gratiam talem esse, cui posset humana voluntas resistere vel obtemperare, Falsam & hæreticam declaramus, & uti talem damnamus.*

*Quintam, Semipelagianum est dicere, Christum pro omnibus omnino hominibus mortuum esse, aut sanguinem fudisse, Falsam, temerariam, scandalosam, & intellectam eo sensu, ut Christus pro salute duntaxat prædestinatorum mortuus sit: Impiam, blasphemam, contumeliosam, Divinæ pietati derogantem, & hæreticam declaramus, & uti talem damnamus.*

His pronuntiatis censuris, mandat omnibus *Christifidelibus utriusque sexus, ne de dictis Propositionibus sentire, docere, prædicare aliter præsumant, quàm in hac præsentem declaratione & definitione continetur, sub censuris & pœnis contra Hæreticos & eorum sanctores in Jure expressis.* Præcipit insuper omnibus Patriarchis, Archiepiscopis, Episcopis, Locorum Ordinariis & Inquisitoribus, ut contradictores & rebelles quoscunque per censuras & pœnas prædictas, ceteraque juris & facti remedia opportuna, invocato etiam ad hoc, si opus fuerit, brachio seculari, omnino coerceant, & compellant.

Tandem concludit: *Non intendentes tamen per hanc declarationem, & definitionem super prædictis quinque Propositionibus factam, approbare ullatenus alias opinioniones quæ continentur in prædicto Libro Cornelii Jansenii. Datum Romæ apud S. Mariam Majorem anno Incarnationis Dominicæ millesimo sexcentesimo quinquagesimo tertio prid. Kal. Junii Pontificatus nostri anno nono.*

III. Præ-

III. Præfatam Constitutionem illicò transmisit in Galliam Innocentius unà cum literis in forma Brevis, tum ad Ludovicum Regem Christianissimum, tum ad Episcopos, & Ecclesiasticos omnes Galliarum Regni. Ab omnibus cum gaudio, ac debita reverentia & submissione Constitutio suscepta est: ac è sepulchro Jansenii, Pontificis jussu erasum est Epitaphium, quo Liber *Augustinus* ei ad meritum computabatur. Rex humillimè gratiis actis Pontifici, die 4. Julii 1653. Edictum promulgavit pro omni-moda præfatæ Constitutioni obedientia: eodemque tempore ad Universitatem Parisiensem Rescriptum misit speciale, quo ei indicebat, ut in hoc negotio voluntati Pontificis ac suæ se conformaret. Præsentatum ab Episcopo Rhedonensi 1. Augusti 1653. unà cum Constitutione Rescriptum summâ reverentiâ utrumque susceptum, & illicò registratum fuit. Quin selecti viginti Doctores, qui nomine Universitatis Majestati suæ super honore distinctè impartito gratias agerent. Constitutio ab omnibus Regularium & Regni Universitatibus promptè suscepta fuit. Gallorum exemplum secuti fuere Hispani & Belgæ in Synodo Brabantiae, & suis Universitatibus.

IV. Galliae Episcopi in suæ venerationis testimonium literas ad Pontificem manu Cardinalis Mazarini & 30. Episcoporum, qui tunc Parisiis aderant, subscriptas dederunt 15. Julii 1653. In his literis præmissis gratiarum actionibus de Decreto ad ipsorum postulationem in præfata Constitutione contra Jansenium lato, addunt: *Quo in negotio illud observatione dignum accidit, ut quemadmodum ad Episcoporum Africa relationem Innocentius I. Pelagianam hæresim damnavit olim: sic ad Gallicanorum Episcoporum consultationem hæresim ex adverso Pelagianæ oppositam Innocentius X. auctoritate suâ proscripserit. Enim verò vetustæ illius ætatis Ecclesia Catholica solâ Cathedræ Petri communione & auctoritate sulta, quæ in Decretali Epistola Innocentii ad Africanos data elucebat, quamque dein Zosimi altera ad universos Orbis Episcopos Epistola subsecuta est. Perspectum enim habebat, non solùm ex Christi Domini nostri pollicitatione Petro facta, sed etiam ex actis priorum Pontificum, & ex anathematismis adversus Apollinarium & Macedonium, nondum ab ulla Synodo Ecumenica damnatos, à Damaso paulò antea jactis, judicia pro sancienda regula fidei à Summis Pontificibus lata super Episcoporum consultatione (sive suam in actis Relationis sententiam ponant, sive omittant, prout illis collibuerit) Divinâ aequè ac summâ per universam Ecclesiam auctoritate niti: cui Christiani omnes ex officio ipsius quoquè mentis obsequium præstare teneantur.*

*Eâ nos quoquè sententiâ ac fide imbuti, Romanæ Ecclesiæ præsen-*



*sentem, quæ in Summo Pontifice Innocentio X. viget, auctoritatem debitâ observantiâ colentes, Constitutionem Divini Numinis instinctu à Beatitudine vestra conditam, nobisque traditam ab Illustriss. Athenarum Archiepiscopo Nuncio Apostolico, & promulgandam curabimus in Ecclesiis ac Diocesis nostris, & illius executionem apud fideles populos urgebimus. Et post multa Epistolam claudunt: Porro nos Innocentio X., cujus ore Petrus locutus est, ut Leoni I. acclamabat quarta Synodus, hanc Divinam lauream gratulati, sacros inter Ecclesiæ fastos, quod olim de Synodis Œcumenicis fieri solitum, Constitutionem istam ab eo editam, lubentes ex animo reponemus. Ita à medio seculo decimoseptimo Galliarum Episcopi cum antiqua Ecclesiâ sentiebant, nempe Judicio Romani Pontificis tanquam ultimo, & à Divino Numine inspirato standum esse, non ab eo ad Concilium appellationem esse interponendam.*

V. Hâc Innocentii Constitutione causa Jansenii finita quidem fuit, error tamen finitus non fuit. Imò dicere possumus quod de Pelagiana hæresi scribit S. Augustinus Serm. 131. (allàs 2. de Verb. Apost.) cap. 10. *¶ Jam de hac causa duo Concilia missa sunt ad Sedem Apostolicam: inde etiam rescripta venerunt. Causa finita est: utinam aliquando finiatur error.* Constitutionem, quam totus Orbis Catholicus summo plausu susceperat, soli Jansenistæ subterfugiis & cavillis eludere cœperunt. Dicebant primò: Quinque illas Propositiones damnatas in Libro Jansenii non contineri. At hoc esse, commentum, ostendi Tomo 3. in 1. p. Tract. de Voluntate Dei q. 2. Dub. 2. §. 2. ubi adduxi loca in quibus Jansenius eas expressè docet. Deinde si non sunt Jansenii, cur in iis defendendis tanquam Jansenii, & ut Catholicas eas defenderent, coràm Innocentio biennio laborarunt; cum uno verbo negare potuissent, eas esse Jansenii?

VI. Quare videntes, hoc confugio se tueri non posse, dicebant secundo: Quòd si præfatæ Propositiones in Jansenio reperiuntur, damnatæ non fuerunt in sensu Auctoris. Jansenius enim non aliam Gratiæ per se ipsam efficaci vim tribuere intendit, nisi eam quam S. Thomæ Discipuli cum suo Magistro eidem tribuunt. Idcoque illarum quinque Propositionum damnatio damnat S. Thomæ & ejus Scholæ de Gratia per se efficaci doctrinam, & in throno collocat Molinæ folius de Gratia sententiam. Sed quantum à doctrina Jansenii hac in re differat doctrina Thomistarum, ferè à oculum demonstravi loco nuper citato §. 3. & 4. quæ hic repetere non vacat. Hoc solum dicam, quòd Romani Pontifices qui Jansenii doctrinam, ut doctrinæ S. Augustini in materia de Gratia contrariam tanquam hereticam damnarunt, & damnant, doctrinam Scholæ S. Thomæ ut S. Augustini doctrinæ in præfata materia conformem

& Catholicam probarunt, & probant. De quo modernus Pontifex Clemens XII. suos Prædecessores secutus in suo Brevis dato Romæ 2. Octob. 1733. amplum facit testimonium.

VII. In sui patrocinium addebant Jansenistæ, hic agi *de re facti*, an scilicet Propositiones illæ damnatæ sint in sensu ab Auctore intento: in hoc autem Romanum Pontificem non esse adeo infallibilem, quin de ejus definitione dubitari prudenter possit; sed ad summum reverenti silentio obediendum, servatâ libertate aliter interius sentiendi; sed hoc ad rem præsentem non facit. Nam estò Romanus Pontifex ut persona particularis in causa puri facti deficere in judicando possit: dum tamen ut Pontifex, & ex Cathedra Petri loquitur toti Ecclesiæ, & pronunciat tacitum cum Jure ac Fide conjunctum, Divino Numine juxta Christi promissum inspirante loquitur, errare non potest, aliàs totam Ecclesiam traheret in errorem. Cum ergo hoc modo locutus fuerit Innocentius in sua Constitutione, ut in prælaudata Epistola Gallicani Præsules testantur, non silentio tantum, sed mente & corde ei est obediendum. De hoc fusè locutus sum Tomo 1. in 1. p. de Locis Theologicis Dub. 6.

VIII. Silentium quod promiserant, editis libellis ipsi primi fregerunt, ac præcipuè M. Arnaldus Doctor Sorbonicus, qui consultus super quodam Confessario Parœciæ S. Sulpitii anno 1655. qui absolutionem Sacramentalem denegaverat cuidam Duci, eò quòd cum Jansenistis sentiret, anonymam Epistolam scripsit, ac typis edidit, quâ protestabatur, se suosque amicos quinque Propositiones, quocumque in Libro reperirentur, sincero corde damnare. Ut autem Auctor Epistolæ (qui putabatur ipse Arnaldus) se proderet, in defensionem præfati Confessarii multa scripta edita fuisse, quibus Epistolæ Auctor provocabatur ad exprimendum, quid de Constitutione sentiret: an scilicet quinque Propositiones in sensu Jansenii, & ut ex ejus scripto extractas, juxta Episcoporum declarationem, damnaret. Tunc depositâ larvâ apertè prodiit Arnaldus prolixiori Epistolâ, quâ de materia Gratiæ, nedum contra Constitutionem, sed contra fidem Catholicam & Facultatis Decreta loquebatur. Denuntiâtâ igitur præfatâ Epistola à Syndico Facultatis, & serio examini subjectâ, decretum fuit, doctrinam in ea contentam, temerariam, impiam, blasphemam esse & hæreticam; ac subindè nihil omissum, ut Arnaldus eam retractaret. Tandem cum ille pertinacior Acta à Facultate edita tanquam, nulla contemneret, è Doctorum Facultatis numero 27. Januarii deletus est unâ cum ejus fautoribus, qui in pertinacia persistere maluerunt.

IX. In-

IX. Innocentio X. circa hæc tempora defuncto, Alexander VII. qui ei in Pontificatu successit, celerem manum apposuit, ut tumultus, quibus in dies Gallia dissecabatur, compesceret. De his Episcopi Galliæ 2. Sept. 1656. eum certiores fecere Epistolâ, cui 70. ex primo & secundo Clero subscribere. Respondit Bullâ 16. Octobris datâ. In ea Jansenii fautores publicæ pacis perturbatores, & filios iniquitatis declarat; quidquid illi obstreperant, verum esse, quod quinque illæ Propositiones è Libro Jansenii extractæ sunt, & in sensu ab Auctore intento damnatæ. Cùmque, Archiepiscopo Parisiensi absente, ejus Vicarii lato Decreto promulgassent, nullam esse obligationem credendi, præfatas Propositiones verè esse Jansenii; Pontifex à Facultate certior factus, ad prædictos Vicarios graviter scripsit, qui ad se reversi, Decretum prius editum novo Decreto revocaverunt.

X. Videntes autem Galliæ Episcopi, ad reuniendos Catholicos & tutò detegendos Jansenistas, nullum aptius remedium fore, quàm (ut in similibus casibus aliis temporibus factum fuit) Formularium fidei edere, cui omnes subscribere generaliter tenerentur: & hoc majoris vis & auctoritatis futurum, si à Summo Pontifice, quàm si ab ipsis, editum præscriberetur: illud etiam petente Rege, ab Alexandro VII. postularunt. Lubens annuit Pontifex, ac Bullâ 15. Kal. Martii 1664. latâ, post præmissam debitam commendationem zeli, quo tam Rex, quàm Episcopi pro fide movebantur, insertum transmissit Formularium tenoris sequentis.

*Ego N. Constitutioni Apostolicæ Innocentii X. datæ die 31. Maji 1653. & Constitutioni Alexandri VII. datæ die 16. Octobris 1656. Summorum Pontificum me subijcio, & quinque Propositiones ex Cornelii Jansenii Libro, cui nomen Augustinus, excerptas, & in sensu ab eodem Auctore intento, prout illas per dictas Constitutiones Sedes Apostolica damnavit, sincero animo rejicio, ac damno, & ita juro, sic me Deus adjuvet, & hæc Sancta Dei Evangelia.*

XI. Hæc Bullâ & Formulario in ea omnibus præscripto universa Jansenistarum factio turbata est, & maxime cùm Rex Bullam à Parlamento acceptari mandavit, quod 29. Aprilis ejusdem anni contigit. Sic junctis duabus Pontificiâ & Regiâ potestatibus sperabatur fore, ut hæresis exstingueretur penitus. Sed fesellit eventus. Omissis enim Monialibus Portus Realis, quæ Decreto Archiepiscopi Parisiensis super Formulario subscribere recusarunt, quamvis (indebitè tamen) declararet, se ab eis non exigere super quæstione facti fidem Divinam, sed humanam tantùm & Ecclesiasticam: cùm ceteri Archiepiscopi & Episcopi nullâ factâ distinctione

tionem dogmatis & facti, Formulario absolute subscribendum suis Diocesisbus mandavissent; soli quatuor, nempe Alecianus, Bellovacensis, Andegavenfis, & Apamiensis Formularium rejecerunt. Noviodunensis verò præmissâ distinctione dogmatis, & facti, illud suscepit.

XII. Rex Christianissimus hâc quatuor Episcoporum resistentiâ permotus, Mandamenta seu Decreta quæ super hoc in suis Diocesisbus promulgaverant, tanquam Pontificis intentioni, & suæ Declarationi contraria in suo Consilio Status rescidit 20. Julii ejusdem anni, quæ Romæ etiam Papæ mandato fuerunt prohibita. Contra præfatos Episcopos judicialiter procedi parabatur; sed ortâ contentione super numero Judicum, qui secundum Gallie jura in causis contra Episcopos requiritur, quæ triennio agitata fuit, ac interim Alexandro VII. vitâ functio, ad Clementem IX. qui ei successit, causa pertransiit; quæ plurium Mediatorum interventu pacifice terminata fuit, prædictis quatuor Episcopis Formulario se submittentibus. Unde certior factus Pontifex literis datis ad eos 19. Januarii 1669. eorum obedientiam laudavit. Moniales quoque Portus Realis suam Constitutionibus Apostolicis obedientiam protestatæ, absolutæ fuerunt à censuris, quibus ob antecedentem inobedientiam innodatæ manebant. Ita seditum, si non extinctum, pro eo tempore fuit apertum bellum super quinque Jansenii Propositiones, quod per 25. annos Ecclesiam præcipuè Gallicanam laceravit.

XIII. Dixi bellum seditum, non extinctum, quia subscriptio Formularii facta à quatuor Episcopis & ab Arnaldo, aliquandiu dubia mansit, quasi non sincero animo, sed cum restrictione fraudulenter facta; cui accesserunt varii Libri de doctrina suspecti, qui tunc prodierunt, qui à præfatis Episcopis, si non editi, saltem approbati videbantur. Omnem tamen suspensionem diluit Regis testimonium, plurium Ecclesiasticorum attestations, novæ declarationes præfatorum Episcoporum, ac eorum sinceræ fidei certæ experimenta, quibus omnibus pacatus Pontifex eos benigne amplexus fuit. Huic operi sedulam navarat operam Cæsar d'Estrees Episcopus Laudunensis; de cujus felici exitu ad Clementem IX. anno 1668. inter cætera hæc scribit: *Absolvi tandem magnum illud opus, Beatissime Pater. Novæ necnon sinceræ subscriptione aliis Episcopis consentiant Illustrissimi Alecienfis, Apamiensis, Andegavenfis, & Bellovacensis, à quibus in subscribenda fidei formula aliquatenus recesserant. Illud in communi non solum ad Beatitudinem vestram epistolâ, sed & in privatis ad Illustrissimum Felicem Episcopum Catalaunensem literis, disertis verbis professi sunt: adeoque in præstan-*  
da

*da & exigenda Constitutionibus Apostolicis debita observantia diligentem operam navaturos se pollicentur, ut subditos sibi Clericos omnibus pœnis canonicis multandos esse crediderint, qui quolibet modo, vel obtentu, seu doctrina Librique Jansenii occasione quâvis, vel minimùm Constitutionum auctoritati detraxisse videbuntur.* Ita de sincera 4. Episcoporum resipiscentia Laudunensis Episcopus testatur.

XIV. Siluerunt aliquo tempore Jansenistæ, erroris venenum identidem eructantes variis editis Libris qui successivè prohibiti fuere. Inter istos non modicum attulit negotium Libellus quidam, qui circa finem elapsi seculi Auctore anonymo prodiiit sub titulo *Casus Conscientiæ*. In eo supponitur quidam Confessarius petens, an possit absolutionem impertiri Ecclesiastico poenitenti, qui teneat opiniones in prædicto Casu expositas, & qui inter cæteras damnat quidem quinque Propositiones Jansenii purè & simpliciter absque restrictione & in toto eo sensu, quo Ecclesia illas damnavit, & etiam in sensu Jansenii, eo modo quo Innocentius XII. in suo Brevis ann. 1694. ad Episcopos Belgii dato præscripserat, & hoc modo Formulario subscripsit: sed quantum ad factum, credit sibi sufficere submissionem reverentiæ & silentii ei quod Ecclesia super hoc facto decrevit.

Casu isto conscientiæ proposito pluribus Doctoribus Parisiensibus, quadraginta eorum resolutione factâ 20. Julii 1701. dixerunt, se in sententia esse, opinionem Ecclesiastici de quo agitur, nec novam, nec singularem, nec ab Ecclesia esse damnatam, nec talem proinde, ut Confessarius debeat ab eo exigere illius retractionem ad eum absolvendum.

XV. Decisio ista Casus Conscientiæ evulgata magnos tumultus excitavit: & multa scripta adversus eam prodierunt. Doctores, qui ei subscripserant, commoti, quòd eam typis datam viderent, variis actis illius publicationem reprobarunt, in quibus exponebant, quid nomine silentii reverentialis in Casu intellexissent, omniaque Judicio Cardinalis de Noailles Archiepiscopi Parisiensis subijciebant. Hic suo Edicto 22. Februarii 1703. Casus Conscientiæ resolutionem damnavit, quoad ea quæ circa Formularii subscriptionem asserbat, tanquam Innocentii X. Alexandri VII. Constitutionibus & Innocentii XII. datis Brevis in generalibus Cleri Gallicani Comitibus anno 1700. acceptatis: quin & suo mandato 20. Augusti 1696. apertè contraria, & tendentia ad innovandas quæstiones jam deciskas, faventia usui equivocationum, restrictionum mentalium, ac perjuriis, auctoritati Ecclesiæ derogantia, eique debitam obedientiam lædentia.

XVI. Ca-

XVI. Casus iste Conscientiæ vix Romam delatus fuit, cum Clemens XI. 12. Februarii 1703. speciali Brevi illum prohibuit, datis etiam ad Regem literis, tum contra Casum Conscientiæ, tum contra Auctores ejusdem: qui tamen, uno solo excepto, Decreto Cardinalis de Noailles factâ subscriptione se submiserunt. Interim Christianissimus & Catholicus Reges ad finaliter sedandas controversias, quibus à tot annis super quinque Propositionibus eorum Regna distrahebantur, concordés à Clemente XI. finalem Constitutionem expostularunt. Lubens annuit Pontifex, editâ Constitutione quæ incipit *Vineam Domini*, quâ repetitis Innocentii X. Alexandri VII. & Innocentii XII. Bullis super hoc editis, damnat eos, qui dicebant, ad præstandam hisce Constitutionibus debitam obedientiam, necesse non esse internè damnare ut hæreticum sensum Libri Janſenii in quinque Propositionibus damnati, sed satis esse reverentiale super hoc silentium servare. Eos quoque qui affirmabant, licitè posse Formulario Alexandrio VII. subscribi, etsi quis interius non credat, Librum Janſenii doctrinam hæreticam continere.

Quibus erroribus ut occurrat, declarat, *Obedientiæ, quæ præinsertis Constitutionibus Apostolicis debetur, obsequioso illo silentio minime satisfieri; sed damnatum in quinque præfatis Propositionibus Janſeniani Libri sensum, quem illarum verba præ se ferunt, ut præsertar, ab omnibus Christiſidelibus, ut hæreticum, non ore solum, sed & corde rejici, ac damnari debere: nec aliâ mente, animo, aut credulitate supradictæ Formulæ subscribi licitè posse: ita ut qui secus, aut contra quod hæc omnia & singula senserint, tenuerint, prædicaverint, verbo vel scripto docuerint, aut asseruerint, tanquam præfatarum Apostolicarum Constitutionum transgressores, omnibus & singulis illarum censuris & pœnis omninò subjaceant, eadem auctoritate Apostolicâ decernimus declaramus statuimus & ordinamus.* Data hæc Bulla est 17. Kal. Aug. 1705. Hæc Constitutio à Galliarum Rege Comitij generalibus Cleri tradita, debitâ submissione suscepta fuit, ac subindè ab omnibus Regni Episcopis in suis Diocesisbus promulgata. Ita tandem causâ hæc finita fuit. An verò finitus error fuerit, Deus novit.

XVII. Eodem Clemente XI. in Petri Cathedra sedente prodiit Liber Gallico idiomate postea in plures Tomos distributus, Quenellium auctorem præferens sub titulo: *Abregé de la Morale del Evangile.* Vel aliter: *Le Nouveau Testament en François avec des reflexions morales* &c. ex quo, prævio diligenti examine, pluribusque consultationibus coràm se præmissis, 101. Propositiones excerptas, quarum aliquæ errores Baji & Janſenii pluries damnatos inno-

innovabant, editâ Constitutione quæ incipit *Unigenitus* anno 1713., meritò damnavit. Variam sortem hæc Constitutio apud Gallos ab initio experta fuit ; quibusdam & quidem pro saniori parte, ei pro debito se submittentibus ; quibusdam verò non paucis appellationem ad Concilium ab ea interponentibus. Res quia recens omnibus Eruditis nota est : ideòque ab iis, quæ in hac controversia usque ad præsens acciderunt recensendis abstinere decreveram ; Verùm maturius cogitans, ea quæ in hac causâ evenerunt, Lectori meo exhibere consultius existimavi infra Cap. sequenti.

## §. I V.

*Error de Duplici Ecclesiæ Capite .*

I. **N**E præteream quod supra §. 2. num. 8. à Gallicanis Episcopis Innocentio X. indicatum dixi *de Geminæ Ecclesiæ Capite* ; sciendum, quòd eodem tempore, quo Gallia Jansenismo perturbabatur, Auctore anonymo ( qui tamen creditus fuit Antonius Arnaldus celebris Jansenista ) prodiit Liber, cui titulus : *De Magnitudine Romani Ecclesiæ, & SS. Petri & Pauli Pontificatu* ; quo indirectè Monarchia Pontificatus Romani destrui cogitabatur. Liber iste, quem Theophilus Raynaudus meritò vocat *Lernaam Jansenismi excetram*, *cujus partus est portentissimum Ecclesiæ bicipitis somnium*, à Nuntio Apostolico in Galliis Romam delatus, ac ibi serio examini traditus, ab Innocentio X. publico Decreto tanquam hæreticam doctrinam continens damnatus fuit. Cùmque Auctor alio edito Libro errorem pertinaciter tueri ausus fuisset, Liber Regis mandato, laceratus, & manu carnificis publicè combustus fuit.

II. In erroris patrocinium assererat Auctor, primò: Antiquam consuetudinem Ecclesiarum etiam Romæ, tum Pontificiorum Diplomatum, pingendi S. Paulum à dextris, & S. Petrum à sinistris, quod etiam in ipso Altari, in quo Pontifex celebrat, observatur. Secundò: Quòd SS. Patres, Episcopi, etiam Romani, paribus encomiis SS. Petrum & Paulum celebrare consueverint. Verùm hæc evincere non possunt, S. Paulum fuisse S. Petro parem in auctoritate Capitis & regiminis Ecclesiæ : eam supra solum Petrum Christum edificavit, pro ipso solo rogavit, ut non deficeret fides sua, & ut in ea fratres suos confirmaret : & tandem ut vice sui agnos & oves suas pasceret : nihil autem horum Paulo, qui tunc non erat Apostolus, sed persecutor, dictum fuit, nec post ejus conversionem, sed solum eum elegisse ut portaret nomen suum

co-

coram gentibus & Regibus & filiis Israel. Quæ verba solum Apostolatum designant. Unde S. Thomas in cap. 2. ad Galat. Ex quo Paulus restitit Petro, dicit, *quod Apostolus fuit par Petro in executione auctoritatis, non in auctoritate regiminis.*

III. Nec obest, quod in imaginibus antiquis, & in Bullis Pontificiis ponatur S. Paulus ad dexteram, & S. Petrus ad sinistram. Nam si hoc valeret, fieret, ut S. Paulus nedum æqualis, sed S. Petro superior dicendus esset. Dici ergo debet, præfatas antiquas imagines ad morem antiquum Romanorum, uti & nunc Orientalium, apud quos digniorem locum obtinet sinistra, pictas fuisse. Vel Petrum re verâ dextrum esse, quia obverso ad nos vultu pingitur, & sic sinistra ejus nostræ dexteræ respondet. Aliiter exponit S. Thomas in cap. 1. ad Galat. Lektionem 1. *Quod quia præsens vita significatur per sinistram, futura verò per dexteram (in quantum ista est Cælestis & Spiritualis, illa verò temporalis) ideo Petrus, qui vocatus fuit à Christo adhuc in carne mortali posito, ponitur in Bulla Pape in sinistra parte, Paulus verò qui vocatus fuit à Christo jam glorificato ponitur in parte dextera.* Rem hanc tractant Bellarminus Lib. 1. de Rom. Pont. cap. 27. Rocca Tomo 1. pag. 81.

IV. Patres verò summis quidem laudibus S. Paulum celebrant, quia ceteros Apostolos in multis excelluit, nempe in speciali electione, in secretorum Dei cognitione, in malorum perpeffione, virginali integritate, ferè per universum Orbem predicatione, manibus propriis laborando, doctrinam tot Epistolis exponendo, unde antonomastice *Apostolus* appellatur, ut notat S. Th. in 2. Cor. 12. Lect. 3. & 1. ad Cor. 15. Lect. 1. In ratione tamen Ecclesiæ Capituli nemo eum Petro prætulit, aut æqualem fecit. Ecclesiam Romanam non fundavit Paulus, sed à Petro jam fundatam inveniens, in ea disponenda Petro jam Episcopo coadjutor fuit, ac inde factum, ut Cathedra Romana etiam Cathedra Pauli dicta fuerit, titulo tamen doctrinæ, non auctoritatis & regiminis. Et eò magis, quod cum inter Ecclesias Gentium, ad quas specialiter Paulus missus fuerat, esset præcipua; oportebat, ut à Paulo predicatione & doctrinâ instrueretur. Et quia Ecclesia Gentium Ecclesiæ Judæorum, cui specialiter Petrus destinatus fuerat, præstare debebat, hæc etiam potuit esse ratio, cur Paulus dexteram, Petrus sinistram in Diplomatibus & picturis obtinuerit. Ceterum Primum Capituli Ecclesiæ soli Petro à Christo concessum, omnium seculorum Patres unanimiter confessi sunt, de quo egi in Vera Ecclesia Tom. 2. p. 1. art. 1.



CAPUT CXIX.

De Quesnelli erroribus.

§. I.

*Quesnelli Persona & gesta.*

I. **B**ASI & Jansenii errores vix semisopitos evigilare fecit, non sine ingenti Ecclesiæ turbatione non adhuc extincta; Paschasius Quesnellus. Parisiis hic honestos natales habuit 14. Julii anno 1634.; sub pia educatione adolescentiam emensus in Parisiensi Universitate Artium studia confecit, ubi Artium Magisterio ornatus fuit 29. Novembris anni 1653. Completo deinde in Sorbonæ Universitate Theologico cursu Congregationem Presbyterorum Oratorii ingressus est anno 1657., Sacerdotio initiatus anno 1659. libris conscribendis totum se dedit, quorum prior fuit Liber *Reflexionum Moralium super Novum Testamentum*. Alter, editio Operum S. Leonis Papæ ex pluribus manuscriptis, ac præcipue ex Codice Cardinalis Grimani ad Domum Oratorii Parisiensis dono translato extracta, cui nonnullas addidit Observationes. Post hanc editionem Superiorum mandato Conferentiis domesticis de dogmatibus, Morali & Ecclesiastica Disciplina se se applicuit.

II. Primam Reflexionum Moralium super Evangelia editionem absolvit Quesnellus anno 1671. cum trigesimum septimum ætatis ageret annum. Postea Reflexionibus super reliquum Novi Testamenti ab eodem auctore aucta, iterum prodit anno 1687., cui successit tertia editio diversis additionibus copiosior anno 1693., deinde quarta 1695. & tandem quinta anno 1699. Nec est quodd mirentur aliqui, quodd Liber toties impressus, qui omnium manibus per Gallias ferebatur, tot errores postea damnatos continens, nullo Episcoporum aut Theologorum reclamante annis plus quam viginti septem, tanquam sanam docens doctrinam, in pretio habitus fuerit, & summis laudibus celebratus. Non enim mirum aut novum est, quodd errores sub pietatis larva propinati non statim appareant, sed in eis latens virus apud pios nec abdita penetrantes aliquandiu delitescat. Hoc in non paucis hæresibus accidit, & nostris præsertim temporibus in Michaelæ de Molinos. Quis enim suspicatus fuisset, quodd homo, qui, ut infra dicam, per viginti quinque annos purioris doctrinæ famam apud omnes cuiusque

status viros suo Libro *Guida Spirituale* Romæ & alibi sibi comparaverat, ut intamis hæresiarcha declarandus, & à Romano Pontifice damnandus esset? Nullum ergo ex censuræ & damnationis mora Libris Quæsnelli possunt ejus patroni asserere præsidium. Quamvis omninò verum non sit, Librum Reflexionum Moralium toto illo tempore sub silentio quievissè; cùm circa annum 1693. ad S. Officii Inquisitionem jam delatus fuisset, quod clarè indicat, antea ejus doctrinam multis in Gallia suspectam evasisse. Res tamen secreta aliquandiu mansit etiam in Galliis, tum ut Sedis Apostolicæ judicium expectaretur; tum quia, cùm Rex Ludovicus Magnus Calvinistas iis temporibus è Regno exturbaret, prudens contulium visum fuit, pati ut zizania tritico mixta tunc permanerent, ne eradicando ante tempus zizania, simul eradicaretur & triticum.

III. Nunc ad Quæsnelli personam revertar. Mansit ille in Congregatione Oratorii Parisiensis usque ad annum 1681., cùm D. de Harlay Archiepiscopo Parisiensi promovente, jussu etiam Regis, Parisiis abire coactus fuit. Expulsionis causam fuisse politicam, ejus patroni dicunt; qui tamen tacere non possunt, hanc etiam fuisse causam quòd Archiepiscopo postulante, ut opus quoddam conscriberet; recusarit, eò quòd, ut ipse ait, doctrina ejus genio accommodata non foret; qualis autem esset hæc doctrina, flet, ex ejus tamen genio suspicari licet. Aurelianum ergo P. Quæsnellus translatus, ibi in Oratorio suæ Congregationis, ut ipse testatur, usque ad annum 1685. moratus fuit. Sed cum nec ibi ab ira Archiepiscopi Parisiensis se tutum existimaret, in Belgium se recipere, ac Bruxellis sedem figere constituit. Ibi ab anno 1685. usque ad annum 1703. moratus, in eadem domo cum Mag. Arnaldo famoso Jansenista familiariter usque ad annum 1694. (quo Arnaldus obiit) conversatus est; malorum, quorum iste pro defensione veritatis (verè Jansenianæ hæresi) causa fuit, partem suscipiens. Ex hoc tam diuturno familiari cum Arnaldo consortio, & parte quam pro ejus causa suscepit, disces mi Lector, cujus factionis & doctrinæ fuerit Quæsnellus: ac ne de hoc dubites, scias, me hæc hausisse ex Historia Reflexionum in Quæsnelli detentionem edita Amstelodami 1723.

IV. Semina tamen errorum, quæ Bruxellis & alibi, tum verbo, tum scriptis Quæsnellus unâ cum Sociis in dies spargebat diù latere non potuerunt. Unde permotus D. Humbertus à Præcipiano Archiepiscopus Mechliniensis, paternis præmissis monitis, videns in deterius ruere, eum sequestro detinere, ut ad resipiscendum traheret, decrevit. Anno igitur 1703. feria 4. post festum Pentecostes

costes veniunt Ministri Justitiæ, tam ex parte Regis, quam Archiepiscopi ad posteriorem & abditam partem Refugii Forestensis, in qua delituerat Quesnellus ultra annum. Aperit ostium Brigodeus ejus fidus Achates: sciscitantur Ministri, ubinam esset P. Quesnel? hic non tantum illum indicare noluit, verum etiam dum cogeretur cubicula pandere, tantos excitavit clamores, ut de eo quod peragebatur certior redditus Quesnellus, fugam arripuerit, ac sub favore vestis laicæ & insolitæ viæ fuerit elapsus. Hinc ratus Justitiæ administratos abiisse, dum Brigodeus ad Palatium Archiepiscopale jam deducebatur, sisus etiam vestis laicæ, & anteriori latitationi, ob quam ignotus erat, revertitur ad prætati refugii asylum. At ibi præter expectationem suam incidit in manus Curie Ecclesiasticæ Ministrorum, qui ibi permanferant. His visis huc illucque cœpit discurrere ut se subduceret, tandemque in angulo quodam post dolium se abdidit; sed diligenter perquisitus & inventus, Juliusque ut rhedam introiret, quâ ad Palatium Archiepiscopale duceretur, omnem in partem se vertere cœpit, ac interrogatus an ipse eilet *Pater Quesnel*, respondit se vocari *M. Rebecq*, & quamvis premeretur, ut verum suum patefaceret nomen, non aliud quam fictum illud, sub quo delitescerat, obtrineri potuit.

V. Ducitur tamen ad sequestrum. Sed inde statim fenestris plumbum abstraxit, & qui calamo toties ad suos errores in perniciem Ecclesiæ spargendos usus fuerat, calamo frustratus, stylum sibi ex plumbo illo contexit, quo inter alia Ernesto Canonico Ecclesiæ S. Gudulæ amico suo hæc scripsit, „ Ne pro me anxius esto. „ Meum hospitium salubri aeri expositum fenestram habet super „ viridarium tabernæ, situm inter Archiepiscopatum & Domini- „ canos; non plura tibi dicere possum, cum nec chartam nec ca- „ lamum habeam „. Scheda hæc à Ministris Curie Archiepiscopalis reperta, nec Ernesto tradita, in Palatio adhuc asservatur. Eodem plumbeo stylo amicos ad sibi parandam fugam creditur sollicitasse. Nam conducti aliqui viri nocte inter 11. & 12. Septembris 1703. in stabulo præfatæ tabernæ parietem Palatii Archiepiscopalis perforare cœperunt, sacrilegum hoc opus postera nocte ad effectum perducentes. Foramine autem ad tale spatium perducto, ut Quesnellus vir modicæ corporaturæ per illud pertrahi potuerit, se pertrahi sivit, ac ita erupit ac evasit circa horam 1. illius noctis, plurima literarum in minutissimas partes laceratarum, quas in carcere acceperat, fragmenta ibi relinquens. Hæc & alia referuntur in Causa Quesnelliana edita Bruxellis anno 1704.

VI. Nec audiendus est ipse Quesnellus, qui ut habetur in Hist. Reflexionum Moral. suæ detentionis causam conspirationi Jesuitarum, quibus Archiepiscopus Mechliniensis impensè favebat, attribuit; quapropter per tres menses, quibus carceri mancipatus fuit, ipsu-m canonicè audire noluit. Impudenter enim mentitum fuisse constat ex causis in sententia prælati Archiepiscopi, nimirum quia licèt pluries citatus & monitus, pertinaciter recusaverit Constitutionibus Summorum Pontificum contra Bajum & Jansenium latis sincero & simplici animo subscribere, imò contra eas seditiosis scriptis obloqui, & à debita eis obedientia populum avertere ausus fuerit, & alia multa, quæ in Causa contra ipsam acta referuntur, effreni ac impudenti fronte peragere ausus fuit, ac demum quòd è carcere subdole fugam arripuerit.

VII. Scio, eum scripsisse, speciali providentiâ Dei viâ sibi inopinatâ ad fugam ostium fuisse apertum velut alteri Petro, cui Act. 12. carceris ostium fuit apertum, aut Paulo qui ad Cor. 2. 12. se per fenestram in sporta dimissum per murum, è carcere Arethæ evasisse scribit; unde Sectarii, *Paulum nostri temporis Quesnellum* vocitabant. Sed quâ viâ, arte nimirum & dolo Quesnellus evaserit, supra ostendi. Deindè quàm dissimilis, imò contraariâ causæ Petri & Pauli fuerit causâ Quesnelli nemo non videt. Illorum causa fuit veritas fidei, quam prædicabant, istius erat pertinax errori adhesio. Sed hic quem novum Paulum dicunt, cur spiritum Pauli imitatus non est? Non ita profectò Apostolus Paulus timidus lucis, aut detentionis erat. Imò dum Ephesî impetu facto in theatrum populus rapuit Gajum & Aristarchum Macedones comites ejus Act. 19. v. 29. Paulus; non ut Quesnellus, dum Gerberonius & Brigodeus ejus focii ad sequestrum ducebantur, se se abscondere aut nomen suum celare satagit; sed licèt sciret, se unum caputque suum peti, in theatrum tamen intrare volebat, & de facto intrallet, nisi à discipulis detentus, & à quibusdam Asiæ principibus, ne se daret in theatrum, rogatus fuisset. Rursus licèt viri Spiritu Sancto pleni ab itinere Jerosolymam, quòd ibi vincendus esset (Act. 21.) eum dehortarentur, alio certè tono vocis quàm Quesnellus respondit Paulus v. 13. *Quid facitis stantes & affligentes cor meum? Ego enim non solum alligari, sed & mori in Jerusalem paratus sum propter nomen Domini Jesu*. Et ad Philippenfes cap. 2. v. 17. non solum Neronis vincula se non extimescere, sed & gaudere se declarat. *Sed etsi, inquit, immolor supra sacrificium & obsequium fidei vestra, gaudeo & congratulor omnibus vobis*.

VIII. Ne autem Quesnelli defensores opponant, Apostolum Paulum permisisse, à suis discipulis se è carcere, in quo detineba-

tur

tur Damasci, extrahi; sciant, aliam fuisse causam detentionis Pauli, aliam Quesnelli. Paulus insidiis Judæorum quærebatur ad necem, quia conversus fuerat ad Christi fidem; Quesnellus Archipræsulis Mechliniensis zelo in sequestro detinebatur, quia ad fidem, à qua recesserat, pertinax volebat reverti. Paulus (Act. 9. v. 27.) è carcere dimissus fuit à Barnaba Jerusalem ad Apostolos, ut de mirabili sua conversione eos certiores redderet; imò, ut ipse scribit ad Galatas 2., post annos quatuordecim suæ prædicationis reversus fuit Jerusalem ad Apostolos, ut cum eis conferret Evangelium quod prædicaverat, ne fortè in vacuum curreret, aut cucurrisset. At Quesnellus è sequestro elapsus, quò ivit? Romam ad Summum Pontificem, aut ad alios Catholicæ Ecclesiæ Pastores, ut ab eis de sua doctrina correctus eam Ecclesiæ judicio sincerè submitteret retractaret? Nequaquam; sed in suis erroribus pertinacior, metuens ne si in Belgio maneret, aut in Galliam revertetur, iterum caperetur, Hollandiam cù sibi unicè tutum asylum elegit. Ibi sexdecim annis manens, Calvinismum quidem non est professus; sed in suis ac Jansenii erroribus permanens, Catholicis qui ibi erant eos tum verbo tum novis scriptis insinuavit, adeò ut etiam modò in iis partibus jacta ab eo Jansenismi semina apud non paucos qui se Catholicos venditant, pullulare dicantur. Is est nostrorum temporum pseudo-Paulus.

## §. II.

### *Constitutio Unigenitus adversùs Quesnelli errores.*

I. **D**Um in Belgio contra Quesnellum transfugam & contumacem causa agebatur, Gallia in partes scindebatur. Major quidem & sanior pars Quesnellum ut Jansenismi innovatorem, & Librum *Reflexionum Moralium* damnandum esse censebat, aliqui tamen, & Auctorem, & Librum ab omni erroris labe purgatum esse contendebant. Hoc Quesnellus ipse post suam Mechlinensem fugam, etiam coràm Rege Christianissimo tentavit, eique aliqui ex Seclariis patrocinati sunt; quæ legere est apud D. Lafiteau Episcopum Sistericensem in Hist. Constit. *Unigenitus* Lib. 1.

Interea Clemens XI., qui Sedem Apostolicam tunc obtinebat, ad quam ab aliquot annis Liber *Reflexionum Moralium* delatus fuerat, illius examinem resumi mandavit. Cardinales & Theologi ad hoc opus delegati maturâ consideratione præmissâ, declararunt, spiritum schismatis & hæresis opus magis perniciosum dicta-

dictare non potuisse. Scripturæ textum in eo pluriès adulteratum & corruptum, & à Vulgata discordem deprehenderunt, & Auctorem usum fuisse versione ab Ecclesia proscripta: necnon Reflexiones ipsas doctrinâ perniciosâ temerariâ seditiosâ, erroneâ, jam damnatâ & apertè Jansenianâ, ubique ferè respersas esse. Horum votis permotus Summus Pontifex Brevi dato 13. Julii 1708. Librum prohibuit legi, & ampliùs imprimi sub pœna excommunicationis ipso facto vetuit, ac ne deinceps simplices deciperet flammis publicè tradi jussit. Hoc postremum Gallis displicuit, idèoque Breve publicatum ibi non fuit. Interea factio, ut Librum à censura justificaret, nihil omisit. Qui Librum antea approbaverant, dicebant, Librum repetitis vicibus, etiam apud hæreticos excussum, fuisse in multis partibus corruptum, & à sensu Auctoris detortum: quarum editionum exemplaria cùm Romam fuissent delata, non mirum, si id quod ipsi probaverant, Romani Censores damnasent. Alii audaci temeritate rapti negabant *Reflexionum Moralium* Librum ullibi apud Protestantés fuisse impressum ac corruptum, sed purum ac legitimum qualis prodierat à Quefnello, asserentes, ejus damnationem privatis Romanorum, Censorum passionibus tribuebant, Romanamque Curiam theatrum passionum appellabant.

Libri damnatione, Cardinalis de Noailles, qui illum tanquam Catholicam doctrinam continentem approbaverat, vehementer commotus fuit. Unde factum est, ut Gallia ferè tota in partes scinderetur, ut in præcitata Historia legi potest. Quare Christianissimus Rex, pacis ac Religionis zelo excitatus, non aliâ viâ, quàm supremo Apostolicæ Sedis Judicio causam finiri posse prudenter existimavit. Huic consilio Cardinalis de Noailles tandem se submisit, imò datis ad Episcopum Aginensem literis, protestatus fuit, ad tollendam divisionem ab Ecclesia, si S. Pater Papa judicaret Librum consuetis formis censurâ notare, se paratum esse ejus Constitutionem ac censuras omni possibili veneratione suscipere, suoque exemplo submitione spiritus ac cordis omnibus præire. An verò Cardinalis de Noailles constans in hoc proposito semper præstitit, inferius apparebit.

II. Itaque Rege instante, Clemens XI. Summus Pontifex Librum *Reflexionum Moralium*, ut de eo ultimam & Apostolicam ferret sententiam, ad severum examen iterum revocavit. Ad hoc tam grave opus benè inchoandum, & feliciter perficiendum præcipua Clementis cura fuit, seligere Cardinales & Theologos viros doctos ex omni Schola Theologica. Hi frequentes conferentias simul habuerunt, textum Quefnelli cum fidei dogmatibus, ac Pro-

positiones in eo repertas eis contrarias vel suspectas, ac damnatissimis erroribus præsertim Jansenii faventes adnotarunt: aliqua etiam de Doctrina morali & Disciplina sensui Ecclesiæ contraria detexerunt. Biennii spatium in hoc laboratum fuit. Ne autem huic operi quidquam deesset, Pontifex plures S. Officii Congregationes coram se de hoc habere voluit, plurium Cardinalium, & Episcoporum vota etiam perquisivit. His humano studio ac diligentia peractis, ad Sancti Spiritus Divinum lumen implorandum se convertens, generalem ad Ecclesiam SS. Petri & Pauli supplicationem indixit, quò ipse sacra myteria celebraturus se contulit.

III. Demùm omnibus præcautionibus adhibitis, ac suffragiis in unum conspirantibus, Sanctissimo Dei Nomine sæpius invocato, Bullam jam extensam, cujus initium *Unigenitus Dei Filius*, datam die 8. Septembris anni 1713. Clemens XI. publicavit, atque eadem die ad valvas Principis Apostolorum, in acie Campi Floræ aliisque consuetis locis affigi mandavit. Hæc pro facti veritate dixi, quidquid ex adverso obstrepuerint Quesnelli fautores, asserentes Cardinales & Theologos ad hoc opus selectos fuisse vel in materia imperitos, ac proinde Quesnelli Propositionum verum sensum non allecutos, vel eorum aliquos studio partis addictos, in favorem Scholæ Molinistæ Jesuitarum adversus Scholam SS. Augustini & Thomæ conspirasse, frustrà aliquibus reclamantibus. Uno verbo totum opus non pro rei veritate sed humano artificio peractum fuisse. Ita inter alios Auctor anonymus in Libro, cui titulus: *Histoire du Livre des Reflexions Morales &c. & de la Constitution Unigenitus* impresso Amstelodami anno 1723. Ab isto tamen & similibus cavendum esse nos monet Apostolus Roman. 16. v. 17. *Rogo autem vos fratres ut observetis eos, qui dissensiones & offenculas præter doctrinam, quam vos didicistis, faciunt, & declinate ab illis.* Et 2. ad Timoth. 3. v. 5. *Habentes quidem speciem pietatis, virtutem autem ejus abnegantes. Et hos devita.*

IV. Talem Librum *Reflexionum Moralium* ejusque doctrinam in præfata Constitutione proponit Clemens XI., & idè illum proscriptum ac vitandum præcipit, his verbis: *Et quidem ad ipsam ingruentis mali causam providæ nostræ considerationis intuitum concurrentes, perspicuè novimus summam hujusmodi Libri perniciem idè potissimum progredi, & invalescere, quòd eadem intus lateat, & velut impruba sanies nonnisi scitò ulcere furàs erumpat; cum Liber ipse primo aspectu legentes specie quoddam pietatis illiciat; molliti animi sunt sermones ejus super oleum, sed ipsi sunt jacula; & quidem intento arcu ita ad nocendum parata, ut sagittent in obscuro reftos corde. Nihil propterea opportunius aut salubrius præstari à nobis pos-*

se

*se arbitrati sumus, quàm si fallacem Libri doctrinam generatim solummodo à nobis hætenus indicatam ( in Breui anno 1708. ) pluribus singillatim ex eo excerptis Propositionibus distinctius & apertius explicaremus, atque universis Cbristifidelibus noxia zizaniorum semina è medio tritici, quo tegebantur, educta, velut ob oculos exponeremus. Ita nimirum denudatis, & quasi in propatulo positis, non uno quidem, aut altero sed plurimis, gravissimisque; tum pridem damnatis, tum etiam novè adinventis erroribus, planè confidimus benedicente Domino, fore ut omnes tandem aperta jam manifestæque veritati cedere compellantur.*

Ad hoc autem se fuisse excitatum præmiserat, non solum fidei zelatorum querelis; sed & maximè complurium præsertim Gallie Episcoporum literis, ac precibus: Imò, *Non modò, inquit, præfati Episcopi, sed ipse in primis Carissimus in Cbristo Filius noster Ludovicus Francorum Rex Cbristianissimus, cujus eximium in tuenda Catholicæ Fidei puritate, extirpandisque erroribus zelum satís laudare non possumus, sapiens nobis est contestatus, repetitis propterea verè piis & Cbristianissimo Rege dignis officiis, atque ardentibus votis à nobis efflagitans, ut instanti animarum necessitati prolata quantociùs Apostolice censuræ iudicii consuleremus.* Ab ipso ergo Rege, & Gallie Episcopis (sicut antea Innocentius X. ad Janseii damnationem) excitatus Clemens XI. ad Quæsnelli Propositiones editâ Constitutione *Unigenitus* proscribendas processit.

V. Centum & quinquaginta quinque Propositiones in Libro *Reflexionum Moralium* censurâ dignæ notatæ fuerunt; solas tamen centum & unam tanquam apertius erroneas in Constitutione expressit, his verbis: *Omnes & singulas Propositiones præinsertas, tanquam falsas, captiosas, malè sonantes, piarum aurium offensivas, scandalosas, perniciosas, temerarias, Ecclesiæ & ejus praxi injurias, neque in Ecclesiam solum, sed etiam in Potestates sæculi contumeliosas, seditiosas, impias, blasphemias, suspectas de hæresi, ac hæresim ipsam sapientes, necnon hæreticis & hæresibus, ac etiam schismatici faventes, erroneas, hæresi proximas, pluriès damnatas, ac demum etiam hæreticas, variasque hæreses, & potissimè illas, quæ in famosis Janseii Propositionibus, & quidem in eo sensu, in quo hæc damnatæ fuerunt, acceptis, continentur, manifestè innovantes, respectivè, hæc nostrâ perpetuò valiturâ Constitutione declaramus, damnamus, & reprobamus.* Et infra: *Ceterum, inquit, per expressam præfatarum Propositionum reprobationem, alia in eodem Libro contenta nullatenus approbare intendimus, cum præsertim in decursu examinis complures alias in eo deprehenderimus Propositiones, illis, quæ ut supra damnatæ fuerunt, consimiles & affines, iisdemque erroribus imbutas, nec sanè*



*sanè paucas* &c. Tandemque Librum quomodocumque inscriptum, ubicumque, seu alio quovis idiomate, editione, aut versione impressum aut imprimendum, sub pœna excommunicationis ipsò facto etiam retinentibus, nedum legentibus, inhibet. Data est hæc Bulla anno 1713. 8. Septemb. Pontificatus sui anno 13. Singulas hæcæ centum & unam Propositiones inter alios accuratè perstrinxit Auctor Anonymus in Opusculo Italico idiomate impresso Mediolani anno 1723.

VI. Primo editæ Constitutionis nuntio Cardinalis de Noailles commotus fuit. Cum tamen antea declarasset, se ad Libri præfati damnationem paratum esse, ut honori suo consulere, adventum Constitutionis in Gallias præveniens, edicto suo generalibus terminis concepto Librum *Reflexionum Moralium* damnavit. Edictum hoc Romam transmissum Pontifici acceptum fuit, tanquam præludium, quòd præfatus Cardinalis Constitutionem foret acceptaturus: ideòque per Cardinalem de Tremoille ei significari fecit, Edictum suum universali plausu Romæ fuisse susceptum.

VII. Interea Constitutio *Vnigenitus* ad Regem transmissa fuit, qui, non obstantibus Quesnellistarum contra eam clamoribus, pro suo erga Religionem zelo eam omnibus acceptandam auctoritate suâ indixit. Multæ tamen ortæ sunt difficultates circa acceptationis formam, quibusdam postulantibus, ut Romana Sedes clariùs explicaret, in quo sensu illas centum & unam Propositiones damnavisset. Cardinalis de Noailles, qui recens Librum *Reflexionum* damnaverat, unâ cum aliis Episcopis puræ ac simplici Bullæ acceptationi se se opponebat. Res aliquandiù jaciata est. Tandem indicta sunt Comitia, quibus Cardinalis de Noailles & quadraginta octo Præsules interfuere: ibi non modicâ præmissâ contentione die 23. Januarii propositâ causâ super acceptatione Bullæ, & datis suffragiis, soli octo cum Cardinali de Noailles resisterunt, reliqui quadraginta Episcopi pro Bullæ acceptatione convenire. Votum hoc, frustra reclamantibus Cardinali de Noailles & suis, Bullam in re tam gravi majori explicatione indigere contendentibus, à Rege probatum fuit, literasque pro Bullæ observatione, expediri jussit.

VIII. Itaque juxta Comitiorum votum pro Bullæ acceptatione à Romano Pontifice approbatum, ad omnes Provinciarum Gallie Episcopos literæ datæ sunt: unde tactum est, ut à plusquam centum duodecim Diocæses fuerit acceptata, à Facultate Theologica Parisiensi recepta, & in omnium Parlamentorum Regni Aclis Constitutio registrata. His tamen Episcopi, oppositores non quie-

vere, quin eorum aliqui Edicta contra Constitutionem suis in Diocesisbus promulgarunt. Cardinalis deNoailles varius, & inconstans multa promittit, sed promissa non implet. De eo Romam traducendo Rex cogitat, sed consilium mutat, & Concilium Nationale in Gallia indici judicat expedire. Sed dum hæc non sine contentione agitantur, Ludovicus XIV. Rex Galliarum fatali morbo corripitur, & paucos post dies 1. Septembris 1715. vitæ dedit. Rex nomine & re verè Christianissimus Fidei Catholicæ strenuus Defensor, ac hæresum Debellator acerrimus. Sub eo Calvinismus in Galliis succubuit. Ejus Tempora destructa, Conventicula proscripta, Collegia eversa, Ministri exilio pulsati, omnesque ejus Sectarii mandatis tam Religiosi Monarchæ caput submittere fuere compulsi. Nec minori zelo in Jansenismum & Quesnellismum efferbuit, in hoc enim, ex dictis, extirpando ad finem usque vitæ operam impendit.

IX. Tanti Principis jacturam illico sensit Ecclesia. Dux Aurelianensis, qui Regni assumpsit regimen, Quesnellistas exules revocavit, & ut Cardinalem de Noailles emolliret, Consilio, quod appellant *Conscientia*, eum præfecit. Is se infra mensem Bullam accepturum promissit, sed promissis non stetit. Facultas Parisiensis Theologica falsum esse declarat, se Constitutionem acceptasse. Episcopi refractarii Bullæ explicationem postulant. Pontifex Brevia comminatoria ad Episcopos opposcentes expedit, ac tribus viris de doctrina suspectis Bullas Episcopatus denegat. Cardinalem de Noailles Purpurâ privare cogitat: Cardinalium Collegium annuit, id tamen non exequitur. Multa ad concordiam proponuntur, sed Opponentes renuunt, aut illudentes fallunt. Tandem omnes de pace tractatus quatuor Episcopi interpositâ Appellatione ad futurum Concilium eludunt, quam tres Theologicæ Facultates, inter quas Parisiensis; necnon Privati quidam ex diversis Statibus adoptant. Hinc in Galliis orta sunt dissidia non adhuc penitus extincta, quæ percurrere quisque poterit maximè apud Episcopum Sisteronensem Lib. 4. & 5. Hist. Constit. *Unigenitus*. & alios. Postquam tamen Romana Sedes adeò apertè locuta fuit, quævisissent, si audire & sequi voluissent S. Augustini monitum Epist. 194. (aliàs 105.) ad Sixtum Presbyterum (postea Rom. Pontificem) adversus Pelagianos Romano judicio jam proscriptos ita scribentis: *Nunc verò cum apertius & lasius quid de illo dogmate contraque sentires in literis tuis, fides ipsa. Romanæ Ecclesiæ nobiscum loqueretur, cui potissimum Beatus Apostolus Paulus de gratia Dei per Jesum Christum Dominum nostrum multa & multipliciter est loquutus, non solum illud omne tristitia nubilum fugit* de.

*de cordibus nostris ; sed etiam tantum ibi lætitiæ lumen insulsiſſet , ut nihil egisse in nobis videretur ille mavor & timor , nisi successurorum amplioſorem ſagrantiam gaudiorum . Oppolitum tamen ſenſerunt & adhuc ſentiunt Quesnellistæ . Auditâ enim voce Romanæ fidei de Gratia Dei loquentis , nedum lætitiæ ſigna non dederunt ſed contra eam turbas excitant , & adhuc excitare non deſiſtunt .*

§. III.

*De Concilio Ebredunenſi , & aliis .*

**I.** Nter Episcopos adversus Bullam *Unigenitus* pertinaces emicuit D. de Soanen Præſul Senecenſis . Hic omni menturâ ſeyoſitâ , ad Ordines Sacros publicè admittebat quotquot à Janſeniſtis ex Hollandia ad eum dirigebantur , etiam abſque dimiſſoria- libus literis , ſolo Episcopum in Proteſtantium regionibus intruſi teſtimonio . Ut verò ſui furoris contra Conſtitutionem ultimum ac perenne teſtimonium relinqueret , quaſi teſtamentum ac ſuæ ultimæ voluntatis teſſeram , ne ſucceſſor ſuus ( erat enim jam ſenior ) in favorem Conſtitutionis ſubditos diœceſanos attraheret , Inſtructionem Paſtoralem edidit 20. Auguſti 1726. , quâ vexillum ſchiſmatis , & rebellionis contra Eccleſiam , quæ Conſtitutionem terè ubique tamquam Legem & fidei iudicium jam acceptaverat , extollebat .

II. Metropoliticæ Ebredunenſi Eccleſiæ præerat D. Petrus de Guerin de Tencin , modò S. R. E. Cardinalis , vir ſcientiâ & pro Catholica fide zelo clariffimus . Hic , inſtante etiam Rege , ad Catholicam veritatem contra Quesnellianos ſtabiliendam , & ad aver- tendum ſcandalum & perniciem , quæ ex Episcopum Senecenſis In- ſtructione Paſtorali oriri poterat , Concilium Provinciale Ebreduni habendum indixit , ad quod etiam Episcopum Senecenſis vocatus fuit . Verùm etiam in Synodi Indictione cauſa illam convocandi non exprimeretur , gravis tamen inter Quesnellistas ſuſpicio orta fuit , eam eſſe , ut ſuper Episcopum Senecenſis , ejuſque edita Inſtructione quæſtio haberetur . Quare diviſa ſunt inter ſuos conſilia . Major pars tutius fore eum in ſua Diœceſi manere ( longæva ætate excu- ſante ) ſuadebat : altera verò ut accederet , hortabatur , ſuâ enim præſentiâ & doctrinâ iudices ipſos convincere poterat .

III. Aliquandiu Episcopum Senecenſis anceps hæſit . Tandem Ebredunum ſe conferre decrevit . Amici ejus Pariſiis exiſtentes , miſſo nuntio , eum ab hoc conſilio deterrere conati ſunt . Sed tru- ſtra . Nuntius enim jam ingreſſum Diœceſim Ebredunenſem ipſum

invenit. Unica Senecensis Episcopo Ebredunum adeundi ratio fuit, quòd cum jam à Constitutione ad futurum Generale Concilium appellasset, nullum de ejus causa judicandi Concilio Provinciali jus superesset. Cum tamen si advertisset ad Episcopos Pelagianos, eos etiam post appellationem è suis sedibus depositos vidisset. Accedit, quòd cum post Appellationem Instructionem Pastoralem edidisset, hanc tanquam materiâ processus contra ipsum Concilio Provinciali judicandum se subjecerat.

IV. Episcopus Senecensis in quodam vicino pago moram trahens, præmisit protestationem ad Concilium, quâ declarabat, se, nec suæ personæ, nec suorum scriptorum Judicem illud recognoscere. Inde paucis elapsis horis, quasi ad locum triumphi stipatus circa viginti hominibus ab eo in sua Dioecesi seductis, obequitans Ebredunum ingressus est. Interim in limine Concilii cap. 2. obedientia Constitutionibus Apostolicis, & præcipuè *Unigenitus* statuta fuit, his verbis: *Constitutio Unigenitus, quæ centum & una Quæsnelli Propositiones damnata sunt, cui suffragata est universalis Ecclesia, est dogmaticum, definitivum, & irretractabile judicium illius Ecclesie, de qua Divino ore dictum est, „ Porta Inferi non prævalebunt adversus eam „, si quis igitur eidem Constitutioni corde & animo non acquiescit, aut veram & sinceram obedientiam non præstat, inter eos habeatur, qui „ circa fidem naufragaverunt „. Quòd si nonnulli crescente contumaciâ, hæreticorum vestigiis insistentes, à præfato dogmatico judicio, quo non laudabiles Patrum sententiæ, non innoxie Catholicarum Scholarum opiniones, ut calumniantur Novatores, sed in primis Baji & Jansenii errores jamdudum damnati, iterum damnantur, ad futurum Generale Concilium provocare præsumferint, hujusmodi provocationem noverint esse ipso jure irritam, scandalosam, schismaticam, jam damnatis erroribus faventem, Sedi Apostolicæ, & Ecclesie injuriosam. Deindè prosequitur Concilium damnans eos, qui formulæ præscriptæ ab Alexandro VII. reluctantur: utque vim illius eludant, contendunt, Ecclesiam non exigere, ut quisque illi formulæ subscribendo, profiteatur quinque Propositiones in Jansenio damnatas sensum hæreticum continere; vel saltem non exigere, ut sensum in dictis Propositionibus damnatum interius ut hæreticum damnet; sed satis esse, si ea de re obsequiosus, ut vocant, silentium teneatur. His & aliis Concilium Catholicam fidem profitetur & obstruit ora Novatoribus.*

V. Hisce præmissis, in secunda Congregatione Generali habitâ 18. Augusti 1727. ad causam Episcopi Senecensis, quæ erat præcipua materia Concilii, ventum est. Ibi, à pluribus Theologis præfati Episcopi Instructione Pastoralis censorio examine jam discussâ,

seusâ, Promotor Concilii exposuit, in ea plurimum errorum antea damnatorum semina contineri. Nam primò: In ea damnatur Fidei Formula ab Alexandro VII. præscripta, atque jam indè à sexaginta annis in Regno Gallie recepta, usuque firmata. Secundo: Constitutionem *Vineam Domini Sabaotb* à Clemente XI. traditam ita interpretatur in alienum sensum detorqueus, ut ei turpiter illudere, & aperte contradicere voluisse videatur. Tertiò: Nec minùs injuriosè tractat Constitutionem *Unigenitus* ab eodem Summo Pontifice datam, ab Episcoporum Ordine receptam, Regis Ludovici XIV. Diplomate anno 1714. munitam; Regiâ demum Declaratione anni 1720. firmatam, atque pro certa utriusque pariter tum Ecclesiæ tum Regni Lege habendam. Quartò: Demum in ea Instructione Pastoralis summis ornatur laudibus Liber *Moralium Reflexionum* Quesnelli, & quem Ecclesiæ Judicium & Principis potestas damnatum omnibus ne quis legeret indictâ poenâ interdixit, memoratæ Instructionis Auctor populo Senecensî ausu temerario legendum & offerre, & suadere non dubitat, his verbis: *Is Liber ille est, in quem non modò non cadit meritò censura ulla, verùm etiam qui dignissimus est, ut legatur: utpotè qui totus in Divinarum Literarum, Sanctorum Patrum sermone verbisque versatur, qui luce atque unitione plenus, alendæ fidelium pietati aptissimus est* &c. Hucusque processit cæca temeritas.

VI. Episcopus Senecensis petiit à Concilio pronuntiari super Acto suo exhibito, quo declarabat, Provinciali Synodo Ebredunensi non competere judicium sive de se, sive de scriptis suis: sed rogatus ab Archiepiscopo Ebredunensi, ut tantisper recedere vellet, dum de ipsius requisitione deliberaretur, abscessit. Eo absente decrevit Synodus, ut priùs interrogaretur, an Instructio Pastoralis à Promotore delata esset sua, & ut suam agnosceret. Iterùm vocatus, ac ab Archiepiscopo requisitus, disertis respondit verbis, suam eam agnoscere & adoptare Instructionem Pastoralem, jussu suo promulgatam fuisse, ejusque defensionem se suscipere, donec convinceretur, errores in illa reperiri. Hoc responsum ipsemet dictavit, subscribens 18. Augusti 1727. Tum denuò postulavit à Synodo, ut super Acto suo de incompetencia tribunalis Concilii statueretur.

VII. Eo digresso deliberatum est à Concilio audire quæ postularat de Synodi incompetencia, & quibus argumentis eam probaret. Itaque publicè lectum est Autographum super incompetentiâ, quod Episcopus Senecensis ad Archiepiscopum Ebredunensem transmiserat, quòd in Actis Synodi legere est. Quo maturè perpenso, Synodus decreto pronuntiavit, quòd ponderatis ratio-  
num

num momentis de prætenſa Synodi Provincialis incompetentiâ , & auditis etiam plurium Concilii Theologorum & Canonistarum ſententiis , infirma ſint rationum momenta , minimèque admittenda , & idè ultra procedendum eſſe ad iudicium de Inſtructione Paſtorali . Decretum Epifcopo Senecenſi Synodum ingreſſo denun-  
tium fuit : qui aliud confugium excogitans , declaravit , recuſare ſe Iudices Præſules qui Concilio intererant , generatim omnes , & ſpecialiter ſingulos ob certas & diſtinctas cauſas quas ipſe recitavit ſcriptas , ſcriptumque proprio chirographo munitum depoſuit in conſeſſu , quod inter Acta Concilii excerptum legitur . Interrogatus ab Archiepiſcopo Ebredunenſi Epifcopus Senecenſis , num paratas haberet factorum probationes , quibus nitebantur præſatæ recuſationes , eas adducere palàm denegavit .

VIII. Nihilominùs ne quidquam omitteretur , quo Senecenſis Epifcopi durities emolliri poſſet , cùm ille Provinciæ Ebredunenſis Epifcopos omnes tanquam ſuſpectos traduceret , decrevit Synodus ( id etiam probante Rege , imò & mandante ) ut ex quinque vicinis quoque Provinciis Epifcopi vocarentur : Decreto Senecenſi Epifcopo communicato , de nullo ex quinque vicinis Provinciis Epifcopo ſuſpicionem ſe habere conſeſſus eſt . Itaque ex præſatis Provinciis tredecim Epifcopi ad Concilium invitati fuere . Sed cùm ex iis tres ob ægritudinem ſe excuſaſſent , decem Concilio adfuere . His congregatis , omnia , quæ in Concilio à Provinciæ Ebredunenſis Epifcopis geſta fuerant , Archiepiſcopus Ebredunenſis communicat , novâ etiam Inſtructionis Paſtoralis factâ relatione .

IX. Interea Pro notor Concilii Epifcopo Senecenſi ſignificat , advenſiſſe jam ex vicinis Provinciis Epifcopos , eorum nominibus ei expreſſis , ad cognitionem ſuæ cauſæ unâ cum ſuis Comprovincialibus ſuſcipiendam & judicialiter terminandam . Sciret ergo , vel ſuam Inſtructionem Paſtorales à ſe ex animo retractandam , vel contra ſe ultimum Iudicium ſubeundum . Ad hæc Epifcopus Senecenſis pertinacior reſpondit , ſe Concilium quantocumque numero Epifcoporum ex vicinis Provinciis auctum , tanquam ſuum Iudicem nunquam agniturum , cauſas ſuæ recuſationis , etſi jam reprobatas , repetens , ut ſic proſecutionem Iudicii de ſua Inſtructione Paſtorali impediret . Tribus ſeptimanis ut eum ad ſaniorẽ frugẽ reducerent , Epifcopi pietate moti laboraverunt ; ei præcipuè oſtendentes infanæ temeritatis eſſe , duos Epifcopos , ſe nimirum ac Montepeſulananum plus ſapere velle , quàm univerſam Eccleſiam . Sed cùm nihil proficerent , trinam Canonicam Monitionem eſſe præmittendam , deindè ad ſententiam deveniendum , declaravit Promotor .

X. Hæc

X. Hâc igitur præmissâ, cum Episcopus Senecensis, nec adhortationibus sœcti, nec monitionibus parere vellet, unanimi Patrum consensu sententia pronuntiata est die 20. Septembris anni 1727. Primò quidem Instructio Pastoralis condemnata est communi voce tanquam temeraria, scandalosa, Ecclesiæ, Episcopis, ac Regiæ Potestati injuriosa, schismatica, hæretico spiritu plena, errores ac hæreses fovens, præsertim in iis quæ continet contra subscriptionem Formulæ ab Alexandro VII. præscriptæ: tanquam in illud sorium sensum detorquens Bullam *Vineam Domini Sabaoth*: injuriosa Constitutioni *Unigenitus* & Apostolicæ Sedî, à qua manavit. Damnum etiam fuit quidquid in favorem *Reflexionum Moralium* in ea continetur, inflicta poenâ excommunicationis ipso factò, ne quis illius Provinciæ fidelis, cujuscumque sit status, aut conditionis, aut sexus, exemptus, vel non exemptus, eam legat, apud ferretineat, aut disseminet: sed sub eadem poenâ illius Instructionis exempla in tabulas Officialitatis suæ Dioecesis per se vel per alium statim referat.

Secundò, quoad ejusdem Episcopi Senecensis personam decretum fuit, ut sit & maneat suspensus & interdictus ab omni Episcopali functione, exercitioque Sanctorum Ordinum simul & ab omni jurisdictione & inspectione in dicta Senecensi Dioecesi, donec Acto authentico dictam Instructionem Pastoralem, scriptaque, omnia in ejus defensionem à se edita retractaverit, & damnaverit, in iis præsertim, quæ super tribus memoratis capitibus reprehendenda docuit in prædicta Instructione Pastoralî. Ut à Concilio ipso nominetur Vicarius Generalis Officialis in Dioecesi prædicta, cui à Rîno Archiepiscopo Ebredunensi Concilii nomine, &c, ut sibi videbitur, alii in locum ejus, vel aliorum Officialium substituantur. Hec Concilium Ebredunense in Episcopum Senecensem, ut eum ad resipiscentiam & retractionem errorum revocet. Quod tamen (re verâ dolendum) hætenus non obtinuit: adeò enim induratum est cor ejus, ut annum ut fertur nonagesimum quartum jam agens, nulla suæ resipiscentiæ signa dederit.

XI. De actis in Concilio Epistolam Synodicam Concilii nominè dedit Archiepiscopus Ebredunensis ad Benedictum XIII. Ordinis Prædicatorum Romanum Pontificem, cujus initium: *Beatissime Pater. Antiquæ Traditionis exempla servantes & Ecclesiasticæ memores Disciplina, Concilii nostri Ebredunensis gesta ad Ecclesiarum Matrem & Magistram referenda esse censuimus, ut statutis nostris etiam Sedis Apostolicæ adhibeatur auctoritas*. Deindè quæ in Concilio gesta sunt referuntur. Epistolam grato animo Benedictus Pontifex accepit, & Brevi dato 17. Decembris 1727. post collauda-

datam Conciliorum Provincialium consuetudinem, omnia in Synodo statuta, etiam contra Episcopum Senecensem, approbavit confirmavitque. Imò etiam audito Decreto de Concilii Provincialis præfati convocatione suum gaudium testatus fuit, non solum per Literas Secretariæ Status, sed etiam duplici Brevi epistolari propriâ manu scripto ad Archiepiscopum Ebredunensem, uno dato 26. Augusti 1727. altero 25. Octobris ejusdem anni, quorum exempla in Actis Concilii ejusdem leguntur; sicut & ejusdem Archiepiscopi responsa, & Regis Christianissimi gesta in Concilio suâ auctoritate probantis. Quæ omnia idem Summus Pontifex Benedictus, & maxime Regis Christianissimi pro fide zelum altero Brevis 6. Aprilis 1728. comprobavit, & varia scripta in favorem Episcopi Senecensis damnavit.

XII. Quantâ Concilium hoc Universæ Catholicæ Ecclesiæ acclamatione fuerit susceptum, fidem indubiam faciunt literæ sequentes. Ex Belgio Cardinalis de Alsatia Archiepiscopi Mechliniensis, Episcopi Yprensis, Gandavenfis & Antuerpien. Ex Italia præter Breve epistolare Clementis XII., extant literæ Archiepiscopi Florentini, Cardinalis Odescalchi Archiepiscopi Mediolanensis, Cardinalis Pignatelli Archiepiscopi Neapolitani, & Cardinalis Lambertini Archiepiscopi Bononiensis. Ex Hispania Episcopi Granatensis, Cardinalis Archiepiscopi Toletani, Archiepiscopi Burgenfis, Archiepiscopi Castaraugustani, Archiepiscopi Tarraconensis, Archiepiscopi Valentini, Episcopi Salmanticensis, & Episcopi Inquisitoris Generalis Hispaniarum, unanimi consensu Ebredunense Concilium collaudantium & Archiepiscopo ejus Promotori gratulantium. Mitto Universitates ferè omnes debita reverentiâ eidem subscribentes.

XIII. Quid ergo agerent Quesnellistæ refractarii tanto fragore concussi ac prostrati? Non aliud quàm ad solitas subdolasque hæreticorum artes confugere. Atque ita fecere: Parisiensis Parliamenti implorarunt patrocinium, & consecuti sunt. Quinquaginta Advocati à Parlamento destinati sunt. Qui à Quesnelli fautoribus seducti Ebredunensis Synodi Acta infirmare, & omnes errores in eo damnatos calumniosè tueri conati sunt. Hæc Consultatio cum delata esset ad Regem, ipse viginti sex Episcopos Parisiis tunc existentes, & aliquos viros doctos, ut super illam suam ferrent sententiam, convocavit. Qui declararunt, Advocatorum Consultationem erroribus prædamnatis favere, potestati Ecclesiæ injuriosam esse, de hæresi suspectam, imò & hæreticam. Quoad ea verò quæ contra Ebredunensem Synodum blaterat, temerariam ac injustam, Regalis auctoritatis læsivam, tot Prælati qui ei adfuerunt,



fuere, ipsique Papæ qui eam confirmavit injuriosam esse pronuntiarunt; quare Rex suo Consilio Status 3. Julii 1728. Advocatorum Consultationem suppressit, quod & Episcopi suis Edictis peregerunt.

XIV. Factionis tamen patroni non deterriti, alios Episcopos Gallie ad suas partes trahere conati sunt, ex quibus usque ad numerum duodecim adepti sunt, nec difficile eis fuit, cum hi è numero eorum essent, qui adversus Bullam *Unigenitus* jam appellaverant. Ab istis ergo supplex libellus Regi porrigitur, quo de injusto gravamine, quo Episcopus Senecensis oppressus fuerat, conquererentur. Libellus, ut merebatur, à Rege rejectus est, quin & Concilii Patribus significavit Regiâ protectione se illis adiuturum. Quod & perfecit, dum quemdam, qui se in Vicarium Diecefis Senecensis adversus Delegatum à Concilio intruserat, amovit, eumque exilio multavit: ac inde Bulla per totam Diecefem promulgata, & signatum Formularium fuit.

XV. Interea, disponente Deo, contigit eventus, qui Ecclesiam & Benedictum XIII. Summum Pastorem summo gaudio perfudit. Cardinalis de Noailles, qui *Reflexiones Morales* probaverat, qui Constitutionem *Unigenitus* non acceptaverat, & quamvis non semel ei se submittere visus fuisset, sacro tamen numquam impleverat; tandem videns tres subsequentes Romanos Pontifices unanimiter pro ea stitisse, tot Clericorum Gallie Comitia, tria Concilia, Lateranense, Avenionense, Ebredunense eam commendasse, & Ecclesie observandam proposuisse, & ferè omnes Regni Episcopos, paucis exceptis, eam acceptasse, ac nullum ex Episcopis extra Galliam contra eam reclamasse; dolens, se plusquam viginti annis ut schismaticum præbuisse, ac demum conscientie stimulis, & senio vicinam mortem ei minitante perterritus, de sua æterna salute seriò cogitare cœpit.

XVI. Itaque ad Benedictum XIII. Papam Epistolam 19. Julii 1728. scripsit, quâ præmittens gravi suâ ætate moneri, sibi de æterna ac mortali vita cogitandum esse, tandem S. Sedis obedientie totum se submittit, „ Testor, inquit, coràm Jesu Christo, Bullæ *Unigenitus* sincero corde me submittere, Librum *Reflexionum* „ *Moralium* ac centum & unam Propositiones ex eo extractas in „ eodem sensu, quo damnatæ sunt in præfata Constitutione, me „ damnare. Insuper revocare meam *Instructionem Pastoralem* „ anni 1719. contra præfatam Constitutionem, quamvis meo sub „ nomine promulgatam. Ac proinde Sanctitati vestræ promitto „ aliud Mandamentum me editurum, ac pro ejusdem observantia „ Bullæ in tota mea Diecefi publicaturum. Confiteor tibi, Beati-

Tom. VII. Par. V.

M m

tilli-

„tissime Pater, postquam Dei Gratiâ hanc deliberationem suscep-  
 „pi summâ consolatione animum meum esse perfusum, dies mihi  
 „factos esse magis serenos, & animam meam eâ pace & tran-  
 „quillitate frui, quam post diuturnum tempus nunquam exper-  
 „tus fueram „.

XVII. His acceptis literis tanto perfusus fuit gaudio Benedi-  
 ctus Pontifex, quanto Pater Evangelicus ad reditum filii sui. Totâ  
 ergo effusione cordis accurrens ei respondit 21. Augusti 1728.  
 Primò ei gratulatur, quòd Deo auxiliante ad cor redierit, & quod  
 adeò sanctas cogitationes animo conceperit : deindè nomine S. Se-  
 dis ei gratias agens, cum adhortatur ad tam dignum opus con-  
 summandum publicatione Edicti, de quo suis in literis locutus  
 fuerat. Undecima Octobris dies fuit à Dei Providentia pro inte-  
 gra Cardinalis submissione præordinata. Res hac secreto cum  
 Pontifice commercio antea peracta fuerat, & ideo omnibus igno-  
 ta. At postquam innotuit vix explicari potest, quàm sensibili &  
 universali acclamatione à veris Fidelibus celebrata fuerit. Ponti-  
 fex ipse convocato Consistorio, cui & ego interfui, disertâ Oratio-  
 ne, plaudente eique toto Sacro Cardinalium Collegio de recupe-  
 ratione ovis adeò præclarè gratulante, rem totam aperuit.

XVIII. Interea quod promiserat Cardinalis de Noailles fide-  
 liter implevit : Volens enim populum suum Instructionis loco  
 exemplo suo docere, promulgavit Edictum, quo absque ullo re-  
 strictionis, aut relationis vestigio, protestabatur, Constitutionem  
 omni submissione se acceptare. Librum *Reflexionum Moralium* &  
 centum & unam Propositiones ex eo extractas eodem modo ac  
 sub eisdem qualificationibus, sub quibus eas Papa proscripserat,  
 damnabat, quidquid in contrarium ipse scripserat apertè revoca-  
 bat. Et præcipuè suam Instructionem Pastoralem 14. Januarii  
 1719. Insuper præfatum Librum & alia quæcumque in ejus defen-  
 sionem scripta legi aut detineri severè prohibuit, eique, qui quam-  
 cumque ex damnatis Propositionibus docere vel tenere ausus fuisset,  
 eandem poenam, quam Constitutio, nempe excommunicatio-  
 nis ipso facto, indixit; ac ne quisquam ignorare posset, suo  
 Edicto Constitutionem ipsam inferi mandavit.

XIX. Edictum hoc ad Summum Pontificem in submissionis  
 suæ complementum transmissum summo gaudio acceptum ab eo  
 fuit, & major Episcoporum pars Cardinali de Noailles lætis gra-  
 tulationibus felicitatem fuit apprecata. Et quidem meritò. In  
 hoc enim opere gratia Dei singulari exemplo se manifestavit; vix  
 enim aliquem reperire est, qui postquam alicujus factionis & erro-  
 ris ducem se præbuit, & ab unitatis ac veritatis centro recessit,  
 tan-

tandem spontè errore revocato, ad illud tantâ solemnitate rever-  
sus fuerit. Porro Deus, cujus perfecta sunt opera, ab omni in-  
constantiae periculo eum citò liberavit, nam sex elapsis mensibus,  
felicitè, ut piè creditur (quidquid aliqui in contrarium mullita-  
rint) constans obiit.

XX. Cardinali de Noailles ad unitatem reverso Quesnellistæ  
rebelles tanto prasidio destituti; videntes insuper majorem & sa-  
niores Episcoporum partem ac Regiam auctoritatem contra se  
stare, compressi, non tamen prorsus contriti, variis artibus ac  
dolis se tneri meditati sunt. Aliqui in Gallia se parùm tutos vi-  
dentes, Quesnellum Magistrum suum imitati, in Hollandiam se  
receperunt: ibi cum Calvinistis quàm cum Catholicis magis gra-  
tam & facilem communionem fore existimant, ac privato spiritu  
ducti, quidquid sibi placet sentiunt. Alii verò in Galliis sub fide  
Catholicorum nomine, in dies se prodiderunt, & adhuc se produnt,  
aliquorum freti patrocinio, sed Episcoporum zelo ac vigilantia de-  
tecti comprimuntur.

XXI. Ut hæc omnia eluderent quid cogitarunt? Illud idem  
quod S. Irenæi Lib. 2. cap. 31. n. 2. & Tertulliani Lib. de Præscript.  
cap. 4. testimonio hæretici suorum temporum, & adierente S. Augu-  
stino Lib. de Unit. Eccl. cap. 19. Donatistæ, commentii fuere: nimi-  
rùm suam Sectam à Deo comprobari gratiis sanitatum, mortuo-  
rum suscitationibus per illius auctores vel insigniores professores  
patratis. Hoc & Quesnellistæ Appellantes vanâ prasumptione sibi  
arrogarunt. Itaque spargere cœperunt, hominem qui antea à Con-  
stitutione appellaverat, & in appellatione persans obierat, ac  
sanctitatis famam reliquerat, operante Deo maximis conuscare,  
prodigiis, præcipuè sanationibus, quas ad ejus sepulchrum pre-  
cantes obtinebant. Præfensus iste Sanctus erat quidam Diaconus  
nomine *Paris* in cœmeterio S. Medardi Parisiis sepultus. Præci-  
puum evulgari cœpit prodigium de quadam puella, quæ post no-  
vendiales preces super cineres Domini Paris visum, & usum cru-  
rium, quibus antea destituta erat, recuperasse ferebatur. Factum  
hoc quâdam Dissertatione tot circumstantiis & præfensis certitu-  
dinibus munitum publicatum fuit, ut plurium credulitatem fese-  
lerit.

XXII. Famâ hæc Parisiensis Archiepiscopus commotus, rem  
serio examini committi mandavit. Examinatis prævio jurejuran-  
do ingenti numero testibus, evidenter apparuit, totum hoc fuisse  
subdolum Appellantium & vanum artificium, ac puellam nun-  
quam visu privatam, eamque etiam post novendialia, eadem in  
ambulando poenâ laborasse. Quare Archiepiscopus Parisiensis suo

Edicto 15. Julii 1731. declaravit, miraculum illud falsum fuisse ac suppositum, ac vetuit, ne in sua Diœcesi ullum novum miraculum absque sua auctoritate publicaretur, ac ne deinceps ullus cultus Domino *Paris* aut ejus sepulcro tribueretur, aut Missæ in ejus honorem celebrarentur. Damnavit insuper præfatam Dissertationem, tanquam imposturis ad seducendos Fideles refertam, Papæ & primorum Pastorum cœtui injuriosam, & erroribus jam ab Ecclesia damnatis apertè faventem.

XXIII. Pastoralibus hisce mandatis Factionarii nedum non cessere, sed audaciores facti, contra suum legitimum Pastorem brevi tria scripta evulgarunt titulo *Vita Domini Paris Diaconi*. His in schismatis & erroris patrocinium auctores representabant, Ecclesiam à cœtu Pastorum proditam, Appellantes pro ea stantes persecutionem ex parte utriusque Potestatis injustè pati: ac propterea, se paratos esse debere ad subeundam pro veritate martyrium. Juxta horum libellorum Auctores, Sedes Apostolica & cœtus Pastorum, ad quam, vel ad quos pro regula nostræ fidei accipienda confugiendum esset, ampliùs non erat. Juxta horum insaniam, doctrina fidei non erat illa, quam Apostoli & eorum Successores toti Orbi tradiderunt, sed illa, quæ è sepulchro Domini *Paris* se se manifestabat, ita ut ad obtinendam à Deo veram intelligentiam, ad eum recurrere oporteret. Hæc est solita Hæreticorum superbia fidem suam in nullo alio, quàm in suorum errorum auctoribus collocare.

XXIV. Tria hæc scripta Archiepiscopus Parisiensis meritò damnavit, ac eorum lectionem sub anathematis poena interdixit; sed Pastoris vox ab Appellantibus audita non fuit. Imò audaciores facti, ad sui prætensi Thaumaturgi tumultum frequentandum ex omni ætate ac sexu accendebant, dato etiam argento & auro, ut se aliqua gravi corporis agritudine oppressos fingentes, ad *Paris* tumultum orantes, se ab ea liberatos mentirentur. Adeoque invaluit hæc deceptio, ut quibusdam Sectæ Presbyteris excitantibus, Psalmorum cantus ad *Paris* tumultum utriusque sexus vocibus successivè alternaretur: quo S. Medardi Ecclesia in quandam theatri speciem translata reperiebatur, in quo Religioni indignè illudebatur, & suorum miraculorum veritas in derisionem vertebatur. Tererem tempus, si quæ per Provincias de suo *Paris* quem novum Eliam dicitabant prodigia sparserunt, recensere vellem. Solùm dicam, quòd Quæsnellistarum furor adeò crevit, ut quamvis Ecclesiasticæ Regia jungeretur auctoritas, ad eum frændandum multum laboratum sit, de quo legere est Historiam Episcopi de Sisteron Lib. 6. ab anno 1732. usque ad 1736. Tandem si non penitus

nitus extincta, compressa tamen hodierno tempore languet factio; utrâque Potestate in eam generaliter conspirante, cui Universitas Parisiensis accessit solemnî Constitutionis *Unigenitus* acceptatione. Sicque torrens iste, qui magno impetu Ecclesiam inundare conatus est, modò in parvum redactus, Deo opitulante, brevi, ut spero, exsiccabitur, & prorsus arefcet.

XXV. Hoc in dies evenire videmus. Nam dum hæc prælo committerem advenērunt mihi Acta Ecclesiæ Cathedralis Leodiensis, quæ D. Georgii Ludovici ex Comitibus de Bergues Episcopi & Principis zelum & exemplum secuta, improbat contenta in quodam supplici libello; deindè *Considerantes*, inquit, è contra, quanto studio numquam sat laudando *Celsissimus* adlaboret, ne hæc Leodiensis *Diaecesis* novorum *Seſtariorum*, more luporum insidiantium, incurſibus pateat, quantâque pastoralî sollicitudine invigilet assidue, ne oves sibi commissa pernicioſorum à Summis Pontificibus damnatorum dogmatum contagione inficiantur, proſcriptis non ita pridem ea- propter ac flammis additis pestilentibus, qui jam per Civitatem Leodiensem volitabant, libellis, in quibus vesanus Factionis *Jansenianæ* fanaticismus comprobatur, miracula falsa, *Dæmonum* præstigiæ, ac alia id genus Novatorum deliramenta in manifestam *Orthodoxæ Fidei* perniciem, summis prædicabantur encomiis; consueverunt deputandos & requirendos, prout deputant & requirunt Reverendos admodum Perillustres ac Generosos Dominos meos Comitem de Raigocourt Archidiaconum Brabantia, Comitem d'Ingelheim, de Chistelle, necnon Baronem de Glines Archidiaconum Jamenna, ut quàm maximas *Celsissimo* Perillustribus hujus Capituli Cathedralis nomine gratiarum actiones rependere non graventur, pro zelo, quo fertur verè Apostolico conservandæ in Ecclesia Leodiensi Romanæ Ecclesiæ filia intermerata matris suæ fidei; eique humiliter supplicando, ut quemadmodum uti à S. Sede delegatus, jam contra nonnullos ab Episcopali Jurisdictione exemptos, de profanis novitatibus suspectos procedere, cepit: ita auctoritate suâ ordinariâ ut non exemptos, de quibus in rebus fidei suspicio habebitur, procedere etiam non dedignetur; ut quæ in agro Leodiensi inimicus homo superſeminavit zizania, ex eo penitus eradicentur. Insuper iidem Domini mei præfatos Dominos suos Conſratreſ requiſiverunt, ut *Celsissimum* etiam certiorem reddere velint, omnes & singulos Dominos Capitulares promptos esse atque paratos capitatim acceptare Constitutionem felicis recordationis Clementis Papæ XI. quæ incipit *Unigenitus*, tanquam regulam fidei, eamque juxta Sanctissimi mentem jurare, ac illam ab omnibus Perillustribus hujus Ecclesiæ suppositis acceptandam ac jurandam demandare.

XXVI. Hæc præmissâ declaratione, die 8. Januarii præſentis an-

anni 1740. actum acceptationis hisce terminis conceptum consummarunt: *Nos Decanus & Capitulum Perillustis Ecclesiæ Cathedralis Leodiensis in loco Capitulari nostro solito congregati, continuante Capitulo Generali, ac etiam specialiter pridie in vim iuramenti indicto, ad per nos acceptandam & jurandam (in sequelam Resolutionis nostræ Capitularis 23. mensis Decembris proximè elapsi emanatæ) Constitutionem felicitis recordationis Clementis Papæ XI. quæ incipit Unigenitus; declaramus nos prædictam Constitutionem, præsentibus tamquam testibus ad id specialiter additis huiusce Perillustis Capituli Cathedralis, Notario ac Secretario, necnon Claustrariis inferius signatis, capitatim acceptasse ac iurasse, juxta subinsertam verborum formulam, quam nostrum unusquisque in rei gestæ indubitata fidem ac veritatem propriâ subscripsit manu.*

XXVII. Deinde tenor formulæ Acceptationis sequitur: *Ego accepto purè nudè & simpliciter absque ulla restrictione ne quidem mentali Constitutionem felicitis recordationis Clementis Papæ XI. quæ incipit Unigenitus, tamquam Legem dogmaticam Ecclesiæ & Regulam Fidei, condemnnoque centum & unam Propositiones ex Libro vulgò Reflexions Morales extractas in omnibus sensibus ac qualificationibus, sub quibus prædicta Constitutio illas condemnavit. Et ita juro, Sic me Deus adjuvet, & hæc Sancta Dei Evangelia.*

De his omnibus in debitæ venerationis & obedientiæ testimonium Capitulum Cathedralis Ecclesiæ Leodiensis die 12. Januarii 1740. ad Clementem Papam XII. literas dedit, quæ tamen dum Romam pervenerunt, eum jam mortuum invenere. Hæc addenda existimavi, ut quisquis Catholicæ veritatis amator magis in ea confirmetur, Sectarjii autem Gratiâ Dei, & tot æ exemplo virorum excitati, cordis oculos ad eam excipiendam aperiant.

## CAPUT CXX.

### De Quietistis, & Michaelæ Molinos,

#### §. I.

##### *Quietistæ Veteres.*

- I. **Q**UIETISTARUM nomine appellati olim fuerunt quidam Monachi Orientales, qui, ut contemplationi Divinorum liberius vacarent, cæterorum hominum societatem fugiebant. Græci eos vocant *Hesychastas*, idest in silentio & tranquillitate ab aliis separatos viventes. Hi nimio af-

fecta-

fectatæ contemplationis studio in varios errores inciderunt. Hos aliquatenus colligere possumus in Simone juniore Abbate Xerothercis, qui in Sermone de Oratione loquens de Hesychastis seu Quietistis ait. Oportet primum tria vos peragere, ut quò cupitis perveniatis, videlicet contemnere creaturas omnes, sive rationales sive irracionales, vos mortificare & habere conscientiam puram à quacumque passione, & affectione vacuam; indè in vestra cella quietè quisque vestrum solus, & in angulo sedens, quod dicam faciat. Clauso ostio, supra omnes vanitates, idest super omnes res temporales & transitorias mentem elevet; indè caput super ventrem inclinans, respirationem comprimat, & mente proprium cor inquirat: & initio quidem densis tenebris offundetur, sed in statu diu noctuque perseverans mirabilia detegit, ac se in gaudio infinito reperiet.

II. Simon iste Abbas auctor errorum, quibus hi Hesychastæ tenebantur, fuisse creditur, quorum præcipuus erat, quòd crederent, inclinato super ventrem capite se splendorem qui in Monte Thabor apparuit, intueri: & hunc lucem esse increatam ac Divinæ Majestatis, atque in ea contemplanda sitam esse omnem felicitatem. Seculo sexto Barlaam Monachus cum è Calabria Constantinopolim se contulisset Andronico juniore Imperatore, cujus gratiâ potiebatur; scrutatus horum Monachorum orandi & vivendi modum, ac multa quæ sibi displicebant in eis reperisset; contra illos scripsit, & tanquam innovatores errorum Eutychetis, & Messalianorum accusavit, novo nomine eos vocans *Omphalopsichas*, idest *Umbilicanos*: quia ut dixi unus ex horum Hesychastarum erroribus, erat oculos super ventrem inclinatos tenere, tanquam locum ubi facultatum animæ sedes esset, & in hoc actu se videre lucem prorsus Divinam. Quare interrogati, quid esset ista lux, eandem esse dicebant, lucem & Dei gloriam, quæ in Monte Thabor apparuit, quam volebant esse increatam, non tamen Dei essentiam. Hi Monachi sæpè in Conciliis Constantinopoli habitis damnati fuerunt. Hæc de Quietistis antiquis. Plura de modernis occurrent dicenda.

### §. I I.

#### *Moderni Quietistæ, & eorum Auctor.*

I. **L** Abente seculo decimo septimo Quietismus excitatus fuit in Italia Gallia & Hispania, turpillimis auctus erroribus, qui extremam perniciem bonis moribus attulissent, nisi prompto & efficaci remedio Sedes Apostolica eos suffocasset. Molinistæ dicti sunt

sunt à Michaelē de Molinos auctore, Presbytero Hispano in pago dicto *Maniozzo* Diœcesis Casaraugustanæ in Aragonia orto, verutissimū hypocrita & callidissimū animarum deceptore. Ab anno 1665. Romam profectus usque ad annum 1685., quo ejus hypocrisis detecta fuit, in Urbe latens anguis iste sub sanctitatis specie venenum secretò instillavit, tum prædicatione, quā illuminatus Doctor habebatur, tum evulgato Libro, cui titulus: *Guida Spirituale, che conduce l'anima per un camino interiore à conseguire la perfetta contemplazione, e' il ricco tesoro della pace interiore.* Liber iste primū impressus Romæ anno 1675. deindē Matriti 1676. postea Casaraugustæ 1677. tandem Hispali 1685. facile fuit ut peste in eo contentā eodem tempore Italiam, Hispaniam, Romam ipsam inficeret, & in Gallias eam transfunderet.

II. Hoc sinē mora contigit ob speciosā quam præferebat doctrinam, nempe annihilationem sui omniumque potentiarum, ut Deo se totum absque ullo distractivo unire posset. Ita Secta hæc, non sicut ceteræ, ab hominibus libertati ac sensui deditis, ac deceptioni voluntariè se exponentibus, exordia sumisit, sed à personis vitæ spirituali deditis, & à sensualibus alienis; à quibus postea in prævaricationem lapsis progressus monstruosos accepit. Eo in Libro perfidus Hæresiarcha aperiebat fontem omnibus illis erroribus, qui temporis decursu apparuerunt. Hinc factum fuit, ut qui illum legebant, quasi mortali contemplationis & quietis lethargo absorpti manerent, conventicula cum feminis ejusdem Sectæ secreta agerent; ac istæ hanc suā annihilatione ab omni se sordes puras arbitantes, ad Sacram Mensam nullā præmissā præparatione & Sacramentali Confessione accederent; stolidæ & quasi extaticæ in Ecclesiis orarent; nec ad Sacramentum aut Sanctas Imagines oculos convertentes, metu, ne solo intuitu prætenfam contemplationis quietem turbarent.

III. Hæc hujus Satanicæ Scholæ prima rudimenta fuere. Sed ut subsisteret, necesse erat ut Magister, qui eam aperuerat, distinctè explicaret dogmata, quæ in Libro indicabantur quidem, sed apertè non exprimebantur, sic ut viri ac mulieres, Sacerdotes, Laici, Ecclesiastici etiā insignis notæ, qui jam hunc fallacem duce[m] sequi decreverant, plenius edocerentur. Nefario Magister Molinos operi non defuit: requisitus à præsentibus & absentibus, illis voce, istis scripto taliter eis se explicabat, ut ex ejus responsis aliud deduci non posset, quàm liberam cujuscumque etiā enormis peccati permissionem, hanc ratione, quòd qui semel per Orationem Quietis animā in Deo quievit, non potest amplius voluntate peccare: sed omnis actus etsi per se pravus, imputandus sit, sive



sive violentiæ tentationis, sive corporali passioni. Ad hoc impiè detorquebat dictum Job cap. 16. v. 18. *Hæc passus sum absque iniquitate manus meæ, cum haberem mundas ad Deum preces*: quod iniquus hinc terminis explicabat: *Job ex violentia Dæmonis se propriis manibus polluebat, eodem tempore, quo mundas habebat ad Deum preces* (quæ est Propositio 49. ex damnatis ab Innocentio XI. ut infra.)

IV. Ad hujus optatæ libertatis omnis culpæ vacuæ instillationem, velut sitientes cervi ad fontem, Quietistæ ex omni statu ac sexu festinantes accurrerunt; & putantes rem gratam se facere Deo, dum in actu suarum contemplationum tales violentias paterentur, invicem certabant, ut quis eorum plus posset jactâ in Deum animâ corpus suum sensus libertati tradere. Quare in Hispania, Italia, & Romæ etiam renovati fuerunt antiqui & execrabiles Gnosticorum, Turlupinorum, & aliorum similium secreti conventus. Molinos, qui Magister, & in hac obscena arte erat peritior, exemplo suo cæteris præibat, adeo ut de illo adeo turpia narrentur, quæ ne pudorem lædant, silentio præterire expedit. Cæterum mira ars, quâ fraudem exterius severitate & gravi modestiâ occultabat, pluribus, & quidem diu, exitium peperit. Verbis parvus, Deum quasi semper in ore habebat, spirans devotionem, solo aspectu videntes attrahebat, facies composita & gravis, vestis talaris ac neglecta, lata barba, ætas ad senium inclinans, motus gravis & majestatem spirans, virum omni æstimatione ac fide dignum apparenter demonstrabant. In hac fama viginti duorum annorum spatio malitiosè se custodivit, etiam apud Magnates, qui cum eo colloquia habere frequentia ambiebant, ut ab eo veri spiritus doctrinam, & à mundanis alienationem edicerent.

V. Verùm quia Lucæ 12. v. 2. à fermento Phariseorum, quod erat hypocrisis, monuit Apostolos Christus, ut attenderent dicens: *Nihil autem opertum est, quod non reveletur, neque absconditum quod non sciatur*; hoc tandem huic hypocritæ, ac malitioso impostori, ut merebatur, omnium tamen admiratione, evenit; cum latentes sub puritate spiritus obscenæ, quas ipse tum docebat, tum exquebatur, impuritates ab Officio S. Inquisitionis detegi cœperunt. Huic primum lumen affulsit ab Innico S. Clementis Cardinali Caracciolo, Neapolitano Archiepiscopo, qui hæc peste in sua Dioecesi detectâ, literis Pontificem certiore fecit, ut supremâ suâ auctoritate tanti mali cursum frænaret. Idem fecerunt plures ex Italia Episcopi, imò & ex Gallia hujus pestis, quæ ibi vagabatur, fuerunt transmissæ notitiæ. Quibus acceptis, valide quidem captæ à Pontifice resolutiones fuere, sed cum Auctor non detege-

retur, remedio inefficaces. Congregationis S. Officii fortes literas ad omnes Italiæ Episcopos misit, eos excitans ad omnem vigilem operam, si fortè hujus contagii fontem detegerent.

VI. Hisce diligentis Jesu Christo, qui Ecclesiæ suæ omnibus diebus se adfuturum, & ab ea omnem inaculam & rugam si irriserit absterfurum promisit, patrocinante; factum est, ut paulatim secretis tum delationibus, tum monitis, non pauci extimulante conscientia secretum proderent, quibus cum Libro *Guida Spirituale* & aliis quæ deferebantur scripta collatis, in suspicionem primò, dein ad certam Auctoris notitiam ventum fuerit: nempe lupum sub pastoris specie gregem dispergentem Romæ esse, & hunc Michaellem de Molinos, quem plerique ex omni ordine, etiam sublimi, tanquam à Deo missum venerabantur. Secreto igitur formato processu, & atrocium criminum veritate conperit, inopinatè detentus, ne suorum favore fugâ elaberetur, ad carceres traductus fuit; apud ipsum innumeræ literæ ab ejus errorum sequacibus & Patronis ex variis Orbis partibus scriptæ, & pecuniæ usque ad quatuor scutorum millia repertæ fuisse dicuntur. Cum eo detenti quoquæ fuere duo germani fratres cognomine *Leones*: unus Simon nomine, & cujusdam Romæ Conservatorii Confessarius: alter Antonius Maria laicus, ambo ex Novocomensi Diocesi, & primarii nequissimi præceptoris discipuli.

VII. Hujus Romani tonitruï fragore tota Europa velut à lethargo excitata fuit, & præcipuè Hispania, cujus vigiles Inquisitores eradicandæ pesti manum statim apponentes, 24. Novembris 1685. edito Decreto Librum *Guida Spirituale* proscribere. Rigidiori Edicto contra eundem & quoscumque alios Molinos fraudem continentes, Inquisitio Romana processit, ex quibus 68. Propositiones, quas suas esse Molinos negare non ausus, confessus est, excerptas, suo Decreto damnavit 28. Augusti 1687. Ex quo singulas, ut omnes ab eis caveant, & eas detestentur, recensito.

### §. III.

#### *Molinos Propositiones damnatæ.*

- I. **P**rima est: Oportet hominem suas potentias annihilare: & hæc est via interna.
2. Velle operari activè est Deum offendere, qui vult esse ipse solus agens; & idèd opus est se ipsum in Deo totum & totaliter derelinquere, & postea permanere velut corpus exanime.
3. Vota de aliquo faciendo sunt perfectionis impeditiva.
4. Activitas naturalis est gratiæ inimica, impeditque Dei operationes, & ve-

ram

ram perfectionem, quia Deus vult operari in nobis sine nobis. 5. Nihil operando anima se annihilet, & ad suum principium redit, & ad suam originem, quæ est essentia Dei, in quem transformata remanet, ac divinizzata, & Deus tunc in se ipso remanet; quia tunc non sunt amplius duæ res unitæ, sed una tantum; & hæc ratione Deus vivit & regnat in nobis, & Anima seipsam annihilet in esse operativo. 6. Via interna est illa, in qua non cognoscitur, nec lumen, nec amor, nec resignatio, & non oportet Deum cognoscere, & hoc modo rectè proceditur. 7. Non debet anima cogitare nec de præmio, nec de punitione, nec de Paradiso, nec de Inferno, nec de Morte, nec de Æternitate. 8. Non debet velle scire, an gradiatur cum voluntate Dei, an cum eadem voluntate resignata maneat nec ne; nec opus est, ut velit cognoscere suum statum, nec proprium nihil, sed debet ut corpus exanime manere. 9. Non debet anima reminisci nec sui, nec Dei, nec cuiuscumque rei, & in via interna omnis reflexio est nociva, etiam reflexio ad suas humanas actiones, & ad proprios defectus. 10. Si propriis defectibus alius scandalizet, non est necessarium reflexere, dummodò non adsit voluntas scandalizandi; & ad proprios defectus non posse reflexere, gratia Dei est. 11. Ad dubia quæ occurrunt, an rectè procedatur, nec nè, non opus est reflexere. 12. Qui suum liberum arbitrium Deo donavit, de nulla re debet curam habere, nec de Inferno, nec de Paradiso, nec desiderium debet habere propriæ perfectionis, nec virtutis, nec propriæ sanctitatis, nec propriæ salutis, cujus spem purgare debet. 13. Resignato Deo libero arbitrio, eidem Deo relinquenda est cogitatio & cura de omni re nostra, & relinquere ut faciat in nobis sine nobis suam Divinam voluntatem. 14. Qui Divinæ voluntati resignatus est, non convenit, ut à Deo rem aliquam petat; quia petere est imperfectio, cùm sit actus propriæ voluntatis & electionis, & est velle quòd Divina voluntas nostræ conformetur, & non quòd nostra Divina. Illud autem Evangelii, Petite, & accipietis, non est dictum à Christo pro Animabus internis, quæ nolunt habere voluntatem. Imò huiusmodi Anima eò perveniunt, ut non possint à Deo rem aliquam petere. 15. Sicut non debent à Deo rem aliquam petere; ita nec illi ob rem aliquam gratias agere debent, quia utrumque est actus propriæ voluntatis. 16. Non convenit Indulgentias querere pro pena propriis peccatis debita, quia melius est Divinæ iustitiæ satisfacere, quàm Divinam misericordiam querere, quoniam illud ex puro Dei amore procedit, & istud ab amore nostris interessato; nec est res Deo grata & meritoria, quia est velle Crucem fugere. 17. Tradito Deo libero arbitrio, & eidem relictâ curâ & cognitione Animæ nostræ, non est amplius habenda ratio tentationum; nec eis alia resistentia fieri debet, nisi negativa, nulla adhibita

*industria: & si natura commovetur, oportet finire, ut commoveatur, quia est natura.* 18. *Qui in Oratione utitur imaginibus, figuris, speciebus & propriis conceptibus, non adorat Deum in spiritu & veritate.* 19. *Qui amat Deum eo modo, quo ratio argumentatur, aut intellectus comprehendit, non amat verum Deum.* 20. *Afferere, quod in Oratione opus est sibi per discursum auxilium ferre, & per cogitationes, quando Deus Animam non alloquitur, ignorantia est. Deus numquam loquitur: ejus locutio est operatio, & semper in anima operatur, quando hæc suis discursibus, cogitationibus & operationibus eum non impedit.* 21. *In Oratione opus est manere in fide, obscura, & universali, cum quiete & oblivione cujuscumque cogitationis particularis ac distinctæ, attributorum Dei & Trinitatis, & sic in Dei præsentia manere ad illum adorandum & amandum, eique inferciendum, sed absque productione actuum, quia Deus in his sibi non complacet.* 22. *Cognitio hæc per fidem non est actus à Creatura productus, sed est cognitio à Deo creaturæ tradita, quam creatura se habere non cognoscit, nec postea cognoscit illam se habuisse, & idem dicitur de Amore.* 23. *Mystici cum S. Bernardo in scala Claustralium distinguunt quatuor Gradus: Lectionem, Meditationem, Orationem, & Contemplationem infusam. Qui semper in primo sistit, nunquam ad secundum pertransit. Qui semper in secundo persistit, nunquam ad tertium pervenit, qui est nostra contemplatio acquisita, in qua per totam vitam persistendum est, dummodo Deus Animam non trahat, absque eo quod ipsa id expetierit, ad contemplationem infusam; & hæc cessante, Anima regredi debet ad tertium gradum, & in ipso permanere, absque eo quod amplius redeas ad secundum, aut primum.* 24. *Qualescumque cogitationes in Oratione occurrant, etiam impurae, etiam contra Deum, Sanctos, Fidem, & Sacramenta, si voluntariè non nutriantur, nec voluntariè expellantur, sed cum indifferentia & resignatione tolerantur, non impediunt Orationem Fidei, imò eam perfectiorem efficiunt: quia Anima tunc magis Divinæ voluntati resignata manet.* 25. *Etiam si superveniat somnus, & dormiatur, nihilominus fit Oratio & Contemplatio actualis, quia Oratio & Resignatio, Resignatio & Oratio idem sunt; & dum Resignatio perdurat, & Oratio.* 26. *Tres illæ viæ, purgativa, illuminativa, & unitiva, sunt absurdum maximum, quod dictum fuerit in Mystica; cum non sit nisi unica via, scilicet via interna.* 27. *Qui desiderat, & amplectitur devotionem sensibilem, non desiderat, nec querit Deum, sed se ipsum, & malè agit, cum eam desiderat, & eam habere conatur qui per viam internam incedit, tam in locis sacris, quam in diebus solemnibus.* 28. *Tedium rerum spiritualium bonum est, siquidem per illud purgatur amor proprius.* 29. *Dum Anima interna fastidit discen-*

*scarsus de Deo, & virtutes, & frigida remanet, nullum in se ipsa sentiens fervorem, bonum signum est. 30. Totum sensibile, quod experimur in vita spirituali, est abominabile, spurcum & immundum. 31. Nullus meditationis veras virtutes exercet internas, quæ non debent à sensibus cognosci. Opus est amittere virtutes. 32. Nec ante, nec post Communionem alia requiritur preparatio, aut gratiarum actio (pro istis animabus internis) quàm permanentia in solita resignatione passiva, quia modo perfectiore supplet omnes actus virtutum, qui fieri possunt, & fiunt in via ordinaria. Et si hac occasione communionis insurgunt motus humiliationis, petitionis, aut gratiarum actionis, reprimendi sunt, quoties non dignoscatur, eos esse ex impulsu speciali Dei, aliis sunt impulsus naturæ nondum mortuæ. 33. Malè agit anima, quæ procedit per hanc viam internam, si in diebus solemnibus vult aliquo conatu particulari excitare in se devotum aliquem sensum; quoniam anima internæ omnes dies sunt æquales, omnes festivi. Et idem dicitur de locis sacris; quia huiusmodi animabus omnia loca equalia sunt. 34. Verbis & linguâ gratias agere Deo, non est pro animabus internis, quæ in silentio manere debent, nullum Deo impedimentum opponendo, quod operetur in illis; & quò magis Deo se resignant, experiuntur se non posse Orationem Dominicam, seu Pater noster recitare. 35. Non convenit animabus huius viæ internæ, quòd faciant operationes etiam virtuosas, ex propria electione & affectu, aliàs non essent mortuæ: nec debent elicere actus amoris erga Beatam Virginem, Sanctos, aut Humanitatem Christi; quia cùm ista objecta sensibilia sint, talis est amor erga illa. 36. Nulla Creatura, nec Beata Virgo, nec Sancti sedere debent in nostro corde, quia solus Deus vult illud occupare, & possidere. 37. In occasione tentationum etiam furiosarum, non debet anima elicere actus explicitos virtutum oppositarum; sed debet in supraddicto amore, & resignatione permanere. 38. Crux voluntaria mortificationum pondus grave est, & infructuosum: idèque dimittenda. 39. Sanctiora opera, & penitentia, quas peregerunt Sancti, non sufficiunt ad removendam ab anima vel unicam adhesionem. 40. Beata Virgo nullum nunquam opus exterius peregit, & tamen fuit Sanctis omnibus Sanctior: igitur ad Sanctitatem perveniri potest absque opere exteriore.*

II. Hactenus Hærelarcha iste Sectarios suos ab omni actu virtutis & omni opere bono tanquam inutili absolvit. Infra, eundem ab omni peccato etiam turpissimo eos absolventem audiemus. Dicit enim 41. Deus permittit & vult ad nos familiandos, & ad veram transformationem perducendos, quòd in aliquibus animabus perfectis, etiam non arveptiis, Dæmon violentiam inferat earum corporibus, easque actus carnales committere faciat, etiam in vigilia, & sine

& sine mentis offuscatione, moriendo physice illarum manus, & alia  
 membra contra earum voluntatem. Et idem dicitur quoad alios actus  
 per se peccaminosos, in quo casu non sunt peccata, quia in iis non adest  
 consensus. 42. Potest dari casus, quod huiusmodi violentia ad actus  
 carnales contingat eodem tempore ex parte duarum personarum, scili-  
 cet maris & semine, & ex parte utriusque sequatur actus. 43. Deus  
 præteritis seculis Sanctos efficiebat Tyrannorum ministerio, nunc vero  
 eos efficit Sanctos ministerio Daemonum, qui causando in eis prædictas  
 violentias, faciat, ut illi se ipsos magis despiciant, atque annihilent,  
 & se Deo resignent. 44. Job blasphemavit; & tamen, non pecca-  
 vit labiis suis, quia fuit ex Daemonis violentia. 45. Sanctus Pau-  
 lus huiusmodi Daemonis violentias in suo corpore passus est, unde scri-  
 psit, non quod volo bonum hoc ago; sed quod nolo malum, hoc  
 facio. 46. Huiusmodi violentiæ sunt medium magis proportiona-  
 tum ad annihilandam animam, & eam ad veram transformationem &  
 unionem perducendam; nec alia superest via. Et hac est via facilior  
 & tutior. 47. Cum huiusmodi violentiæ occurrunt, finire oportet,  
 ut Satanas operetur, nullam addibendo industriam, nullumque pro-  
 prium conatum; sed permanere debet homo in suo nihilo, & etiam si  
 sequantur pollutiones, & actus obsceni propriis manibus, & etiam  
 pejora, non opus est seipsum inquietare, sed foras emittendi sunt scrupuli,  
 dubia, & timores; quia anima fit magis illuminata, magis ro-  
 borata, magisque candida, & acquiritur sancta libertas. Et præ omni-  
 bus non opus est hæc confiteri, & sanctissime fit non confitendo, quia  
 hoc pacto superatur Dæmon, & acquiritur thesaurus pacis. 48. Sa-  
 tanas, qui huiusmodi violentias infert, suadet deinde, gravia esse  
 delicta, ut anima se inquietet, ne in via interna ulterius progredia-  
 tur; unde ad ejus vires enervandas, melius est ea non confiteri, quia  
 non sunt peccata, nec etiam venialia. 49. Job ex violentia Daemonis  
 se propriis manibus polluebat eodem tempore, quo mundas habebat  
 ad Deum preces (sic interpretando locum ex cap. 16. Job.) 50. Da-  
 vid, Jeremias, & multi ex Sanctis Prophetis huiusmodi violentias  
 patiebantur harum impurarum operationum externarum. 51. In Sa-  
 cra Scriptura multa sunt exempla violentiarum ad actus externos  
 peccaminosos; ut illud Samsonis, qui per violentiam se ipsum occidit  
 cum Philistæis, conjugium iniit cum alienigena, & cum Dalila mere-  
 trice fornicatus est, quæ aliàs erant prohibita, & peccata fuissent;  
 de Elisæo, qui pueris maledixit: de Elia, qui combussit Duces cum  
 turmis Regis Achab. Au verò fuerit violentia immediatè à Deo pe-  
 racta, vel Daemonum ministerio, ut in aliis animabus contingit, in  
 dubio relinquitur. 52. Cum huiusmodi violentiæ, etiam impuræ, sine  
 mentis offuscatione accidunt, tunc anima Deo potest uniri, & de facto  
 fini-

*semper magis unitur. 53. Ad cognoscendum in praxi, an aliqua operatio in aliis personis fuerit violenta; regula, quam de hoc habeo, nedum sunt protestationes animarum illarum, quæ protestantur, se dictis violentiis non consensisse, aut jurare non posse, quod iis consenserint, & videre quod sint Anima, quæ proficiunt in via interna: sed Regulam sumere à lumine quodam ætinali, cognitione humanâ ac Theologia superiore, quod me certò cognoscere facit cum interna certitudine, quod talis operatio est violenta: & certus sum quod lumen à Deo procedit, quia ad me pervenit conjunctum cum certitudine quod à Deo proveniat, & mihi nec umbram dubii relinquit in contrarium, eo modo quo interdum contingit, quod Deus aliquid revelando, eodem tempore animam certam reddit, quod ipse sit qui revelat, & anima in contrarium non potest dubitare. 54. Spirituales viæ ordinariæ in hora mortis se delusos inveniunt, & confusos cum omnibus passionibus in alio mundo purgandis. 55. Per hanc viam internam pervenitur, etsi multa cum sufferentia, ad purgandas & extinguendas omnes passiones, ita quod nihil ampliùs sentitur, nihil: nec viam sentitur inquietudo, sicut corpus mortuum, nec Anima se ampliùs commoveri finit. 56. Duæ leges, & duæ cupiditates, Anima una, & Amoris proprii altera, tamdiu perdurant, quamdiu perdurat Amor proprius; unde quando hic purgatus est & mortuus, uti fit per viam internam, non adsunt ampliùs illæ duæ Leges, & duæ Cupiditates, nec ulteriùs lapsus aliquis incurritur, nec aliquid sentitur ampliùs, ne quidem veniale peccatum. 57. Per contemplationem acquisitam pervenitur ad statum non faciendi ampliùs peccata, nec mortalia nec venialia. 58. Ad hujusmodi statum pervenitur, non reflectendo ampliùs ad proprias operationes, quia defectus ex reflexione oriuntur. 59. Via interna sejuncta est à Confessione, à Confessariis, & à Casibus Conscientiæ, à Theologia, & à Philosophia. 60. Animabus provelis, quæ reflexionibus mori incipiunt, & eò etiam perveniunt, ut sint mortuæ, Deus Confessionem aliquando efficit impossibilem, & supplet ipse tantâ gratiâ præservante, quantam in Sacramento recipere: & idèd hujusmodi Animabus non est bonum in tali casu ad Sacramentum Pœnitentiæ accedere, quia id est illis impossibile. 61. Anima cum ad mortem mysticam pervenit, non potest ampliùs aliud velle, quàm quod Deus vult, quia non habet ampliùs voluntatem, & Deus eam illi abstulit. 62. Per viam internam pervenitur ad continuum statum immobilem in pace imperturbabili. 63. Per viam internam pervenitur etiam ad mortem sensuum: quin immò signum, quod quis in statu nihilitatis maneat, idest mortis mysticæ, est si sensus exteriores non repræsentent ampliùs res sensibiles, ac si non essent, quia non perveniunt ad faciendum quod intellectus ad eas applicet. 64. Theologus minorem dispo-*

*dispositionem habet, quàm homo rudis, ad statum contemplativi. Primo, quia non habet fidem adeò puram. Secundò, quia non est adeò humilis. Tertiò, quia non adeò curat propriam salutem. Quartò, quia caput refertum habet phantasmatis, speciebus, opinionibus, & speculationibus, & non potest in illum ingredi verum lumen. 65. Præpositis obediendum est in exteriori, & latitudo voti obedientia Religiosorum tantummodò ad exterius pertingit. In interiore verò aliter res se habet, quòd solus Deus & Director intrant. 66. Ritu digna est nova quædam doctrina in Ecclesia Dei, quòd Anima quoad internum gubernari debeat ab Episcopo, quòd si Episcopus non sit capax, Anima ipsum cum suo Directore adeat: Novam dico doctrinam, quia nec Sacra Scriptura, nec Concilia, nec Canones, nec Bullæ, nec Sancti, nec Auctores eam unquam tradiderunt, nec tradere possunt; quia Ecclesia non judicat de occultis, & Anima jus habet eligendi quemcumque sibi bene visum. 67. Dicere quòd internum manifestandum est exteriori Tribunali Præpositorum, & quòd peccatum sit id non facere, est manifesta deceptio: quia Ecclesia non judicat de occultis, & propriis animabus præjudicant his deceptionibus & simulationibus. 68. In Mundo non est facultas, nec jurisdictio ad præcipiendum, ut manifestentur Epistolæ Directoris quoad internum Animæ: & idèd opus est animadvertere, quòd hoc est insultus Satanae.*

III. Has Propositiones ut à Michaelè Molinos, tum verbo tum scripto traditas, & ad praxim deductas, prævio riguroso examine & Cardinalium Generalium Inquisitorum consilio, Innocentius XI. Constitutione lata 28. Augusti 1687., quæ incipit *Cælestis Pastor*, damnavit *tanquam hæreticas, suspectas, erroneas, scandalosas, blasphemias, piarum aurium offensivas, temerarias, Christianæ disciplinæ relaxativas & everivas, & seditiosas respectivas; & quacumque super iis verbo, scripto, vel typis emissæ: præcipiens, ne vel scripto exarata vel typis quocumque idiomate edita quisquis legere audeat, aut apud se retinere, sed statim Ordinariis locorum vel hæreticæ pravitatis Inquisitoribus ea tradere teneatur, illicò ab eis igni tradenda & comburenda.*

IV. Damnatâ perniciosâ doctrinâ dammandus erat Michael Molinos perfidus illius Auctor. Hoc impletum fuit 3. Septembris 1687. in Ecclesia S. Mariæ super Minervam, quò post viginti duos carceris menses, coràm innumera multitudine omnis status & ordinis, Molinos ipse à ministris perductus & in locum eminentem collocatus fuit; ut suæ confusionis spectaculum simul esset & spectatòr. Exindè cæpto legi processu, ad omnem Propositionem hæreticam, & turpitudinem exprimentem, concussus & exhorrens, clamabat populus *Ignis Ignis*. Donec lectione Processus completâ,  
ad



ad pedes Commissarii S. Officii reus prostratus coram ipso, solemnī actū, omnibus ejuratis erroribus absolutionem accepit, & poenitentis habitu indutus ad carceres reductus fuit; in quibus ferē decennio signa poenitentiae ac resipiscentiae exhibuit usque ad mortem, quae contigit 28. Decembris 1696. Eādem poenā post abjuratōnem duo praefati germani fratres *Leones* multati fuere.

V. Hæresis hæc huic Operi de Hæresibus meritò finem imponit. Nam si quis ejus prænarratos errores consideret, eam ferē ex omnibus turpe aliquid decerpisse, ac in se claudere inveniet, ut in eam dici possit omnes hæreses intrasse, sicut flumina in mare. Positā enim chimericā animæ & propriæ voluntatis annihilatione, & perfectā cum Deo unione, & totali sui ipsius traditione, nil amplius curandum, imò omnia abjicienda esse dicebat, tum virtutum actus tum amoris Dei, gratiarum actiones, petitiones, Sacramentum Confessionis, Imaginum Sacrarum & omnium sensibilibium vel ipsius Humanitatis Christi veperationem. Quo in statu quidquid in corpore etsi turpe ac nefandum, etiam cum advententia eveniret, animæ ac voluntati, quia Deo traditæ ac resignatæ, in culpa non esse, nec ejus perfectioni ac sanctitati officere, quod ex Scripturis ipsis se colligere elutiebatur. In statu merè passivo Animam collocans, eam libero arbitrio ac omni bonorum operum merito spoliabat, imò si quid boni agere conaretur, id ei in vitium vertebat: & alia verē blasphema. Sed quod horribilius est, Gnosticos aliosque similes imitata, omnia sub specie Viæ spiritualis & veræ perfectionis proponebat.

## §. I V.

*De Archiepiscopo Cameracensi.*

I. Quia verò nulla ferē hæresis maximè ex infanioribus extitit, quæ etiam feminas non habuerit magistras; huic non defuit in Gallia quædam Domina *de Guion* nuncupata, quæ hanc falsā spiritualis viæ idæā corrupta, varia super his manuscripta edidit, quæ cum ad manus D. Du-Bossuet Episcopi Meldensis pervenisissent; ut mala quæ inde oriri possent, præveniret; & eos qui ejusdem falsis illusionibus decepti erant, illuminaret, egregiam navavit operam, Librumque edidit *De Statibus Orationis*. At è converso non pauci, etiam sublimis conditionis, ab ea seducti fuerant, inter quos Archiepiscopus Cameracensis, vir ceteroquin pietate & doctrinā clarus, qui fortè in præfata mulieris defensionem, cujus doctrinam nullo infectam veneno existimabat,

*Tom. VII. Par. V.*

O o

Opus

Opus quoddam elucubravit, cui titulus: *Explication des Maximes de Saint sur la vie interieure par Messire François de Salignac Fanelon Archevêque Duc de Cambrai &c.* quod delatum Romam, doctri-  
 nam in eo contentâ serio examini expositâ, damnatum fuit. Præ-  
 latus autem illius Auctor, Ecclesiæ Judicio se se submittens,  
 sinceræ pœnitentiæ & humilitatis signa dedit, dum ipsemet dam-  
 nationem suam suscipere non erubuit. Imò omnibus suæ Dioecesis  
 publicè patefecit, ac debitam ei submissionem sinè ulla restrictio-  
 ne professus, cæteros ad suum exemplum imitandum obtestatus  
 fuit edito Edicto, ne quisquam Librum suum legeret, aut reim-  
 primi faceret. Edictum infra referam. Tandem ad malum era-  
 dicandum mulierem præfatam vanâ illusione deceptam recludere  
 judicatum fuit. Quo ex tempore in Galliis Quietissimus obmutuit.  
 At utinam prorsus extinctus fuisset ac sepultus.

II. Porro Propositiones, quas in præfato Libro Archiepiscopi  
 Cameracensis Innocentius XII. censurâ notavit numero viginti  
 tres, fuerunt sequentes. 1. *Datur habitualis status amoris Dei, qui  
 est caritas pura, & sinè ulla admixtione motivi proprii interesse. Ne-  
 que timor pœnarum, neque desiderium remunerationum habent amplius  
 in eo partem. Non amatur amplius Deus propter meritum, neque  
 propter perfectionem, neque propter felicitatem in eo amando inveni-  
 endam.* 2. *In statu vitæ contemplativæ, seu unitivæ amittitur omne  
 motivum interessatum timoris & spei.* 3. *Id quod est essentielle in  
 directione animæ, est, non aliud facere, quàm sequi pedetentim grati-  
 am cum infinita patientia, præcautione & subtilitate. Oportet se  
 intra hos limites continere, ut sinatur Deus agere, & nunquam ad  
 purum amorem ducere, nisi quando Deus per unctionem interiorem  
 incipit aperire cor huic verbo; quod aded durum est animabus adhuc  
 sibi met affixis, & aded potest illas scandalizare, aut in perturbatio-  
 nem conjicere.* 4. *In statu sanctæ indifferentiæ anima non habet am-  
 pliùs desideria voluntaria, & deliberata propter suum interesse; ex-  
 ceptis iis occasionibus, in quibus toti suæ gratiæ fideliter non coopera-  
 tur.* 5. *In eodem statu sanctæ indifferentiæ nihil nobis, omnia Deo  
 volumus. Nihil volumus, ut simus perfecti, & beati propter interesse  
 proprium; sed omniem perfectionem ac beatitudinem volumus, inquan-  
 tum Deo placet efficere, ut velimus res istas, impressione suæ gratiæ.*  
 6. *In hoc sanctæ indifferentiæ statu volumus amplius salutem, ac salu-  
 tem propriam, ut liberationem æternam, ut mercedem nostrorum  
 meritum, ut nostrum interesse omnium maximam, sed eam volumus  
 voluntate plenâ, ut gloriam & beneplacitum Dei; ut rem, quam ipse  
 vult, & quam nos vult velle propter ipsum.* 7. *Derelictio non est nisi  
 abnegatio, seu sui ipsius renuntiatio, quam Jesus Christus à nobis in*  
 Evan-

*Evangelio requirit, postquam externa omnia reliquerimus. Ista nostri ipsorum abnegatio, non est, nisi quoad interesse proprium. Extrema probationes, in quibus hac abnegatio, seu sui ipsius derelictio, exerceri debet, sunt tentationes, quibus Deus amulator vult purgare amorem, nullum ei ostendendo perfugium, neque ullam spem, quoad suum interesse proprium, etiam aeternum. 8. Omnia Sacrificia, quae fieri solent ab animabus quàm maximè desinteressatis, circa earum aeternam beatitudinem sunt conditionalia. Sed hoc Sacrificium non potest esse absolutum in statu ordinario. In uno extremarum probationum casu hoc Sacrificium fit aliquo modo absolutum. 9. In extremis probationibus potest anima invincibiliter persuasum esse, persuasione reflexâ, & quæ non est intimus conscientiae fundus, se justè approbatam esse à Deo. 10. Tunc anima divisa à semetipsa expirat cum Christo in Cruce dicens, Deus, Deus meus, ut quid dereliquisti me, ? In hac voluntaria impressione desperationis conficit Sacrificium absolutum sui interesse proprii, quoad aeternitatem. 11. In hoc statu anima amittit omnem spem sui proprii interesse: sed nunquam amittit in parte superiori, idest, in suis actibus directis & intimis, spem perfectam, quæ est desiderium desinteressatum promissionum. 11. Director tunc potest huic animæ permittere, ut simpliciter acquiescat jacturæ sui proprii interesse, & justæ condemnationi, quam sibi à Deo indiciam credit. 13. Inferior Christi pars in Cruce non communicavit superiori suas involuntarias perturbationes. 14. In extremis probationibus pro purificatione amoris fit quædam separatio partis superioris animæ ab inferiori. In ista separatione actus partis inferioris manent ex omnino cæca & involuntaria perturbatione: nam totum quod est voluntarium, & intellectuale, est partis superioris. 15. Meditatio constat discursivis actibus, qui à se invicem faciliè distinguuntur. Ista compositio actuum discursivorum, & reflexorum, est propria exercitatio amoris interessati. 16. Datur status contemplationis adeò sublimis adeoque perfectæ, ut fiat habitualis: Itant quoties anima actus orat, sua oratio sit contemplativa, non discursiva. Tunc non amplius indiget redire ad meditationem ejusque actus methodici. 17. Anima contemplativa privatur intuitu distincto, sensibili, & reflexo Jesu Christi, duobus temporibus diversis, primò in fervore nascentis earum contemplationis; secundo anima amittit intuitum Jesu Christi in extremis Probationibus. 18. In statu passivo exercentur omnes virtutes distinctæ, non cogitando, quòd sint virtutes. In quolibet momento aliud non cogitatur, quàm facere id, quod Deus vult; & amor Zelotypus simul efficit, ne quis amplius sibi virtutem velit, nec unquam sit adeò virtute præditus, quàm cum virtuti amplius affixus non est. 19. Potest dici in hoc sensu, quòd anima passiva, & desinteressata nec ipsam*

amorem vult ampliùs, quatenus est sua perfectio, & sua felicitas, sed solùm quatenus est id, quod Deus à nobis vult. 20. In confitendo debent animæ transformatae sua peccata detestari, & condemnare se, & desiderare remissionem suorum peccatorum, non ut propriam purificationem, & liberationem, sed ut rem, quam Deus vult, & vult nos velle propter suam gloriam. 21. Sancti Mystici excluderunt à statu animarum transformatarum exercitationes virtutum. 22. Quamvis hæc doctrina esset pura & simplex perfectio Evangelica in universa traditione designata, antiqui Pastores non proponebant passim multitudini fustorum, nisi exercitia amoris interessati eorum gratia proportionata. 23. Purus amor ipse solus constituit totam vitam interiorum, & tunc evadit unicum principium, & unicum motivum omnium actuum, qui deliberati & meritorii sunt.

III. Hæ sunt Propositiones, quas ex Libro Archiepiscopi Cameracensis excerptas Innocentius damnat, subdens hæc expressâ ejusmodi Propositionum damnatione se non intendere alia in eodem Libro contenta approbare. Ideò autem eas expressè censurâ inurit, quia jam damnatis in Michael de Molinos valdè affines sunt. Sic enim damnationi præfati Libri præmittit: *Quippè ex cuius lectione & usu fideles sensim in errores ab Ecclesia Catholica jam damnatos induci possent, ac insuper tanquam continentem Propositiones, sive in obvio eorum verborum sensu, sive attentâ sententiarum connexionem, temerarias, scandalosas, malè sonantes, piarum aurium offensivas, in praxi perniciosas, ac etiam erroneas respectivè &c.* Ita in Bulla, quæ incipit *Cum ad Apostolatus nostri notitiam*. Dat. die 12. Martii anno 1699.

IV. Apostolica hæc sententia cum in Galliam pervenisset, ipsi Regi Christianissimo gratissima fuit: Videns enim post sedatos Jansenismi tumultus, novos ex hoc Libro in suo Regno excitari; quibusdam pro Cameracensi ejus Auctore, & pro doctrina in eo contenta acriter pugnantibus; quibusdam verò Librum & doctrinam detestantibus; literas zelo plenas manu propria exaratas 23. Decembris anni 1698. ad Innocentium XII. scripserat, quibus ne Primogeniti Ecclesiæ Filii debito deesset, ipsum humiliter enixe rogabat, ut suâ communis Patris celerrimâ decisione clarâ & expressâ, quæ nullum falsæ interpretationi locum relinquat, Catholicam veritatem pronuntiet, ac suo Regno pacem & tranquillitatem afferat.

V. Hoc de facto evenit. Nam Pontificio Diplomate in Gallia publicato, contentionibus omnibus ipsemet Archiepiscopus Cameracensis humili & promptâ obedientiâ finem imposuit, promulgato Edicto die 9. Aprilis 1699, cujus exemplum in tanti Præfulis immortale decus hic subijcere placet.

Franc-

*Franciscus miseratione Divinā, & S. Sedis Apostolicæ gratiā, Archiepiscopus Dux Cameracensis, Sacri Romani Imperii Princeps, Comes Cameracensis &c. Clero Seculari & Regulari nostræ Diœcesis salutem, & benedictionem in Domino.*

*Vobis, Fratres Carissimi, nos totos debemus, quippè non jam nostri, sed gregi credito devoti sumus: Servos autem vestros per Jesum. Sic affecti, quæ nos attinent super Libello, cui titulus „Placita Sanctorum explicita“, apertis præcordiis hic exponendum esse arbitramur.*

*Tandem Opusculum cum 23. Propositionibus excerptis damnatum est Brevi Pontificio Martii die 12. dato, quod jam vulgatum legistis.*

*Cui quidem Brevi Apostolico, tam de Libelli contextu, tam de 23. Propositionibus simpliciter, absolutè, & absque ulla restrictionis umbra adherentes, Libellum cum 23. Propositionibus, eadem præcisâ formâ, iisdemque qualificationibus simpliciter, absolutè, & absque ulla restrictione condemnamus. Insuper & eadem penâ probibemus, ne quis hujus Diœcesis Libellum, aut legat, aut domi servet.*

*Ceterum, Fratres Carissimi, quamquam humiliatur Minister, baud deerit solatium, modò verbi ministerium, quod accepit à Domino ad sanctificationem vestram, non sordescat in illius ore, neque ed minus grex apud Deum gratiâ crescat.*

*Porro vos omnes ex animo adhortamur ad sinceram submissionem, & intimam docilitatem, ne sensim marcescat illa erga Sedem Apostolicam obedientiæ simplicitas, in qua præstanda, Deo misericorditer adjuvante, ad extremum usque spiritum vobis exemplo erimus.*

*Absit, ut unquam nostri mentio fiat, nisi fortè ut meminerint aliquando Fideles, Pastorem infimæ gregis ove se dociliorem præbendum duxisse, nullumque obedientiæ limitem fuisse positum.*

*Oro, Fratres Carissimi, ut gratia Domini nostri Jesu Christi, Caritas Dei, & communicatio Spiritus Sancti maneat cum omnibus vobis. Amen.*

*Franciscus Archiepiscopus Dux Cameracensis.*

VI. Hoc tam inelyti Archiepiscopi Sedi Apostolicæ Romanæ obedientiæ insigni testimonio, velut sigillo huic de Hæresibus Operi finem impono. Hujus exemplum, si quotquot contra Ecclesiæ fidem & Catholicam Veritatem errores excitaverunt, & adhuc excitant, imitati fuissent & imitarentur, Ecclesiæ Matris pacem non turbassent, nec adhuc turbarent: *Neque enim* (inquit S. Cyprianus Epist. 55. ad Cornelium) *aliundè hæreses oborta sunt, aut nata sunt schismata, quàm inde, quod Sacerdoti Dei non obtemperatur, nec unus in Ecclesia ad tempus Sacerdos, & ad tempus Juxta*

*vice*

*vire Christi cogitatur . Cui si secundum Magisteria Divina obtemperaret fraternitas universa , nemo adversum Sacerdotum Collegium quidquam moveret ; nemo post Divinum Iudicium , post populi suffragium , post Coepiscoporum consensum , iudicem se jam non Episcopi , sed Dei faceret ; nemo discidio unitatis Christi Ecclesiam scinderet ; nemo sibi placens ac tumens seorsam foras haeresim novam conderet ; nisi si ita est aliquis sacrilega temeritatis ac perditæ mentis , ut putet suæ Dei iudicio fieri Sacerdotem &c.*

VII. His, quæ seculo tertio generaliter de omni Hæresi locutus fuit S. Cyprianus , specialiter prælusisse videtur modernis Hæresibus , quæ ut suos errores impunè tueantur, hanc impiam concorditer statuerunt basim , quòd unus ad tempus non sit in Ecclesiæ Sacerdos , nec ad tempus Iudex vice Christi ; propterea Romanum Pontificem blasphemis convitiis proscindunt , vocantes eum Antichristum & Ecclesiæ tyrannum , ut nimis notum est . Sed , prosequitur S. Cyprianus : *Cùm talis ( idest Pontifex ) à quibusdam desperatis & perditis , & extra Ecclesiam constitutis impugnari videatur , apparet quis impugnet . Non scilicet Christus , qui Sacerdotes aut constituit , aut protegit , sed ille qui Christi adversarius , & Ecclesiæ ejus inimicus , ad hoc Ecclesiæ Præpositum suâ infestatione persequitur , ut Governatore sublato , atrocius atque violentius circa Ecclesiæ nanfragia grassetur .*

*Nec quemquam fidelem , & Evangelii memorem , atque Apostoli præmonentis mandata retinentem , movere debet , Frater Carissime , si quidam in extremis temporibus superbi & contumaces , & Sacerdotum Dei hostes , aut de Ecclesia recedunt , aut contra Ecclesiam fruiunt , quando tales nunc futuros & Domians , & Apostoli ejus ante predixerint . Nec Præpositum servum deserì à quibusdam miratur aliquis , quando ipsum Dominum magnalia & mirabilia summa facientem , & virtutes Dei Patris factorum suorum testimonio comprobantem , Discipuli sui reliquerint . Et tamen ille non increpavit recedentes , aut graviter comminatus est : sed magis conversus ad Apostolos suos dixit ; nunquid & vos vultis ire ? , . . .*

*Petrus tamen , super quem ædificata ab eodem Domino fuerat Ecclesia , unus pro omnibus loquens , & Ecclesia voce respondens , ait ( Jo. 6. v. 69. ) , Domine , ad quem ibimus ? Verba vitæ habes , & nos credimus & cognovimus , quoniam tu es Filius Dei vivi , & significans scilicet , & ostendens , eos qui à Christo recesserint , culpâ suâ perire : Ecclesiam tamen quæ in Christum credat , & quæ semel id quod cognovit teneat , nunquam ab eo omnino discedere , & eos esse Ecclesiam qui in domo Dei permanent : Plantationem verò plantatam à Deo Patre non esse , quos videmus non framenti stabilitate solidari , sed*

*sed tanquam paleas dissipantis inimici spiritu ventilari, de quibus & Joannes in Epistola sua (primâ cap. 2. v. 19.) dicit, „ Ex nobis exierunt, sed non fuerunt ex nobis : Si enim fuissent ex nobis, mansissent utique nobiscum „. Item Paulus monet nos, cum mali de Ecclesia pereunt, non moveri, nec recedentibus perfidis fidem minui. „ Quid enim, inquit, si exciderunt à fide quidam eorum, nunquid infidelitas illorum Fidem Dei evacuabit? Absit. Est enim Deus verax, omnis autem homo mendax „ (Rom. 3. v. 3.)*

VIII. Non ergo moveatur Ecclesia Catholica Romana, si contra se suamque fidem tot Sectas hæc novissimis temporibus insurrexisset & insurgere in dies videt. Fidem, quam ab Apostolis suscepit & susceptam semper custodivit, teneat. Ipsa sola Domus Dei est. Qui ab ea exierunt, extra Arcam sunt, & in diluvio æterni ignis peribunt. *Quod ad nos attinet* (pergit Cyprianus) *conscientiæ nostræ convenit dare operam, ne quis culpâ nostrâ de Ecclesia pereat : si autem quis ultrò & crimine suo perierit, & poenitentiam agere, atque ad Ecclesiam redire noluerit ; nos in die Judicii inculpatores futuros, qui consulimus sanitati ; illos solos in penis remansuros, qui noluerint consilii nostri salubritate sanari. Nec movere nos debent convicia perditorum, quo minus à via rectâ & à certa regula non recedamus, quando & Apostolus instruat dicens (Galat. 1. v. 10.) „ Si hominibus placerem, Christi servus non essem „.*

Ceterum dictum Christi Matth. 15. v. 13. stabit : *Omnis plantatio, quam non plantavit Pater meus Cælestis, eradicabitur.* Plantaverunt hæreses suas quotquot ab exordio Ecclesiæ Hæresiarchas hoc in Opere recensui : sed quia Pater Cælestis eas non plantaverat, eradicatæ sunt. Hæreses ut supra cap. 108. §. 1. n. 7. ex Augustino dixi, torrentes sunt ; in eis decurrit aqua, ad tempus perstrepat, & querit quem trahat, sed mox cessabit. Diu stare non possunt. Lutherana Calviniana & aliæ Sectæ hæc temporibus perstreperunt, & plures nationes errorum aquis inundant, sed torrentes sunt, diu non stabunt. Eveniet illis, quod accidit statuae, quam Nabuchodonosor in somnio vidit. Hujus teste Daniele c. 2. v. 32. Caput ex auro optimo erat, pectus autem & brachia de argento, porro venter & femora ex ære. Tibiæ autem ferreæ, pedum quedam pars erat ferrea. Quis non putasset statuam hanc ex materiis adeo solidis constantem ad plura secula duraturam? At fecellit eventus. Cum enim quedam pars pedum esset fictilis, abscissus est lapis de monte sine manibus, & percussit statuam in pedibus ejus ferreis & fictilibus, & comminuit eam. Tunc contrita sunt pariter ferrum, testa, æs, argentum, & aurum, & redacta quasi in favillam æstiva ærea, quæ tacta sunt vento : nullusque locus inventus est

*est eis : lapis autem qui percusserat statuam, factus est mons magnus, & implevit universam terram.* Lapis iste abscissus de Monte sine manibus fuit Christus filius Dei, qui de Monte idest de Cœlis, & sine opera Viri in utero Virginis conceptus, Statuam hanc terrena Imperia figurantem in pedibus fictilibus percuciens, unâ cum aliis suis partibus quamvis solidis penitus extinxit, & Regnum suum quod in æternum non dissipabitur, sed in æternum stabit, constituit.

IX. Statua hæc tot metallorum pompam ostentans, sed pedes ex testa habens, infidelitatum & hæresum symbolum quoque fuisse par est credere : istæ enim quamvis pretiosâ specie incautos alliciant, quia tamen terreos pedes habent, idest in terrenis fundantur, ictu lapidis à Monte abscissi faciliè evanescunt. E' contra verò Regnum Christi, quod est Ecclesia, è parvo lapide Mons facta, & universam terram implens, infidelitatis & hæresum Statuas etsi insignes percussit & contrivit, ipsa autem stetit & in æternum stabit. Hæc utinam seriò perpendere moderni Hæretici, & ad anteriorum hæresum ruinam oculos convertentes, similem sibi exitum seriò pertimescerent ; & dum tempus est, ad Ecclesiam unde exierunt redirent.

X. Hæreticos inexcusabiles magis quàm Judæos pronuntiat S. Augustinus in Psal. 45. Audiant ergo illum : *Non est mirum si Judæi non agnoverunt, quem tanquam parvulum lapidem ante pedes suos jacentem contemserunt : illi mirandi sunt, qui adhuc tam magnum montem nolunt agnoscere. Judæi in lapidem parvum non videndo offenderunt, hæretici in montem offendunt. Jam enim crevit ille lapis : jam dicimus illis : Ecce impleta est prophetia Danielis : Lapis ille, qui erat parvus, factus est Mons magnus, & implevit universam terram. Quare in illum offenditis, & non in illum ascenditis ? Quis tam cæcus est, ut offendat in Montem ? Quasi idem ad te venerit, ut habeas in quem offendas, & non habeas in quem ascendas. Venite ascendamus ad Montem Domini. Isaias hoc dixit : Venite ascendamus. Quid est, Venite ascendamus ? Venite, est credere ; ascendamus, est proficiamus : Ipsi autem nec venire volunt, nec ascendere, nec credere, nec proficere. Latrant contra Montem. Jam in illum toties offendendo quassati, & nolunt ascendere, semper eligentes offendere.*

Deinde transiens ad illa verba *Auferens bella usque ad fines terra*, dicit : *Hoc nondum videmus esse completum : sunt adhuc bella ; Sunt inter gentes pro Regno ; inter Sæctas, inter Judæos, Paganos, Christianos, Hæreticos sunt bella, crebrescunt bella, aliis pro veritate, aliis pro falsitate certantibus. Nondum ergo completum est : „ Auferens bella usque ad fines terræ „, sed fortè complebitur,*

Inde



Indè post multa ad Viros Apostolicos conversus, eos animat ad pugnam ; ita tamen ut non in propriis armis ac viribus, sed in armis & adjutorio Dei unicè spem reponant : *Quando autem, inquit, nos Dominus suscipit, nunquid inermes dimittit ? Armat nos, sed aliis armis, evangelicis, veritatis, continentia, salutis, spei, fidei, caritatis. Hæc arma habebimus, sed non à nobis. Arma autem quæ à nobis habuimus, arserunt : Si tamen illo igne Spiritus Sancti accensi sumus, de quo dicitur, „ Et scuta comburet igni, „. Qui potens in te esse cupiebas, infirmum te fecit Deus, ut fortem te faceret de se, quia infirmabar de te. Hoc S. Augustini Monito præfens hoc Opus claudio : in quo si quid utiliter laboravi, cum S. Paulo 1. Cor. 15. v. 10. meæ infirmitatis conscius dicam : Non ego, sed Gratia Dei mecum.*





# INDEX RERUM

Quæ in hujus septimi Tomi Parte V.  
continentur.

## A

**A** BECEDARII *Anabaptistæ* omnes, qui legere aut scribere nossent, damna-  
bant. [139. 73.](#)

Adamitæ *Anabaptistarum* Secta sic dicti quod nudi incederent.

[73.](#)  
Agricola Joannes Legem Moysis Christianis inutilem esse dicit.  
[53.](#) ex eo Antinomi.

Alciatus Jo. Paulus Anti-Trinitariis se junxit, & ad Mabo-  
metanos tandem defecit. [214.](#)

Alexander VII. potentibus Gal-  
lia Episcopis edit Formulæ-  
rium. [251.](#)

Amazarrii & Borbonitæ omnes  
apostasos recipiebant. [73.](#)

Anabaptistæ Lutheri proles. [64.](#)

[65.](#) Sectam Nicolaus Storkius  
evulgavit. Thomas Muntzerus  
auxit. [65. 66.](#) Sub sanctitatis

& paupertatis specie visiones

& miracula fugebant. [66. 67.](#)

[68.](#) Secta promotores alii. [69.](#)

in varias Sectas divisi. [70. 71.](#)

[72.](#) &c. Eorum communes erro-  
res. Baptisma puerorum esse

nullum. [76.](#) De Eucharistia

cum Sacramentariis sentiunt.

Eorum in ea ritus. [79.](#) Missam

& Sacerdotium, Papam, Pur-

gatorium detestantur, sicut &  
Sanctorum, Imaginum & Cru-  
cis cultum. [80.](#) Jurare, arma  
trahere illicitum putant, ca-  
ritatis Speciem præferunt præ  
Catholicis. [80. 81.](#)

Anglia. Ejus fides ante Henrici  
VIII. lapsum. [178. 179.](#) &c.  
post Henrici mortem sub Edu-  
ardo VI. [196. 197.](#) sub Maria  
Regina [198. 199.](#) &c. sub Eli-  
sabetha. [201.](#) &c.

Anglo-Calviniani ab aliis An-  
glia Sectis discordant. Eccle-  
siasticam Hierarchiam suo modo  
retinent. [170. 171.](#) Pro Epi-  
scopatu cum Gallis Pseudo-  
Reformatis pugnant. [171. 172.](#)

Anna. *Vid.* Bolena.

Antinomi, idest Legis Adversa-  
rii, è Secta Lutheri. [53. 54.](#)

Anti-Trinitarii. *Vid.* Servetus,  
Gentilis, Blandrata, Alcia-  
tus, Ochinus, Franciscus Da-  
vidis. Sociniani.

Apostolici, *Anabaptistarum* Se-  
cta, paupertatem affectabant,  
Scripturas literaliter semper  
accipiebant, lotionem pedum  
frequentabant, unde etiam Pe-  
donitæ dicti fuere. [73.](#)

Arminiani, seu Remonstrantes, ab  
Arminio circa prædestinatio-  
nem, gratiam, persecerantiam

- Calvinistis se opponebant. 174.  
 175. Contra eos surrexit Gomarus; à quo Gomarista seu Contra-Remonstrantes. Causa utrinque vario eventu agitata. est. 175. 176. tandem in Synodo Dordrechtana Arminiani damnantur. 177. 178.
- Arnaldus Doctor Sorbonicus Jan-  
 senista à Facultate ejicitur. 250. Libri De Gemino Eccle-  
 siae Capite auctor creditur. 255.
- Augustiniani ab Augustino Bobe-  
 mo Anabaptista animas à Cælo  
 ante Judicii diem excludabant.  
 72.
- S. Augustinus hæreses torrenti  
 comparat. 9. Item Statuæ,  
 quam in fornix vidit Nabu-  
 chodonosor. 296. 297.
- B**
- B**acularii Anabaptista omne  
 genus armorum præter bacu-  
 lum Christianis illicitum esse  
 dicebant. 73.
- Bajus Michael. Ejus errorum ini-  
 tia & progressus. 225. 225. à  
 S. Pio V. damnantur. 225. re-  
 censentur. 226. 227. 228. 229.  
 230. 231. 232. Pontificis mo-  
 nitis tandem paruisse & erro-  
 res retractasse visus est. 232.  
 233. Non desuere, qui novas  
 lites super eis excitarent. 233.  
 234. 235.
- Baptismus Christi diversus est à  
 Baptismo Joannis. 143. 144.  
 Sine illo parvuli etiam Fide-  
 lium salvari nequeunt. 144.
145. Laici & mulieres in ne-  
 cessitate illum conferre possunt.  
 145. 146. Sola recordatio Ba-  
 ptismi peccata post Baptismum  
 commissæ expiare nequit. 146.  
 147. Ritus Baptismi infantium  
 apud Calvinistas. 160.
- Barlaam Monachus contra Hesy-  
 chistas. 279.
- Benedictus XIII. Cardinalem de  
 Noailles ad unitatem summa  
 gaudia recipit. 273. 274. Ebre-  
 dunensem Synodum commen-  
 dat. 271. 272.
- Beza parentas Catholicos habuit,  
 iis relictis Parisius se contulit  
 ubi vita periculum subiit, inde  
 Aurelianum petiit. Poesi ad-  
 dictus, ac de nefario crimine  
 suspectus, raptâ cuidam viro  
 uxore Genevam se contulit, ubi  
 à Calvino peramanter susceptus  
 fuit. 99. 100. 101. Magis blas-  
 phemus quàm Calvinus contra  
 Deum, contra homines, extitit.  
 102. Ejus studia in senectute,  
 ac obitus ætate 85. Genevam  
 post Calvinum annis 41. in se-  
 cid. 103.
- Blandrata Georgius Anti-Trini-  
 tarius fugâ ex Inquisitione Pa-  
 piensi elapsus, in Transilvania  
 trucidatur. 214.
- Bolena Anna. Henrici VIII. ex  
 concubitu cum Thomâ Bolent  
 uxore filia fuisse fertur. De  
 hoc à Thomâ Boleno Henricus  
 monetur, sed contemnitur. 184.  
 185. Libidinibus dedita. 185.  
 193. Cum ea nuptias Henricus  
 meditatur. 185. eas contrahit.  
 188. 189. eam supplicio tradit.  
 192.
- Bol-

**B**olfecus *apostata Genovâ propter Calvinum ejectus, ad fidem Catholicam redit.* 93.

**Borbonita.** *Vid. Amaxarii.*

**Brentius à Luthero discors docuit, Evangelium non esse propriè Legem. Baptismo certam verborum formam Christum non alligasse, carnis rebellionem quæ in baptizato remanet peccatum esse dicebat, & Christum vi unionis hypostaticæ esse in Eucharistia, imò ubique ante consecrationem.** 58. *Contra eum scripsit Petrus à Soto.* 59.

**Brigodæus Quæsuelli fidus Achates capitur.** 259.

**Bucerus.** *Ejus ortus, conditio, apostasia.* 48. 49. *Error circa Eucharistiam.* 49. *de Baptismo infantium, de Libris Canonicis, de Ecclesia, de Justificatione, de Conjugio, de Usuris. In Angliam migrat, ibi moritur. Ejus ossa exhumata, deinde reposita.* 50. 51.

**Bukoldiani Anabaptistæ Regnum mundanum, pluralitatem uxorum, communitatem bonorum statuebant.** 72.

## C

**C**ælibatum *Sacerdotum, Monachorum, blasphemat Calvinus.* 135.

**Calvinistæ Sacras Imágenes evertebant, Juda Satana & malitatoris imaginibus pepercere.** 124. 125. *eorum Secta Puritani, Independentes, Quakeri, Presbyteriani, Anglo-Calviniani.* 168. &c.

**Calvinus (prius Chauvinus.)**

*Ejus ortus, studia, hæresis initia, indoles.* 81. 82. *carpitis flagitii accusatur.* 83. *varias regiones lustrat.* 84. *ejus indoles à Luthero diversa.* 85. *perniciosus tamen.* 86. *in torto virum suum insinuat ut olim.* *Diabolus. In Aquitaniam secedit.* 87. *verum metu Regis Gallia fugit Basileam, mox in Italiam, inde Genevam se contulit.* 88. *ibi novam Synagogam cum Farellis condidit: à Farellis tamen de Trinitate & aliis accusatur.* 89. *Genevâ ejicitur. ibid. Basileam pergit, Genevam reversus ibi Sectam suam figit & uxorem ducit.* 90. *Facultatem Parisiensem imò & Paulum III. contemnit.* 90. 91. *ejus cum Bolfeco contentio de Prædestinatione.* 93. *Servetum igni tradi curat.* 94. *Hæreticos gladio coercendos contendit.* 95. *suos tamen hæc pœnâ puniri dolet.* 96. *plures ex eis Parisiis capti.* 97. *Contra Trinitatem scribit Calvinus. Calviniana pestis per Gallias serpit, comprimitur, sed frustra.* 97. 98. *Calvini obitus, qualis fuerit, discutitur. Summam vires gravitatem affectavit.* 99. *Calvinus de Trinitate malè sentit.* 107. *Christum Mediatorem facit etiam secundum Divinam naturam, apud inferos damnatorum pœnas passum dicit.* 108. 109. *Deum peccata non permittere sed ad ea efficaciter movere, non præscire lapsus sed*

*sed predestinare liberum arbitrium ad bonum extinguit, Deum voluntatem necessitare dicit, concupiscentiam etiam post Baptisma esse peccatum sed non imputari. 109. 110. De justificatione errat. 110. 111. 112. 113. Opera etiam iustorum sordes & peccata esse & sine merito dicit. 114. 115. Potestatem absolvendi à peccatis & satisfactionem pro eis negat. 116. 117. Indulgentias, Purgatorium tollit. 118. 119. 120. Angelorum, Sanctorum invocationem ac Imaginum cultum detestatur. 120. 121. 122. &c. De Romano Pontifice, de Ecclesie Legibus & Conciliis impie loquitur. 127. 128. &c. Verba Sacramentorum esse concionatoria non consecrativam, nullam eis inesse vim conferendi gratiam ex opere operato dicit. 127. 128. 129. nec plus efficacie habere quam Sacramenta. 140. 141. Characterem Sacramentalem negat. 141. Tria tantum Sacramenta admittit. 142. Intentionem Ministri non esse necessariam dicit. 142. 143. De Baptismo & Eucharistia errores. 142. 144. &c. Episcopos convertit in Ministros: modum eligendi. Conistorium creavit. 156. Ritus baptizandi infantes, ac Cenam celebrandi, novos instituit. 160. 161. Matrimonia fac. lè solvit. 165. 166. Usuras Divino jure vetitas negat.*

*Cameracenlis Archiepiscopus*

*edito Libro Quæstionum suspectarum se reddidit: damnatus ex eo 31. Propositionibus non solum se se submisit, sed publico Edicto suam obedientiam testatus, eas amplius teneri & Librum legi omnibus sue Diocesis prohibuit. 290. 291. 292. 293. Carlostadius (sen Carolstadius) absente in sua Patria Lutbero, etsi Sacerdos, primus nuptias sacrilegas contraxit, & de eis Missam propriam edidit, deinde Missam penitus sustulit, Imagines à Templis eiecit, Eucharistiam profanis manibus atretulari fecit. 32. Fremente, contra ipsam Lutbero vitam miseram agere coactus, in suis erroribus persistit: In Eucharistia Christi Corpus & sanguinem re ipsa esse negavit. 33. Quid de eo Melancthon scripserit. 34. Peste obiit. ibid. Casus Conscientie Liber turbas excitat. 253. proscribitur. 254. Cathari Anabaptista qui se ab omni peccato immunes pronuntiabant. 73. Catharine cum Henrico VIII. nuptie. 182. ejus pietas. ibid. de ejus repudio Acta 185. 186. 187. 190. ejus constantia & mors. 193. Chemnitius Melancthon additis Protestantibus cum Catholicis ac inter se conciliare in cassum conatur. Edidit Examen Concilii Tridentini, in quo pro arbitrio aliqua reprobant, aliqua suo modo admittit. Libros Canonicos restringit. Pro textibus Hebrai-*

braico & Græco pugnant ad eos  
Vulgatam corrigi vult. Traditiones  
reiecit. Dei Imaginem  
peccato originali dicit extin-  
ctam: bona opera salutem non  
mereri. Sacramenta ad solum  
Baptisma & Eucharistiam re-  
stringit, quæ omni efficaciæ spo-  
liat. Christi præsentiam in solo  
usu ponit. De Pœnitentia,  
Purgatorio, S.S. invocatione,  
malè loquens, multa falsè im-  
ponit Catholicis. 60. 61. 62.

Christus Mediator non fuit se-  
cundam Divinam naturam.  
Damnatorum penas apud in-  
feros non fuit passus. 108. 109.  
Clancularii Anabaptistæ, sat esse  
clam tenere fidem. eamque pa-  
lâm negare licitum, dicunt. 73.

Clemens VII. Catharinæ repudio  
abstulit. 158. 186. sed inca-  
sum. 187. 188. &c.

Clemens XI. edit Constitutionem  
Vineam Domini. Librum  
Reflexionum Moralium Brevi  
damnat. 262. deinde Consti-  
tutionem Unigenitus edit. 263.  
264. &c.

Cœnæ Calvinisticæ celebranda  
ritus. 160. 161. varius. 162.  
ad eam Lutheranos admittunt.  
163. contra Calvinii mentem.  
164.

Concilia præsertim Romana con-  
temnit Calvinus. 136. Refu-  
tatur.

Concistorium Calvinisticum. 156.  
Refutatur. 159.

Concupiscentia in renatis non est  
peccatum. 110.

Condormientes Anabaptistæ om-  
nes in una aula cum mulieribus  
promiscuè dormiebant. 78.

Confessio Agassiana. Ejus au-  
ctor Melancthon. 44. 45. à qui-  
busdā habitæ fuit ut Verbum  
Dei. 55. ab Osiandro, Brentio  
& aliis rejecta. 56. 57. 58.

Confessio peccatorum Sacerdoti  
est de jure Divino. 116.

Consubstantialis vocem Calvinus  
reiecit. 107.

Cranmerus. 188. impœnitens com-  
buritur. 199.

Cromwellus. 188. in Sanctos im-  
pius. 194.

S. Cyprianus pro Ecclesia Roma-  
na. 128. 130. Undè hereses pro-  
cedant. 293. 294.

## D

Davidiani seu Georgiani à  
Davide Georgio Anabapti-  
starum Sectæ Resurrectionem,  
Dæmones, extremum Judicium  
negabant; mulierum communio-  
nem admittebant, stultum esse  
pro fide mortem pati; Legem  
per Christum traditam esse im-  
perfectam, suam verò perfectam  
esse dicebant, Davidem Georgi-  
um alterum esse Davidem  
ac Messiam, aliaque insana ef-  
futebant. 74.

Denkiani. Anabaptistæ Dæmo-  
num existentiam negabant. 73.  
Deus voluntatem non necessitat.  
116.

## E

**E** Breduense Concilium à  
D. Petro de Tencin modo  
S. R. E. Cardinali contra Epi-  
scopum Senecensem, in Consti-  
tutionem Unigenitus refracta-  
rium cogitur. Ad illud Epi-  
scopus Senecensis tandem ac-  
cessit. Protestatus contra ipsum,  
reiectus fuit. 267. 268. 269.  
Ipsu petente alii Episcopi sibi  
non suspecti ad Concilium vo-  
cantur. 270. Sententia contra  
ipsum pronuntiat. 271. Con-  
cilium hoc à Benedicto XIII.  
& ab universa Ecclesia plausu  
suscipitur. 274. 272. Vid. Se-  
necensis. Synodi Catholica Fi-  
dei professio. 268. Contra ipsam  
irriti Sectatorum conatus.  
272. 273.

Ecclesia potestatem habet. ferendi  
leges, in conscientia obligans es.  
133. 134.

Ecclesia unicum vice Christi Ca-  
put habet S. Petrum, non ge-  
minum scilicet Petrum & Pau-  
lum. Error iste refellitur. 255.  
256.

Eduardus VI. puer novennis An-  
glia Rex & supremum Eccle-  
sia Anglicana Caput procla-  
matur. Omnibus hæresibus viam  
aperit, sub ipso omnia Catho-  
lica Religiois signa abolentur:  
ejus mors. 196. 197.

Efrontes Anabaptista loco Ba-  
ptismi suiciput scarificabant.  
73.

Ejulantes Anabaptista ejulati-  
bus semper plangebant. 73.

Elisabetha Anglia Regina primò  
se Catholicam simulans, inaugu-  
rationem suam Paulo IV. si-  
gnificavit, sed Pauli respon-  
so offensa conceptam hæresim  
prodere capit; rescissis Marie  
sororis Aëtis, Eduardi fratris  
Aëtis restituit. Monstruoso fla-  
gitio supremi Anglicana Ec-  
clesia Capitis jus sibi semina-  
arrogavit, Clerum omnesque  
Episcopos juramento sibi ad-  
stringi voluit, Ecclesie bona  
diripuit &c. 201. 202. 203.  
Alia verè impia, Pii V. Bulla  
exasperata, patravit. 204. Nu-  
ptias rejecit. Diu regnavit,  
tandem obiit. 205. 206.

Episcopatum sustulit Calvinus.  
156. immerito tamen. 158.

Erasmi de Calvinò prædictio. 84.

Eucharistia. Ab ea Transubstan-  
tiationem Calvinus aufert, &  
realem Christi præsentiam  
Eam adorandam & asservân-  
dam negat; solâ fide mandu-  
cari a bonis, non ab impiis asse-  
rens. Consuetudinem semel sal-  
tem in anno eam suscipiendi  
reprobat. Rejicitur tamen. 147.  
148. 149. 150.

Euchitæ Anabaptistarum Secta  
solis precibus vacandum esse  
dicebant. 73.

## F

**F**ides sola non justificat, non  
est in solis Electis. Amitti  
potest, datur fides informis.  
111. 112. 113. An solis S. Servi-  
tutis ininitatur. 152.

Fi-



Filium Dei continuò à Patre generari, Calvinus impè negat.

107.

Fischerus Henrici primatui deceptus annuit. 188.

Flacius seu Flaccus Matthias Illyricus Lutero priùs ac Melancthone addiçtus, deindè ab Adiaphoristis & Melancthone recessit. Unus & Centuriatoribus Magdeburgensibus fuit.

59. Peccatum originale esse ipsam substantiam hominis dicebat, qua amissâ imagine Dei libero arbitrio & omni motu ad bonum, necessitate inevitabili fertur ad malum, à quo sola fides sine operibus eam liberare potest. Undè qui eum sequuntur, Substantialistæ dicuntur.

60.

Franciscus I. Gallie Rex in Sacramentarios sevit. 87. 91. 92. Maroto favit, sed monitus eam abiecit. 104.

Frates Caritatis Anabaptista omnia egentibus dabant. 73.

Fulbertus Carnotensis de Berengario. 84.

## G

Genilis Valentinus Servetus de Trinitate erroribus suis addidit. Hæi Genevæ revocasse visus est, eos tamen retinuit; quos metu supplicii iterum ejuravit, ut refert Calvinus. 212. 213. Editò juramento de Genevâ non discedendo, sed clâm aufugiens, in Helvetia capite plexus est. 213. 214.

Tom. VII. Par. V.

Gomarista, seu Contra-Remonstrantes, à Gomaro dicti, Arminianos impugnant, & vincunt.

176. 177. 178.

Gratia quâ iusti sumus non est sola imputatio iustitiæ Christi.

111.

Grotius Hugo Arminianis favet & à Gomaristis multa patitur.

178.

De Guion in Gallia femina Molinos labe infecta à D. Bossuet editis Libris corripitur. 289. qua tamen reclusa postea fuit.

290.

## H

Hæreses cur permittit Deus. 2. 3. Non formidandum si aliquandiu durent. 4. Torrentes sunt, diù stare non possunt, ait S. Augustinus. 5. Inter se pugnant. 55. 56. 57. Eis fidentum non est. 56. Contra Ecclesiam concordēs sunt, etsi inter se discordēs. 57. 63. 64. Hæretici miracula à suis editamentis soliti. 275. Ex non obedientia Summo Sacerdoti procedunt. 293. 294. Statue, quam in somnio vidit Nabuchodonosor; comparantur. 295. 296. 297.

Hæreticos contumaces gladio puniendos censet Calvinus. 95. 96.

Henricus VIII. Angliæ Rex.

Ejus pro fide Catholica operâ & scripto zelus. 179. 180. Nuptiæ cum Catharina fratris defuncti uxore. 180. 181. 182.

Dissimilitudo morum inter conjugum.

Qq

- juges, & Volsai adulatio faciem repudio præbuit. 182. 183.  
 Uxor ut Clemera VII. opem ferret ei suavit. 183. 184. Henricus libidinibus deditus. 182. cum.  
 Anna Bolena (ut fertur ejus filiâ) nuptias meditatur repudiâtâ Catharinâ. 185. 186.  
 Clerum sibi tentat subigere. 187. Cum Anna Bolena nuptias contrahit. 190. 191. Ejus in Monachos furor. 191. 194.  
 scelera alia. 192. Annæ Bolenam supplicio tradit, cum Jana Seimera nuptias inuit, articulos de Religione condit. 193. 194. Contra Sanctos & Imagines. 194. Aliæ ejus uxores. ibid. Quid egerit ante mortem, qualis fuerit ejus mors, & quos Regni hæredes instituerit. 195. 196.  
 Helychastæ Quietistæ veteres nuncupati. 278. 279. Contra eos Barlaam Monachus. ibid.  
 Hosius de Zuinglii spiritu. 41. Ejus monitum ad Regem Poloniae. 56. pro Missa. 151. 152.  
 Hofmanniani. Vid. Melchioritæ.  
 Hugonoti Calvinistæ in Gallia. Sed unde sic dicti non liquet.  
105. Galliarum Ecclesias, SS. Imagines, Reliquias, & Eucharistiam profanarunt. A Ludovico XIV. à Galliis ejecti.  
 Ei proinde Innocentius XI. gratulatur. 106. 107.  
 Hutitæ Anabaptistarum Secta diem Domini inflare dicentes omnia obliguriebant. 72.

## I

- Jana Seimera Henrici VIII. uxor. 193. in partu edito Eduardo moritur. 194.  
 Janfenii duo: unus Episcopus Gandavensis qui laudatâ Opera scripsit, alter Tprensis de quo hic sermo est. 240.  
 Janienii Tprensis patria, studia, cum Abbate de S. Cyrau familiaritas. 240. moriturus Opus quod inscripserat Augustinus & alia correctioni S. Sedis testamento obediens subjecit. 241. quod etiam antea fecerat. 242.  
 De Janfenii Tprensis scriptis post ejus mortem judicium & errorum damnatio. 242. 243. à ferè omnibus Universitatibus, quibus tamen Janfenistæ resistebant. 244. 245. Episcopi Galliæ ad Innocentium X. confugiunt, supremum ejus judicium postulant. 245. 246. Innocentius ex Libro Janfenii Augustinus quinque Propositiones damnat. 246. 247. Ejus judicium Episcopi Galliæ debitâ veneratione suscipiunt. 248. 249. Varia Janfenistarum ad illud eludendum effugia. 249. 250. Alexander VII. postulantibus Galliæ Episcopis Formularium præscribit. 251. Ei subscribere recusantes, Rege etiam mandante, se submitteant. 252. Liber sub titulo Casus Conscientiæ novas turbas excitat. 253. Romam delatus, à Clemente XI. Bullâ Vinea Domini præscribitur. 254.  
 Je-

## L

Jejunia ab Ecclesia statuta, sunt observanda. [134.](#)

Illyricus. *Vid.* Flacius.

Imaginum Sacrarum usus & cultus licitus. [122.](#) [123.](#) Imago ab Idolo differt. [123.](#) Non coluntur ut Dii. [124.](#)

Independentes, Secta Anglia. [169.](#)

Indulgentiæ. Contra eas Lutherus. [8.](#) [9.](#) &c. Calvinus. Probantur. [118.](#) [119.](#)

Innocentius X. Jansenii Librum damnat. [246.](#) [247.](#)

Innocentius XI. Ludovico XIV. ob ejusmodi Hugonotos gratulatur. [106.](#) [107.](#) Damnat Molinos. [282.](#) &c.

Joannes Leydensis Anabaptistarum Regem se constituit. Pluralitatem uxorum inducit. Regem justitia in terra se inscribit. Ad novum Evangelium prædicandum Apostolos mittit, velut alter Christus, suos ad cenam invitat. Tandem captus supplicio afficitur. [70.](#) [71.](#) [72.](#)

Joannes Matthiæ Anabaptista. Ejus favor. Casus interit. [69.](#) S. Irenæus pro Romanæ Ecclesiæ primatu & fide. [111.](#)

Justificatio non fit per meram imputationem justitiæ Christi, sed per gratiam, non per solam fidem exclusis operibus; de ea nemo certus est. Non est propria Electorum, salvâ fide amitti potest. Fides formata & informis admitti debet. A mandatorum observantia salutis fiducia pendet. [110.](#) [111.](#) [112.](#) [113.](#)

L Eodienfis Ecclesia Aethiæ contra Quæsnellistas. [277.](#) [278.](#)

Leo X. Romam vocat Lutherum: is tamen se excusat. [12.](#) Thomam de Vio Cardinalem Legatum mittit. [12.](#) nihil tamen obtinet. [13.](#)

Levellerii Angliæ Secta. [170.](#)

Libertini Anabaptistæ à Quintino quodam errores ad eos errorum profitebantur, ut Calvinus ipse Librum contra eos scripserit. [74.](#) [75.](#)

Ludovicus XIV. Hugonotos à Galliis ejicit, ab Innocentio XI. propterea laudatus. [106.](#) [107.](#)

Lutheri Discipuli à Magistro & inter se discordes. [32.](#) [33.](#) &c. Lutherani molles. [44.](#) Babelica inter ipsos confusio. [47.](#) [48.](#) [61.](#) [64.](#)

Lutherus sua dogmata se habuisse de Cælo falsè jactans, omnes Patres contemnit. [3.](#) Eodem anno natus, quo Ferdinandus Cortesius & S. Ignatius Lojola. [5.](#) [6.](#) [12.](#) Nomen sibi mutavit. [6.](#) Vilis fuit conditionis. *ibid.* Ejus studia. Terrore fulminis magis quàm pietate factus Monachus, qualis apparuerit. [7.](#) Ejus cum Diabolo commercium. [6.](#) [7.](#) [8.](#) Ejus hæresis initium & occasio ex Indulgentiis ortum habuit. Staupitius Generalis ei initio favet. [8.](#) [9.](#) Ipsum tamen postea penitus sevit. [10.](#) Contra Tetzelium Lutherus furit. Ejus Theses publicè comburit. [10.](#)

Obedientiam Leoni X. simulat.

11. Thomam de Vio Legatum eludit, elabatur, & contra Leonem X. impiè blasphematur. 12.

13. Ab eo damnatus Libros Decretales publicè comburit.

14. 23. Ejus errores damnati.

14. 15. 16. 17. 18. 19. Pro ipsius contra Prieratem & alios impudenter pugnat. 20. 21. Contra Epistolam S. Jacobi impiè loquitur, contra Papam. 22. 23.

24. &c. Contra Sacramenta, Missam, Vota &c. 25. 26. 27.

28. Diabolo suadente Missam se abrogasse dicit. 29. 30. Contra Votum castitatis apertè pugnat. 30. 31. Ejus mors qualis fuerit. 31. 32. Nullum si-

gnum suæ à Deo missionis ostendere potuit. 66. 67. Anabaptistarum Sectam præformavit.

68. Postea reprobovit. 75.

## M

**M**aria Angliæ Regina Pri-  
matum ab Heurico patre  
usurpatum rejicit. Catholicam  
fidem curat restituere. Cardi-  
nalem Polum à Julio III. Le-  
gatum obtinet. Pontifici obe-  
dientiam exhibet. De nuptiis  
cum Philippo Caroli V. filio  
agit. Sed brevi moritur. 198.

199. 200.

Marotus poeta versionem Psal-  
morum usque ad triginta sa-  
scepsit, Vatablo probante, sed  
infelicitè ac hæreticè. Ferraria  
indè Genevæ profugit  
ubi aliorum viginti versionem

edidit; quam eo mortuo Beza  
absolvit. 104.

Martyres falsi. 92.

Matrimonii apud Calvinistas ri-  
tus. 165. Pluribus casibus solvi-  
tur. ibid. Exempla afferuntur.  
166. 167.

Melancthon quis & unde fuerit.  
Lutbero comitem se adjunxit:  
ideòque plurimi ab eo factus.

43. 44. Doctrinam Lutheri  
emollire caput: unde ab eo Lu-  
therani molles, seu Adiapho-

ristæ. Libri Confessionis An-  
gustanæ auctor fuit. 44. 45.

Varius in doctrina fuit. De  
Eucharistia primò visus fuit à  
Catholicis non dissentire. 43.

Postea tamen realem præsen-  
tiam solum in usu constituit,  
tandem ad Sacramentarios ac-  
cessit. 46. Solam fidem justifi-

care dixit, opera verò esse so-  
lùm fructus. 47. Missam non  
penitus abrogavit ut Lutherus,

sed Sacrificium esse negavit.

47. Moriens adhuc fluctuavit:  
tutorem tamen esse Catholi-  
cam fidem confessus est. 48.

Melchioritæ à Melchiorè Hof-  
manno Anabaptista dicti, qui se

Eliam dicentem Verbum non  
assumpsisse ex Virgine carnem,

unam tantum naturam habuisse  
dicebat; qui semel à gratia

peccando excidisset numquam  
recipi, & salutis assequendæ vi-

res esse à nobis. Padobaptismum  
esse à Diabolo. Millenarium  
quoque Regnum statuisse ser-

tiar. 72.

Missam abrogat Lutherus. 24.

*Satanâ magistro. 29. &c. Contra eam blasphematur Calvinus.*

*151. 152.*

*de Molinos Michael recentium Quiescentiarum parens, Hispanus, Libro edito Guida Spirituale errores suos secretò insinuare cepit. 280. Et quia sub specie annihilationis sui libertatem sensui laxabant à multis ejusvis status & conditionis etiam Romæ suscepti fuere. 280. 281. Eis & Molinos auctore detectis, ad eorum examen & Libri Guida Spirituale serid ventum est. Liber proscriptus & Molinos cum duobus sociis omnibus stupentibus carceribus S. Officii Romæ nuncipatus est. 281. 282. Ex ejus Libro 68. Propositiones erroneæ & ad tarpituidines allicientes damnatæ ab Innocentio XL Bullâ quæ incipit Cælestis Pastor recensentur. 282. 283. 284. 285. 286. 287. 288. Molinos ipse Confessus publicè eas abjurare compulsus, in carcere post decennium signa penitentia exhibens obiit. 288. 289. Hæresis hæc ad omnes alias viam parat. ibid.*

*Monachatus vota, statum &c. blasphemant Lutherus. 25. Calvinus. 124. 125.*

*Morus Thomas. Ejus pietas. 187. In martyrio constantia. 191. 192.*

*Muntzerus Thomas Anabaptismum rerumque communiatem ex Evangelio prædicandam, seque à Deo missum Apostolum annuntiabat, dicens Papam bo-*  
Tom. VII. Par. V.

*mines nimis ligare, Lutherus verò nimis indulgere: idèdque corpus jejuniis macerandum esse dicebat. Impiè Deum precabatur. Lutherus tandem eum falsò se à Deo missum jactare scripsit, cum nullum signum suæ à Deo missionis ostenderet, sed hoc adversùs Lutherum militat. 66. 67. Vera Muntzeri signa; fuerant seditiones & cædes. 68. Captus & ad supplicium ductus an respexerit dubitatur. 68. 69.*

## N

*de Noailles Cardinalis, priori damnatione Libri Reflexionum Moralium à Clemente XI. factâ; per Breve commonetur, finali tamen Sedis Apostolica judicio submittere paratum se exhibet. 262. Primò tamen edita Constitutionis Unigenitus nuntio, eam quidem Edicto suo probat, sed in Comitibus eam acceptare abnuat. 265. Malè de eo Roma sentitur. 266. De sacra Bullæ submissione serid cogitans, ad Benedictum XIII. scribit, & de hoc spondet se Edictum promulgaturum. 273. quod scitò implevit. Pontifex gaudium suum coràm Consistorio Cardinalium testatus fuit. 274. Cardinalis de Noailles in unitate constans brevi obiit. 274. 275.*

## O

- O** Chinus quis fuerit : unde ejus errorum occasio . 214.  
215. De Trinitate malè sensit .  
 Pro polygamia pugnavit . In Angliam se contulit , inde ejus in Poloniam se recepit ubi peste obiit . An errores ejuravit , in dubium est . Scripta pestilentissima reliquit . 215.
- O** colampadius quis fuerit . Zuin-  
 glii fidus Achates , ejus erro-  
 res sequutus post mensem ab  
 ejus nece obiit , de sua fide ac  
 sorte incertus . 42. 43. Traditio-  
 nibus contra Anabaptistas  
 pugnat . 78. 79.
- O**pera justorum non sunt pecca-  
 ta . 114. sunt meritoria . 115.
- O**siander hominem justificari non  
 fide sed eadem justitiâ , quâ  
 Deus justus est , docebat , ideo-  
 que justum esse naturâ non  
 gratiâ . A Lutheranis reproba-  
 tur . 54. 55. Quia Confessioni  
 Augustanæ contrarius . 55. 56.  
 Ejus infelix obitus . 57.

## P

- P**apa . *Vid.* Romanus Pontifex .
- P**aris Diaconus *Quesnellista* . Mi-  
 racula ab eo post mortem pa-  
 trata finguntur , & damnantur .  
274. 276.
- P**auli III. in Henricum VIII. sen-  
 tentia . 192.
- P**eccatum non est solius qui exe-  
 quitur , sed & ejus qui mandat  
 & movet . 109. Non omne mor-  
 tale est . 113.

- S.** Petrus unicum vice Christi Ec-  
 clesiæ Caput , non duo , nempe  
 SS. Petrus & Paulus . 255. 256.
- P**etrus Caroli Calvinum accusat ,  
 quod malè sentiret de Trinita-  
 te . 89. & meritò . 107. Muri-  
 tur Catholicus . 89.
- P**iscatoriani in multis à ceteris  
 Calvinistis dissident . 172. Eo-  
 rum errores . 172. Ab ipsis hæ-  
 reticis damnati . 174.
- P**œnitentia satisfactio nem petit .  
112.
- P**olus Cardinalis Legatus in An-  
 gliam strenuè pro fide agit .  
200. Moritur . 291.
- P**ostelli errores : eos retractavit .  
236. 237.
- P**otestas absolvendi à peccatis à  
 Christo est . 116.
- P**resbyteriani , Secta in Anglia .  
169.
- P**rotestantes discordes . *Vid.* Hæ-  
 reses . *Vid.* Lutheri Discipuli .  
 Etsi Traditionum hostes , eas ta-  
 men contra Anabaptistas pro-  
 pugnant . 77. 78. 79. 96. Nul-  
 lum sue à Deo missiois signum  
 proferre possunt . 157. 158.
- P**rovidentia Dei pro Ecclesia . 2.  
3. &c. 5. 10. 11. Contra hære-  
 ses . 50. 51. 52. 53.
- P**urgatorium post hanc vitam  
 probatur . 119. 120.
- P**uritani Calvinistæ rigidiores .  
 Secta potens in Anglia . 168.

## Q

- Q**uakeri Angliæ Secta . 170.  
*Quesnellus* Paschasius .  
 Ejus ortus , studia , Liber  
 Re-

*Reflexionum Moralium super Evangelia primò editus deindè auctus, cum planfu susceptus. 257. Viri in eo contentum aliquamdiu latuit. Parisiis Quesnellus expulsus, Aurelianum postea in Belgium se contulit, ubi cum Arnaldo Jansenista familiariter, ad ejus usque mortem vixit. 258. Ad sequestrum ab Archiepiscopo Mechliniensi quasi us fugâ elabitur. 259. D. etentus nomen occultat. Ductus ad sequestrum perforato pariete elabitur. ibid. Paulum nostri temporis enim appellarunt Seditarii, sed quàm falsò. 260. 261. Librum Reflexionum Moralium Clemens XI. Brevi dato proscribit. Turba in Gallia excitantur. Card. de Noailles commouetur, qui tamen instante Rege finali Apostolica Sedis judicio se subijcere promissit. 262. Judicio iterum serio examine assumto & invocato Dei Spiritu Clemens XI. Constitutione Unigenitus centum & unam Propositiones in prefato Libro damnavit. 263. 264. Hoc nuntio Quesnellista turbas in Gallia excitaverunt. Rex eam acceptandam indixit. Coactis Comitibus solus Card. de Noailles & octo Episcopi ex quadraginta resistere. Ab omnibus Gallie Episcopis & Regni Ordinibus jubente Rege publicatur. 265. Interim Ludovicus XIV. Rex verd pro fide strenuus moritur. Seditarii caput erigunt. De Card. de*

*Noailles Romæ malè cogitatur. 266. Ebreduani Concilium cogitur. 267. Vid. Ebreduenses. Contra Synodum Ebreduensem ad Parlamentum Quesnellista confugiant sed à Rege comprimuntur. 372. 373. Cardinalis de Noailles summo Benedicti XIII. gaudio Constitutioni Unigenitus se submittit & in unitate obit. 373. 374. Quesnellista commoti suo Diacono Paris miracula tribuunt. 375. quæ falsa probantur, & de eis scripta ab Archiepiscopo Parisiensi damnantur. 376. Leodiensis Ecclesia Aëta contra illos. 377. 378.*

*Quietistæ antiqui. 378. 379. & moderni. Vid. Michael de Molinos.*

*Quintinus Libertinorum auctor. Vid. Libertini.*

## R

*R Anteri Angliæ Secta. 170. Reformatores prætensi nullum suæ à Deo missionis signum proferre possunt. 157. 158.*

*Remonstrantes. Vid. Arminiani.*

*Ritus Calvinistarum in Baptismo in Cæna. 161. 162. 163. in Psalmis canendis, in festis, in matrimoniiis. 164. 165.*

*Romana Ecclesia. Contra eam Lutherus. 3. 4. 20. 22. 23. 24.*

*Ejus Primatus contra Calvinum. 127. 128. 129. Qui in ea non est, in Ecclesia Christi non est. 128. Primatum non soli personæ Petri Christus dedit. Hunc*

*Hunc non in Antiocbena sed in Romana Ecclesia Petrus reliquit.* 129. 130. 131. *Calvini in eam calumnia.* 132. 133.

*Romanus Pontifex. Ficta Lutheri obedientia.* 11. 19. *Aperta in eum blasphemia.* 13. 14. 20. 22. 23. 24. 132.

## S

**S**acramenta. *Eorum verba consecratoria sunt, non purè concionatoria.* 137. *Eis inest vis causandi gratiam ex opere operato.* 138. 139. *In hoc nova à veteribus distinguuntur.* 140. 141. *Aliqua characterem imprimunt.* 141. 142. *Tria solum admittit Calvinus.* 142. *In eis conferendis Ministri intentio requiritur.* 142. 143.

*Sanctorum invocatio Christi merita non obscurat.* 121. *Sancti in Cælis preces nostras audiant.* 122.

*Satisfactio nostra necessaria est, nec Christi merita obscurat.* 117. 118.

*Schwenckfeldius. Scripturam Sacram rejicit. De Christo fuisse in utero B.V. conceptum negat sed à Deo creatum asserit, & post ascensum in Cælum carnem ait ejus deificatam. Personam Filii esse Personam Patris. Dona Spiritus Sancti esse puram Dei essentiam, & omnes Christianos esse naturales Dei filios. Corpus Christi ubique esse.* 51. 52. 53.

*Scripturæ Sacræ Libri Canonici*

*qui sunt.* 153. 154. *Ejus Vulgata editio.* 154. *Scripturam tunc interpretari cujus sit.* 155.

*Senecensis Præsul D. de Soanen adversus Bullam Unigenitus Instructionem Pastoralem edit. Ad Synodum Ebrædunensem vocatur. De ejus incompetencia protestatur.* 267. 269. 270. *Ad Synodum pompaticè accedit.* 268. *Instructionis Pastoralis, quam suam esse fassus est, à Synodo damnatur.* 269. *Alios Episcopos judices petit & obtinet, sed ab his etiam damnatur.* 270. *Sententia contra ipsum.* 271.

*Separati Secta Anabaptistarum, quæ omne humanum commercium fugiebat.* 73.

*Serveti errores veris blasphemias de Trinitate, de Christo &c.* 206. 207. 208. 209. 210. 211.

*Servetiani à Serveto præter Anabaptistis communia in Trinitatem blasphemabant.* 73. 94. *Vid. infra. Servetus igni traditur promovente Calvinio.* 94. 206.

*Silvester Prieras scribit contra Lutherum, sed contemnitur.* 12. 20.

*Socinus Lælius & Faustus, patrui & nepos, à quibus Sociniani. Eorum patria, vita & mors.* 216. 217. *Errores de Trinitate, Filio Dei, Spiritu Sancto.* 217. *de Christo.* 218. 219. *de Homine, de peccato originali, de Baptismo, de Eucharistia, de Lege, de Præceptis,*



*pti, de Gratia, de Salute, animabus, resurrectione, de Ecclesia &c.* 220. 221. 222. 223. *Secla hac omnium errorum coluvies varias Regiones infecit.* 229.

*Spinosa à nativitate Judæus, postea nomine Christianus, revera Atheus, Librum Theologico-Politicum titulo edidit.* 257. 258. 259.

*Staupitius initio favet Luthero, ipsum postea pœnituit.* 8. 10.

*Storkius Nicolaus ( Pelargus dictus ) confectis à Michaele Archangelo revelationibus ad re-baptismum & cædes sub specie libertatis Evangelicæ contra Magistratus, Episcopos &c., populos accendit.* 65.

*Strigelius ab eo Synergistæ.* 60.

*Substantialistæ à Flacio Illyrico.* 60.

*Synergistæ à Strigelio viribus humanis nimium tribuunt.* 60.

## T

*Tetzeli Lutheri theses igni tradit, idipsum Tetzeli thesibus Lutherus rependit.* 10.

*Thomas de Vio Cajetanus contra Lutherum Legatus ad dicendam causam urget, recusat iste, tandem elabatur.* 12. 13.

*S. Thomas pro Baptismo puerorum contra Anabaptistas.* 76. 77. *Pro unico Ecclesiæ Capite.* 255. 256.

*Traditione vel ipsi Lutherani & alii eam aspernantes contra Anabaptistas utantur.* 77. 78. 79. *Quotuplex sit.* 153.

## V

*Volfæus repudii Catharinæ primus Henrico VIII. auxilior.* 182. 183. *ut Clementi VII. opem ferret Henrico suavit.* 184. *in Galliam mittitur.* ibid. *infelix obitus.* 186. 187. *Vota celibatus & alia blasphemant Lutherus.* 25. *Calvinus.* 134. 135.

*Usuras Divino jure vetitas negat Calvinus.* 167.

*Westphalus de Zuinglio quid sentiat.* 38.

*Willagagno expeditionem in Americam parat ad Calvinum Sectam ibi propagandam, sed re infestâ rediens, ipse ad fidem Catholicam cum suis redit.* 96.

*Wolmarus Calvinum seducit.* 82. 83.

## Z

*Zuinglius in Helvetia natus ibi errores suos spargere cepit contra Indulgentias & realem Christi in Eucharistia præsentiam, contra Missæ Sacrificium, contra præcepta jejunii, contra Vota castitatis, Papam, Confessionem, Satisfactionem, Purgatorium &c.* 35. 36. *Indè Eucharistia circumgestatio & adoratio ab eo prohibita, Reliquiæ sublata, Missa Tiguri abrogata. In Cæna merum panem & vinum distribui dixit in memoriam mortis Christi. Quis fuit Monitor, à quo in somno hoc*

*boc fuit edocuius, se nescire dicit. 37. Westphalus eum arguit. 38. Insuper Sacramenta etiam Baptisamus dixit esse puram testimonium gratia jam suscepta. Originale morbum esse, non peccatum. 38. 39.*

*Contra eum Catholici disputarunt: error tamen Zuinglii apud Helvetios praevaluit. 40. In praelio Zuinglius necatur. 41. Qualis fuerit ejus spiritus: ibid.*

FINIS.







